

ନାଗିନୀ କନ୍ୟାର କାହିଁନୀ

ଅରାଶଙ୍କର ବନ୍ଦ୍ୟୋପାଧ୍ୟାୟ

ଡି. ଏମ. ଲାଇସେନ୍ସି

୫୨, କମ'ଣ୍ଡୋଲିଶ ଷ୍ଟିଟ,

କଲିକତା—୬

୧୯୧୯

দাম চার টাকা

২২ নং কনগোলিশ স্ট্রিট, কলিকাতা—৬ ডি, এম, লাইব্রেরী হইতে শ্রীগোপালদাস মজুমদার কর্তৃক প্রকাশিত ও ৮৩৬ বি, বিবেকানন্দ রোড, কলিকাতা—৬, বাণী-ত্রী প্রেস, শ্রীমদ্রৌদ্রী দ্বারা মুদ্রিত। প্রচ্ছদ শিল্পী—অশু বন্দ্যোপাধ্যায়।

শ্রীনারায়ণ চৌধুরী

শ্রীসন্তোষ ঘোষ

শ্রীঅনিল চক্রবর্তী

মেহাস্পদেষু

মা-ভাগীরথীর কূলে কূলে চরভূমিতে ঝাউবন আর ঘাসবন—তারই মধ্যে বড় বড় দেবদারু গাছ। উলুঘাস কাশশর আর সিদ্ধি গাছে গাছে চাপ বেঁধে আছে। মাগুষের মাথার চেয়েও উঁচু। এরই মধ্যে গন্ধার ঘোত থেকে বিচ্ছিন্ন হিজল বিল এঁকে বেঁকে নানান ধরনের আকার নিয়ে চ'লে গেছে। ক্রোশের পর ক্রোশ লম্বা হিজল বিল। বর্ষার সময় হিজল বিল বিস্তীর্ণ বিপুল গভীর, শীতে জল ক'মে আসে, গন্ধার টানে ন নেমে যায়, স্থূর্ধের উত্তাপে শুকিয়ে আসে, তখন হিজল বিল টুকরো-টুকরো। হিজল বিল থেকে নালার শতনরী গিয়ে মিশেছে গন্ধার স্রোতের সঙ্গে; আশ্বিনের পর থেকে টুকরো-টুকরো বিলগুলিকে দেখে মনে হয়—ওই হারের সঙ্গে গাঁথা কালো মানিকের ধুকধুকি। তখন হিজল বিলের জলের রঙ কাজল-কালো, নীল আকাশ জলের বৃকে স্থির হয়ে আসে, যেন ঘুমোয়। চারিপাশের ঘাসবনে তখন ফুল ফোটে। সাদা নরম পালকের ফুলের মত কাশফুল, শরফুল—অজস্র রাশি রাশি। দূর থেকে মনে হয় শরতের সাদা মেঘের পুঞ্জ বুঝি হিজল বিলের কূলে নেমে এসেছে—তার রঙ ফিরে নিতে : ঘন কালো রঙ : বর্ষায় যা ধুয়ে ধুয়ে গ'লে গ'লে পৃথিবীর বৃকে ঝ'রে পড়ে জমা হয়ে আছে ওই হিজল বিলের জলের বৃকে। মধ্যে মধ্যে হিজল বিলের বাতাস ভ'রে ওঠে অপক্লপ স্রগন্ধ। গন্ধার বৃকে নৌকা চলে—নৌকার মাঝি-মাল্লারা বুঝতে পারে কোথা থেকে আসছে এ স্রগন্ধ। তারা প্রশ্ন করে না,

কোন কথাও বলে না—শুধু হিজল বিলের ঘাসবনের দিকে যেন অকারণেই একবার তাকিয়ে নেয়। আরোহী থাকলে তারাই প্রশ্ন করে—কোথা থেকে এমন গন্ধ আসছে মাঝি ?

মাঝি আবার একবার তাকায় হিজলের ঘাসবনের দিকে, বলে—ওই হিজল বিলের ঘাসবন থেকে বাবু। ঘাসবনের ভিতর কোথাকে বুনো লতায় কি বুনো ঝোপে-ঝাড়ে ফুল ফুটি থাকবে।

আর ওঠে বিচিত্র কলকল শব্দ।

আরোহী যদি ঘুমিয়ে থাকে তবে ভেঙে যাবে সে ঘুম। মধ্যে মধ্যে আকাশে বেজে উঠবে ঠিক যেন ভেরীনাড। করু করু করু করু করু। ভেরীর আওয়াজের মত শব্দ ছড়িয়ে পড়ে আকাশে। আরোহী জেগে উঠে সবিস্ময়ে তাকায়—কি হ'ল! কোথায়, কে বাজায় ভেরী? সত্যিই কি ভেরী বাজছে? মাঝি আরোহীর বিস্ময় অহুমান করে হেসে রাত্রির আকাশের দিকে তাকিয়ে বলে—পাখী বাবু! 'গগন-ভেরী' পাখী; হুই হুই উড়ে চলছে। হুই। বিপুল আকারের পাখী বিশাল পাখা মেলে ভেসে চলছে আকাশে। ভেরীর আওয়াজের মত ডাক, নাম তাই গগন-ভেরী। নীচে অগ্নি পাখীরাও কলরব করে ডেকে ওঠে।

বিলের বুকে হাঁসের মেলা বসেছে, কার্তিক মাস পড়তে না-পড়তে। হাঙ্গারে-হাঙ্গারে—ঝাঁকে-ঝাঁকে নানান আকারের বহু বিচিত্র বর্ণের হাঁস এসে বাস নিয়েছে। জলের বুকে ভাসছে, ডুবছে, উঠছে, বিলের চারি পাশের শালুক-পানাড়ি পদ্মবনের মধ্যে ঠুক্রে ঠুক্রে টাটি ভেঙে খাচ্ছে, ডুব দিয়ে শামুক গুলি তুলছে, কলরব করছে, মধ্যে মধ্যে পাক দিয়ে উড়ছে ঘুরছে আবার ঝপ-ঝপ করে জলের বুকে ঝাঁপিয়ে ভেসে পড়ছে। বহু জাতের হাঁসের বিভিন্ন ডাক একসঙ্গে মেশানো এক

কলরব। কল্-কল্, কল্-কল্, ক্যাঁক-ক্যাঁক, ক্যাও-ক্যাও, ক্যা-ও-ক্যা-ও।

নৌকার আরোহীরা সবিস্ময়ে আকাশের দিকে তাকায়—এই বিচিত্র সঙ্গীতময় শব্দ শুনে দেখতে পায় আকাশ ছেয়ে উড়ছে পাখীর ঝাঁক।

—এত পাখী!

—হিজল বিল বাবু। ওই তো ওই ঘাসবনের ঝাউবনের উ-পারে। ওই দলখেন নালাগুলায়, ওই সব নালা আসছে ওই বিল থেক্যা।

শিকারী প্রলুব্ধ হয়ে ওঠে, পুষ্পবিলাসী যারা তারাও ব্যগ্রতা প্রকাশ করে—শিকারে গেলে তো হয়! ওই ফুলের চারা পাওয়া যায় না মাঝি?

মাঝিরা শিউরে ওঠে। কপালে হাত ঠেকিয়ে প্রণাম করে। এমন কথাটি মুখে আনবেন না হজুর। “যমরাজার দখিন দুয়ার হিজলেরই বিল।”

সত্য কথা।

রাত্রি হ’লে সে কথা ব’লে বুঝিয়ে দিতে হয় না। ঘাসবনের কোল ঘেষে শ্রোত বেয়ে যখন নৌকা চলে তখন আপনি বুঝতে পারে আরোহীরা। জ্যোৎস্না রাত্রি হয়তো; হিজল বিলের উপরে আকাশে চাঁদ, জলে চাঁদ। সাদাফুলে ভরা কাশবন শরবন জ্যোৎস্নায় ঝলমল করছে—ঝাউগাছের মাথা নেবদারুর পাতা ঝিক-ঝিক্ করছে, বাতাসে ভরা ফুলের গন্ধ; আকাশে প্রতিধ্বনি উঠছে রাত্রিচর হাঁসের ঝাঁকের

কলকর্ষের ডাকের, এমন সময় সমস্ত কিছুকে চকিত ক'রে দিয়ে একটা ডাক উঠল—ফে-উ।

কয়েক মিনিট বিরতির পর আবার উঠল ডাক—ফেউ-ফেউ।

আবার—ফেউ-ফেউ-ফেউ।

এবার স্তব্ধ ঘাসবনের খানিকটা ঠাই সশব্দে ন'ড়ে উঠল, জলে কুমীর পাক খেলে—লেজের ঝাপটা মারলে যেমন আলোড়ন ওঠে জল যেমন উতলপাতল ক'রে ওঠে, তেমনি একটা আলোড়ন উঠল—সঙ্গে সঙ্গে শব্দ হ'ল—নিম্ন ক্রুদ্ধ গর্জন, গর্-র্! গ-র্-র্! ফ্যাস-ফ্যাস! গ-র্-র্।

চতুর কুটিল চিতাবাঘের বাসভূমি—এই ঘাসবন সিঁদ্বির জঙ্গল ঝাউ এবং দেবদারুর তলদেশগুলি। ফেউয়ের ডাকে ফিরে দাঁড়িয়ে উত্যক্ত চিতা লেজ আছড়ে নিম্ন ক্রুদ্ধ গর্জন করে শাসায়। গর্-র্ গ-র্-র্! কখনও কখনও এক-একটা উঁচু হাঁকও দিয়ে ওঠে, আঁ—ক্! আঁ—ও!

বিলের জলের ধারে কালো কিছু চঞ্চল হয়ে মুখ তুলে কান খাড়া ক'রে সোজা হয়ে দাঁড়ায়। গজরাই—গৌ-গৌ-গৌ! কখনও কখনও অবরুদ্ধ ক্রোধে অধীর হয়ে ছুটে যায় শব্দের দিক লক্ষ্য ক'রে। কখনও বা ছুটেও পালায়। বুনো গুয়োরের দল, বিলের ধারে মাটি খুঁড়ে জলজ উদ্ভিদের কন্দ খেতে খেতে বাঘের সাড়ায় তারাও চঞ্চল হয়ে ওঠে।

ভয় কিন্তু ওসবে নয়। চিতা বাঘ বুনো গুয়োর বন্যমের খোঁচায় লাঠির ঘায়ে মারা যায়। এ বেশের গোয়ালারা, চাবীরা দল বেঁধে অত্যাচারী চিতা বাঘ বুনো গুয়োর খুঁজে বের ক'রে মারে। ভয়ের আরও কিছু আছে। বাঘ, গুয়োর, এরাও তাদের ভয়ে সন্ত্রস্ত। ঘাসের বনের মধ্যে এককালি সরু পথের উপর দিয়ে যখন ওরা চলে, তখন চোখের দৃষ্টিতে দুটে ওঠে অতর্কিতে সাক্ষাৎ মৃত্যুর আক্রমণের আশঙ্কা। সামান্য শব্দে চকিত হয়ে থমকে দাঁড়ায়, কান পেতে শোনে, মুহূ গর্জন করে।

কোথা থেকে—হয়তো কোন ঝাউগাছের ডাল থেকে বা দেবদারুর ঘন পল্লবের মধ্য থেকে অথবা ঘন ঘাসবনের মাথার উপর বিস্তৃত লতার জাল থেকে একটা মোটা লম্বা দড়ি চাবুকের মত শিষ দিয়ে আছড়ে এসে পড়বে তার গায়ে—চোখের সামনে লক্-লক্ ক’রে ছলে উঠবে চেরা একখানা লম্বা সরু জিভ—মুহূর্তে বিধে যাবে একটা অগ্ন্যুত্তপ্ত স্তন্থ স্তনের মত কিছু ; সঙ্গে সঙ্গে মাথা হতে পায়ের নখ পর্যন্ত শরীরের শিরায় স্নায়ুতে ব’য়ে যাবে বিদ্যুতের প্রবাহের মত অল্পভূতি, পৃথিবী ছলে উঠবে, ঝিম-ঝিম ক’রে উঠবে সর্বাঙ্গ ; তারপর আর ভাবতে পারে না, দ্রবন্ত ভয়ে পিছিয়ে যায় কয়েক পা ।

হিজল বিলে মা-মনসার আটন । পদ্মাবতী হিজল বনের পদ্ম-শালুকের বনে বাসা বেঁধে আছেন । চান্দো বেনের সাত ডিঙা মধুকের সমুদ্রের বুকে বাড়ে ডুবিয়ে এইখানে এনে লুকিয়ে রেখেছিলেন । বৃন্দাবনের কালীদেহের কালীনাগ কালো ঠাকুরের দণ্ড মাথায় করে কালীদেহ ছেড়ে এসে এখানেই বাসা বেঁধেছে । কালীনাগ বলেছিল—তুমি তো আমাকে দণ্ড দিয়ে এখান থেকে নির্বাসন দিলে ; কিন্তু আমি যাব কোথায় বল ? ঠাকুর বলেছিলেন—ভাগীরথীর তীরে হিজল বিল, সেখানে মাহুঘের বাস নাই, সেখানে যাও । বিশ্বাস না হয় বর্ষার সময় গঙ্গার বন্যায় কখন হিজল বিল আর গঙ্গা এক হয়ে যায় তখন গঙ্গার বুকের উপর নৌকা চ’ড়ে হিজলের চারিপাশে একবার ঘুরে এসো । দেখবে জল-জল, আর জল ; উত্তর-দক্ষিণে, পূর্বে-পশ্চিমে, জল ছাড়া মাটি দেখা যায় না, জলের উপর জেগে থেকে ঝাউ আর দেবদারুর মাথাগুলি । দেখো আকাশে পাখী উড়ে চলেছে—চলেছে তো চলেইছে । পাখী ভেবে আসছে, তবু সে গাছগুলির মাথার উপর বসছে না, কখনও কখনও খুব ক্লান্ত পাখী গাছের চারিদিকে পাক দিয়ে ঘুরে হতাশকণ্ঠে যেন মরণ-কান্না কেঁদে আবার উড়ে

বেতে চেপ্টা করে। কেন জান? গাছের মাথাগুলির দিকে তাকিয়ে দেখে তীক্ষ্ণ দৃষ্টিতে। শরীর তোমার শিউরে উঠবে। হয়তো ভয়ে ঢ'লে প'ড়ে যাবে। মা-মনসার ব্রতকথায় মর্ত্যের মেয়ে বেনেবেটা মায়ের দক্ষিণমুখী যে মূর্তি দেখেছিল—সেই মূর্তি মনে পড়ে যাবে। মা বলেছিলেন বেনের মেয়েকে—‘সব দিক পানে তাকিয়ো, শুধু দক্ষিণ দিক পানে তাকিয়ো না।’ বেনের মেয়ে নাগলোক থেকে মর্ত্যধামে আসবার আগে দক্ষিণ দিকের দিকে না তাকিয়ে দেখে থাকতে পারে নি। তাকিয়ে দেখেই সে ঢ'লে প'ড়ে গিয়েছিল। মা-মনসা বিষহরির ভয়ঙ্করী মূর্তিতে দক্ষিণ দিকে মৃত্যুপুরীর অন্ধকার তোরণের সামনে অজগরের কুণ্ডলীর পদ্মাসনে বসেছেন—পরনে তাঁর রক্তাশ্রয়, মাথায় পিঙ্গল জটাজুট, পিঙ্গল নাগেরা মাথায় জটা হয়ে ঢুলছে, সর্বাঙ্গে সাপের অলঙ্কার, মাথায় গোখুরা ধরেছে ফণার ছাতা, মণিবন্ধে চিত্রিতা অর্থাৎ চিত্তি সাপের বলয়, শঙ্খিনী সাপের শঙ্খ, বাহুতে মণি নাগের বাজুবন্ধ, গলায় সবুজ পান্নার কঙ্কীর মত হরিদ্রক অর্থাৎ লাউডগা সাপের বেষ্টনী, বুকে ঢুলছে কালনাগিনীর নীল অপরাজিতার মালা, কানে ঢুলছে তক্ষকের কর্ণভূষা, কোমরে জড়িয়ে আছে চন্দ্র-চিত্র অর্থাৎ চন্দ্রবোড়ার চন্দ্রহার, পায়ে জড়িয়ে আছে সোনালী রঙের লম্বা সুরু কাঁড় সাপ পাকে পাকে বাঁকের মত ; সাপেরা হয়েছে চামর, সেই চামরে বাতাস দিচ্ছে নাগকন্টার। বিষের বাতাস। সে বাতাসে মায়ের চোখ করছে চুলুচুলু। মায়ের কাঁধে রয়েছে বিষকুন্ত, সেই কুন্ত থেকে শঙ্খের পানপাত্রে বিষ ঢেলে পান করছেন, আবার সেই বিষ গলগল ক'রে উগরে ফেলে বিষকুন্তকে পরিপূর্ণ করছেন। মায়ের পিঠের কাছে মৃত্যুপুরীর তোরণে অন্ধকার করছে থমথম।

এই রূপই যেন তুমি দেখতে পাবে গাছের দিকে তাকালে। দেখবে

হয়তো গাছের সবচেয়ে উঁচু ডালটি জড়িয়ে ফণা তুলে ফুঁসছে বিশাল-ফণা এক দূখে গোথরো। শকুনি গৃধিনীর আক্রমণকে প্রতিহত করবার জ্ঞান সে অহরহ প্রস্তুত হয়ে আছে। তারপর তাকাও ডালে ডালে। দেখবে, পাকে পাকে জড়িয়ে কি যেন সব নড়ছে, ছলছে, কখনও বা মাথা তুলে দাঁড়াচ্ছে। সাপ, সব সাপ। বগ্নায় ডুবছে হিজলের ঘাসবন, সাপেরা উঠেছে গাছের ডালে ডালে। কত নতুন কালীনাগ—কত দেশ থেকে গঙ্গার জলে ভেসে আসতে আসতে হিজলের ঝাউডাল দেবদারু-ডাল জড়িয়ে ধ'রে ধীরে ধীরে উপরে উঠেছে। খুব সাবধান! চারিপাশের জলের শ্রোতে সতর্ক দৃষ্টি রেখো, হয়তো ছপ ক'রে নৌকার কিনারা জড়িয়ে ধরবে শ্রোতে ভেসে চলা সাপ। গাছের তলাগুলি সম্বন্ধে এড়িয়ে চলো; হয়তো উপর থেকে ঝপ ক'রে খ'সে পড়বে—সাপ। হয়তো পড়বে তোমার মাথায়। 'শিরে হৈলে সর্পাঘাত তাগা বাধবি কোথা?'

হিজল বিলে মা মনসার আটন পাতা আছে—জনশ্রুতি মিথ্যা নয়।

প্রাচীন কবিরাজ শিবরাম সেন হিজলের গল্প বলেন।

সে আমলের ধনুস্তরী-বংশে জন্ম ব'লে বিখ্যাত ধূর্জটি কবিরাজের শিষ্য শিবরাম সেন। ধূর্জটি কবিরাজকে লোকে বলত—সাক্ষাৎ ধূর্জটি অর্থাৎ শিবের মত আয়ুর্বেদ-পারঙ্গম। ধূর্জটির 'সূচিকাভরণ' মৃতের দেহে উদ্ভাপ সঞ্চার করত। লোকে বলে—মৃত্যু যখন এসে হাত বাড়িয়েছে তখনও যদি ধূর্জটি কবিরাজের 'সূচিকাভরণ' প্রয়োগ করা হ'ত, তবে মৃত্যু পিছিয়ে যেত কয়েক পা, উদ্ধৃত হাত গুটিয়ে নিত কিছুক্ষণের জন্ত বা কয়েক দিনের জন্ত। নিয়তিকে লঙ্ঘন করা যায় না, কবিরাজ কখনও সে চেষ্টা করতেন না, তবে ক্ষেত্রবিশেষে তাঁর 'সূচিকাভরণ' প্রয়োগ ক'রে মৃত্যুকে বলতেন—'তিষ্ঠ। কিছুক্ষণ অপেক্ষা কর।'

‘দ্বী আসছে পথে, শেষ দেখা হওয়ার জন্য অপেক্ষা কর।’ এমনই ক্ষেত্রে প্রয়োগ করতেন ‘সূচিকাভরণ’ এবং সে প্রয়োগ কখনও ব্যর্থ হয় না। সাপের বিষ থেকে তৈরি ওষুধ ‘সূচিকাভরণ’—স্বচের ডগায় যতটুকু ওঠে সেই তার মাত্রা। মৃত্যুশক্তিকে আয়ুর্বেদবিজ্ঞান শোধান ক’রে মৃত্যুঞ্জয়ী স্বধায় পরিণত করতেন। সকল কবিরাজই চেষ্টা করে, কিন্তু তাঁর ‘সূচিকাভরণ’ ছিল অদ্ভুত। তিনি সাপ চিনতেন, সাপ দেখে তার বিষের শক্তি নির্ধারণ করতে পারতেন।

ওই হিজলের বিলের নাগ-নাগিনীর বিষ থেকে ‘সূচিকাভরণ’ তৈরি করতেন।

শিবরাম সেন গল্প করেন—তখন তাঁর বয়স সতেরো-আঠারো, দেশে তর্কপঞ্চাননের টোলে ব্যাকরণ শেষ করে আয়ুর্বেদ শিক্ষার জন্য ধূর্জটি কবিরাজের পদপ্রান্তে গিয়ে বসেছেন। হঠাৎ একদিন আচার্য বললেন—হিজলে যাবেন। সূচিকাভরণের আধারটি হাত থেকে প’ড়ে ভেঙে গেছে। নোকায় যাত্রা। সঙ্গে শিবরামের যাবার ভাগ্য হয়েছিল।

হিজলের ধারে এসে গঙ্গার বালুচরে নৌকা বাঁধা হ’ল। শিবরামই বলেন, অসংখ্য নালা-খাল গঙ্গায় এসে পড়েছে ঘাসবনের ভিতর দিয়ে। ঘন সবুজ ঘাসবন। বাতাসে ঢেউ ব’য়ে যাচ্ছে—সবুজ ঘাসের উপর; সন্ সন্ শব্দ উঠছে যেন কোন অভিনব বাজ্যন্ত্র বাজছে। বাউয়ের বনে শব্দ উঠছে সন্ সন্ সন্ সন্। আকাশে উড়ছে হাঁসের ঝাঁক। জনমানবের চিহ্ন নাই। হঠাৎ মাঝি বললে—খালের পালিতে কি একটা ভেক্তা আসছে কর্তা।

আচার্য কৌতূহল প্রকাশ করেন নাই। তরুণ শিবরাম কৌতূহল বশে নোকায় উপর উঠে দাঁড়িয়েছিল। বিস্মিত হয়েছিল—একটা বাচ্চা

চিতাবাঘের শব, তার উপরে কাক উড়ছে—মধ্যে মধ্যে বসছে, কিন্তু আশ্চর্য, খাচ্ছে না।

আচার্য বলেছিলেন—বিষ। সর্পবিষে মৃত্যু হয়েছে। ওর মাংস বিষাক্ত হয়ে গিয়েছে। খাবে না। হিজলের ঘাসবনে বাঘ মরে সাপের বিষেই বেশি।

হঠাৎ উঠেছিল পাখীগুলির আনন্দ-কলরব ছাপিয়ে কোন একটা পাখী আতঁ চীৎকার। সে চীৎকার আর থামে না। যেন তিলে তিলে তাকে কেউ হত্যা করছে। এর অর্থ শিবরামকে ব'লে দিতে হয় নি। তিনি বুঝেছিলেন—সাপে ধরেছে পাখীকে।

শিবরাম এবং আরও দুজন ছাত্র চড়ার উপর নেমেছিল। আচার্য বলেছিলেন—সাবধান! সতর্ক দৃষ্টি রেখে চলাফেরা ক'রো। জনশ্রুতি, হিজলের বিলে আছে বিষহরির আটন।

খাওয়া-দাওয়ার পর নৌকা ঢুকল একটা খালের মধ্যে। দু ধারে ঘাসবন দুলছে, মাছষের চেয়েও উঁচু ঘন জমাট ঘাস বন।

শিবরাম বলেন—সর্বশ্রেষ্ঠ বিশ্বয় যেন ওই ঘাসবনের মধ্যে লুকিয়ে ছিল। পাশের ঘাসবন থেকে ছপ ক'রে একটা মোটা দড়ি আছড়ে পড়ল। একটা সাপ। কালো—একেবারে অমাবস্তা রাত্রির মেঘের মত কালো তার গায়ের রঙ, স্নকেশী স্নন্দরীর তৈলাক্ত বেণীর মত স্নগঠিত দীর্ঘ আর তেমনি তার কালো রঙের ছটা; জলে প'ড়ে একখানি তীরের মত গতিতে সে জল কেটে ছুটল। নৌকা থেমে গিয়েছে তখন। ওদিকে গিছনের ঘাসবনে আলোড়ন উঠেছে। তীরবেগে কিছু যেন ঘাসবন কেটে এগিয়ে আসছে। হঠাৎ ঘাসবন থেকে বেরিয়ে এল একটি মেয়ে। ওই কালো সাপের মতই গায়ের রঙ। খাটো মোটা কাপড়ে গাছকোষর বেঁধেছে। আর কিছু দেখবার সময় হ'ল না। সেও ঝপ ক'রে ঝাঁপ

দিয়ে পড়ল ওই জলে। শুধু পেলাম একটা বিচিত্র তীর গন্ধ, আর কানে এল কঠিন আক্রোশ-ভরা তীক্ষ্ণ কণ্ঠের কয়টা কথা, ভাষা বিচিত্র কিন্তু তার চেয়েও বিস্ময়কর বাক্যগুলির ভাবার্থ। বললে—পানাবি? পলায়ে বাঁচবি? মুই তুর যম, মোর হাত থেকে পলায়ে বাঁচবি?

বললে ওই সাপটাকে। জলে ঝাঁপিয়ে প’ড়ে সেও চলল সাঁতার কেটে।

নালাগুলি অদ্ভুত আঁকাবাঁকা। একটা বাঁকের মুখে সে অদৃশ্য হয়ে গেল। এবার আচাৰ্য এসে দাঁড়ালেন নৌকার ছইয়ের বাইরে। মুখে তাঁর প্রশ্ন সস্নেহ হাস্যরেখা। বললেন—চল বাবা মাঝি, চল। নাগটি খাটি কালোজাতের।

নৌকায় গতি সঞ্চারিত হতে হতে অদূরবর্তী বাঁকের মাথার ঘাসবন থেকে সেই তীক্ষ্ণ কণ্ঠস্বর ভেসে এল, এবার কণ্ঠস্বরের মধ্যে বিজয়-হাস্তের ভূপ্তির স্বর স্পষ্ট হয়ে উঠেছে।—ইবার? ইবারে কি হয়? দিব? দিব কষাটা নিওরে? এর পরই বেজে উঠল হাসি। কালো সাপটা যেমন এঁকেবেঁকে তীর গতিতে রেখা টেনে খালের জলকে চঞ্চল করে তুলেছিল তেমনি ধারা চঞ্চল হয়ে উঠল হিজল বিলের বায়ুস্তর, খিলখিল ক’রে হেসে উঠেছে মেয়েটি কোন কোঁতুকে। হাসির শেষে তার কথা শোনা গেল—ইয়ে বাবা রে, ইয়ে বানাস্ রে! মুই কুথাকে যাব রে! গোসা করিছে, মোর কালনাগিনীর গোসা হল্ছে গো। ইরে বাবা রে, ফুঁসানি দেখ রে! আবার সেই খিল-খিল হাসি।

নৌকাখানা বাঁক ঘুরেছে তখন।

বাঁকের মাথায় জলের কিনারায় দাঁড়িয়ে সেই মেয়ে, তার হাতের মুঠোয় ভরা সেই কালো সাপটা। সাপটার মুখ নিজের মুখের সামনে ধ’রে সে তার সঙ্গে কথা বলছে। সাপটার জিভ লক্‌লক্ ক’রে বেরুচ্ছে; নিমেষহীন

তার চোখ দুটি মেলে রয়েছে একান্ত অসহায়ের মত। সাপটার সারা দেহটা শূণ্যে ঝুলছে; যন্ত্রণায় বঁকে যাচ্ছে। মধ্যে মধ্যে সে মেয়েটার হাতে পাক দিয়ে জড়িয়ে ধরবার চেষ্টা করছে, জড়িয়ে ধরতে পারলে শ্বাস রুদ্ধ ক'রে নিষ্ঠুর পাকের পেষণে মেয়েটির নিটোল কালো নরম হাতখানির ভিতরের অস্থিদণ্ড দুটোকে ভেঙে গুঁড়ো ক'রে দেবে—ফুলের গাছে কচি ডালের মত। হাতের শিরা-উপশিরাগুলি নিরুদ্ধগতি রক্তের চাপে কেটে যাবে। কিন্তু সে চেষ্টা তার ব্যর্থ চেষ্টা। ওই নরম হাতের মুঠিখানিতে লোহার সাঁড়াশির দৃঢ়তা। আর বিচিত্র কৌশল তার ধরার। বিহ্বাৎক্ষিপ্ত আঁকাবাঁকা গতিতে সারা দীর্ঘ দেহখানা সঞ্চালিত ক'রে লেজ আছড়ে সাপটা যখনই চেষ্টা করছে বেদেনীর হাতখানাকে জড়িয়ে ধরবার, তখনই বেদের মেয়ের হাতেও একটা ক্ষিপ্ততর সঞ্চালন খেলে যাচ্ছে, একটা ঝাঁকি এসে সাপটার ক্ষিপ্ত দেহ-সঞ্চালনে যেন ধাক্কা দিয়ে প্রতিহত ক'রে দিচ্ছে। মুহূর্তে শিথিল হয়ে যাচ্ছে তার দেহ। শিবরাম কবিরাজ বলেন—এ যেন বাবা নাসা, মানে—খোলা তলোয়ারধারী আর খাপে-ভরা তলোয়ারধারীর তলোয়ার খেলা। একবার তখন আমি বাবা মুশিলাবাদে গ্রামে কবিরাজি করি, বড় জমিদার ছিলেন সিংহ মশায়রা, তাঁরাই আমাকে নিয়ে গিয়েছিলেন আমার গুরুর সুপারিশে। তাঁদের গৃহ-চিকিৎসক হিসাবে থাকি, গ্রামেও চিকিৎসাদি করি। সেই সময় একদিন রাত্রে ডাকাত পড়ল তাঁদের বাড়িতে। দেউড়িতে বাইরে দু'জন তলোয়ারধারী দারোয়ান, তারা জেগেই ছিল, খাপে তলোয়ার ঝুলছে—দুজনে কথাবার্তা বলছে—হঠাৎ তাদের সামনে একটা আ-বা-বা-আবা-বা-বা হুকার উঠল। আমি দেউড়ির সামনের রাস্তাটার ওপারে আমার ঘরে, তখনও চরকের পাতা ওলটাইছি। চমকে উঠলাম, সঙ্গে সঙ্গে দপদপ ক'রে মশাল জ্বলে উঠল। মনে হ'ল যেন ওরা মাটি থেকে গজিয়ে উঠল।

মশালের আলোয় দেখলাম বাবা, দারোয়ান দুজনের সামনে দুজন খোলা তলোয়ার উঁচিয়ে দাঁড়িয়ে আছে। দারোয়ানেরা খাপে-পোরা তলোয়ারের মুঠিতে হাত দিয়েছে কিন্তু যেই টানে, অমনি ডাকাতদের খোলা তলোয়ার দুলে উঠে। দারোয়ানদের হাত অবশ হয়ে যায়, খাপের তলোয়ার আবার মুঠি পর্যন্ত খাপে ঢুকে যায়—তলোয়ারখানাও যেন অবশ হয়ে গেছে। ডাকাতেরা খিলখিল ক’রে হাসে। বলে—থাক! যেমন আছে তেমনি থাক; মরতে না চাস তো চাবি দে দেউড়ির। একজন দারোয়ান একটা ফাঁক পেয়েছিল। ‘সরাং’ একটা শব্দ হ’ল—সে বের ক’রেছে তলোয়ারখানা, কিন্তু তোলবার আর সময় পেনে না, ডাকাতের খোলা তলোয়ার মশালের আলোয় বলকে উঠল। বনাত শব্দে আছড়ে পড়ল দারোয়ানের বের করা তলোয়ারখানার ওপর, সঙ্গে সঙ্গে তলোয়ারখানা হাত থেকে খসে প’ড়ে গেল। ডাকাতটা বললে—হাত নিলাম না তোর রুটি যাবে বলে, নিলে মাথা নোব। দে, চাবি দে। সাপটার সঙ্গে বেদের মেয়েটার প্যাঁচের খেলাটা ঠিক তেমনি। সেদিন, মানে—ওই ডাকাতির রাত্রে আমার বাবা মনে পড়েছিল ওই ছবিটা। তাই বেদের মেয়েটার সেদিনের ছবি মনে পড়লে ওই খোলা তলোয়ার আর খাপে-পোরা তলোয়ারের খেলাটা মনে পড়ে যায়।

মেয়েটার সে কি খিল-খিল হাসি!

হিজল বিলের ঘাসবনের উপর বাতাস বাধাবদ্ধহীন খোলায় একটানা ব’য়ে যাচ্ছিল—তাতে খিল-খিল হাসির কাঁপন ব’য়ে গেল, যেন কোন তপস্বিনী রাজকন্ঠার এলোচূলে ঘাছ-পুফুরের জলের ছিটে লেগে দীর্ঘ রুক্ষ নরম চূলের রাশি কোঁকড়া হয়ে গিয়ে ফুলে ফেঁপে দুলে উঠল।

দুর্জটি কবিরাজ নৌকার মাথায় দাঁড়িয়ে ব’লে উঠলেন, আরে বেটী,

তুই! শবলা মায়ী! যাত্রা ভাল আমার, একেবারে মা-বিষহরির কন্ঠের সঙ্গে দেখা।

মেয়েটিও মুখ তুলে স্বপ্নসন্ন বিষয়ে বলকে উঠল, সেও ব'লে উঠল, ই বাবা! ই বাবা গো! ধন্যন্তরী বাবা! আপুনি হেথা কোথেকে গো! ইরে বাবা!

শিবরাম অবাধ হয়ে দেখছিলেন মেয়েটিকে। চিনতে দেবি হয় নাই, এ মেয়ে সাপুড়েদের মেয়ে, বেদেনী। কিন্তু এ বেদেনী আগের দেখা সব বেদেনী থেকে আলাদা। সাল বেদে, মাঝি বেদে, এরা তার দেশের মাহুষ। এ বেদেনীর জাত আলাদা। চেহারাতে আলাদা, কথায় আলাদা, সাজে পোশাকে আলাদা, এমন বেদের মেয়ে নতুন দেখলেন শিবরাম তাঁর জীবনে। বেদেরা কালোই হয়, কিন্তু এমন মঙ্গল উজ্জল কালো রঙ কখনও দেখেন নি শিবরাম। তেমনি কি ধারালো গড়ন! মেয়েটির বয়স অবশ্য অল্প, কিন্তু বেশি বয়স হ'লেও একে দূর থেকে মনে হবে কিশোরী মেয়ে। ছিপছিপে পাতলা গড়ন, দীর্ঘাঙ্গী, মাথায় এক-রাশি চুল রুখু কালো করকরে কৌকড়া চুল, খুলে দিলে পিঠের আধখানা ঢেকে চামরের মত ফাঁপা হয়ে বাতাসে দোলে, কৌকড়া চুল টেনে সোজা করলে এসে পড়ে জাহুর উপর কালো রঙের মধ্যে চিক্‌চিক্‌ করছে তিন অঙ্গে চার ফালি তুলির রেখায় টানা সাদা রেখা। কালো চুলের ঠিক মাঝখানে পৈতের স্রুতোর মত লম্বা সিঁথিটি, ধারালো নাকটির ছপাশে নরুন দিয়ে চেরা সুরু অথচ লম্বা টানা পদ্মের একেবারে ভিতরের পাপড়ির মত দুটি চোখের সাদা ক্ষেত, আর ঠোঁটের ফাকে ছোট সাদা দাঁতের সারি। পরনে লালরঙে ছোপানো তাঁতে বোনা খাটো মোটা বাঙা শাড়ি, গলায় পদ্মবীজের মালা, তার সঙ্গে লাল স্রুতো দিয়ে ঝুলছে মাছলি, পাথর আরও অনেক কিছু; হাতের মণিবন্ধ খালি, উপর হাতে

লাল স্নাতোর তাগা টান ক'রে বাঁধা, নরম কালো হাতের বাইরে যেন কেটে ব'সে গেছে। তাতেও মাহুলি পাথর জড়িবুটি। গাছ-কোমর বাঁধা পরনের ভিজ্জে কাপড় হিলহিলে দেহখানির সঙ্গে সেটে লেগে রয়েছে; মেয়েটি ঝাড়িয়ে আছে, যেন দুলছে। নোকাখানা আর একটু এগিয়ে যেতেই নাকে একটা তীব্র গন্ধ ঢুকল এসে শিবরামের। মেয়েটি যখন ঘাসবন ঠেলে সাপটার পিছনে বেরিয়ে এসে জলে ঝাঁপ দিয়ে পড়েছিল, তখন মুহূর্তের জন্তু এই গন্ধ নাকে এসে পৌছেছিল। শিবরাম বুঝলেন এ গন্ধ গুর গায়ের গন্ধ। শরীরটা যেন পাক দিয়ে উঠল। যারা বন্ত, যারা পোড়া মাংস খায়, তেল মাখে না, তাদের গায়ে একটু গন্ধ থাকে। মাল মাঝি বেদেরের গায়েও গন্ধ আছে, কিন্তু তাতে এই তীব্রতা নাই। এ যেন ঝাঁজ!

অবাক হয়ে চেয়ে দেখছিলেন শিবরাম। বেদের মেয়ে, কিন্তু এমন বেদের মেয়ে তিনি দেখেন নি।

“—হি—, কত্তে রইছিঁস্ গঃ! হি—গঃ—!”

একটা করকরে রুক্ষ মোটা গলার ডাক ভেসে এল। ওই মাহুষের চেয়ে উঁচু ঘাসবনের থেকে কেউ ডাকছে।

মেয়েটা ডান হাতে ধ'রেছিল সাপটা। বাঁ হাতের ছোট তালুখানি মুখের পাশে ধ'রে গঙ্গার খোলা দিকটা আড়াল ক'রে প্রদীপ্ত হয়ে সাড়া দিয়ে উঠল—হি—গঃ! হেথাকে—গঃ! ‘হাঙরমুখীর’ প্যাটের বাঁকে গঃ! স্বরুতি এস গঃ! দেখ্যা যাও, দেখ্যা যাও, পা চালায়ে এস গঃ!

কণ্ঠস্বরে উল্লাস উচ্ছ্বসিত হয়ে উঠছিল। ব্যগ্র দৃষ্টিতে ঘাসবনের দিকে চেয়ে সে বললে—বুড়া অবাক হয়ণ যাবে গ বাবা!

স্মিতহাস্য ফুটে উঠল ধূর্জটি কবিরাজের মুখে। তিনিও দৃষ্টি ফেরালেন ঘাসবনের দিকে। ঘাসবন চঞ্চল হয়ে উঠেছে; দুলছে দুপাশে হেলে

স্বয়ে পড়ছে ঘাসবন—সবল দ্রুতগতিতে চ'লে আসছে কেউ বুনো দাঁতালের মত। সবিস্ময়ে প্রতীক্ষা করছিলেন শিবরাম। কয়েক মুহূর্ত পরেই দেখা গেল মানুষটার মাথা, পাকা দাড়ি গৌর ও ঝাঁকড়া চুলে ভরা মানুষের মুখ, রঙ ঘন কালো, চোখে বস্ত্র দৃষ্টি। হঠাৎ থমকে দাঁড়াল সে, চোখের বস্ত্র দৃষ্টি বিস্ময়ে বিচিত্র হয়ে উঠল; সম্মিতবিস্ময়ে পুলকিত কণ্ঠে সেও ব'লে উঠল—ধন্যস্বরী বাবা!

কবিরাজ বললেন—ভাল আছ মহাদেব? ছেলেপুলে পাড়া ঘর তোমার সব ভাল?

তার কথা শেষ হতে হতে ঘাসবন থেকে বেরিয়ে এসে দাঁড়াল সেই মহাদেব। কোমর থেকে হাঁটু পর্যন্ত গামছার মত একফালি একটা মোটা কাপড়ের আবরণ শুধু, নইলে নগ্নদেহ এক বস্ত্র বর্ধর। গলায় হাতে তাবিজ জড়িবিটি কালো স্ত্রোত্রয় বাঁধা, আর গলায় ঝুলছে একগাছি রুদ্রাক্ষের মালা। তারও গায়ে ওই উৎকট তীব্র গন্ধ। বৃদ্ধ, তবু লোকটা খাড়া সোজা। দেহখানা যেন শ্রাওলা-ধরা অতি প্রাচীন একটা পাথরের দেওয়াল, কালচে সবুজ শ্রাওলায় ছেয়ে গিয়েছে, কতকালের শ্রাওলার স্তরের উপরে শ্রাওলার স্তর, কিন্তু এখনও শক্ত অটুট রয়েছে। নির্বাকবিস্ময়ে চেয়ে রইলেন তরুণ শিবরাম। ই্যা, এই বাপের ওই বেটাই বটে।

বেদে কিন্তু সাধারণ মাল বা মাঝি বেদে নয়। সঁতালীর বিষ-বেদে। সঁতালী ওদের গ্রামের নাম। ওই হিজল বিলের ধারে ভাগীরথীর চর-ভূমির ঘাসবন ঝাউবন দেবদারু গাছের সারির আড়ালে ওই হাউরমুখী নালার ঘাট থেকে চ'লে গেছে একফালি সরু পথ, দু'দিকে ঘাসবন মাঝখানে পায়ে পায়ে রচা পথ এঁকেবেঁকে চ'লে গিয়েছে ওই বিষ-বেদেদের সঁতালী গ্রামের মাঝখানে দিঘহরি মায়ের 'খান' অর্থাৎ স্থান পর্যন্ত।

গ্রামের মাঝখানে ওই দেবস্থানটিকে ঘিরে চারি পাশে বিচিত্র বসতি। দেবদারু ডালের খুঁটোর উপর চৌকো আকারের মাচা—মাচাটির চারি পাশে ঝাউ-ডালের বেড়ায় পাতলা মাটি প্রলেপ দেওয়া, দেওয়ালের উপর ওই ঘাসবনের ঘাসে ছাওয়া চাল, এই ওদের ঘর। প্রতি বৎসরই ঝড়ে উড়ে যায়, বর্ষায় গ'লে পড়ে, শুধু নিচের শক্ত মাচাটি টিকে থাকে। গঙ্গায় বন্যা আসে, ঘাস বন ডুবে যায়, হিজল বিল আর গঙ্গায় এক হয়ে যায়, সাঁতালী গাঁ জলে ডোবে, মাচাগুলি ভেঙ্গে থাকে, বড় বন্যা হ'লে তাও ডোবে, তখন গেলে দেখতে পাবে ঝাউগাছের ভেলার উপর, নৌকার উপর বিষ-বেদেরা সেই অথৈ বন্যার মধ্যে ভাসছে। বন্যার জল নেমে যায়, মাটি জাগে, ভিজ্জে পলির আস্তরণ প'ড়ে যায়, বিষ-বেদেরা নৌকা এবং ভেলার উপর থেকে নেমে আসে, মাচার মেঝের পলি কাদা পরিষ্কার করে, দেওয়ালের খ'সে-পড়া কাদার আস্তরণ আবার লাগায়, ছোট ছেলেমেয়েরা কাদা ঘেঁটে মাছ ধরে, কাঁকড়া ধরে, দেবদারুগাছে আঁকশি লাগিয়ে শুকনো কাঠ ভেঙে আনে, বিলে ফাঁদ পেতে হাঁস ধরে, গুল্‌তি ছুঁড়েও মেরে আনে, আবার সাঁতালীর ঘরে ঘরে উনানের ধোঁয়া ওঠে, ওদের ঘরকন্না আবার শুরু হয়ে যায়। তারপর চলে এক দফা নৌকা নিয়ে সাপ ধরার কাজ। ওই যে হিজল বিলের চারি পাশে ঝাউ-গাছের উঁচু ডালে, দেবদারুর মাথায়, বন্যায় ভেসে এসে নানান ধরনের সাপেরা আশ্রয় নেয়, ওরা সেই সব সাপ দেখে দেখে প্রায় বেছে বেছে ঝাঁপি বোঝাই করে। ওদের তীক্ষ্ণ দৃষ্টি এড়িয়ে যেতে পারে না সাপেরা। দেবদারুর মাথায় যে দুধে-গোথরো ফণা তুলে আকাশের উড়ন্ত শকুন বা গার্গাচল বা বড় বড় বাজের ঠোঁট নখকে উপেক্ষা করে, সে দুধে-গোথরো ঠিক বন্দী হয়ে এসে ঢোকে ওদের ঝাঁপিতে। যে ঘন সবুজ রঙের লাউডগা সাপটা গাছের পাতার সঙ্গে প্রায় মিশে গিয়ে

সাধারণ লোকের চোখে পড়ে না, সেও ঠিক ওদের চোখে পড়বে, এবং তাকে ধরে পুরবে ওদের ঝাঁপিতে। ভোরবেলা সূর্য যখন সবে পূর্বের আকাশে লালি ছড়িয়ে উঠি-উঠি করে, তখন ওরা নৌকার উপর দাঁড়িয়ে ভীষ্ম দৃষ্টিতে তাকিয়ে থাকে গাছের মাথার দিকে। উদয়নাগেরা এবার বেরিয়ে ফণা মেলে দাঁড়াবে, ভুলবে, দিনের দেবতাকে প্রণাম ক'রে আবার লুকিয়ে পড়বে গাছের পাতার আবরণের অন্ধকারের মধ্যে। তারাও ধরা পড়বে ওদের হাতে। কালো কেউটের তো কথাই নাই। কাল-নাগিনী ওদের কাছে প্রতিশ্রুতিতে আবদ্ধ। তারাই ওদের ঘরের লক্ষ্মী, কালনাগিনীই ওদের অন্ন যোগায়, কালনাগিনী বিষ-বেদেদের কন্তে। ওই কালনাগিনীর বিষ থেকেই হয় মহাসম্ভাবনী—সুচিকান্তর ! সেও মা-বিষহরির বর। রাজির মত কালো কালনাগিনী, স্তন্দরী স্তকেশী মেয়ের সূচিকণ তৈলমসৃণ চুলে রচনা করা বেণীর গঠন আর তেমনি তার কালো রঙের দীপ্তি। কালো কেউটে অনেক জাতের আছে, কালোর উপর শ্বেত সরষের মত সাদা ছিট আছে যে কেউটের কালো গায়ে, সে কেউটে জেনো শামুকভাঙা কেউটে। যে কেউটের গলায় কণ্ঠিমালার মত, ষাট গায়ের কালো রঙের চেয়েও ঘন কালো রঙের দুটি দাগের বেড় আছে, সে জেনো কালীদহের কালীনাগের জাত। কালনাগিনী শুধু কালো। তার লেজ খানিকটা মোটা। বেহুলা জাঁতি দিয়ে কেটে নিয়েছিল তার লেজের খানিকটা। কালনাগিনীর নাগের জাত নাই। অল্প নাগের জাতের সম্ভান প্রসব করে কালনাগিনী। তাই থেকে হয়েছে নাকি নানা জাতের কেউটের সৃষ্টি। মা-বিষহরির ইচ্ছায় ওরই মধ্যে দুই-চারিটি কন্যা একেবারে রক্ত গায়ের জাত নিয়ে জন্মায়, কাল-নাগিনীর ধারা অব্যাহত রাখবার জন্য। কালনাগিনী চেনে ওই বিষ-বেদেরা। ওদের ভুল হয় না। ধূর্জটি কবিরাজ জানেন সে তথ্য।

তাই তিনি বিষ-বেদেদের কাছ ছাড়া অন্য বেদের কাছে সূচিকাভরণের উপাদান সংগ্রহ করেন না। সেই কারণেই তাঁর সূচিকাভরণ সাক্ষাৎ সঞ্জীবনী!

আর ভাগীরথীর কূলে হিজল বিলের পাশে মা-মনসার আটনের পাট-অঙ্গনে সাতালী গাঁয়ের চারিপাশেই কালনাগিনীর বাসভূমি। তাই তো বিষ-বেদেরা এই ঘাস বনের মধ্যে বগ্গার জলে পাকাল মাটির উপরেই বাস করে পরমানন্দে। বগ্গায় কাদা হয়। ঘাস পচে, ভ্যাপসা গন্ধ হয়, মশায় মাছিতে ভন ভন করে চারিদিক, ঘাস বনের মধ্যে বাঘ গর্জায়, হিজল বিলের অসংখ্য নালায় কুমীর ঘুরে বেড়ায়, হাড়র আসে, কামঠ আসে, তারই মধ্যে ওরা বাস করে চলেছে। এখান ছেড়ে বিষ-বেদেরা স্বর্গেও যেতে চায় না। বাপরে বাপ, এখানকার বাস কি ছাড়া যায়! মা বিষহরির সনদ দেওয়া জমি—এ জমির খাজনা নাই। লোকে বলে অমুক রাজার রাজত্ব—ও গাঁয়ের ওই জমিদারের এলাকা, কিন্তু বিষ বেদেদের খাজনা আদায় নিতে আজও কোন তশিলদারের নোকা হাড়রমুখীর নালা বেয়ে সাতালী গাঁয়ের ঘাটে এসে পৌছে নাই। হুকুম নাই—মা বিষহরির হুকুম নাই। বেদেদের ‘শিরবেদে’ সমাজের সমাজপতি বুড়ো মহাদেব বলে—মা বিষহরির হুকুম নাই। তার সনদে মোরা ঘর বাধলাম হেথাকে এসে। চম্পাই নগরের ধারে সাতালী পাহাড়ে ছিষ্টির আদিকাল থেকে বাস ছিল—শতক পুরুষের বাস—জাতে ছিলাম বিষবৈজ্ঞ—সে বাস গেল্ছে, সে জাত গেল্ছে, মা লক্ষ্মী ছেড়ে গেল্ছেন—তার বদলে পেয়েছি মা বিষহরির সনদে কালনাগিনী কত্তে, মা গন্ধার পলি পড়া জমির ওপর এই লতুন সাতালী গাঁয়ের জমি, এ ছেড়ে কোথাকে যাব?

দুই

বলে--সে এক বিচিত্র উপাখ্যান ।

জয় বিষহরি গ ! জয় বিষহরি গ !

চাঁদো বেনে দণ্ড দিল

তোমার কৃপায় তরি গ !

অ—গ !

চম্পাই নগরের ধারে

সীতালী পাহাড় গ !

অ—গ !

ধনুস্তরির 'মন্ত্বে' বাঁধা

সীমেনা তাহার গ !

অ—গ !

'বিরিখে ময়ূর বৈসে

'গন্তে গন্তে' নেউল গ !

অ—গ !

বিষবৈজ্ঞ বৈসে সেথায়

'বাণুলা বাউল' গ !

অ—গ !

ধনুস্তরি সীতালী পাহাড়ের 'সীমেনায় সীমেনায়' গণ্ডী কেটে দিয়েছিলেন ময়ূর পড়ে । ভূত পেরেত পিশাচ রাক্ষস ডাইন ডাকিনী বিষধর সেখানে ঢুকতে পারত না । বিশেষ ক'রে বিষধর, নাগ-নাগিনী, বিচ্ছু-বিছা, পোকা-মাকড়, ভিমরুল-ঘোলতা এরা ঢুকলে কি সীমানার

মধ্যে পা দিলে নিশ্চিত মরণ ছিল। ময়ূরে নেউলে টুকরা টুকরা ক'রে কেটে ফেলত, ধনুস্তুরি পৃথিবীর গাছপালা লতাপাতা-ফুল-মূল স্ব'জ্ঞে সাত-সমুদ্রের তলা থেকে, স্বর্গলোকের ধনুস্তুরির বাগান থেকে পেয়েছিলেন যত 'বিষদনী' অর্থাৎ বিষয় গাছ-গাছড়া; সব এনে তার বীজ ছড়িয়েছিলেন এই সাতালী পাহাড়ের মাটি-পাথরের গায়ে গায়ে। ঈশের মূলে থেকে বিশালাকরণী পর্যন্ত। তার গন্ধে সাতালী পাহাড়ের বাতাস ভারী হয়ে থাকত। সাতালী পাহাড়ের শুড়ি পাথরের মধ্যে বিষ পাথর থাকত ছড়িয়ে, সমুদ্রের ধারের বালির উপর ছড়ানো বিহু শামুক শাঁকের মত। বিষ পাথর বিষ শুমে নেয় মাটির জল শুষে নেওয়ার মত। সেই 'বিষদনী' জড়িটুকি লতাপাতার গন্ধে বিষধরেরা চেতনা হারিয়ে নেতিয়ে পড়ত শিকড় কাটা লতার মত, বিষ পাথরের আকর্ষণে তাদের কষ বেয়ে নুখের থলির বিষ গলে বেরিয়ে আসত।

ধনুস্তুরি শিষ্যদের ওপর ভার দিয়েছিলেন সাতালী পাহাড়ের। চাঁদ সদাগর ধনুস্তুরীর মিতা—বিষধরির বিবাদী সে—দিয়েছিল সাতালী পাহাড়ে নিষ্কর বসবাসের ছাড়পত্র। ধনুস্তুরির শিষ্য বিষবৈজ্ঞানী সমাজে আসন পেত আদর পেত সম্মান পেত, অচ্ছুৎ ছিল না, বিষয় লতা পৈতের মত পরতে পেত গলায়। তবু তারা ছিল বিবাগী বাউল; বিষ-চিকিৎসার মূল্য নাই—অমূল্য এ বিজ্ঞা, ধনলোভীর এ বিজ্ঞা নিষ্ফল, তারা দক্ষিণা নিত না মূল্য নিত না—নিত যৎসামান্য দান।

তুঁরা খাস গো হুধার মধু মোরা থাইব বিষ গ !

অ—গ !

তুদের ঘরের কাল সপ্য মোদের গলায় দিস গ !

অ—গ !

আর দিস গো ছেঁড়া বস্তুর মুষ্টি মেপ্যা চাউল গ !

অ—গ ,

গুরুর আজ্ঞায় বিষবৈষ্য বাঙলা বাউল গ !

অ—গ !

মর্ত্যধামের অধিকারী সাতডিঙা মধুকরের মালিক চাঁদো বেনে শিবভক্ত ; তবু বাদ করলে শিবকন্ঠে বিষহরির সঙ্গে । চ্যাঙমুড়ি কাণি, চ্যাঙমাছের মত মাথা, এক চোখ কাণা, সাপের দেবতা বিষহরি মনসাকে কিছুতেই দেবে না পূজো । আরম্ভ হল যুদ্ধ, দেবতার সঙ্গে মর্ত্যের অধিকারী সমাজের মাথার মণির বাদ ! মহাজ্ঞান গেল, ধনস্তরি গেলেন, বিষবৈষ্যেরা হায় হায় করে উঠল, গুরু গেল—অন্ধকার হয়ে গেল তাদের জীবন, মস্তের পাপড়ি ভেঙ্গে গেল । চাঁদো বেনের ছয় ছয় বেটা গেল । বিষবৈষ্যদের শিরবৈষ্য তারও গেল একমাত্র কন্ঠা । অপরাজিতা ফুলের ঝুঁড়ির মতো কালো বরণের কচি মেয়ে, নূপুর পায়ে দিয়ে বাপের বাণির তালে তালে নাচছিল, হঠাৎ টলতে লাগল, তারপর পড়ে গেল—মুখ দিয়ে ফেনা ভাঙল, আর উঠল না । মস্ততন্ত্র জড়িবুটি সব হয়ে গেল মিছে । আকাশ থেকে মা মনসা হাঁক দিয়ে বললেন—যে বিষ তোরা বিষহরির অল্পচর নাগ-নাগিনীর বিষ নষ্ট করতে তাদের জীবন নিতে সাতালী পাহাড়ের চারিদিক ছেয়ে রেখেছিস—সেই বিষেই গেল তোরা কন্ঠের জীবন ।

সাপের বিষের ওষুদ ওই সব লতাপাতা, সেও যে বিষ । যে বিষে

বিষক্ষয় করে, সে বিষও যে সাক্ষাৎ মৃত্যু। কোন লতাতে ধরেছিল বাঙা ফল—কচি মেয়ে সেই টুকটুকে ফল তুলে খেয়ে তারই বিষে প্রাণ হারালে।

তুমি পুতলে বিষ বিরিক্খি ফল খাইবে কে ?

শিরবৈষ্ণব বুক চাপড়ে কঁদে উঠল। হায় হায় করে উঠল বৈষ্ণবাড়া।

বললে—

“মরুক মরুক চান্দো বেনে মুণ্ডে পড়ুক বজ্র গ !

অ—গ !

এত দেবতা থাকতে হৈল মনসার সঙ্গে বন্ধ গ !

অ—গ !

ছয় পুত্র গিয়েছে, ধনস্থিরি গিয়েছে, মহাজ্ঞান গিয়েছে, সাতভিঃ মধুকর গিয়েছে, তবু যার জ্ঞান হয় নাই, তাকে এসব কথা বলা মিছে। আবার ঘরে জন্মেছে চাঁদের মত ‘লখিন্দর’—গণকে বলেছে বাসরে হবে সর্পাঘাত। তবু না। তবু চান্দো বেনে ভেঙ্গে দিলে সনকার পাতা মনসার ঘট তার হিষ্টাল কাঠের লাঠির দ্বায়ে। তবু সে লখিন্দরের বিষের আয়োজন করলে সায় বেনের কণ্ঠে বেহলার সঙ্গে। সাতালী পাহাড়ে কামিলা দিয়ে তৈরি করলে লোহার গড়—তার মধ্যে লোহার বাসর-ঘর। সেই রাত্রে পালটে গেল বিষবৈষ্ণবের ভাগ্য। সে কি রাত্রি। আকাশে মেঘ জমেছে, সেই মেঘের পুরীতে মা বিষহরির দরবার বসেছে। অন্ধকার থমথম করছে। সেই থমথমে অন্ধকারের মধ্যে বিষবৈষ্ণবের লাল চোখ আঙুর টুকরোর মত জলছিল, মধ্যে মধ্যে শিরবৈষ্ণব তার গম্ভীর গলায় হাঁকছিল—কে ? কে যায় ? সাতালী পাহাড়ের গাছ-পালার ডালপালা সে হাঁকে তুলে উঠছিল, গাছের ডালে ডালে ময়ূরেরা উঠছিল পাখসাট মেরে—গতে গতে নেউলেরা মুখ বার করে বোঁয়া

ফুলিয়ে নরুনের মত ধারালো সাদা দাঁত বের করে গর্জে উঠছিল সেই হাঁকের সঙ্গে ।

মনসার নাগেরা এসে দূর থেকে দেখে থমকে কিছুক্ষণ দাঁড়িয়ে থেকে মাথা হেঁট করে ফিরে খাচ্ছিল । আকাশে মেঘ ঘন থেকে ঘন হয়ে উঠছিল—বিষহরির জকুটির ছায়া পড়ছিল । বিহ্বাৎ চমকাচ্ছিল ঘন ঘন, মায়ের চোখে ঝিলিক মেরে উঠছিল ক্রোধের ছটা ।

এমন সময় সাতালীর সীমানার ধারে করুণস্বরে কে কেঁদে উঠল । মেয়েকণ্ঠের কান্না । শুধু মেয়েকণ্ঠই নয়, কচি মেয়ের কণ্ঠস্বর ; দুঃস্থ ভয়ে সে যেন পৃথিবী আকুল ক'রে কেঁদে উঠেছে !

বাঁচাও গো ! ওগো বাঁচাও গো ! আমাদের বাঁচাও গো !

সর্দার বসে ঝিমছিল । সে চমকে উঠল । কে ? কে এমন ক'রে কাঁদে ! কচি মেয়ে কে রে ?

—মরে গেলাম ! মরে ফেললে ! ও-গো—! শেষের দিকে মনে হল সে চীৎকারে আকাশে ঘন মেঘও যেন চিড় পেয়ে গেল, পৃথিবী কেঁদে উঠল ।

সর্দার হেঁকে উঠল—ভয় নাই—ভয় নাই !

হাতের চিমটে নিয়ে সে ছুটে এগিয়ে গেল । বিষবৈজ্ঞানের তখন অস্ত্র ছিল—বড় বড় লোহার চিমটে, ডগায় ছিল শুলের মত ধার, সে চিমটে দিয়ে নাগরাজকে ধরলেও তার নিস্তার ছিল না । মাথার দিকে থাকত কড়া—চলার সঙ্গে সঙ্গে সে কড়াটা চিমটের দণ্ডের গায়ে আছড়ে পড়ে যন্ত্রবাণের মত বাজত—ঝনাৎ ঝন্—ঝনাৎ ঝন্—ঝনাৎ !

সাতালী পাহাড়ের সীমানার ধারে ঠিক ওপারে আট-দশ বছরের ছোট একটি মেয়ে দাঁড়িয়ে ঠক্ ঠক্ করে কাঁপছে । শীতের শেষে উত্তর-বাতাসে অশ্বখপাতা যেমন থর থর করে কাঁপে, তেমনি ভাবে কাঁপছে আর চোখে মুখে তার সে কি ভয় !

—ভয় কি সাধে ! হিঙ্গল বিলের ধারের ভাগীরথীর চরের উপর ঘাসবনের ভিতর বেদের গা—সাতালী গায়ের শিরবেদে সে-কালের উপাখ্যান বলতে বলতে নড়ে চড়ে বসে। তার দুই কাঁধের মোটা মোটা হাড়গুলো নড়ে নড়ে ওঠে বৃকের ভিতরের আবেগে ; চোখ ওদের ছোট—নরুন দিয়ে চেঁচা লম্বা সরু চোখও বিস্ফারিত হয়ে ওঠে। বলে—সাতালীর সীমানা বরাবর তখন উপরে নীচে যেন গর্জনের তুফান উঠেছে। গাছের উপরে ডালে ডালে ঝটাপট ঝটাপট শব্দ উঠছে, ময়ূরগুলোর পাখশাটের যেন ঝড় উঠছে, ক্যাও ক্যাও শব্দে সব চমকে উঠছে, নীচে মাটিতে সারি বেঁধে দাঁড়িয়ে গিয়েছে ধোঁয়া কুণিয়ে নেউলরা, ক্যাম ফ্যাস শব্দে রব তুলেছে, উপরে ময়ূরেরা মধ্যে মধ্যে ছুঁপায়ের নখ মেলে ঠোট লম্বা করে পাক দিয়ে উড়ে এ ডাল থেকে ও ডালে গিয়ে বসছে, নেউলগুলোর দাঁতের সারি বেরিয়ে পড়েছে—তাতে স্ক্রের ধার, অঙ্ককারের মধ্যেও আবছা দেখা যাচ্ছে সাদা দাঁতের সারি। আক্ৰোশ যেন শুই কচি মেয়েটার উপর। ঝাঁপিয়ে পড়লে টুকরো টুকরো করে ফেলবে লহমায়। শুধু অপেক্ষা মেয়েটার পা বাড়াবার।

শিরবেদে এসে দাঁড়াল থমকে। এ কি আশ্চর্য রূপের কন্তো ! এ কি রূপ ! ন-দশ বছরের মেয়ে, কুচকুচে কালো গায়ের রঙ, আঁধার রাত্রিও জলের তলার মানিকের মত ঝিকমিক করছে, হিলহিলে লম্বা ; ঝকঝক সাদা দুটি চোখ ! তেমনি কি নরম ওর গড়ন, যেন কচি লতা, যেন কালো রঙের রেশমি উড়ানি, শুকে যদি কাঁধে ফেলে কেউ, কি গলায় জড়ায় তবে লেপটে জড়িয়ে যাবে।

মেয়েটা কাঁপছিল ; সঙ্গে সঙ্গে যেন নেতিয়েও পড়ছিল, সাতালী পাহাড়ের শিরবৈষ্ণব মনে হল—শিকড়-কাটা একটি কচিআমলতা যেন নেতিয়ে পড়ছে ! মেয়েটা শিরবৈষ্ণব দিকে আশ্চর্য চাউনিতে চেয়ে

বললে—ও বাবা, আমাকে বাঁচাও বাবা গো! শিরবৈজ্ঞ, ও বাবা আমাকে বাঁচাও! বাবা গো—

শিরবৈজ্ঞ কেঁপে উঠল। মনে পড়ে গেল মরা মেয়েকে। সেও এমনি করে শিকড়-কাটা লতার মত নেতিয়ে পড়েছিল। চোখের উপরে দেখতে দেখতে ‘আম্লে’ মানে স্নান হয়ে যাচ্ছে। তার কণ্ঠের স্বর ক্ষীণ হয়ে আসছে। ক্ষীণ থেকে ক্ষীণতর কণ্ঠে সে ডাকলে—বাবা গো!

আর থাকতে পারলে না শিরবৈজ্ঞ।—মা! মা গো! বলে দু হাত মেলে পা বাড়ালে। সঙ্গে সঙ্গে ময়ূরগুলো মাথার উপর চীংকার করে উঠল, নেউলেরা চীংকার করে শিরবৈজ্ঞের পথ আগলে দাঁড়াল। গোটা মাতালী পাহাড় যেন শিউরে উঠল। চাঁদ বেনে হিন্তাল কাঠের লাঠি হাতে নিয়ে ঘুরে বেড়াচ্ছিল—সে চীংকার করে উঠল—কে?

শিরবৈজ্ঞ থমকে দাঁড়াল। তাঁর হৃৎ ফিরে এল।

কে? কে এ অপরূপ কালো মেয়ে! ময়ূরেরা কেন হায় হায় বলে চীংকার করে উঠল, নেউলেরা কেন না-না বলে পথ আগলে দাঁড়াল। কেন শিউরে উঠল মাতালী পাহাড়ের ময়ূরপুত মাটি!

গাঙের কুলের ঘাসবনের মাতালী গায়ের শিরবেদে এ কাহিনী বলতে বলতে বলে—শিরবৈজ্ঞেরা তখন বিষবেদে হয় নাই ধনুস্তরি বাবা। তখন তারা ছিল সিদ্ধবিজ্ঞের অধিকারী, মন্তরের ছিল মহিমা, সেই মন্তরের বলে, বিদ্বের বলে, বুঝতে পারত জীব-জন্তু পশু-পাখীর বাক্য, তখন তাদের মন্তরের বলে গাছ উড়ত আকাশে, গাছে চড়ে মন্তর পড়ে বলত—চল উড়ে, মাটি-পাথর চড় চড় করে ফাটিয়ে শিকড়বাকড় নিয়ে গাছ হ হ করে আকাশে উঠত, মন্তর পড়ে গণ্ডী এঁকে দিলে সে

গণ্ডী পার হয়ে কারুর যাবার ছকুম ছিল না, হোক না কেন দেবতা, হোক না কেন দত্তি, যক্ষ বল, রক্ষ বল. কারুর না। শিরবৈষ্ণু বুঝতে পারলে ময়ূর, নেউলের বাক, মাতালীর মাটির শিউরে ওঠা। হাঁস ফিরল তার, থমকে দাঁড়াল, ভুরু কঁচকে মেয়েটার দিকে তাকিয়ে রইল, শুধালে—কে তু? আ?

মেয়েটা তখন ভুঁইয়ের উপর বসে পড়েছে—নেতিয়ে পড়েছে। টলছে, বিসর্জনের প্রতিমার মত টলছে। তবু সে কণ্ঠে কোন মতে বললে—তিন ভুবনে আমার ঠাই নাই, তিন ভুবনে আপন নাই; ছিল শুধু মা; সে-ও আমাকে দিলে তাড়িয়ে। মায়ের কাজ করতে নারলাম, তাই দিলে তাড়িয়ে। তোমার নাম শুনেছি, তোমার কাছে এসেছি ঠাইয়ের জগ্রে। তুমি যদি ঠাই দাও তো বাঁচি, নইলে আমাকে—

হাঁপাতে লাগল সে। হাঁপাতে হাঁপাতেই বললে—এই নেউলে আর ওই ময়ূরেরা আমাকে ছিড়ে ফেলবে গো! তা ছাড়া এখানকার বাতাসে কি রয়েছে,—আমার দম বুঝি বন্ধ হয়ে যাবে!

শিরবৈষ্ণু এবার চিনলে। বুকে তার কণ্ঠের শোক, চোখে তার ওই কালো মেয়েটার রূপের ছটার ধাঁধা—তবু সে চিনতে পারলে। কালো মেয়ের দাঁত কি মিহি, কি বাকবাকে, আর মুখ থেকে কি কটু বাস বেরিয়ে আসছে! বিষবৈষ্ণুর কাছে কতক্ষণ লুকানো থাকবে কালকূটের গন্ধ?

ছ'পা পিছিয়ে এল শিরবৈষ্ণু।

সর্বনাশী—কালনাগিনী! পালা, পালা ভুই, পালা! নইলে তোমার পরান যাবে আমার হাতে! ওই মোহিনী কণ্ঠে মৃতি না ধরে' এলে এতক্ষণে তা যেত!

তখন মেয়েটা এলিয়ে পড়ে গিয়েছে ধুলোর উপর। অন্ধকার রাত্রে একছড়া কালোমানিকের হারের মত পড়ে আছে, আকাশের বিদ্যুৎ চমকের মধ্যে ঝিক্‌মিক্‌ করে উঠছে!

শিরবেদে মহাদেব কাহিনী বলতে বলতে খেমে যায় এইখানে। একটুখানি হাসি তার মুখে ফুটে ওঠে। মাথা নেড়ে অসহায়তা জানিয়ে আবার বলে, দেবতার সহায় ‘নেয়ত’, ‘নেয়তের’ হাতে মাহুষ হল পুতুলনাচের পুতুল বাবা! যেমন নাচায় তেমনি নাচি।

‘চাঁদো বেনের সঙ্গে বিষহরির লড়াইয়ে নিয়তি বিষহরির সহায়; শিবের ভক্ত চাঁদ, মহাজ্ঞানের অধিকারী চাঁদ নাচলে পুতুলের মত। লখিন্দর জন্মাল বাবা, নিয়তি তার কপালে ‘নেখন নিখলে’। তাকে এড়িয়ে বাবে শিরবৈষ্ণু—সে সাধ্যি তার কোথায়? হয় তো সাধ্যি হ’ত যদি থাকত গুরুবল—ধনুস্তরি থাকতেন বেঁচে। এই ছলনায় ছলবার তরে নিয়তি আগে থেকে ছক সাজিয়ে রেখেছে। কত্রে দিয়েছিল, সেই কত্রে কচিকালে কেড়ে নিয়েছে, বুকের মধ্যে তেঁজা আগিয়ে রেখেছে, তার পরেতে কালনাগিনীকে ছোট মেয়েটি সাজিয়ে এই কালনাগিনীতে তার ছামনে দাঁড় করিয়েছে। তবু শিরবৈষ্ণু আপন গুরুবলে বিগ্ৰেবলে তাকে চিনতে পেরে হু’পা এল পিছায়ে। তখন বাবা মোক্ষম ছলনা এল।’

শিরবৈষ্ণু দেখতে পেলো আর একটি মূর্তি। ছায়ার মতন। ওই নেতিয়ে পড়া কালনাগিনীর শিয়রে দাঁড়িয়ে আছে। বাবা সে হল সাক্ষাৎ নিয়তি, মহামায়ার মায়া! একেবারে শিরবৈষ্ণুর সেই মর্য্য কত্রে। এবারে শুধু শিরবৈষ্ণুই ভুললে না বাবা, সাক্ষাৎ নিয়তির ছলা, তাতে ভুলল সবাই, ময়ূরেরা ভুলল, নেউলেরা ভুলল, সাতালী পাহাড়ের নস্তুর-পড়া মাটি, সেও ভুলল;—সবাই স্তম্ভিত হয়ে তাকিয়ে রইল সেই

ছায়া'র মত মূর্তিটির দিকে। সেই কন্ঠে, শিরবৈষ্ণব ছলালী, যে ময়ূরদের সঙ্গে নাচত, নেউলেরা যার পায়ে মাথা ঘষত, যার পায়ের মলের ঝমঝমানিতে সাতালী পাহাড়ের মস্তুর-পড়া মাটি তালে তালে ছলে উঠত,—সেই কন্ঠে। অবিকল! 'তিল থুতে' তফাৎ নাই। সেই! সেই!

সে মেয়ে এবার ডাকলে—বাবা!

শিরবৈষ্ণব এবার হা করে কঁদে উঠে ছহাত মেলে দিয়ে বললে, আয়-আয় ওরে আমার হারানিধি—ওরে আমার কন্ঠে আয় মা, আমার বুকে আয়।

কন্ঠে মূর্তি ধরে নিয়তি বললে,—কি করে যাব বাবা! এ যে আমার ছায়ামূর্তি! নূতন মূর্তিতে তোমার বুকে জুড়াব বলে এলাম,—কিন্তু তুমি যে আমাকে নিলে না বাবা।

শিরবৈষ্ণব চোখ দিয়ে জল গড়ালো, ময়ূরেরা বিলাপ করে উঠল, নেউলেরা ফোঁসানি ছেড়ে দুঁপিয়ে কঁদে উঠল, গাছের পাতাপল্লব থেকে টপ টপ করে ঝরতে লাগল শিশিরের ফোঁটা।

কন্ঠে বললে,—নতুন জন্মে আমি নাগকুলে জন্ম নিয়েছি বাবা। এই তো আমার নতুন কায়, এই তো পড়ে রয়েছে সে কায়, সাতালীর শীমানায় কালো রত্নহারের মত। তুমি যদি বুকে নাও তবেই শুই কায়্য ধাকতে পাব, নইলে আবার মরতে হবে।

বলতে বলতে ছায়ামূর্তি যেন এলিয়ে গলে মিলিয়ে গেল—শুই কালো মেয়ের অচেতন দেহের মধ্যে। মাল্লুষের ছলা মাল্লুষের মায়া,—এ ছেঁড়া যায়, কাটা যায়, দেবমায়াও বুঝা যায় বাবা, নিয়তির মায়া, সে বুঝবার সাধ্য এক আছে শিবের, আর কারুর নাই।

শিরবৈষ্ণব ভুলল; সে পাগলের মত ছুটে গিয়ে তুলে নিলে কাল-

নাগিনীর কণ্ঠে-মৃতি-ধরা দেহখানি। মনে হল বুক যেন জুড়িয়ে গেল। নাগিনীর অঙ্গের পরশ বড় শীতল যে! বিষবৈজ্ঞের দেহে তেমনি জ্বালা। বিষ খেয়ে সে ঝিমোয় সারা অঙ্গে মাখে বিষহরা ওষুধের রস, গলায় হাতে তার জড়িবুটি, তেল মাখা বারণ; দেহ তার আগুনের মত তপ্ত। নাগিনীর শীতল পরশে দেহ জুড়ালো, মনে হ'ল বুকও যেন জুড়িয়ে গেল। শিরবৈজ্ঞ আরও জোরে বুক জড়িয়ে ধরলে কণ্ঠের দেহখানি। কথায় আছে—ম'রে মানুষ জ্বালা জুড়ায়। তা বাবা, নাগিনীর দেহ অঙ্গে জড়ালে ভাবতে হয়—মরণ ঠাণ্ডা বেশি, না, নাগিনী শীতল বেশি।

—তারপর?

প্রশ্নের পুনরাবৃত্তি করে হাসে গঙ্গার চরের সীতানীর শিরবেদে। ঘাড় নাড়ে গৃঢ় রহস্তোপলব্ধির আনন্দে নিরাসক্তের মত। বলে—তারপর যা হবার তাই হল, কণ্ঠের মুখে চোখে দিলে মন্ত্রপড়া জল, ওষুধের গন্ধ সূত্র করবার মত ওষুধও দিলে দুধের সন্ধে। ময়ূরদের বললে—না যা চলে যা! হুস্—ধা! নেউলদের বললে—যা তোরাও যা! বলে শিশ মেঝে দিলে ইশারা!

মেঝে চোখ মেললে! বললে—তুমি আমার বাপ!

শিরবৈজ্ঞ বললে—হ্যাঁ না হ্যাঁ। তার পর বললে—কিন্তু আমাকে কথা দে মা—আমাকে কখনও ছেড়ে যাবি না।

—না-না-না! তিনসত্যা করলে কালোকণ্ঠে। বললে—তোমার ঘরে আমি চিরকাল থাকব, থাকব, থাকব। তোমার ঘরে ঝাঁপিতে থাকব নাগিনী হয়ে, তোমাদের বংশে জন্মাব আমি কণ্ঠে হয়ে। তুমি বাঁশি বাজিয়ে আমাকে নাচাবে—আমি নাচব।

শিরবৈজ্ঞ বললে—আকাশে সাক্ষী রইল দেবতারা, মর্ত্যে সাক্ষী রইল

নেউলেরা, ময়ূরেরা, আর এই সীতালীর গাছপালা। যদি চলে যাস তবে আমার বাণে হবে তোর মরণ।

—হ্যাঁ তাই।

এইবার শিরবৈজ্ঞ তাকে পরিদে দিলে তার সেই মরা মেয়ের অলঙ্কারগুলি। পায়ে দিলে মল, গলায় দিলে লাল পনার মালা, হাতে দিলে শঙ্খের করুণ, তারপর তুলে নিলে তার বাঁশি। বাঁশের বাঁশি নয়, অজ্ঞ বাঁশি নয়, এই তুমড়ি বাঁশি। আর সেই মেয়ে নাচলে নাচন। হুলে হুলে পাক দিয়ে দিয়ে, সে নাচন বিষবৈজ্ঞের মেয়ে আর নাগকণ্ঠে ছাড়া আর কেউ জানে না। নাচতে নাচতে এসে শিরবৈজ্ঞের গলা জড়িয়ে ধরে হুলতে লাগল। তার নিঃশ্বাস পড়তে লাগল শিরবৈজ্ঞের নাকের কাছে। নাগিনীর নিঃশ্বাস অস্তের কাছে বিষ—কিন্তু বিষবৈজ্ঞের কাছে দুঃখহরা চিন্তাহরা আসব। আমরা বাবা সাপের বিষ খেয়ে নেশা ক'রে যে সুখ পাই—হোক না কেন হাজার কড়া মদ, সে সুখ পাই না। শিরবৈজ্ঞ বুক ভ'রে নিঃশ্বাস টানতে লাগল। কিছুক্ষণের মধ্যেই হাতের তুমড়ি বাঁশির সুর এলিয়ে পড়তে লাগল, চোখ দুটি ঢুলতে লাগল, সারা গা টলতে লাগল, পায়ের তলায় মাটি হুলতে লাগল, শেষ খসে পড়ল হাতের বাঁশি।

এবার নাগিনী গান ধরলে গুনগুনিয়ে—ঘুমপাড়ানী গানের মত—
বিষছড়ানী গান।

“বাসুকী দোলায় মাথা দোলে চরাচর রে—

তুই চল চলে পড় রে!

সমুদ্র মন্ডনে দোলে ও সান্ত সাগর রে—

তুই চল চলে পড় রে!

অনন্ত উগারেন সুখ তাই হলাহল রে—

ও তুই চল চলে পড় রে!

সে সূখা ধরেন কণ্ঠে ভোলা মহেশ্বর রে—

তুই ঢল ঢলে পড় রে!

ভোলার চক্ষু ঢলুঢলু অঙ্গ টলমল রে—

তুই ঢল ঢলে পড় রে!

অনন্ত শয্যায় শুয়ে যুমান ঈশ্বর রে—

তুই ঢল ঢলে পড় রে!

বাবা অমন ঘুমের ওষুদ আর নাই। ভোলানাথ মহেশ্বর হলেন মিত্যুজয়, মিত্যুকে জয় করলে কি ঘুম তার কাছে আসে? আসে না। মিত্যুর ‘ছেঁয়া’ হল ঘুম। তোমার আমার অঙ্গের যেমন ছেঁয়াতে তোমার আমারই আকার পেকার—মিত্যুর ‘ছেঁয়াতে’ও তাই তারই ছোঁয়াচ। নিথর করে দেবে, সব ভুলিয়ে দেবে। তা মিত্যুর ছেঁয়া ঘুম মিত্যুজয়ের চোখে কি পেকারে আসবে বল? আসে না। মিত্যুও নাই ঘুমও নাই। সদাই জেগে আছেন শিব। কিন্তু ওই নিঃখাসের নেশায় সদাই আধঘুমে ঢলুঢলু করছেন—মনে কিছুই নাই, সব আছেন ভুলে। আবার দেখ বাবা—ঈশ্বর—তিনি পাতেন অনন্ত শয্যা—ক্ষীরোদ সাগরে। অনন্ত নাগের শয্যা ভিন্ন ঘুম আসে না। ঈশ্বরকে ঘুম পাড়ায় বাবা ওই নিঃখাস। সেই নিঃখাসে ঢলে পড়ে ঘুমিয়ে পড়ল শিরবৈজ্ঞ। শুধু সে কেন? গোটা সাতালী পাহাড়! ময়ূরের পাখা হল নিথর, নেউলের দেহ পড়ল নেতিয়ে, সাতালীর লতাপাতা ঝিম হয়ে রইল। তখন বের হল সেই ছোট কালোমেয়ে। খুলে ফেললে শিরবৈজ্ঞের দেওয়া গয়নাগুলি। নিঃশব্দে চলল এগিয়ে। নিঃশব্দে কিন্তু তীরের মত বেগে। বাসর ঘরের লোহার পাচিলে কামিলে রেখেছিল। ছিঙ্গ—সেখানে গিয়ে ধরলে নিজের মূর্তি। দাঁড়াল ফণা ধরে, লকলক

ক'রে খেলতে লাগল জিভ, নিঃশ্বাসে নিঃশ্বাসে ছিদ্র বড় হতে লাগল—
কয়লার গুড়ো খসে পড়ল।

—তারপর ?

—তারপর তো তোমরা সব জান গো ! জানতে না শুধু বিষ-
বৈষ্মদের এই কথাটি ! কি ক'রে জানবে বল ? ঘটল রাত্তিরের
আধারে । সাফী তো কেউ ছিল না । আর বিশ্বাসই বা কে করবে
বল ? সকালে যখন বেহুলার কান্না শুনে চাঁদ সদাগর ছুটে এল ডাঙশ-
খাওয়া হাতীর মত, এসে দেখলে—সোনার লখিন্দর নাই । কান্দছে
বেহুলা, পড়ে আছে নাগিনীর লেজের একটা টুকরো । তখন সর্বাগ্রে
সে ছুটে এসেছিল বিষবৈষ্মদের পাড়ায় শিরবৈষ্মের আওনেতে । তখনও
সে ঘুমে অচেতন ।

লাখি মারলে চাঁদ । হিষ্টালের লাঠি দিয়ে দিলে গোচা ! শিরবৈষ্ম
জাগতেই তাকে বললে—তুই নেমকহারাম । তুই বিশ্বাসঘাতী ! তুই
পাপী ! তুই সাহায্য না করলে, তুই পথ না দিলে পথ পায় কি ক'রে
নাগিনী ?

শিরবৈষ্ম স্থিরদৃষ্টিতে চেয়ে রইল বণিক মহাশয়ের মুখের দিকে ।
শুধু একবার দেখে নিলে চারিপাশ । কোথায় কালোমেয়ে ? কেউ
কোথাও নাই, শুধু ক'খানা অলঙ্কার পড়ে রয়েছে চারিদিকে ছড়িয়ে ।

মায়া ! ছলনা ! নিয়তি !

মাথা হেঁট করলে সে দণ্ড নেবার জন্তে ।

চাঁদো বেনে শাপাস্ত করলে ।

বাক্য দিয়ে বাক লজ্জন করেছিস, বিশ্বাস করেছিলাম—সে বিশ্বাসকে
হনন করেছিস, তুই—তোমর জাত বাক্যহস্তা বিশ্বাসহস্তা । যে বাক্ দিয়ে
বাক্ রাখে না তার জাত থাকে না । বিশ্বাস করলে যে বিশ্বাসকে হনন

করে তার দণ্ড নির্বাসন। মাতালী, পাহাড়ে যে নিষ্কর সনদ দিয়েছিলাম সে হল বাতিল, এই পাহাড় থেকে—এই সমাজ থেকে—এই দেশ থেকে তোদের ঠাই আমি কেড়ে নিলাম। শিবের আজ্ঞায় রাজা নিলেন কেড়ে। তোদের বাস গেল জাত গেল মান গেল লক্ষ্মী গেল। শিবের আজ্ঞা, আমার শাপাস্ত! তোদের কেউ ছোবে না, ছোওয়া জিনিস নেবে না, বসতির মধ্যে ঠাই দেবে না।

চলে গেল সদাগর। সাত পুত্রের শোক বৃকে নিয়ে সে তখন পাথর, তার সে মূর্তির সামনে দাঁড়িয়ে শিরবৈষ্ণবের সাহস হ'ল না যে বলে—সদাগর, তোমার সাতটি গিয়ে যেমন বৃক খালি হয়েছে, আমার একটি গিয়েই তেমনি বৃক খালি হয়েছে। বিশ্বাস যদি না কর তো, তোমার বৃকে হাত দিয়ে আমার বৃকে হাত দাও,—তাপ সমান কি-না দেখ! সে বাক্যহীন হয়ে দাঁড়িয়ে রইল।

ওদিকে তখন চম্পাই নগরে হায় হায় উঠেছে। দুয়ারে দুয়ারে লোক জমেছে, নদীর ঘাটে কলার মাজাস বাধা হচ্ছে; লখিন্দরের দেহ নিয়ে বেহুলা জলে ভাসবেন; মরা লখিন্দরের প্রাণ ফিরে পেলে তবেই ফিরবেন, নইলে এই ভাসা মরণলোকে ভাসা!

“জলে ভেসে যায় রে সোনার কমলা!”

হায় গ! হায় গ!

কঠিন নাগিনী তোর দয়া হল না!

হায় গ! হায় গ!

বিষবৈষ্ণব জাতি ছিল, কুল ছিল, মান ছিল, খাতির ছিল কিন্তু লক্ষ্মী ছিল না। চিরটা দিন বাঙলা বাউল, ওষুধের মূল্য নাই, মন্ত্র-শুণের দক্ষিণা নাই। ভগবানের ‘ছিটি আর গুরুদান’—এ-বিক্রি ক’রে

কি মূল্য নিতে আছে, না এ-দুয়ের মূল্য সোনায়ে রূপায় হতে পারে। নিয়ম হ'ল—‘বিষে জীবন যায়’ এ সংবাদ যদি কাকের মুখে পাও তো কাককে শুধাবে কোথায়, কার? তারপরে ঘরের চিঁড়ামুড়ি খুঁটে বেঁধে তৎক্ষণাৎ যাত্রা করবে সেই দিকে। পরান ফিরায়ে দিয়ে ফিরে আসবে ঘর। খালি হাতে যাত্রা খালি হাতে ফেরা। তাদের ঘরে লক্ষ্মী হবে কোথা থেকে বল? চিরদিনই তারা গরীব। শুধু ছিল জাতি, কুল, মান—তাও গেল সমাজের শিরোমণি লক্ষ্মীস্বর চাঁনোবেনের শাপে! ব্রহ্মার সৃষ্টির প্রথম থেকে সঁতালী-পাহাড়ের বসতির ‘শাসন-পত্র’, তাও হয়ে গেল দেবচক্রে নিয়তির ছলনায় বাতিল। বিষবৈজ্ঞানের রূপ ছিল সাধুসন্ন্যাসীর মত, তাদের অঙ্গের জড়ি-বুটি গুণধূধের গন্ধ বিষধরের কাছে অসহ্য কিন্তু মানুষের কাছে সে গন্ধ দিব্য-গন্ধ বলে মনে হ'ত! তাদের রূপে পড়ল কালি, দিব্য-গন্ধ দুর্গন্ধ হয়ে উঠল চাঁদোরাজ্যের শাপে। লঙ্কায় মাথা হেঁট ক'রে সঁতালী ছেড়ে, জড়িবুটির বোঝা সাপের ঝাঁপি আর মাটির ভাঁড় সম্বল করে বেরিয়ে পড়ল। সঁতালীর সীমানা পার হয়ে—যেখানে শিরবৈজ্ঞ প্রথম দেখেছিল সেই মায়াবিনী কালো কণ্ঠে-মূর্তি-ধরা কালনাগিনীকে সেইখানে এসে থমকে দাঁড়াল শিরবৈজ্ঞ; মনে পড়ল সব। সে আক্ষেপ করে চীৎকার করে উঠল—আঃ মায়াবিনীরে! তোর ছলাতে সব হারালাম, তোকেও হারালাম? বাকু দিয়ে বাকভঙ্গ করলি সর্বনাশী!

কাঁধের বাকি ঝুলানো ঝাঁপি থেকে শিষ দিয়ে কে যেন বলে উঠল—না বাবা, না! আমি আছি—তোমার সঙ্গেই আছি।

ঝাঁপি খুলতেই মাথা তুলে ছলে উঠল কালোমানিকের হারের মত ঝলমলানো ছটা নিয়ে কালনাগিনী কালো কণ্ঠে। ছপাং ক'রে ছোবল দেওয়ার মত ঝাঁপিয়ে পড়ল শিরবৈজ্ঞের বুকের দিকে। শিরবৈজ্ঞ তাকে

জড়িয়ে নিলে গলায়। নাগিনী মাথা তুলে ছলতে লাগল শিরবৈজ্ঞের কানের পাশে। ফোঁস-ফুঁসিয়ে কানে কানে বললে—নাগের বাক্যে দেব-বাক্যে তফাৎ নাই। বাক্ দিলে সে বাক্ ফেরে না। চাঁদের আজ্ঞায় তোমাদের বাস ভূমি গিয়েছে, মা বিষহরির আজ্ঞায় তোমরা পাবে নতুন বাসের ঠাই। গঙ্গার বৃকে ভাসাও নৌকা; মা-গঙ্গা স্বর্গের কণ্ঠে, পৃথিবীর বৃকে বেয়ে গেলেও পৃথিবীর বাইরে। গঙ্গার জল যত দূর পর্যন্ত মাটি ঢেকে দেয় তত দূর মা-গঙ্গার সীমানা। গঙ্গার ধারে পবিত্র পলিপড়া চরের উপর যেখানে তোমার পছন্দ সেইখানেই ঘর বাঁধ। চাঁদের আজ্ঞা সেখানে খাটবে না। তোমাদের জাতি নিলে কুল নিলে চাঁদ, মা-বিষহরি তোমাদের দিলেন নতুন জাত, নতুন কুল। তোমরা কারুর ভাত খাবে না, তোমাদের জল তোমাদের ফুল মা-বিষহরি নেবেন মাথায়। এ জাত তোমার যাবে না। চাঁদের শাপে তোমাদের বর্ণ হয়ে গেল কালি বর্ণ, মায়ের ইচ্ছায় ওই কালি বর্ণে ফুটে উঠবে আমার বর্ণের ছটা! আর মা দিয়েছেন ধনুহরির বিজ্ঞার উপরে নতুন মন্ত্র, যে মন্ত্রে পৃথিবীর জন্তু-জানোয়ার সব বশ মানবে। নাগের দংশন সে যেমন হোক যদি বিধির লেখা মৃত্যু-দণ্ডের দংশন না হয়, তবে সে মন্ত্রে নাগের বিষ উড়ে যাবে কর্পূরের মত। আর মা দিলেন তোমাকে নতুন অধিকার, তুমি নিতে পাবে গৃহস্থের কাছে পেটের অন্নের জগ্রে চাল, অঙ্গ ঢাকবার জন্ত বস্ত্র। আর দিয়েছেন অধিকার আমার বিষের উপর—এই বিষ গেলে তুমি বিক্রি করবে বৈজ্ঞদের কাছে, তোমার হাতের গেলে-দেওয়া-বিষ তারা শোধন ক’রে নিলে হবে অমৃত। সে অমৃত সূচ-পরিমাণ দিলে মরতে-মরতে মাছুষ বেঁচে উঠবে। বাক্-বন্ধের বাক্ ফুটবে, পঙ্গুর দেহে সাড় আসবে; আর বাবা, আমি হয়েছি কাল রাত্রি তোমার কণ্ঠে, চিরকাল তাই থাকব। ঝাঁপিতে থাকব নাগিনী

মূর্তিতে, তুমি আমাকে নাচাবে আমি নাচব; তোমাদের ঘরে জন্মাব সত্যিকারের কত্তে হয়েও। তুমি শিরবেদে, তুমি আমাকে চিনতে পারবে আমার লক্ষণ দেখে। প্রথম লক্ষণ বাবা, পাঁচ বছরের আগে সে কত্তা বিধবা হবে, স্বামী মরবে নাগের বিষে। তারপর ঘোল পর্যন্ত সে কত্তের আর বিয়ে দেবে না; ঘোলবছরের আগে ফুটবে নাগিনী লক্ষণ। কাল রাত্রে আমার যেমন রূপ দেখেছ বাবা, ঠিক তেমনি রূপ। তার কপালে তুমি দেখতে পাবে 'চক্রচিহ্ন'। সেই কত্তে নেবে তোমাদের বিষহরির পূজার ভার। তোমাদের কল্যাণ করবে সে, তোমার আজ্ঞাধীন হবে, তোমাকে জানাবে মা-বিষহরির অভিপ্রায়ের কথা। চল বাবা, ভাসাও নৌকা। আমি দেখাই তোমাকে পথ।

গাঙ্গুড়ের ডলে রাত্রির অন্ধকারে নৌকা ভাসল।

দিনে সকালে বেহুলার মাঙ্কাস ভেসে গিয়েছে।

সমস্ত দিন অরণ্যে মুখ ঢেকে থেকে রাত্রে বিষবেদের নৌকা ভাসল—
চলল চম্পাইনগর সাঁতালী পাহাড় দেশভূঁই ছেড়ে। গলুইয়ের উপর ফণা তুলে কালনাগিনী বলে এইবারে বায়ে ভাঙ বাবা! এইবার ডাইনে। আকাশে মেঘ ওঠে, নাগিনী ফণা তুলে ধরে ছত্র। ওঠে ঝড়, নাগিনী বিষ-নিঃশ্বাসে দেয় উড়িয়ে। প্রভাত হয়, শিরবৈষ্ণব দেখে সারিবন্দী নৌকার অর্ধেক নাই। নাগিনী বলে, ওরা তোমাকে ছাড়লে বাবা। পতিত হয়ে ওরা থেকে গেল, মাটিতে ঠাই রইল না, এখানকার নদীতেই নৌকায় নৌকায় ফিরবে ওরা। পরের দিন সকালে যখন নৌকা পদ্মাবতীর মাঝামাঝি এল তখন দেখলে আরও অর্ধেক নৌকা নাই, রাত্রে অন্ধকারে অকূলে ভাসবার দৃশ্চিন্তা সইতে না পেরে চুপি চুপি সঙ্ক ছেড়ে নৌকা বেঁধেছে কোন ঘাটে। তারাও থাকল সেখানে।

শেষ তিনখানা নৌকা এসে পৌছাল এই হিজল বিলের ধারে।

নাগিনী বললে—এইখানে আছে মা-বিষহরির আটন। এরই তলায় মা লুকিয়ে রেখেছিলেন চাঁদোর সাতভিঙ্গা মধুকর।

শিরবেদে বললে—তবে এইখানের ভুঁইয়ে ঘর বাধি?

—মা-গঙ্গার চরের উপর যেখানে খুশি সেইখানেই বাধতে পার। বাপ, এইখানেই বাধ। হিজল বিলের বুক থেকে নালা-খালার অস্ত্র নাই—এইখানের মুখে হাঙরের বাস—এর নাম হাঙরমুখী, ওর পাশে ওইটে হ'ল কুমীরখালা, তার ওদিকে হাঁসখালী।

এ বিলের নালা-খালার অস্ত্র নাই; ককটির খাল, চিতির নালা, কাহুনে গড়ানী। হিজলের যে দিকটা লোকে চেনে, এটা সে দিক নয়, সে দিকে আছে আরও কত নালা-খালা।

আমরা এইখানেই ঢুকলাম নোকা নিয়ে।

তিনখানি নোকা ঘাটে বাধা রইল। ঘাস বনের ভিতর মাচান বেঁধে উঠল। তিনখানি ঘরে নতুন সাঁতালী গাঁয়ের পত্তন হ'ল।

তিন ঘর থেকে তিরিশ ঘরের উপর বিষ-বেদের বসতি সাঁতালী।

শরতের প্রথমে আকাশ পরিষ্কার হয়ে এসেছে। মেঘের গায়ে পেঁজাতুলোর বর্ণ ও লাবণ্য দেখা দিয়েছে। কৃষ্ণপক্ষের পঞ্চমী। দশদণ্ড রাত্রি পার হয়ে গিয়ে আকাশে কৃষ্ণ পঞ্চমীর চাঁদ উঠেছে। জ্যোৎস্না ছড়িয়ে পড়েছে আকাশের পূর্বদিক থেকে পশ্চিম দিগন্তের দিকে; বড় বড় সাদা মেঘের থানা ভেসে যাচ্ছে। নিচে হিজল বিলে পদ্ম-শালুকের পানাড়ীর ফুল ঝলমল করছে। হিজলের ঘন সবুজ ঘাসবনে কাশফুল ফুটতে শুরু করেছে, এখনও ফুলে ফেঁপে দুধ বরণ সাদা হয়ে ওঠেনি। তার উপর পড়েছে জ্যোৎস্না।

হাঙরমুখীর ঝাকে ঝাকে ঘুরে সাঁতালীর ঘাটে যদি কেউ যেতে পারে—তবে দেখতে পাবে পয়ত্রিশ-চল্লিশখানা নৌকা বাধা। নৌকায় নৌকায় আলো জ্বলছে : পিদিমের আলো। ঘাটে পৌছবার আগেই শুনতে পাবে বিচিত্র বাজনার শব্দ।

তুমড়ি বাঁশির একঘেয়ে শব্দের সঙ্গে—বিষম-টাকি বাজছে। তার সঙ্গে উঠছে বনাংবন-বনাংবন বিচিত্র ধাতব ঝঙ্কার। শরীর মন কেমন শির শির করে উঠবে সে বাজনা শুনে। তারই সঙ্গে মধ্যে মধ্যে ঠিক তালে তালে সমবেত কণ্ঠের ধুয়া গান শুনতে পাবে—অ-গ-! অ-গ-!

আরও খানিকটা এগিয়ে গেলে শুনতে পাবে মোটা ভরাট গলার গান—

“লাচো লাচো আমার কালনাগিনী কন্ঠে গ !”

অ-গ !

হুসু আমার সোনা হইল তু মানিকের জন্মে গ !”

অ-গ !

“কদমতলায় বাজে বাঁশি রাধার মন উদাসী গ !”

অ-গ !

“কালীদহে কালনাগিনী উঠল জলে ভাসি গ !”

অ-গ !

“মোহন বংশীধারীর আমার লয়ন মন ভোলে গ !”

অ-গ !

ঝাপ দিল কালো কানাই রাধা রাধা বলে গ !”

অ-গ !

“কালোবরণ কালনাগিনী কালো চাঁদের পাশে-গ !”

অ-গ !

“কালীদহের জলে যুগল নীলকমল ভাসে-গ !”

অ গ !

ঘাটে এসে বাধ নোকা ! সাবধানে নেমো। অনেক বিপদ। সামনে পাবে এক-ফালি সরু পথ। ছুপাশে ঘাস বন ; ঐকৈ-বৈকৈ চলে গেছে রাস্তাটি ! ঝক ঝক করছে আজ রাস্তাটি। চেষ্টে-ছুলে পরিষ্কার করেছে আজ। রাস্তায় দাঁড়ালেই পাবে ধূপের মিষ্ট গন্ধ। ধূপের সঙ্গে ওরা দেবদারুর আঁঠা আর মুখা ঘাষের গের্ণ্ডো শুকিয়ে গুঁড়ো করে মেশায়। বাজনা এবার উচ্চ হয়ে উঠেছে, একঘেষে সুরেই বেজে চলেছে।

ঝনাং ঝন—ঝনাং ঝন—ঝনাং ঝন।

চিমটের মাথায় কড়া বাজাচ্ছে ! বাজছে মন্দিরার মত তালে তালে, ঝনাং-ঝন !

ধুম-ধুম, ধুম-ধুম, ধুম-ধুম।

বিষম ঢাকি বাজছে।

বিচিত্র তুমড়ি বাঁশি বাজছে পুঁ-উ-উ ! পুঁ-উ-উ ! পুঁ-উ-উ !

আজ ভাত্রের শেষ নাগপঞ্চমী। বিষহরির আরাধনা করছে বিষবেদেরা। আজ ওদের শ্রেষ্ঠ উৎসব ! উৎসব হচ্ছে বিষহরির আঙনেতে। পূজা হয়ে গিয়েছে দিনে, এখন হচ্ছে গান। গোটা পাড়া গানের আসরে এসে বসেছে, সবাই গাইছে গান। মেয়ে পুরুষ সবাই। শ্রোতা নাই। এগিয়ে চল—গুনতে পাবে নারীকণ্ঠ—একা একটি মেয়ে গান গাইছে—

—“অ আমার সাত জন্মের বাপ গ—তোরে দিছি বাক-গ !”

সমবেত নারীকণ্ঠে এবার সেই ধূয়া ধ্বনিত হয়ে উঠবে “অ-গ” !

—“তোরে ছেড়া যাইলে আমার মুণ্ডে পড়বে বাজ গ !

—অ-গ !”

—“এ ঘোর সঙ্কটে তুমি রাখলে আমার মাথো গ ।

—অ-গ !”

—“জন্ম জন্ম তোমার ঘরে হইব আমি কত্তো গ !

—অ-গ !”

—“তোমার বাঁশির তালে তালে নাচব হেলা ছল্যা গ !

—অ-গ !”

—“আমার গরল হইবে স্খা তুমি বাবা ছু ল্যো গ ।

—অ-গ !”

এ গান গাইছে ওদের নাগিনী কত্তা ।

কালনাগিনী ওদের ঝাঁপির মধ্যে থাকে । আবার ওদের ঘরে কত্তা
হয়েও জন্মায় । বাক দিয়েছিল কালনাগিনী :

“তোমার বংশ তোমার ঝাঁপি হইল আমার ঘর গ !”

—অ-গ

“তুমি না করিলে পর হইব না মুই পর গ !”

—অ-মরি-মরি-মরি গ ; অ মরি মরি গ !

আজও সে বাকের অন্তথা হয় নাই । পাঁচ বৎসর বয়সের আগে
সর্পাঘাতে বিধবা হয় যে কত্তো তার দিকে সকল বেদের চোখ গিয়ে পড়ে ।
বেদের ঘরে মেয়ের বিয়ের কাল হয় অল্পপ্রাণনের পরই । ছ-মাস থেকে
তিনবছর বয়সের মধ্যেই বিয়ে হয়ে যায় । বেদের ছেলে সাপ নিয়ে খেলা
করে ; বেদেদের সাপ নিয়ে কারবার । মনসার কথায় আছে—“নরে
নাগে বাস হয় না ।” সান্তালী গাঁয়ে সেই নরে-নাগে বাস । সেবার

মধ্যে অপরাধ হয়, নাগ দংশন করে ; বিষহরির বরে—সে বিষ মস্তবলে ওষুধের গুণে নেমে যায়। কিন্তু নিয়তির লেখায় যে দংশন হয় তার উপায় নাই। মৃত্যু এসে নাগের দম্ভে আসন পেতে বসে ; নাগের বিষের মধ্যে মিশিয়ে দেয় নিজের শক্তিকে। নৌকার মাঝি মরে জলে, কাঠুরে মরে গাছ থেকে ডাল ভেঙে পড়ে, যুদ্ধ যার পেশা সে মরে অস্ত্রাঘাতে।

শিরবেদে বলে—মিত্য বভ্রুপী বাবা। মানুষ্যের ‘ছেষ্ট’ কামনার দব্য অন্ন জল তার মধ্যে দিয়েই সে আসে। বেদের মিত্য সাপের মুখের মধ্যে দিয়ে আসবে তাতে আর আশ্চর্য্য কি। তাই যারা মরে সাপের দংশনে তাদের পরিবার সবাই কিছু নাগিনী কণ্ঠে হয় না। ধীরে ধীরে অন্ধে লক্ষণ ফুটে ওঠে! বেদের জাতে বিধবার বিয়ে হয়, আবার ছাড় বিচারও আছে। কিন্তু এই সব কণ্ঠের সাঙা যোল বছরের আগে হয় না। ‘যোল বছর বয়স পযন্ত চোখ থাকে এই কণ্ঠদের ওপর।

নূতন নাগিনী কণ্ঠে দেখা দিলেই পুরানো নাগিনী কণ্ঠকে সরতে হয়। গায়েব ধারে ছোট একখানি ঘরে গিয়ে আর জন্মের ভাগ্যের জন্তে মা-বিষহরিকে ধোয়ায়।

একজন শিরবেদের আমলে দু-তিন জন নাগিনী কণ্ঠার আমল পায় হয়।

তিন

কতজন শিরবেদের কাল চলে গেল, সে জানেন কালপুরুষ। সে কি মনে রাখার সাধ্য মানুষের? তবে মূল শিরবেদে ছিলেন বিশ্বস্তর। তার নামটাই মনে আছে বেদেদের, বলে আদিপুরুষ বিশ্বস্তর। বেদেগুলো জন্ম নিয়েছিলেন স্বয়ং শিব।

নিজে বিষ খেয়ে বিশ্বস্তর পৃথিবীকে দেন অমৃত। ঢুলুঢুলু করে তাঁর চোখ। শিরবেদে বিশ্বস্তরের সঙ্গে তার মিল অবিকল। এই বিশ্বস্তরই জাতি কুল ঘর দুয়ার দিয়ে সাঁতালী গাঁয়ের পতন করেছিল। মায়ের আজ্ঞাতে আবার বিয়ে করেছিল বৃদ্ধা বয়সে। সন্তান হ'ল, কালো মেঘে ঢাকা চাঁদের মত সন্তান। কিন্তু কই? কালনাগিনী যে বলেছিল সে আসবে বেদেগুলো কত্তে হ'য়ে—সে এল কই? কত্তে না হয়ে এ যে হ'ল 'পুত্ৰ-সন্তান'! শিরবেদে বিশ্বস্তর দীর্ঘনিশ্বাস ফেললে; কিন্তু বেদেদের বিধাতা হাসলেন। বিশ্বস্তরের ছেলে, বারো বছর বয়স তখন, দেখে মনে হয় ষোল বছরের জোয়ান ছেলে। সাপ ধরে মাছের মত। গাছের উপর চড়ে তেড়ে ধরে বাদর। তেমনি তার ভেলকি বাজিতে হাত সাফাই! তাকে পাশে নিয়ে শিরবেদে একদিন বসে ওই কথাই ভাবছে, এমন সময়, এল কালো পাতলা এক চার বছরের মেয়ে, গামছা পরে ঘোমটা দিয়ে বউ সেজেছে। এসে দাঁড়াল সামনে, বিশ্বস্তর হেসে বললে—কে গো? তুমি কাদের বউ? মেয়েটি পড়শীর মেয়ে, নাম দণ্ডিমুখী, সে ঘোমটা খুলে বিশ্বস্তরের ছেলেকে দেখিয়ে বললে—উর বউ আমি। উকে বিয়ে করব। বিশ্বস্তরের ভাবনা ভেসে গেল আনন্দের ঢেউয়ে। বললে—সেই ভাল! তুই হবি আমার বেটার বউ! বিশ্বস্তরের যে কথা সেই কাজ। ধুমধাম

করে বিয়ে দিলে ছেলের। কিন্তু সাতদিন যেতে না যেতে নাগদংশনে গেল শিববেদের সন্তানটি। বিশ্বস্তর চমকে উঠল। বেটার জ্ঞে কঁাদল না, চোখ রাখলে দধিমুখীর উপর। ষোল বছর যখন ওই বিধবা কন্তেটির বয়স হল, কন্তেটির মা-বাপে আবার বিয়ে দেবার উত্তোগ করছে, তখন একদিন এমনি বিষহরির পূজার দিনে শিববেদে চীৎকার ক'রে উঠল—জয় বিষহরি !

তার তুলুতুলু চোখের দৃষ্টিতে দেখতে পেয়েছে ওই কন্তের কপালে নাগচক্র। তার মুখথানাকে দু হাতে ধরে একদৃষ্টে দেখে বললে—হঁ। হঁ।

—কি ?

—নাগচক্র !

—কই ?

—কন্তের ললাটে !

বার বার ঘাড় নেড়ে বলে উঠেছিল—তাথেই তাথেই, এই এরে দিকে বলে মা মোর বলি নিলে কালাচাঁদকে !

তারপর চাঁচিয়ে উঠল—বাজা বাজা বাঁশি বাজা, বিষমটাকি বাজা, চিমটে বাজা। ধূপ আর ধুনা আন, পিদিম আন, দুধ আন, কলা আন ; মা-বিষহরির বারি তোল আটনে, আল্ছে আল্ছে, বে বাক দিয়েছিল, সে আলছে।

পাড়ায় তখন তিন ঘর বেদে। সে সেই প্রথম সাতালী পত্তনের কালের কথা।

তারপর কত শিববেদের আমল গেল সে ওদের মনে নাই। বলে—
সে জানেন এক কালপুরুষ।

মনে আছে তিন জনা শিববেদের কথা।

শিবরাম কবিরাজ বলেন—মহাদেব শিরবেদেকে দেখেছিলাম গুরু ধূর্জটি কবিরাজের সঙ্গে গিয়ে। গুরুর ওখানে ওরা আসত আশ্বিনের প্রথমে। গঙ্গার ঘাটে বেদেদের নৌকা এসে লাগত। ওদের রুখু কালো চুল, চিকণ কালো দেহ-বর্ণ, গলায় মাহুলি—তার সঙ্গে পাথর জড়ি-বুটি, ওদের মেয়েদের বিচিত্র রূপ, ওদের গায়ের গন্ধ বলে দিত ওরা বিষবেদে। ওদের নৌকার গড়ন—নৌকায় বোঝাই সাপের ঝাঁপির থাক, এক পাশে বাঁধা ছাগল, ছইয়ের মাথায় খুঁটিতে বাঁধা বাদর—এসব দেখলেই গঙ্গার তীরভূমির পথিকেরা থমকে দাঁড়াত। বলত—বেদে! বিষবেদের নৌকা।

ধূর্জটি কবিরাজ মহাশয়ের আয়ুর্বেদ ভবনে গম্ভীর গলায়—জয় বিষহরি!
—হাঁক দিয়ে এসে দাঁড়াত বেদেরা। সকলের আগে থাকত মহাদেব।

জয় বিষহরি হাঁক দিয়েই আবার হাঁক দিত—জয় বাবা ধন্বন্তরি। তারপরই হাতের বিষমটাকিতে টোকা মেয়ে শব্দ তুলত—ধুন-ধুন! তুমড়ি বাঁশিতে ফুঁ দিত—পুঁ-উ-উ! পুঁ-উ-উ। চিমটের কড়া বেজে উঠত—ঝনাৎ-ঝন।

প্রসন্নমূর্তি আচার্য বেরিয়ে এসে দাঁড়াতেন প্রসন্ন মুখে; স্মিতহাসি ফুটে উঠত, সমাদর করেই তিনি বলতেন—এসেছ!

হাত জোড় করে মহাদেব বলত—যজ্ঞমানের ঘর, আগ্নেয়াস্ত্রের আঙুনে, প্রভু ধন্বন্তরি বাবার আটন, এখানে না এস্তা যাব কোথা? অন্ন দিবে কে? বাবা ধন্বন্তরি আপনকার পাথরের গল ছাড়া এ গরলই বা ফেলব কোথা? একে সুখ করবে কে শোধন ক'রে? জলে ফেলি তো জীবনাশ, মাটিতে ফেলি তো নরলোকের সন্ধান। আগুনি ছাড়া গতি কোথা বলেন।

শিবরাম কবিরাজ বলেন—আমি দেখলাম মহাদেব শিববেদকে । সে যেন এক ঘন অরণ্যের ভিতরের অটুট একটা পাথরের দেউল । কোন্ পুরাকালে কোন্ সাধক তার ইষ্টদেবতার মন্দির গড়েছিল,—বড় বড় পাথরের চাইয়ে গড়া মন্দির । কারুকার্য নাই, পলস্তারা নাই, এবড়ো খেবড়ো গড়ন—যুগ যুগান্তরের বর্ষায় শ্যাওলা ধরেছে, তার উপর গাছের ফাঁকে ফাঁকে রোদ পড়ে শ্যাওলায় সবুজে সাদা খড়ির দাগ পড়েছে, মাথার উপরের গাছের পল্লব থেকে শুকনো পাতার গুঁড়ো—শুকনো ফুলের রেণু । বাতাসে বনের তলার ধুলো উড়িয়ে তা দিয়েও তাকে ধুলিধূসর করে তুলেছে । খাড়া সোজা এমন শক্ত কাঠামোর বুড়ো আমি আর দেখি নি, দেখে ওই উপমা ছাড়া আর কোন উপমা আমার মনে আসে না । গলায় হাতে জড়ি বুটি মালা দেখে মনে পড়ে যেন দেউলের গায়ে উঠেছে বুনো লতার জাল । মাথায় ঝাঁকড়া চুল মনে হয় দেউলটার মাথায় বর্ষায় ঘাস গজিয়েছিল—সেগুলো এখন শুকিয়ে গিয়ে ঝাঁকড়া হয়ে দাঁড়িয়ে আছে ।

ওকে প্রথম দেখেছিলাম—হিজল বিলের ধারে সাতালী গায়ে গিয়ে । গুরুর সঙ্গে নৌকা করে গিয়েছিলাম বিম্ব কিনতে । দেখে এসেছিলাম ওদের গ্রাম, ওদের ঘর, মা-বিষহরির আটন, হিজলের বিল, ওদের নাগিনী কণ্ঠা শবলাকে । শুনে এসেছিলাম ওদের ভাসান গান, ওদের বাজনা ; নাগিনী কণ্ঠের ছলে ছলে পাক দিয়ে নাচন, বারি মাথায় করে ভরন—দেখে এসেছিলাম । আর দেখে এসেছিলাম সে কত রকমের সাপ । কত চিত্র-বিচিত্র দেহ, কত রকমের বর্ণ, কত রকমের মুখ ! ভুলতে পারি নি । বিশেষ করে ওই কালো কণ্ঠে আর ওই খাড়া সোজা পাথরের দেউলের মত বুড়ো—এদের দুই জনকে ভুলতে পারি নি ।

আবার হঠাৎ একদিন দেখলাম ।

আশ্বিনের শেষ ।

শহরে গুরুর ঔষধালয়ে রোগীর ভিড় জমেছে, বসে আছে সব ।
রাস্তার উপর গরুর গাড়ী, ডুলি, পালকির ভিড়, দূর দূরান্তর থেকে রোগী
এসেছে । ঘরের মধ্যে ব'সে গুরু চোখ বুজে একে একে নাড়ী পরীক্ষা
করছেন, উপসর্গের কথা শুনছেন, ব্যবস্থা দিচ্ছেন, আমি পাশে দাঁড়িয়ে
আছি, হঠাৎ বাইরে বানাং-বন্ বানাং-বন্ শব্দ উঠল ।

সঙ্গে সঙ্গে ভারী গলায় কেউ বললে—জয় মা বিষহরি ! পেদাম
বাবা ধ্বস্তুরি ।

তার কথা শেষ হ'তে না-হ'তে বেজে উঠল বিনম ঢাকি—ধুম—ধুম
—ধুম—ধুম । তারই সঙ্গে বেজে উঠল এক ষেয়ে সরু স্বরে তুমড়ি
বাঁশি—পুঁ-ঊ, ঊ-ঊ-ঊ-ঊ !

গুরু বারেকের জন্তে চোখ খুলে বললেন, মহাদেবের দল এসেছে,
অপেক্ষা করতে বল ।

বেরিয়ে এলাম । দেখলাম কাঁধে সাপের কাঁপির ভার নিয়ে দাঁড়িয়ে
আছে সঁতালী গায়ের বেদের দল । তাদের সবার সামনে দাঁড়িয়ে আছে
খাড়া সোজা শক্ত পেশী বাঁধা দেহ বুড়ো মহাদেব শিরবেদে । আর তার
পাশে সেই আশ্চর্য কালো বেদের মেয়ে—শবলা । নাগিনী কত্তে । আশ্বিন
মাসের সকাল বেলায় রোদ, বারো মাসের মধ্যে উজ্জল রোদ, হু-হুয়াস
বর্ষার ধারায় স্নান ক'রে কিরণের অঙ্গে তখন যেন জ্যোতি ফোটে, সেই
দ্বোদের ছটা ওই কালো মেয়ের অঙ্গে পড়েছে—তার অঙ্গ থেকেও কালো
ছটা ঝিলিক মারছে, শুধু মাথার চুল রুখু—সকাল বেলায় বাতাসে
এলোমেলো হ'য়ে গোছা গোছা উড়ছে । পরনে তার টকটকে রাঙা
শাড়ি, গাছকোমর বেঁধে পরা ।

বললাম—বস ভোমরা, কবিরাজ মশায় আসছেন ।

মহাদেব বললে—তুমারে চিনি-চিনি লাগছে যেন বাবা? কুখা দেখলম গ তুমাকে?

শবলা হেসে বললে—লজ্জর তুর খাট হুচ্ছে বুড়া। মাহুষ চিনতে দেরি লাগছে। উটি সেই বাবার সাথে হামরাদের গাঁয়ে গেলছিল, বাবার সাকরেদ বটে, কচি-ধনুস্তরি।

শিবরাম বলেন—বেদের মেয়ের বাক্যে যত বিষ তত মধু, শবলা আমার নাম দিয়েছিল কচি-ধনুস্তরি।

খিল খিল ক'রে হেসে শবলা বলেছিল মহাদেবকে—নামটি কেমন দিলম রে বুড়া? এ্যা?

মহাদেব রুট হ'য়ে উঠল. বললে—হঁ।

ভাত্রের শেষে শেষ নাগপঞ্চমীতে মা-বিষহরির পূজা শেষ ক'রে ওদের স্কর শুরু হয়। সাঁওতালেরা যেমন বসন্ত কালে শালগাছে কচিপাতা বের হ'লে শিকারে বের হয়, সে কালে শরৎকালে বিজয়া দশমী 'দশেরা' সেরে যেমন রাজারা দিগ্বিজয়ে বের হতেন, বণিকেরা যেমন বের হতেন ডিঙার বহর ভাসিয়ে বাগিজে, আজও যেমন গাড়ী বোঝাই ক'রে ছোট দোকানীরা মেলা ফিরতে বের হয়—তেমনি বিষবেদেরাও বের হয়—তাদের কুল-ব্যবসায়। হাঙরমুখী, কুমীরখালা, ইসজলা বেয়ে সারি সারি বিষবেদেরের নৌকা এসে পড়ে মা-গঙ্গার জলে। নৌকাতে সাপের ঝাঁপি, রান্নার হাঁড়ি, খেলা-দেখাবার বাদর-ছাগল আর মাহুষ। শুধু বিষবেদেরাই নয়—অগ্র অগ্র যারা জাতবেদে তারাও বের হয়। কতক নৌকায়, কতক হাঁটাপথে—ভার কাঁধে। এই সফর ওদের কুলপ্রথা, জাতি-ধর্ম। বর্ষা গিয়েছে, কত পাহাড় বন ভাসিয়ে কত জল বয়ে গিয়ে পড়েছে

সাগরে, কত দেশ ভেসেছে, কত দেশের কত সাপ, কত গাছ, কত গাহের বীজ, কত জন্তু, কত মানুষ ভেসেছে তার সঙ্গে, তার কতক বলি নিয়েছেন মহাসাগর, কতক ভেসে কূল নিয়েছে—ভাঙায় উঠেছে। গাহের বীজ-আগামী বারের বর্ষার অপেক্ষা ক'রে আছে, সেই বর্ষায় কেটে অঙ্গুর হ'য়ে মাথা তুলবে। সাপ গর্তে বাসা নিয়েছে, সে অপেক্ষা ক'রে আছে কবে কোন সাপিনীর অঙ্গুর কাঠালীচাপার স্রবাস পাবে। সাপিনী অপেক্ষা ক'রে আছে—তার অঙ্গুর বাস কবে বের হবে,—সে স্রবাসের আকর্ষণে আসবে কোন সাপ। সেই সব সাপ-সাপিনী, মাঠে মাঠে, বা নদীনালায় কূলের গর্তে গর্তে সন্ধান ক'রে ধরতে বের হয়। দেশ দেশান্তর ঘোরে, বাঁধা কবিরাজ মশায়দের ঘর আছে। সেইখানে গিয়ে তাঁদের চোখের সামনে কাল নাগিনীর বিষ গলে বিক্রি করে; গ্রামে গ্রামে গৃহস্থদের ঘরে ঘরে খেলা দেখায়, সাপের নাচন, ছাগল-বান্দরের খেলা। দেখিয়ে দেখিয়ে চলে এক গ্রাম থেকে আর এক গ্রাম, এক জেলা থেকে আর এক জেলা—মাসের পর মাস কেটে যায়, তারপর একদিন আবার ঘরের দিকে ফেরে। বিষবেদেরা চলে নৌকায়—জলে জলে, গঙ্গা থেকে ঢোকে অত্র নদীতে, চলে আসে কলকাতার শহর পর্যন্ত, সেখানে সাহেবান লোকের নতুন শহর গড়ে উঠছে, বড় বড় আমীর বাস করে, অনেক কবিরাজও আছেন। সেখানেও বিষ বিক্রি করে, তারপর শীত বেশ গাঢ় হ'য়ে পড়তেই ফেরে। গাঙের জল কমে আসছে, হিজলবিলের ধারে ধারে জল শুকিয়ে পাক জেগেছে, চারিপাশে এর পর কুমীরখানায় হাঙরমুখীতে জল মরে শুকিয়ে আসবে—তখন আর নৌকা নিয়ে সাতালী গাঁয়ের ঘাটে গিয়ে ওঠা যাবে না। তার উপর শীতে নাগ-নাগিনী কাতর হয়েছে, জর-জর হয়েছে হিমেল দেহখানি, চোখ হয়েছে ঘোলা, মাথা তোলার শক্তি নাই, আর শিশু মেরে মাথা তুলে নাচতে পারে না।

খোঁচা দিলে ফৌস করেই একটু পাক খেয়ে নিখর হয়ে যায়। বিষবেদের মন কাতর হয়, মা-বিষহরির সন্তান, তাদের মেয়ে ফেলতে ওরা চায় না, ওরা তাদের ছেড়ে দেয় নদীর নির্জন কূলে, অথবা পতিত-প্রান্তরে, বনে কিম্বা জঙ্গলে। বলে দেয়—‘স্বস্থানে যা। মা তোকে রক্ষা করুন।’ সাপদের মুক্তি দিয়ে খালি ঝাঁপি নিয়ে শহরে বাজারে কিনে কেটে ফেরে সঁাতালীতে। শুধু তো খালে-বিলে জলই শুকায় নি, গাঙের চরে, বিলের চারিপাশে কাশ বনে ঘাস পেকেছে। সেই ঘাস কাটতে হবে, শুকতে হবে, ঘরগুলি ছাইতে হবে কাশ দিয়ে। তা-ছাড়া, হিজলের চারিপাশে এতদিন চাষীরা এসে গিয়েছে। লাঙল দিয়ে চ’ষে বুনে দিয়েছে গম যব ছোলা মস্তুর মটর সরষে। সবুজ হয়ে উঠেছে চারিধার। হিজলের ধাপ বারমাসই সবুজ কিন্তু এ সবুজ যেন আলাদা সবুজ। এ সবুজে শুধু রঙ নাই, রঙে রসে একাকার। ফসল তোলার সময় ফসল বুড়িয়ে ওরা ঘরে তুলবে। তা ছাড়া মাঘ হতে পড়বে সব সাদি-সাঙার হিড়িক। সঁাতালীতে ছ মাস জল, ছ মাস স্থল। স্থল না জাগলে সাদি-সাঙা হয় কি করে? তা-ছাড়া ঝাঁকে ঝাঁকে এসেছে হাজার হাজার হাঁস। তারা আকাশে উড়ছে আর ডাকছে—প্যাক-প্যাক। ক্যাও-ক্যাও। কিচ-কিচ। কল্-কল্-কল্-কল্।

তারা ওদের ডাক পাঠায়।

লায়ের মাথায় শীতের কালে বুনো হাঁস পাক খেয়ে ডাক মেয়ে গেলেই শিরবেদের হুকুম হয়—ঘুরায়ে দে লায়ের মুখ। চল্। সঁাতালী! সঁাতালী!

নাগ-পঞ্চমীতে সঁাতালী থেকে বেরিয়ে ঘুরতে ঘুরতে মহাদেবের দল এসে লা বেঁধেছে শহরে। প্রথমেই ধন্বন্তরি বাবার বাড়ীতে বিষ না দিয়ে ওরা আর কোন্‌খানে বিষ বেচে না। ধূজটি কবিরাজের খ্যাতি তার প্রধান কারণ তো বটেই, কিন্তু আরও কারণ আছে। বাবার

মত আদর ওদের কেউ করে না। বাবার মত সাপ চিনতে ওস্তাদ ওদের চোখে পড়ে নাই।

লা—অর্থাৎ নৌকাগুলি বেঁধেছে শহরের প্রান্তে। গঙ্গার কূলে বেশ একটি পরিকার পতিত জায়গা, তার উপর গুটি তিনেক বড় বড় গাছ। সেই গাছগুলির শিকড় কূলের ভাঙনের মধ্যে এঁকা বঁকা হয়ে বেরিয়ে আছে, তাতেই বেঁধেছে নৌকার দড়ি। বটগাছের তলাগুলি যথাসাধ্য পরিকার করে নিয়ে পেতেছে গৃহস্থালি। ডালে ঝুলিয়েছে শিকে—তাতে রয়েছে রান্নার হাঁড়ি। তার পাশেই শিকেতে ঝুলছে সাপের কাঁপি; তলায় পেতেছে উনান, তার পাশে খেজুরের চাটাই বিছিয়ে দিয়েছে, ঘাসের উপর শুকাচ্ছে ভিজ়ে কাপড়, শিকড়ে বেঁধেছে ছাগল আর বাঁদর। বাচ্চারা ধুলোয় হামা দিয়ে বেড়াচ্ছে নদ্বদেহে, নাকে পোঁটা গড়িয়ে এসেছে—মুটোবন্দী মাটি নিয়ে খাচ্ছে, মুখে মাংছে। অপেক্ষাকৃত বড়রা গায়ে ধুলো মেখে ছুটে বেড়াচ্ছে; তার চেয়ে বড়রা শুকনো কাঠ-কুটা কুড়িয়ে ঘুরছে—কতক গাছের ডালে উঠে দোল খাচ্ছে। সবল বেদেরা বেরিয়েছে তাদের পদরা নিয়ে। সঙ্গে তাদের যুবতী বেদেনীর দল।

ধূর্জটি কবিরাজ এসে দাঁড়ালেন। হাশু-প্রসন্ন মুখে স্নেহ স্নিতকণ্ঠে সমাদর জানিয়ে বললেন—এসেছ মহাদেব!

হাত জোড় করে মহাদেব বললে—এলম বাবা। যজ্ঞমানের ঘর, অন্নদাতার আঙন, ধন্যস্তরির আটন, হেথাকে না এস্তা যাব কুথাকে বাবা? বিষবেদের সম্বল বাবা—লাগের বিষ—মাতৃষের রক্তে এক ফোঁটা লাগলে মিত্যু, হলাহল—গরল, এ বস্তু এক শিব ধারণ করেছেন গলায় আর ধারণ করতে পারে বাবা ধন্যস্তরির পাথরের খল। আপনকার খল ছাড়া এ ফেলব কুথা গো? জলে ফেললে—জলের জীব মরে, থলে ফেললে

নরলোকের হয় সবনাশ ! এক আপুনিই তো পারেন এরে শোধন ক'রে
সুধা করতে !

পুরুষানুক্রমিক বাঁধা বুলি ওদের ।

কবিরাজের উদ্দেশ্যে সকলেই মাথা মাটিতে ঠেঁকিয়ে ভূমিষ্ঠ হয়ে
প্রণাম করে—পেনাম বাবা !

কবিরাজ হেসে সকলের কুশল জিজ্ঞাসা করেন ।

তারপর প্রশ্ন করেন—মায়ী শবলা, তুই এত চুপচাপ কেন রে বেটী ?

দাঁত বের ক'রে তিক্তস্বরে মহাদেব কুটিল হয়ে উঠল একমুহূর্তে,
বললে—তাই শুধান বাবা, তাই শুধান । আমারে কয় কি জানেন ?
কয়, বুড়া হুঁচ্চিস, তুর লজর গেলছে । কানে থাটো হুঁচ্চিস, চোঁচায়ে
গোল না করলে চুপচাপ ভাবিস ; ভাবাস্তর দেখিস ! লাগিনী জ্বরেছে
বাবা, খোলস ছাড়বে ।

কালনাগিনী চকিতের জ্ঞান যেমন ফণা তোলে, তেমনি ভাবেই শবলা
একবার দোঁজা হয়ে উঠল, মনে হ'ল ছোঁবল মারার মত—বুড়াকে আক্রমণ
ক'রে কিছু বলবে, কিন্তু পরক্ষণেই একটু হেসে শান্ত হয়ে মাথা নামালে,
বললে—বাবা গো, লাগিনী যখন শিশু থাকে, তখন কিলবিল কর্যা ঘুরে
বেড়ায়, ঘাসের বনে বাতাস বইল পর, তা শুনেও হিস কর্যা ফণা তুলে
দাঁড়ায় । বয়স বাড়ে বাবা, পিখিমীর সব বুঝতে পারে, সাবধান হয় ।
মাছুষ দেখলি, জন্তু দেখলি সি তখন ফৌঁস কর্যা মাথা তুলে না বাবা,
চুপিসাড়ে পলায়ে যেতে চায় । নেহাৎ দায়ে পড়লি পর তবে ফণা তুলে
বাবা । আক্কেল হয় তখন বি, মাছুষ সামান্টি লয় । মাছুষকে কামড়ালি
পরে লাগের বিষে মাছুষ মরে, কিন্তুক মাছুষ তারে ছাড়ে না, লাঠির
ঘায়ে মারে ; মারতে না পারলি—বেদে ডাকে । বেদে তারে বন্দী করে,
বিষদাঁত ভাঙে—নাচায় । সে মরণের বাড়ি । তার উপর বেদের হাতের

জালা বড় জালা বাঁবা ! সেই বোধ হলছে বাবা—বেদের ঝাঁপির লাগিনী, অস্ত্রের জালায় জ্বরেছি ; ওই হ'ল মরণ-জরা !

শবলা হাসলে। কথাগুলির মধ্যে প্রচ্ছন্ন ব্যঙ্গ ছিল যেমন তেমনি ছিল আরও কিছু। ‘বৃদ্ধিতে ঠিক পারলাম না শুধু আঁচ পেলাম।’ শিবরাম বললেন—গুরু রোগী দেখেন যেমন করে—তেমনি করে কিছুক্ষণ তাকিয়ে রইলেন শবলার মুখের দিকে। তারপর বললেন—শবলা বেটী আমার সাক্ষাৎ নাগিনী কণ্ঠা !

মহাদেব বলে উঠল—ই বাবা। গর্তের মধ্য থাকে, খোঁচা খেলে ফোঁসায় না, পথের পাশে লুকায়ে থাকে, মাহুষ তো মাহুষ, বেদের বাপের সান্নিধ্য নাই যে ঠাণ্ডার করে। ফাঁক খোঁজে, রাগ চেপে রোষ চেপে, পড়ে পড়ে ফাঁক খোঁজে কখন ডংশাবে।

তার পাকা দাড়ি-গোঁফের মধ্যে থেকে আবার বের হ'ল দুপাটি বড় বড় দাঁত ; হাসলে মহাদেবকে ভয়ঙ্কর দেখাত ;—বয়সের জন্ত বড় বড় দাঁতগুলি মাড়ি থেকে ঠেলে উঠে আরও বড় দেখায়, লাল-কালো ছোপ ধরা বড় বড় দাঁত ; তার মধ্যে দু-তিনটে না থাকার জন্তে ভয়ঙ্কর দেখায় বেশি !

—ই রে বুড়া ই। সব অপরাধ লাগিনীর। সে তো জনমদোষিনী রে। মাহুষের আয়ু ফুরায়ে যায় নেয়তের লিখন থাকে ; যম লাগিনীরে কয়—তুর বিধে মরণ দিলাম মিশায়ে, যা তু উরে ডংশায়ে আয় ; লাগিনী যমের কেনাদাসী ; আক্রে লজ্জন করতে পারে, ডংশায় ; মাহুষটা মরে, অপরাধ হয় লাগিনীর। পথে ঘাটে বনে বাদাড়ে হতভাগিনীরা ঘুরে বেড়ায়, মাহুষ মাথায় দেয় পা, পুচ্ছে দেয় পা, লাগিনী কখনও রাগের বশে, কখনও পরান্নের দায়ে, কখনও পরানের ডরে তারে ডংশায়। অপরাধ হয় লাগিনীর !

হাসলে শবলা, সেই বিচিত্র হাসি, যে হাসি সে ওর আগেও একবার হেসেছিল। তারপর বললে—লে—লে বুড়া, কথার পাঁচ খুয়ে বাবারে লাগন্তুলান দেখা। বাবার অনেক কাজ। তুর আমার খেল, এ আর কি দেখবেন উনি? তু আমারে খোঁচা দিলে আমি তুরে ছোবল মারব। দাঁত ভাঙবি, ফের গজাবে সি দাঁত। কুনো দিন যদি তুর অঞ্চে বিঁধে, আর নিয়ত যদি লিখে থাকে কি ওই বিবেই তুর মরণ হবে, তবে তু মরবি। লয় তো মুই মরব তুর হাতের পরশের জালায়, তুর লাঠির খোঁচায়, তুর জড়িবুটির গঞ্চে। লে, এখন সাপগুলান দেখা, বিষ গেলে দে, দিয়া চল ফিরে চল।

ধূর্জটি কবিরাজ বললেন—সেই ভাল। তুমি শিরবেদে, তুমি বাপ—শবলা নাগিনী কত্রে, তোমার বেটী, বাপ-বেটীর ঝগড়া তোমাদের মিটিয়ে নিয়ো।

সাপের বিষ গেলে নেওয়া দেখেছ?

শিবরাম বললে—আজকাল বিজ্ঞানের যুগে নানা কৌশল হয়েছে, শুনেছি কাচের নলের মধ্যে বিষ গেলে জমা হয়, চমৎকার সে কৌশল। কিন্তু বেদেদের সেই আদি কাল থেকে এক কৌশল। তার আর অদল বদল হয় না। বদলের কথা বললে হাসে।

তালের পাতা আর ঝিহুকের খোলা। যে ঝিহুক পুকুরে মেলে সেই ঝিহুক। তালের পাতা ঝিহুকের ছিগার মত ঝিহুকের গায়ে টান করে বেঁধে ধরে একজন, আর একজন সাপের চোয়াল টিপে হাঁ করিয়ে ধরে। ঝিহুকটা দেয় মুখের মধ্যে পুরে, বিষ দাঁত দুটি বিঁধে যায় ওই তালপাতার বাধনে।

তালপাতার ধারালো করকরে প্রান্তভাগের চাপ পড়ে বিষের থলিতে, ওদিকে বিষদাঁত বিঁধে থাকার স্বাভাবিক ক্রিয়ায় বিষ দাঁতের নালী বেয়ে টপ টপ করে পড়ে ওই বিন্দুকের খোলায়। এমনই কৌশল ওদের যে বিষ শেষ বিন্দুটি পর্যন্ত ঝরে পড়বে। তারপর সাপটা যায় ঝাঁপিতে, বিন্দুকের বিষ যায় সরষের তেলে ভরা কবিরাজের পাত্রে। জলের উপর তেলের মত, তেলের উপর বিষ ছড়িয়ে পড়ে ভাসে। না-হলে বাতাসের সংস্পর্শে জমে যায় বাবা।

আমি বসে ছিলাম গুরুর পায়ের কাছে—আমার সম্মুখেই আমাদের বিষ নেওয়ার পাত্র। বেদের দলের সামনে বসে মহাদেব, তার পাশে বাঁ-দিকে শবলা। শিরবেদে আর নাগিনীকণ্ঠা, পিছনে বেদেরা। বেদেরা হাঁড়ি এগিয়ে দেয়—মহাদেব হাঁড়ির মুখের সরা খুলে সাপ বের করে। জেলেরা যেমন মাছ ধরে, সে ধরা তেমনিভাবে ধরা বাবা। এক হাতে মাথা একহাতে লেজ ধরে প্রথমটা গুরুকে দেখাচ্ছিল, গুরু লক্ষণ দেখে সাপ চিনে নিচ্ছিলেন। কাল রঙ হলেই হয় না, কালো সাপের মধ্যেই কত জাত। কালো সাপের গায়ের দিকে চাইলে দেখতে পাবে তার মধ্যে সূচের ডগায় আঁকা বিন্দুর মত সাদা ফুটকি। ফণার নিচে গলায় কারও বা একটি, কারও দুটি, কারও বা তিনটি মালায় মত সাদা কাল বেড়। কারও বা মধ্যের দাগটি চাঁপা ফুলের রঙ। ফণায় চক্রচিহ্ন, তাও কত রকমের। কারও চক্র শঙ্খের মত, কারও বা পদ্মের ঝুঁড়ির মত, কারও বা মাথায় ঠিক এমনি চরণচিহ্ন। কারও কালো রঙ একটু ফিকে, কারও রঙের উপর রোদের ছটা পড়লে অল্প একটা রঙ ঝিলিক দেয়। •

গুরু বলেছিলেন—কাল-নাগিনী হবে বাবা শুধু কালো। স্নকেশী মেয়ের তৈলাক্ত বেণীর মত কালো মাথায় থাকবে নিখুঁত চরণ-চিহ্নটি। বাকি যা দেখ বাবা—ও সব হ'ল বর্ণসঙ্কর। কাল-নাগিনীর নাগ নাই,

শঙ্খনাগ সন্ততি দিয়েছে, তার মাথায় শঙ্খচিহ্ন, পদ্মনাগ দিয়েছে পদ্মকলি চিহ্ন; আপন আপন কুলের ছাপ রেখে গেছে বাবা। ওই ছাপ যেখানে দেখবে—সেখানে বুঝবে ওর স্বভাবে ওর বিষে—সবই আছে পিতৃকুলের ধারা। সাবধান হবে বাবা। এদের বিষে ঠিক কাজ হয় না।

থাক, ওসব কথা থাক। ওসব আমাদের জাতিবিচার কথা। এক টিপ নস্র নিয়ে নাক মুছে শিবরাম বলেন—মহাদেব, ধূর্জটি কবিরাজকে না-জানা নয়, তবু ওর জাতি-স্বভাব গত বোলচাল দিতে ছাড়লে না। এক একটি সাপ ধরে তাঁর সামনে দেখাতে লাগল।

—এই দেখেন বাবা! গড়নটা দেখেন আর বরণটা দেখেন। চিকচিকে কালো। এই দেখেন চক্কটি দেখেন। লেঙ্গটি দেখেন।

—উহ। ওটা চলবে না মহাদেব। ওটা রাখ।

—কেনে বাবা? ই তো খাটি জাত।

—না। ওটা রাখ তুমি।

শবলা বলছিল—রাখ বুড়া রাখ। ইখানে তু জাতিস্বভাবটা ছাড়। কারে কি বুলছিস? শুনছিস, রাখ।

মহাদেব রাখলে সে সাপ কিন্তু অগ্নিদৃষ্টি হেনে শবলাকে বললে—তু খাম।

শবলা হাসলে!

ধূর্জটি কবিরাজ দেখে শুনে বেছে দিলেন পাঁচটি কালো সাপ; মহাদেব এবার বসল—সে সাপের মুখ ধরবে, আর তালপাতার বেড় দেওয়া ত্রিমুক মুখে পরিয়ে ধরবে নাগিনী কন্তা শবলা।

ঈষৎ বাঁকা, সাদা দাঁত দুটির দিকে তাকিয়ে শিবরাম যেন মোহাবিষ্ট হয়ে গিয়েছিলেন। ওই বাঁকা ওই এতটুকু একটি কাঁটার মত দাঁত,

ওর প্রান্তভাগে ওই ক্ষুদ্র এক তরল বিন্দু, ওর কোথায় রয়েছে মৃত্যু ? কিন্তু আছে, ওরই মধ্যে সে আছে, এতে সন্দেহ নাই । সাপের চোখে পলক নাই, পলকহীন দৃষ্টিতে তার সম্মোহিনী আছে ; সাপের চোখে চোখ রেখে মানুষ তাকিয়ে থাকতে থাকতে পঙ্গু হ'য়ে যাওয়ার কথা শিবরাম শুনেছেন, কিন্তু ওই বিষবিন্দু-বরা দাঁতের দিকে চেয়ে পঙ্গু হ'য়ে যাওয়ার কথা তিনি শুনে নাই । তিনি যেন পঙ্গু হ'য়ে গেলেন ।

ধূর্জটি কবিরাজ একটা দীর্ঘনিশ্বাস ফেলে বললেন—সেবার তোমাদের গ্রামে যখন গিয়েছিলাম, তখন শবলামায়ী যে সাপটি দিয়েছিল মহাদেব, সে জাত কিন্তু আর পেলাম না ।

মহাদেব হাসলে । ভিক্ত এবং কঠিন সে হাসি । নাকের ডগাটা ফুলে উঠল ; হাসিতে ঠোঁট দুটি বিস্ফারিত হল না, ধনুকের মত বঁকে গেল । তারপর বললে—ধনুস্তরি বাবার তো অজানা কিছুই নাই গ ! কি বলব বলেন ?

ভীষ্মদৃষ্টিতে সে শবলার দিকে মুহূর্তের জ্ঞপ্তি ফিরে থাকলে । তাকিয়ে বললে—ই জাতটার নেকনের ফল, রীতচরিতের দোষ । এই, এর মতি দেখেন কেনে ! সে আঙুল দিয়ে দেখালে শবলাকে ।

সঙ্গে সঙ্গে গুরুর শঙ্কিত সতর্ক কণ্ঠস্বরে শিবরাম চমকে উঠলেন, সাপের দাঁত দেখে মোহে পঙ্গু হ'য়ে পড়েছিলেন, সে মোহ তাঁর ছুটে গেল ।

ধূর্জটি কবিরাজ শঙ্কিত সতর্ক কণ্ঠস্বরে হৈকে উঠলেন—হ্যাঁ শবলা !

শবলা হাসলে, হেসে উত্তর দিলে—দেখেছি বাবা । ঋত, মুই সন্ধ্যায় নিইছি ঠিক সময়ে ।

ধূর্জটি কবিরাজ বললেন—সাবধান হও বাবা মহাদেব । কি হ'ত বল ত ?

সত্যই কি হ'ত ভাবতে গিয়ে শিউরে উঠলেন শিবরাম। সর্বনাশ হ'য়ে যেত। মহাদেব দুই আঙুলে টিপে ধ'রেছিল সাপটার চোয়াল, ঝিল্লুক ধ'রেছিল শবলা। উত্তেজিত হ'য়ে মহাদেব শবলার দিকে চোপ ফিরিয়ে মুক্ত হাতটির আঙুল দিয়ে শবলাকে যে মুহূর্তে দেখাতে গিয়েছে, সেই মুহূর্তে তার সাপ-ধরা-হাতটি ঈষৎ বেঁকে গিয়েছে, সাপটার মাথা হেলে প'ড়েছে, তালপাতায় বেঁধা একটা দাঁত তালপাতা থেকে খুলে গিয়েছে। শবলা যদি মহাদেবের কথায় বা আঙুল দিয়ে দেখানোর প্রতিক্রিয়ায় মুহূর্তের জন্ত চঞ্চল হ'য়ে চকিতের জন্তও চোখ তুলত, তাকাত মহাদেবের দিকে, তবে ঐ বক্র তীক্ষ্ণ দাঁতটি ব'সে যেত শবলার আঙুলে।

পূর্জটি কবিরাজ তিরস্কারের সুরেই বললেন—সাবধানে বাবা মহাদেব! কি হ'ত বল ত?

অবজ্ঞার হাসি হাসলে মহাদেব। আর কি হ'ত বাবা?

সুরে সুর মিলিয়ে শবলা বললে—তা বৈ কি বাবা! কি আর হ'ত বলেন। নিজের বিয়েই জরে মরত নাগিনী। নরদেহের যন্ত্রণা থেকে খালাস পেত।

খিল-খিল ক'রে হেসে উঠল বিচিত্র বেদের মেয়ে। সে হাসিতে ব্যঙ্গ যেন শতধারে ঝরে পড়ল।

মহাদেবের মুখখানা থমথমে হ'য়ে উঠল। এরপর নীরবে অতি-সতর্কতার সঙ্গে চলতে লাগল বিষ গালায় কাজ।

বিষ গালা শেষ হ'ল। শবলা বললে—বাবাঠাকুরের ছামুতে তু মিটায়ে দে যার যা পাওনা। বাবা, আপুনি দেন গ হিসাব ক'রে।

মহাদেব কঠিন দৃষ্টিতে তাকালে শবলার দিকে। কেনে?

—কেনে আবার কি? বাবা হিসাব ক'রে দিবেন এক কলমে, মুখে

মুখে হিসাব ক'রতে তুদের সারাদিন কেটে যাবে। কি গ, বল্ না কেনে তুয়া? মুখে যে সব মাটি লেপে দিলি! আ?

একজন বেদে বললে—হ্যা; তা হ্যা, সেই তো ভাল! না, কি গ? সকলের মুখের দিকে চাইলে সে।

—হ্যা। হ্যা। সকলেই বললে। কেউ বা মুখ ফুটে বললে, কেউ সম্মতি জানালে ঘাড় নেড়ে। হ্যা-হ্যা।

* * * *

—কচি-ধমন্তরি!

শিবরাম বলেন—আমি চমকে উঠলাম, এমন স্বরেলা মিষ্টি গলায় এমন বিচিত্র মধুর ডাক কে থাকে? জানালার দিকে তাকিয়ে দেখলাম হ্যা সে-ই। সেই বেদের মেয়ে। বেলা তখন তৃতীয় প্রহরের শেষ পাদ। প্রায় তৃতীয় প্রহর পবন্ত যায় গুরু বৈষ্ণবনের কাছে; তারপর খানিকটা বিশ্রাম। রোগীরা চ'লে যায়, বৈষ্ণবনের দুয়ারগুলি বন্ধ হয়, আমরা আহা করি, স্নানের নিয়ম প্রাতঃস্নান, ওটা হ'য়ে থাকে, গুরু বিশ্রাম তখনও হয় না, তাঁকে বের হ'তে হয় সম্পন্ন ব্যক্তিদের বাড়ী রোগী দেখতে, অনেক ক্ষেত্রে যে সব রোগীকে নড়াচড়া করা চলে না, সে সব বাড়ীতে যেতে হয়। এমনি সময় তখন। আঙিনাটা জনশূন্য; গুরু বেরিয়েছেন তখনও ফেরেন নি; সঙ্গে গিয়েছে অণু শিশু, আমার সেদিন বিশ্রাম। একদিকের কোণের একটা ছোট ঘরে শুয়ে আছি, পাশে খোলা প'ড়ে আছে একখানা বিষশাস্ত্রের পুঁথি। বেদেরা যাওয়ার পর ওই পুঁথিখানাই বের ক'রে খুলে বসেছিলাম। কিন্তু সে পড়তে ভাল লাগছিল না। ঘরের ছাদের দিকে চেয়ে ভাবছিলাম; ভাবছিলাম বোধ হয় বেদেরের কথাই। ওই আশ্চর্য কালো বেদের মেয়ের কথা, মহাদেবের কথা। একটা নেশা লেগেছে যেন। ওদের ওই আশ্চর্য কৌশল, ওই

অদ্ভুত সাহস, ওদের বিচিত্র দ্রব্যগুণ-বিজ্ঞা আর সর্বাপেক্ষা বহুস্রময় মন্ত্রবিজ্ঞা শিখবার একটা আগ্রহ নেশার মত আচ্ছন্ন ক'রে ফেলেছিল আমাকে।

* * * *

বিষের দাম মিটিয়ে যখন নেয় বেদেরা তখন শিবরাম মহাদেবের সঙ্গে কথা বলেছিলেন। যার যা প্রাপ্য হিসেব করে নিচ্ছিল বেদেরা, মহাদেব নিষ্পৃহের মত বসেছিল একদিকে। শিবরাম তাকে বলেছিলেন —আমায় শেখাবে? কিছু বিজ্ঞা দেবে? আমি দক্ষিণা দোব।

মহাদেব বলেছিল দক্ষিণা দিবে তো বুঝলাম। কিন্তুকি বিজ্ঞা কি একদিন দু দিনে শিখা যায়? বলেন না আপুনি?

তা যায় না। তবে কতকগুলো জিনিস তো শেখা যায় দু-একবার দেখে। তা ছাড়া, তোমরা বলবে আমি লিখে নেব। আমি তো সাপ ধরা শিখতে চাই না, আমি সাপ চিনতে চাই। লক্ষণ পড়েছি আমাদের শাস্ত্রে, সেই লক্ষণ মিলিয়ে সাপ দেখিয়ে চিনিয়ে দেবে। জড়ি শিকড় চিনিয়ে দেবে, নাম বলে দেবে। আমি লিখে নেব।

—কি দিবা বল? দক্ষিণা?

—কি চাও বল?

—পাঁচ কুড়ি টাকা দিবা। আর ষোল আনা মা-বিষহরির প্রণামী।

অর্থাৎ একশো একটাকা।

একশো একটাকা কোথায় পাবেন ছাত্র শিবরাম। গুরুগৃহে বাস, গুরুর অঙ্গে দিনব্যাপন। প্রায় পুরাকালের শিক্ষা-ব্যবস্থার ধারা।

শেষে বলেছিলেন—পাঁচটি টাকা আমি দেব, বিজ্ঞা শেখাতে হবে না, সাপ চিনিয়ে দিয়ে।

রাজী হয়েছিল মহাদেব। বলেছিল শহরের ছই দক্ষিণে একেয়ে

সিধা চলি যাবা গাভের কূলে কূলে। আধকোশ-টাক গিয়া পাবা
আমবাগান, আর গাভের কূলে তিনটা বট গাছ। দেখবা বেদেদের
লা বাঁধা রইছে; সেই পাড়ের উপর হামরাদের আত্মনা!

শিবরাম সেই কথাগুলিই ভাবছিলেন।

হঠাৎ কানে এল এই সুরেলা উচ্চারণে মিহি গলার ডাক—কচি-
ধনুস্তরি!

জানালার ওপাশে সেই বিচিত্র বেদের মেয়ের মুখ।

ঠোটে একমুখ হাসি—চোখে চকল তারায় সন্মিত আহ্বান—সে
তাকেই ডাকছে।

শিবরাম বললেন—আমাকে বলছ?

—হাঁ গ। তুমাকে ছাড়া আর কাকে? তুমি ধনুস্তরিও বট, কচিও
বট। তাই তো কইলাম কচি-ধনুস্তরি! শুন।

—কি?

বাইরে এস গ। আমি বাইরে রইলাম দাঁড়ায়ে—তুমি ঘর থেক্যা
কইছ কি? কেমন তুমি?

অপ্রতিভ হয়ে বাইরে এলেন শিবরাম।

—ধনুস্তরি বাবা কই? এবার তার চোখে তীব্র দীপ্তি ফুটে
উঠল।

—গুরু তো ডাকে বেরিয়েছেন।

—ঘরে নাই?

—না।

মেয়েটা গুম হয়ে বসে রইল কিছুক্ষণ। তার পর উঠে পড়ল।
বললে—চললাম। চলে গেল। কিছুক্ষণ পরই ফিরল ধূর্জটি
কবিরাজের পালকি। পালকির সঙ্গে ফিরল শবল। পথে দেখা হয়েছে।

কবিরাজ পালকি থেকে নেমে বললেন—কি ? মহাদেবের সঙ্গে বনছে না ? সেই মীমাংসা করতে হবে ?

—না বাবা । যা দেবতাব অসাধ্য তার লেগে মুই বাবার কাছে আসি নাই ।

—তবে ?

চুপ করে দাঁড়িয়ে রইল শবলা । কোন কথা বললে না । কোন কথা বলতে যেন সে পারছে না ।

—বল, আমার এখনও আহ্বার হয় নি বেটা ।

শবলা বলে উঠল—হেই মা গো ! তবে এখন নয় । সে এখন থাক । আপুনি পিয়া সেবা করেন বাবা ! হেই মা গো !

ব'লে প্রায় ছুটেই চলে গেল ।

—শবলা ! শোন । বলে যা !

—না ! না ! তার কণ্ঠস্বর ভেসে এল । সে ছুটে পালাচ্ছে ।

বিচিত্র মেয়ে । কেনই বা এসেছিল, কেনই বা এমন ক'রে ছুটে চলে গেল শিবরাম বুঝতে পারলেন না । ধুড়টি কবিরাজ একটু হাসলেন । বিষণ্ণ সন্মুখ হাসি ! তারপর চলে গেলেন ভিতরে ! এই তৃতীয় প্রহরে আবার তিনি স্নান করবেন, তারপর আহ্বার ।

পরের দিন কিন্তু ধনুস্তরি ধুড়টি কবিরাজের কাছে শবলা আর এল না । না এলেও শিবরামের সঙ্গে তার দেখা হয়ে গেল ।

শুধু তাকে পাঠিয়েছিলেন এক রোগীর বাড়ী । ধনাঢ্য ব্যক্তির বাড়ীর রোগী । তরুণ গৃহস্থামীর দুর্ভাগিনী পিতামহীর অসুখ ।

ভূতগিনী বৃদ্ধা স্বামী-পুত্র হারিয়ে পোতের আমলে সম্পূর্ণরূপে অবহেলিত। বড় ঘরে—বড় খাটে পড়ে আছেন, চাকরে টানা পাখাও টানে, কিন্তু এক কন্যা ছাড়া কেউ দেখে না। মৃত্যুরোগ নয়, যন্ত্রণাদায়ক ব্যাধি, তাঁরই ওষুধ নিয়ে পাঠালেন শিবরামকে, গুণ্ডুলি অস্ত্রপুত্রে গিয়ে বৃদ্ধার কন্যার হাতে দিয়ে সেবন-বিধি বুঝিয়ে দিয়ে আসবে। নইলে ওষুধ হয় তে! বাইরেই পড়ে থাকবে। অথবা এ চাকর দেবে তার হাতে, সে দেবে এক বিয়ের হাতে, বিা কখন একসময় গিয়ে কোন্ কুলঙ্গীতে রেখে চলে আসবে। বলেও আসবে না যে ওষুধ রইল। কবিরাজ অল্পপানগুলি পর্যন্ত সংগ্রহ করে দিয়েছেন।

এই অস্ত্রপুত্রের উঠানে দেখলেন শবলাকে।

শবলা। কিন্তু এ কি সেই শবলা? এ যেন আর একজন। হাতে তার দড়িতে বাঁধা দুটো বাঁদর একটা ছাগল। কাঁধে ঝুলিতে সাপের বাঁপি! চোখে চকিত চপল দৃষ্টি। অঙ্গেল হিল্লোলে, কথার স্বরে, কৌতুক রসিকতা যেন—টেউ খেলে চলেছে।

এটা ওদের আর একটা ব্যবসা।

নদীর কূলে নৌকা বেঁধে পাড়ের উপর আস্তানা ফেলে মেয়েরা বেরিয়ে পড়ে। সাপ বাঁদর ছাগল ডুগডুগি বিষমটাকি নিয়ে অন্দেরর দুয়ারে দুয়ারে গিয়ে ডাক দেয়—বেদেনীর খেলা ছাখেন গ মা বাড়ীর গিন্নী, রাজার রানী, স্বামী সোহাগী, সোনা-কপালী চাঁদের মা। কাল-নাগিনীর দোলন নাচন হীরেমনের খেল—?

বিচিত্র স্বর, খাজে খাজে সুরেলা টানে ওঠে-নামে। বাড়ীর মেয়েরা এ স্বর চেনে, ছুটে এসে দাঁড়ায় দরজায়। বেদের মেয়ে এসেছে। আশ্চর্য কালো মেয়ে, আশ্চর্য ভাষা! আশ্চর্য ভূষা!

—বেদেনী এসেছিস! ওরে সব আয়রে! বেদেনী! বেদেনী এসেছে!

—হ্যাঁ গ মা লক্ষ্মী, বেদেনী আলছে! অর্থাৎ এসেছে। “বেদেনী আলছে মা, পোড়ারমুখী আলছে, তুমাদের দুয়ারের কাঙালিনী আলছে, সন্ধানশী-মায়াবিনী আলছে খেল দেখাতে, ভিখ মাঙতে, দুয়ারে এসা দাত পেতে দাঁড়ালছে।

মেয়েরা হাতের কাজ কেলে ছুটে আনে। না এসে পারে না। এই কালো মেয়েগুলি রহস্যময়ী মেয়ে, ওরা সত্যিই বোধ হয় যাহু জানে। কথায় যাহু আছে, খেলায় যাহু আছে, হাসিতে যাহু আছে। কোন কোন গিন্নী বলেন—তের হয়েছে, আজ যা এখন। সন্ধানশীরাজ পণ্ড করার যান্ত্র; হাতের কাজ পড়ে আছে আমাদের। পালা বলছি।

ওরা খিল খিল করে হাসে। বলে—তা, মা-জহুনি, সোনা মুখী তুমি বলেছ ঠিক। বেদেনী দুয়ারে এসা হাঁক দিলি পর হাতের কাজ মাটি। বেদেনী মায়াবিনী গ হামরাদের মস্তুর রইছে যে ঠাকরণ! এখন বিদায় কর আপদে, জয় জয় দিতি দিতি মুই পথ ধরি; তুমাদের চেঁড়া কাজ আবার জোড়া লাগক; ভাণ্ডার ভর্যা উঠুক; মা-বিষহরি কল্যাণ করেন, নীলকণ্ঠের আশীর্বাদে তুমার ঘরের সকল বিষ হর্যা যাক! জয়-মা বিষহরি, য় বাবা নীলকণ্ঠ, জয় আমার গিন্নীমা, এই বুলি পাতলম, দাও ভিখ দাও, বিদাও কর।

দাবি ওদের কিন্তু সামান্য নয়। দাবি অনেক।

বড় একটা বিষধরকে গলায় জড়িয়ে তার মুখটা হাতে ধরে মুখের সামনে এনে বলে, ‘শিগ্গিরি বেনারসী শাড়ি আনেন ঠাকরণ—বরের সাথে বেদেনীর শুভদৃষ্টি হবে। আনেন ঠাকরণ, আনেন, মাথার পরে ঢেক্যা ছান, ত্রিৎ করেন, বর মোর গলায় পাক দিচ্ছে।’ কাপড় না পেলে বেদেনী সাপের পাকে খাসরুদ্ধ হয়ে পড়ে যাবার ভাণ করে। এ

ভাণের কথা লোকে জানে কিন্তু এত ভয়ঙ্কর এ ভাণ যে, ভাণ বুঝেও চোখে দেখতে পারে না।

কখনও পোষা বাদরটাকে বলে, হীরেমন, ধর মা-গিন্নীর চরণে ধর। বল শুই পরনের শাড়ীখানি ছেড়্যা ছান লইলিপর চরণ ছাড়ব নাই।

বাদরটা এমন কথা বুঝতে পারে যে ঠিক এসে গিন্নীর পা দুখানি দুটি হাত দিয়ে জড়িয়ে বসে পড়ে। গিন্নী শিউরে ওঠেন। ছাড় ছাড়! বেদেনী হাসে বলে কিছু করবে নাই মা. কিছু করবে নাই। তবে কাপড়খানি না পেলে ও ছাড়বে না। মুই কি করব বলেন? ই আজ্ঞে ওস্তাদের আজ্ঞে!

দর্শক পুরুষ হলে তো কথাই নাই।

বাদর নাচাতে নাচাতে, সাপ নাচাতে নাচাতে গানের সঙ্গেই তার অকুরন্ত দাবি জানিয়ে যায়—

“যেমন বাবুর চাঁদো মুখে

তেমনি বিদায় পাব গ।

বেনারসীর শাড়ি পর্যা

লেচে লেচে বাব গ!

প্রভু রাঙ্গা হাত ঝাড়িলে

আমার পাহাড় হয় গ!

মাথায় নিয়া সোনার পাহাড়

দিব প্রভুর জয় গ!

মেয়েদের মজলিসে বেদের মেয়ের শুধু বাক্যের মোহ সঞ্চল; পুরুষদের মহলে বাক্যের মোহের সঙ্গে তার দৃষ্টি এবং হিল্লোলিত দেহও মোহ বিস্তার করে। সাপের নাচ বাদরের খেলা দেখিয়ে সব শেষে সে বলে—এই ব্যায়ে প্রভু বেদেনীর লাচন দেখেন। নাগিনী লেচেছে হেলে ছলে, এই

ব্যারে লাচবে দেখেন বেদের কন্তে । হঠাৎ কথা হয়ে ওঠে সুরেলা, টানা লম্বা সুরে ছড়ার মতই বলে যায়, লাচ-লাচ না মাঘাবিনী, লাচ দেখিনি লাচ দেখিনি ! হেলে ছলে পাকে পাকে ; বেউলা সতীর যে লাচ দেখে ভুলেছিল বুড়া শিবের মন ! আবার সুরেলা ছড়া কাটা বন্ধ করে বলে যায়, শিবের আজ্ঞায় বিষহরি ফিরিয়ায়ে দিছিল সতীর মরা পতিকে সেই লাচ লাচবি । বাবুদের রাজা মন জাগিয়ে ভিক্ষার ঝুলিতে ভর্যা নিয়া গরবিনী সাজবি ! বাবুর হাতের আংটি লিবি, লয় তো লিবি সোনার মোহর—তবে ফির্যা দিবি সেই রাজা মন !

কথা শেষ করেই গান ধরে নাচ শুরু করে । এক হাত থাকে মাথার উপর, এক হাত রাখে কাঁথালে, পা দুটি জোড় করে সাপের পাকের মত পাকে পাকে ছুলিয়ে নাচে, সে পাক পা থেকে যেন ঠিক সাপের পাকের মতই দেহের উপর দিকে ওঠে ।

উর্ব—হায় হায় লাজে মরি
আমার মরণ ক্যানে হয় না হরি—!
আমার, পতির মরণ সাপের বিষে
আমার মরণ কিসে গ !
মদন পোড়া চিতের ছাইয়ের
কে দেবে হায় দিশে গ !
রঙ্গ মেথ্যা সেই পোড়া ছাই
ধৈর্য মুই ধরি গ ধৈর্য মুই ধরি—!

বেহুলার গান । এ গান রচনা করেছে কোন্ বিষবেদেদের কবি, ওরাই গায় । এ গান গাইবার সময় বেহুলার মত চোখের কোণ থেকে জলের ধারা নেমে আসার কথা ; বেহুলা যখন দেবসভায় মৃত লখিন্দরকে স্মরণ করে নেচেছিল তখন চোখের জলে তার বুক ভেসেছিল । কিন্তু

মায়াবিনী বেদের কণ্ঠে যখন গান গেয়ে নাচে তখন তার চোখ থেকে জলের ধারা নামে না, ওদের সরু অথচ লম্বা চোখ ও ভুরু দুটি কটাক্ষভঙ্গির টানে বেঁকে হয়ে ওঠে গুণ-টানা ধনুকের মত। লাস্ত্রের তুনির খালি করে সম্মোহন বাণের পর বাণ নিক্ষেপ ক'রে স্থানটার আকাশ-বাতাস যেন আচ্ছন্ন ক'রে দেয়। দর্শকেরা সত্যই সম্মোহিত হয়ে পড়ে।

শিবরাম বলেন—বুড়ো শিব বেছলা সতীর নৃত্য দেখে মোহিত হয়ে কণ্ঠা বিম্বহরিকে আজ্ঞা দিয়েছিলেন লখিন্দরের প্রাণ ফিরিয়ে দিতে। বেদের কণ্ঠে বাবুদের মোহিত করে বিদায় চায়, টাকা চায় দুহাত ভরে।

ধনীর বাড়ীতে বারান্দায় বসেছিলেন তরুণ গৃহস্থামী আর তাঁর সঙ্গীরা। সামনে বাগানে নাচছিল শবলা। অন্তর থেকে ফিরে শিবরাম থমকে দাঁড়ালেন।

গৃহস্থামী তাঁকে দেখেও দেখলেন না। দেখবার তখন অবকাশ ছিল না তাঁর। বেদের-মেয়েও তাঁর দিকে ফিরে তাকালে না। তারই বা অবকাশ কোথায়? দেবসভায় অম্বরী নৃত্যের কথা শিবরামের মনে পড়ে গেল। দেবতারাও মোহগ্রস্ত, নৃত্যপরা অম্বরী নৃত্যলাস্কে মোহবিস্তার করতে গিয়ে নিজেও হয়েছে মোহগ্রস্ত। শবলার চোখেও নেশার ছটা লেগেছে। সে রূপবান তরুণ গৃহস্থামীর কাছে হাত পেতেছে, বলছে—মুই বেদের কণ্ঠে, কালনাগিনীর পারা কালো আঁধার, রাঙা হাত মুই কোথাকে পাব? কিন্তুক লাজ নাই বেদেনীর, লাজের মাথা খেয়ে তবে তো দেখাতে পেরেছি লান। তাই বাবু মোর সোনার লখিন্দর, বাবুর ছামনে পাতলাম কালো আঁধার হাত!

হেসে বাবু বললেন—কি চাই বল?

—দাও, বাঙা বরণ শাড়ি দাও ; দেখ কি কাপড় পরে রইছি দেখ !
সঙ্গে সঙ্গে হুকুম হয়ে গেল। নতুন লাল রঙের শাড়ি এখুনি এনে
দাও দোকান থেকে। জলদি।

লোক ছুটল সঙ্গে সঙ্গে।

—আর একটা টাকা দাও একে।

বেদেনী বলে উঠল—উছ উছ, টাকা কি লিব? টাকা লিব না মুই !
সোনা লিব—তুমার সোনার বরণ অঙ্গে কত সোনা রইছে, দুই হাতে
অতগুলান অঙ্গুরি, গলায় হার—হাতে তাগা, ওই একটুকরা লিবে
কালামুখী কালোবরণী কালনাগিনী বেদের কণ্ঠে !

দুটো চোখ থেকে মুহূর্তে মুহূর্তে কটাক্ষ হানছিল সে।

তরুণ গৃহস্থামী তৎক্ষণাৎ হাত থেকে একটি আংটি খুলে বললেন—
নে !

এবার বেদেনী খিল-খিল ক'রে হেসে উঠে থানিকটা পিছিয়ে গেল।—
ইরে বাবা রে !

—কি ? কি হ'ল ?

শবলা হেসে বলে—ই—বাবা গ ! সর্বনাশ সর্বনাশ ! উ লিলি
পর আমার পরান যাবে, আপনার মাগ্গি যাবে। বেদে বুড়া দেখলি পর
টুটি টিপে ধরবে, লয় তো বৃকে বিস্কে দিবে লোহার শলা। আর গিন্নী
যা দেখলি পর মোর মাথায় মারবেন কাঁটা। আপনার খালি আঙ্গুল
দেখ্যা গোসা কর্যা ঘরে গিয়া খিল দিবেন কি চল্যা যাবেন বাপের ঘর।

হেসে তরুণ গৃহস্থামী আংটিটা আবার আঙুলে পরলেন, বললেন—
তবে চাইলি কেন ?

—দেখলাম আমার সোনার লখিন্দরের কালনাগিনীর পরে
ভালবাসাটা খাটি না মেকী !

—কি দেখলি ?

—খাটি, খাটি ! হঠাৎ মুখে কাপড় দিয়ে হেসে উঠল, বললে—খাটিই হয় গো সোনার লখিন্দর ! তাতেই তো লাগের বিষে মরে না লখিন্দর, নাগিনীর বিষে মরে !

ঠিক এই সময়েই বাজার থেকে লোক ফিরে এল লাল রঙের চক্কোখা শাড়ি নিয়ে। টকটকে লাল রঙের শাড়ি, তারও চেয়ে গাঢ় লাল রঙের পাড়। চকচক করে উঠল বেদেনীর চোখ !

কাপড়খানা গায়ে জড়িয়ে নতুন কাপড়ের গন্ধ নাকে গুকে সে বললে—আঃ !

—পছন্দ হয়েছে ?

—হবে না ? চাঁদের পারা বদন তুমার, তুমার দেওয়া জিনিস কি অপছন্দ হয় ? অথন—বিদায় কর !

—আর কি চাই বল ? আঙটি চাইলি, দিতে গেলাম, নিলি নে—

—দাও। যখন দিবার তরে মন উঠছে, পোড়াকপালী বেদের বেটার কপাল ফিরেছে, তখন দাও, আংটির দাম পাচটা টাকা দিবার হুকুম কর। তুমি হাত ঝাড়লে হামরাদের তাই পকত। দিয়া দাও পাচটা টাকা !

তাও হুকুম হ'ল দিতে।

পাওনা নিয়েই ছুটে গুরু করলে। বেদের মেয়েটার চলন কি ক্ষত ! মাঠের মধ্যে সাপের পিছনে তাড়া ক'রে সাপের নাগাল নেয়,—বেদের মেয়েদের চলনই খর, বলনও খর, চাউনিও খর। শবলা আবার তাদের মধ্যে অদ্বিতীয়া। বিচিত্র বেদের মেয়েদের মধ্যে ও আবার আরও বিচিত্র।

বাবু হাঁকলেন—দাঁড়া দাঁড়া। এই বেদেনী, এই !

দাঁড়াল শবলা। এরই মধ্যে সে প্রায় হাত বিশেক চলে গেছে।

ফিরে দাঁড়িয়ে অতি মধুর এবং অতি চতুর হাসি হাসলে সে।
বললে—

আজ আর লয় সোনার লখিন্দর, উই তাকায়ে আছেন পশ্চিম আকাশ
বাগে—বেলা হিলে গেলছে, সূর্য্য দেবতায় লালি ধরেছে ; সাঁঝ আসছে
নেম্যা। যাব সেই কত পথ। শিয়াল ডাকবার আগে ঘরকে যেতে না
পারলি ঘরে লিবে না, জাতে ঠেলবে। বলেই হেসে সুর করে বলে :

“শিয়াল ডাকিলি পরে, বেদেরা না লিবে ঘরে
অভাগিনীর যাবে জাতিকুল।”

তারপরই ছড়া ছেড়ে সহজ ক’রে বললে—বেশ চুপিচুপি বলার
ভঙ্গিতে বললে—তুমি জান না সোনার লখিন্দর, তুমি বেদের কন্ঠেরে
জান না। বেদের কন্ঠের লাজ নাই, শরম নাই, বেদের কন্ঠের ধরম নাই,
বেদের কন্ঠের ঘরের মায়া নাই ; বেদের কন্ঠে বেদেনী অবিশ্বাসিনী। রীত
চরিত তার লাগের কন্ঠে লাগিনীর মতুন। রাত লাগলি, আধার নামলি
চোখে নেশা লাগে বৃকের ভিতরটা তোলপাড় করে, লাগিনীর মতন
সনসনিয়ে চলে, ফণা তুলে লাচে। সে লাচন যে দেখে সে সংসার ভুলে
যায়।

চোখ দুটো তার ঝকঝক ক’রে উঠল একবার।

বললে—সে নাচন তুমাকে দেখাবার উপায় নাই সোনার লখিন্দর।

তারপর সে আবার ছুটল। সত্যসত্যই সে ছুটতে শুরু করল।
ওদিকে সূর্য প্রায় দিগন্তের কোলে নেমেছে, রঙ তার লাল হ’য়ে উঠেছে।
সন্ধ্যা হতে খুব দেরি নাই ! শবলা মিথ্যা বলে নাই, শিবরাম জানেন,
গুনেছেন ; ওই যে বার গিয়েছিলেন হিজলবিলের ধারে সাঁতালী গায়ে,
সেবারেই গুনে এসেছিলেন, সন্ধ্যার শিবারবের পর যে বেদের মেয়ে গাঁয়ের
বা আন্তানার বাইরে রইল, তার আর ঘরে প্রবেশাধিকার রইল না।

অন্তত সে রাজির মত রইল না। পরের দিন সকালে তাকে সাক্ষীসাবুদ নিয়ে শিরবেদের সম্মুখে এস দাঁড়াতে হবে, প্রমাণ করতে হবে, সে সন্ধ্যার সময় পর্যন্ত কোনমতেই ঘর পর্যন্ত পথ অতিক্রম করতে পারে নাই এবং সন্ধ্যার সময়েই সে আশ্রয় নিয়েছিল কোন সংগৃহস্থের ঘরে, কোন অপরাধে সে অপরাধিনী নয়। তবে সে পায় ঘরে ঢুকতে। প্রমাণে এতটুকু খুঁত বের হ'লে দিতে হয় জরিমানা। এর উপর খেতে হয় বেদের প্রহার।

শবলা নাগিনী কণ্ঠা, পাঁচ বছর বয়সের আগে নিহের স্বামীকে খেয়ে সে প্রায় চিরকুমারী, কিন্তু আন্তানায় বা ঘরে তার প্রতীক্ষায় বসে থাকে স্বয়ং শিরবেদে। নাগিনী কণ্ঠাকে যদি স্পর্শ করে ব্যাভিচারের অপরাধ তবে গোটা বেদে সমাজের মুখে কালি পড়বে, মা-বিষহরি তার হাতে পূজা নেবেন না। পরকালে পিতাপুরুষদের অধোগতি হবে! সন্ধ্যার শিবান্বনিকাননে ঢুকবামাত্র শিরবেদে উঠে দাঁড়িয়ে হাত জোড় করে মা-বিষহরির নাম নিয়ে প্রণাম করবে।—জয় মা-বিষহরি, জয় মা-মনসা!

কপালে হাত ঠেকিয়ে প্রণাম করেই হাঁকবে—কণ্ঠে!

—হাঁ গ, সন্ঝার প্রদীপ জ্বালছি গ! উত্তর দিতে হবে নাগিনী কণ্ঠাকে।

ছুটে চলল শবলা।

গঙ্গার ঘাটের দিকে চলল, তারপর সেখান থেকে গঙ্গার কুলের পথ ধরে তাকে হাঁটতে হবে অনেকটা। তার আকর্ষণে ছাগলটা বাদর ছুটোও ছুটছে।

দর্শকদের সঙ্গে শিবরামও দাঁড়িয়ে রইলেন তার দিকে চেয়ে। মেয়েটার ছুটে চলাও বিচিত্র, সজাগ হয়েই ছুটে চলছে বোধ হয় মেয়েটা, দর্শকেরা যে তার পিছনে তারই দিকে চেয়ে রয়েছে এ কথা সে মুহূর্তের

জ্ঞাতও ভুলছে না। ছুটে চলার মধ্যেও তার তরী দেহের হিল্লোল অটুট রেখে ছুটে চলেছে। নাচতে নাচতেই ছুটছে মেয়েটা।

শিবরামের মনে হল—মেয়েটার মুখে হানির রেশ ফুটে রয়েছে। সে নিশ্চয় ক’রে জানে যে দর্শকেরা মোহগ্রস্তের মত এখনও তারই দিকে তাকিয়ে রয়েছে।

দেখতে দেখতে গঙ্গার কূলের জঙ্গলের মধ্যে হারিয়ে গেল বেদের মেয়ে।

শিবরাম বলেন—পরের দিন সকালেই মহাদেব এসে দাঁড়াল ধূর্জটি কবিরাজের উঠানে। চোখে বিভ্রান্ত দৃষ্টি, কাঁধে সাপের বাক নাই, হাতে ডমরুর মত আকারের বাণঘণ্টা নাই, তুমড়ি বাঁশীও নাই; হাতে শুধু লোহার ডাণ্ডাটাই আছে।

—বাবা!

তখনও প্রায় ভোর বেলা। ধূর্জটি কবিরাজ চিরটাকাল রাত্রির শেষ প্রহরে শয্যাভ্যাগ ক’রে প্রাতঃকৃত্য সেরে স্নান করতেন ঠিক উদয়-মুহূর্তে। স্তব্ধোদয় না হ’লে দিবাগণনা হয় না বলেই অপেক্ষা ক’রে থাকতেন—গুবপাঠ ইত্যাদি করতেন। দিনের দেবতার উদয় হলেই গঙ্গাঘান করে ফিরে পূজায় বসতেন। কবিরাজ সবে স্নান সেরে বাড়ী ঢুকছেন—ওদিক থেকে ব্যস্ত হয়েই এসে উপস্থিত হ’ল মহাদেব।

—কি মহাদেব? এই ভোরে—?

তার আপাদমস্তক ভীষ্মদৃষ্টিতে চেয়ে দেখে বললেন—এই ভাবে? কি ব্যাপার?

শহরে এসে মধ্যে মধ্যে ওরা মহামারীতে আক্রান্ত হয়। নগদ পয়সা হাতে পেয়ে শহরের খাও-অখাও খায় আকণ্ঠ পুরে। দিনে দুপুরে সারাদিন ঘুরে বেড়ায়, তৃষ্ণা পায়। সে তৃষ্ণা মেটাতে যে-কোন স্থানের জল গ্রহণে ওদের দ্বিধা নেই, স্ততরাং মহামারীর আর আশ্চর্য কি?

মহাদেব বললে—বিপদ হ'ল বাবা, ছুটে এলম। হেথা তুমি ছাড়া হামরাদের কে রইছে কও?

—কি হ'ল?

—একটা ছোড়া মরিছে কাল রাতে।

—মরেছে? কি হয়েছিল?

—কি হবে বাবা? বেদের মিত্যু লাগের মুখে। সপ্যাঘাত হইছে।

—সর্পাঘাত?

—হাঁ বাবা। সাক্ষাৎ কাল। এক আকামা রাজগোথুরা। কি ক'রে আঞ্জা খুলল ঝাঁপি, কে জানে? পেলে ছোড়াকে ছামুতে, পিছা ফিরা বসেছিল—পিঠের উপর মাথা ঠুঁকে দিলেক ছোবল। এক্ষেত্রে এক খামচ মাস খাবলে তুলে নিলে। কিছুতে কিছু হল নাই—দণ্ড দুইয়ের ভিতর শ্বাস হয়ে গেল! এখন বাবা, ইটা হ'ল শহর-বাজার ঠাই, অপঘাত মিত্যুর নাকি তদন্ত হবে থানাতে। আপুনি একটা চিরকুট লিখে দাও বাবা দরোগাকে!

—বস।

হাত জোড় ক'রে মহাদেব বললে—অভয় পাই তো একটি কথা বলি বাবা ধন্যস্তরি!

—বল।

—চিরকুট লিখা এই বাবাঠাকুরের হাত দিয়া—ইয়ারে মোর সাথে দাও। দারোগার সাথে কথা, কি বলতি কি বলব—বাবা—।

স্বরে ভঙ্গিমায় অসমাপ্ত থেকে গেল মহাদেবের কথা। বলতে পারলে না, হয় তো জানে না বাক্যের রীতি অথবা সাহস করলে না অনুরোধ পুনরাবৃত্তি করতে।

আচাৰ্য্য ভাবছিলেন। ভাবছিলেন আয়ুৰ্বেদ ভবনের স্ববিধা অস্ববিধার কথা, শিগ্গের অস্ববিধার কথাও মনে হচ্ছিল।

হাত জোড় করে মহাদেব বললে—বাবা, কাল নিয়ে খেলা করি, মরি বাঁচি ডর করি না, কিন্তুক থানা-পুলিশ যমের বাড়ি, উরা বাবা, সাক্ষাৎ বাঘ। দেখলি পরেই পরানটা খাঁচাছাড়া হয়্যা যায় গ।

এবার হেসে ফেললেন ধূর্জটি কবিরাজ। শিবরামের দিকে তাকিয়ে বললেন—তোমার হয় তো একটু কষ্ট হবে শিবরাম, তবে এদের জন্ত কষ্ট করলে পুণ্য আছে, তুমি যাও একবার। দারোগাকে আমার নাম ক’রে বলো। অথবা কোন কষ্ট যেন না দেন। তুমি না গেলে হয় তো হয়রানির ভয় দেখিয়ে টাকা আদায়ের চেষ্টা করবে। বুঝেছ?

শিবরাম উঠলেন। বললেন—আমি যাচ্ছি!

জোয়ান বেদের ছেলে। মৃতদেহটা দেখে মনে হচ্ছিল, কালো কষ্টপাথরে গড়া একটা মূর্তি, সুন্দর সবল চেহারা। শুইয়ে রেখেছিল বেদের আস্তানার ঠিক মাঝখানে। মাথার শিয়রে কাঁদছিল তার মা। চারিদিকে আপন আপন আস্তানায় বেদেরা যেন অসাড় হয়ে বসে আছে। ছোট ছোট ছেলেগুলো শুধু দল-বঁধে চঞ্চল হবার চেষ্টা করছে কিন্তু তাও ঠিক পেরে উঠছে না চঞ্চল হ’তে, বড় মানুষদের স্তম্ভিত ভাবের প্রভাব তাদেরও যেন আচ্ছন্ন করে ফেলছে।

শবলা দাঁড়িয়ে আছে একটা গাছের ডাল ধরে; যেন ডালটা অবলম্বন করে তবে দাঁড়াতে পেরেছে। অদ্ভুত চেহারা হয়েছে চঞ্চলা চপলা মেয়েটার মুখের। স্থির দৃষ্টিতে চেয়ে রয়েছে ওই মরা মানুষটার দিকে, কিন্তু তাকে সে দেখছে না, মনের ভিতরটা যেন বাইরে এসে ওই মরা মানুষটার উপরে শবাসনে বসে আছে। চোখের উপরে দু'দুটি মাঝখানে দুটি রেখা স্পষ্ট দাঁড়িয়ে উঠেছে।

দারোগা-পুলিশের তদন্ত অল্লেই মিটে গেল।

কি-ই বা আছে তদন্তের! সাপের ওঝার মৃত্যু সাধারণত সাপের বিষেই হয়ে থাকে। কাল নিয়ে খেলা করতে গেলে দশ দিন খেলোয়াড়ের, একদিন কালের। তার উপর বিখ্যাত ধূর্জটি কবিরাজের অহরোধ নিয়ে তাঁর শিষ্য শিবরাম উপস্থিত। নইলে এমন ক্ষেত্রে অল্পস্বল্পও কিছু আদায় করে পুলিশ। দারোগা শবনংকারের অহুমতি দিয়ে চলে গেলেন।

মহাদেব দেখালে সমস্ত। সাপটা দেখালে। প্রকাণ্ড একটা দুখে গোখুরো। সাদা রঙের গোখুরো খুব বিরল। কদাচিৎ পাওয়া যায়। বেনেরা বলে রাজার ভিটে ছাড়া দুখে গোখুরো বাস করে না। রাজবংশের ভাগ্যপ্রতিষ্ঠা যখন হয়—বংশের লক্ষ্মী যখন রাজলক্ষ্মীর মর্যাদা পান, তখনই হয় ওর আবির্ভাব। লক্ষ্মীর মাথার উপর ছত্র ধরে সে-ই তাঁকে দেয় ওই গৌরব। তারপর রাজবংশের ভাগ্য ভাঙে, বংশ শেষ হয়ে যায়, রাজপুরী ভেঙে পড়ে, লক্ষ্মী অসুস্থিতা হন, চলে যান স্বস্থানে—ওকেই রেখে যান ভাঙা পুরী পাহারা দেবার জন্তে। ভাঙাপুরীর খিলানে খিলানে—ফাটলে ফাটলে ও দীর্ঘশ্বাস ফেলে ঘুরে বেড়ায়। অনধিকারী মন্দ অভিপ্রায়ে এই ভাঙা পুরীতে প্রবেশ করতে চেষ্টা করলে দণ্ড ধরে অর্থাৎ ফণা তুলে দাঁড়ায়। মন্দ অভিপ্রায়

না থাকলে তুমি যাও, ও সাড়া দেবে না ; তুমি ঘুরে ফিরে দেখবে—ও তোমাকে দেখবে, নিজের অস্তিত্ব জানতে দেবে না, পাছে তুমি ভয় পাও, তুমি দীর্ঘনিশ্বাস ফেললে হয় তো বড়জোর ও-ও নিশ্বাস ফেলবে। হঠাৎ যদি তোমার প্রবেশ-মুখে ও বাইরেই থাকে, চোখে পড়ে তোমার, তবে তৎক্ষণাৎ ও দ্রুতবেগে চলে যাবে কোন্ অন্ধকারে। লুকিয়ে পড়বে। মুখে ওর ভাষা নাই, ভাষা থাকলে শুনতে পেতে, ও বলছে—ভয় নাই ! ভয় নাই ! এস, দেখ !

—মালদহে দেখেছিলম বাবা। মহাদেব বললে—তখন মূই ভর্তি জোয়ান। মোর বাপ শঙ্কর শিরবেদে বেঁচ্যা! অকণ্যে ভরা ভাঙাভগ্ন পুরী, ঘুরা ঘুরা দেখছি। আর বিধাতারে বুলছি—হায় বিধেতা, হায় রে ! এ কি তোর খেলা ! ই গড়াই বা ক্যানে—আর গড়লি যদি তবে ভাঙাই বা ক্যানে ! ঘুরতে ঘুরতে মনে হল, এই এত বড় রাজবাড়ী, ইয়ার কুথা আছে তোষাখানা ? দিখানে কি সোনা-দানা-হীরে-মানিকের কিছুই নাই পড়ে ? কি বুলব বাবা, মাথার উপর উঠল গর্জন—ফোঁ-ফোঁ-ফোঁ ! শুভ্রা পরানটা উড়ে গেল। একেরে মাথার উপরে যে, ফিরে তাকাবার সময় নাই ! শিরে হৈলে সপ্যাঘাত, তাগা বাঁবব কুথা ! তবে বেদের বেটা—ভয় তো করি না। বুদ্ধি করে সঙ্গে সঙ্গে বসে পড়লম ঝপ করে। তাবাদে মাথা তুলে উপর বাগে তাকালম ! দেখি, খিলানের ফাটল থেক্যা এই হাত থানেক দেহখানা বার ক’রে দণ্ড ধ’রে গরুজাইছে ! এই কুলার মতন ফণা, এই সোনার বরণ চক্ক, দুধের মতুন দেহের রঙ ! মরি মরি মরি ! কি বুলব বাবা, মন আমার মোহিত হয়ে গেল ! বেদের কুলে জন্ম নিছি, হিজলবিলের ধারে সাতালী গাঁয়ে বাস—পাতালে লাগলোকে যত লাগ সাতালীর ঘাস বনে, গাছে, কোটরেও তত লাগ। কিন্তুক এমনটি তো দেখি

নাই? মনটা নেচ্যা উঠল বাবা। ভাবলম—ইয়ারে যদি ধরতে না পারি তো কিসের বেদে মুই? খানিক পিছিয়ে এলম, দাঁড়ালম বাবা খুঁট লিয়ে! আয়, তু আয়! মনে মনে ডাকলম মা-বিষহরিকে, ডাকলম কাললাগিনী বেটাকে! হাঁকতে লাগলম মন্তর! সেও থির, মুইও থির। কে জেতে কে হারে! ভাবলম, ফাঁস বানায়ে মারব ছুঁড়ে শেষ পর্যন্ত। পিছন থেকে মোর বাপ হাঁক দিলেক—খবরদার! মুখ ফিরাবার জো নাই বাবা, আমি ফিরাব চোখ তো উ মারবে ছোবল, উ নামাবে মাথা তো মুই দোব ছোঁ। মুখ না ফিরায়ে মুই বাপকে কইলাম, এস তুমি আগায়ে এস—মুই ঠিক আছি। ধর তুমি। বাপ কইল—না। পিছায়ে আয় পায়ে পায়ে। উনি হলেন রাজ-গোখুর, এ পুরীর আগলদার—সাক্ষাৎ কাল! ওঁরে ধরে কেউ বাঁচে না। পিছায়ে আয়। বাপের হুকুম—শিরবেদের আদেশ বাবা, ছু পা পিছায়ে গেলম। সেও খানিক দেহ গুটীয়ে ঢুকায়ে নিলে, ফণাটা খানিক ছোট হল। বাবা কইলে—সব্বনাশ করেছিলি! ওঁরে ধরতে নাই। বেদের বেটা ধরতে হয় তো পারবি। কিন্তুক মুখে রক্ত উঠ্যা মরে যাবি—নয় তো যেতে হবে ওই ওঁর বিষে। তা—উনি এমন দণ্ড ধরে দাঁড়ালেন ক্যানে? ওঁরে তেড়ে ছিলি? না—মনে মনে পাপ ভাবনা ভেবেছিলি? গুপ্তধন খুঁজতে গিয়েছিলি? বললম—কি ক’রে জানলা গ? বাবা কইল বৃত্তান্ত। কইল, পাপ বাসনা মুছে ফেল, ভুলে যা। দেবতারে পেনাম কর্যা আস্তানায় চল। নইলে নিস্তার পাবি নাই। মনের বাসনা মনে ডুবালাম—মুছে দিলম। বললম, দেবতা, তুমি ক্ষমা কর। বাস বাবা, নিমিখ ফেলতে ফেলতে দেখি—আর নাই তিনি! ঢুকে গেছেন। ফিরে এলম। তার পরে গিয়েছি বাবা সেই ভিটেতে, মনে মনে বলেছি

—ক্ষমা কর দেবতা, কোন বাসনা নিয়ে আসি নাই, এসেছি দেখতে, নয়ন সাংক করতে। আর কোন দিন দেখা পাই নাই।

নিজের গল্প শেষ ক'রে মহাদেব বললে—কাল বাবা, দেখি, ই ছোড়া ধরে এনেছে, সেই এক রাজগোক্ষুর, সাক্ষাৎ কাল। বাবা, শিবের বরণ হল দুধের মতুন, তার অঙ্গের পরশ ছাড়া ই বরণ উ পাবে কুথা? বেদের ছেলে, ই কথা না-জানা লয়, মুই কতবার ই কাহিনী বলেছি। জানে ভালমতে। কিন্তুক ওর নেয়ত। ওর রীতচরিতটা খারাপ ছিল—এমনি হবে মুই জ্ঞানতম। জোয়ান বয়স কার না হয় বাবা! ই ছোড়ার জোয়ান বয়স হ'ল—যেন সাপের পাঁচপা দেখলে! রক্তের তেজে ধরাখানা হ'ল সরা। যত কিছু মানা আছে বেদের কুলে—সে-ই করতে ছিল উয়ার ঝোক। লইলে বাবা—

হঠাৎ ভয়ঙ্কর হ'য়ে উঠল মহাদেবের মুখ, কণ্ঠস্বরে বেজে উঠল যেন বিষমঢাকির সুর, সে প্রায় গর্জন ক'রে উঠল, ফেটে পড়ল সে, বললে—লইলে বাবা, লাগিনী কণ্ঠে বেদের কুলের কণ্ঠে—লক্ষ্মী, তার দিকে দিষ্টি পড়ে বাবা?

—এই উয়ার নিয়ত। এই উয়ার নিয়ত! মাথা ঝাঁকি দিয়ে উঠল মহাদেব, ঝাঁকড়া চুল হুলে উঠল। পাপ কথা উচ্চারণ ক'রে সম্ভবত প্রায়শ্চিত্তের জন্ত দেবতার নাম স্মরণ ক'রলে সে—জয় বাবা মহাদেব, জয় মা-বিষহরি, জয় মা-চণ্ডী, ক্ষমা কর মা, ক্ষমা কর!

সমস্ত স্থানটা থম থম করছিল। গঙ্গার ওপারের তটভূমিতে তখনও শোনা যাচ্ছিল মহাদেবের কণ্ঠস্বরের প্রতিধ্বনি। আর উঠছিল গঙ্গার স্রোতের কুল কুল শব্দ, এবং উত্তর বাতাসে অশ্বখ ও বটগাছের পাতায় পাতায় মৃদু সর-সর ধ্বনি, মধ্যে মধ্যে দুটো-একটা পাতা ঝ'রে ঘুরতে ঘুরতে মাটির উপর এসে পড়ছিল। বেদেদের সকলে শুক, ছেলেগুলো

পর্যন্ত ভয় পেয়ে চুপ ক'রে গিয়েছে, সত্য দৃষ্টিতে তাকিয়ে আছে মহাদেবের ক্রুদ্ধ মুখের দিকে। শবলা শুধু একবার ফিরে তাকালে মহাদেবের দিকে, তারপর আবার যেমন স্থিরদৃষ্টিতে তাকিয়ে দাঁড়িয়ে ছিল, তেমনি ভাবেই দাঁড়িয়ে রইল।

মহাদেব মনের আবেগে ব'লেই যাচ্ছিল, বলে কথা যেন শেষ ক'রতে পারছে না। সে আবার বললে—আমি জানতম। আমি জানতম। এমন হবে আমি জানতম। কণ্ঠে চান করে বলে, ছোঁড়াটা লুকায়ে দেখে। আমি সাবধান ক'রে দিছি। চুলের গুঁঠা ধ'রে মারছি। তবু উয়ার লালস মিটল না। ওই কণ্ঠেটা—ওই যে নাগিনীর জাত, উ একদিন, বাবা, কণ্ঠের রূপ ধ'রে ছলেছিল গোটা বেদের জাতটারে। জনমে জনমে উ ছলনা করে বাবা। ছোঁড়ার নেয়ত! ছোঁড়া কাল গেছিল হুই মা-গঙ্গার হুই পাড়ে—ভাঙা লবাববাড়ীর জঙ্গলের দিকে। সেখানে ছিলেন এই দেবতা। এসে বুললে—শবলারে। শবলা বুললে—বেদের বেটা লাগ দেখ্যা ছেড়া দিয়া এলি—কি রকম বেদের বেটা তু ? যা ধর্যা নিয়ে আয়। জোয়ান বেদের বেটা, তার উপর, শবলা বুলেছে আর রক্ষা আছে বাবা! নিয়া এল ধর্যা। আমি দেখলম, দেখ্যা শিউরে উঠলম। বললম—ছেড়া দে, লইলে মরবি। কিছুতে রাজী হয় না; শ্রাঘ আমি কেড়ে নিলম বাবা। সাঝ হয়ে গেছিল, ঝাঁপিতে ভর্যা রেখে দিলম, ভাবলম—কাল সকালে ছেড়া দিয়া আসব স্বস্থানে। ওর নেয়ত, আমি কি করব, বলেন? রাতের বেলা ঝাঁপি ঠেল্যা বেরিয়েছে সাক্ষাৎ কাল; ইদিকে ছোঁড়া গাঙের ধারে গিয়া বস্তা কি ক'রছিল কে জানে? পিছা থেকে সাপটা গিয়া একেরে পিঠের মেরু-দণ্ডের 'পরে দিছে ছোবল। ছোঁড়া ঘুর্যা দেখে কাল। বেদের বেটা, হাতে ছিল লোহার ডাণ্ডা, দিলেক পিটায়ে।

প্রকাণ্ড ছুধে গোথুরাটার নির্জীব দেহটা খানিকটা দূরে একটা ঝুড়ির নীচে ঢাকা ছিল। পাছে কাক চিল বা অন্য কোন মৃত মাংসলোভী পাখী ওটাকে নিয়ে টানাটানি শুরু করে—সেই ভয়েই ঝুড়ি দিয়ে ঢেকে রেখেছে। ঝুড়িটা তুলে মহাদেব বললে—দেখেন, নিজের পাপে নিজে মরেছে ছোঁড়া, আবার মরণের কালে ই কি পাপ করে গেল, দেখেন। কি, দেবতার মতুন দেহ দেখেন। কি সোনার ছাতার মতুন চক্ক দেখেন। ই পাপ অসর্গবে বেদে গুপ্তির উপর।

এতক্ষণে কথা বললে শবলা, শবদেহটার উপর থেকে দৃষ্টি তার ফিরে আবদ্ধ হ'য়েছিল মহাদেবের উপর। কখন যে ফিরেছিল কেউ লক্ষ্য করে নাই। উত্তেজিত মহাদেবের কথা শুনে লোকে তার দিকেই তাকিয়েছিল, তারপর দৃষ্টি নিবদ্ধ হ'য়েছিল সাপটার উপর। সত্যিই সাপটার দেহ-বর্ণ অপূর্ণ, এমন ছুধের মত সাদা গোথুরো সাপ দেখা যায় না। ওরই মধ্যে শবলা কখন দৃষ্টি ফিরিয়ে তাকিয়েছিল মহাদেবের দিকে। সে ব'লে উঠল, ই পাপ অসর্গবে তুকে। বেদে গুপ্তির পাপ ইতে নাই। পাপ তুর।

চমকে উঠল মহাদেব।

তিক্ত কুটিল হাসিতে শবলার ঠোঁট ছুটি বেকে গিয়েছে, নাকের ডগাটা ফুলে-ফুলে উঠছে। চোখের দৃষ্টিতে আক্রোশ যেন বিচ্ছুরিত হচ্ছে। কোন অগ্নিকুণ্ডের ছাইয়ের আবরণ যেন অকস্মাৎ একটা দমকা বাতাসে উড়ে গিয়ে বাতাসের স্পর্শে মুহূর্তে মুহূর্তে দীপ্যমান হয়ে উঠছে। মহাদেবের কোন্ কথা যে দমকা বাতাসের কাজ করলে, শবলার চোখের দৃষ্টি থেকে উদাসীনতার স্তিমিত ভাবের ছাইয়ের আবরণ উড়িয়ে দিলে সে-কথা জানে ওই শবলাই।

মহাদেব তার কথা শুনে চমকে উঠেছিল, তার দিকে তাকিয়ে যেন থমকে গেল।

শবলার মুখের তিক্ত হাসি আরও একটু স্পষ্ট হ'য়ে উঠল—একটু বেশি টান দিলে তার ছুই ঠোঁটের কোণে; মহাদেবের চমক দেখে এবং তাকে থমকে যেতে দেখে সে খুশি হ'য়ে উঠেছে যেন, মহাদেবের স্তম্ভিত ভাবের অবসরে সে নিজের কথাটা জারও দৃঢ় ক'রে বলে উঠল, বললে— শুধু ওই রাজলাগের মরণের পাপই লয় বুড়া, ওই বেদের ছাওয়াল মরল—তার পাপও বটে। দুই পাপই তুর।

রোষ এবং বিস্ময়ে মিশিয়ে একটা অদ্ভুত ভাব ফুটে উঠছিল মহাদেবের মুখে,—কিন্তু সে যেন নিজেকে ঠিক প্রকাশ করতে পারছিল না, শুকনো বারুদ ঠিকই আছে কিন্তু আগুনের স্পর্শ পাচ্ছিল না। সে শুধু বললে— হামরার পাপ?

—ঈ। তুর! তুর! বুড়া, তুর! বুল ক্যানে—উপরে রইছেন মাথার পরে দিনের ঠাকুর দিনমণি, পায়ের তলায় তুর মা-বসুমতী, তাকে মাথায় ধ'রে রইছেন মা-বিষহরির সহোদর বাসুকী। তুর ছামুতে রইছে মায়ের বারি—তু বুল—বুল বুড়া, পাপ কার?

এবার ফেটে পড়ল মহাদেব। চীৎকার ক'রে উঠল—শবলা!

সে ইঁক যেন মাহুয়ের ইঁক নয়—সে যেন আত্মা চীৎকার ক'রে উঠল। সে আওয়াজে বেদেরা-ষে-বেদেরা, যারা মহাদেবের সঙ্গে আজীবন বাস ক'রে আসছে, তারাও চমকে উঠল। শিবরাম চমকে উঠলেন, বেদেদের আস্তানায় গাছের ডালে বাঁধা বাঁদরগুলি চিক্ চিক্ ক'রে এ-ডাল থেকে ও-ডালে লাফিয়ে পড়ল, ছাগলগুলি শুয়েছিল সভয়ে শব্দ ক'রে উঠে দাঁড়াল, গাছের মাথায় পাখী যারা ব'সেছিল, উড়ে

পালান ; শব্দটা গঙ্গার বুকের জল ঘেঁষে ছুঁদিকে ছুটে চলে গেল, যেতে-যেতে আঁকে-বাঁকে ধাক্কা মেরে প্রতিধ্বনি তুললে—

শবলা !

শবলা !

শবলা !

ক্রমশঃ দূরে-দূরান্তরে গিয়ে শব্দটা ক্ষীণ থেকে ক্ষীণতর হ'য়ে মিলিয়ে গেল। তখনও সকলে স্তম্ভিত হ'য়ে র'য়েছে। শুধু শবলা গাছের ডালটা ছেড়ে দিয়ে সোজা হ'য়ে দাঁড়াল। তারপর অতি মৃদু কণ্ঠে অল্প একটু হেসে বললে—তুই বিচার কর্যা দেখ ! পাঁচজন রইছে, পঞ্চজনেও বিচার করুক। এই রইছেন ধনুস্তরি বাবার শিষ্য—ওঁরেও শুধা। বুল রে বুড়া, তু যে লাগকে দেখে চিনলি রাজলাগ ব'লে, তু জানলি কি—ইয়ারে ধরলে মিত্যু থেকে নিস্তার নাই, মুয়ে তু বললি সি কথা, ছোঁড়াটার কাছ থেকে কেড়েও লিলি, কিন্তু ছেড়ে দিলি নাই ক্যানে ? গাও পার কর্যা দেবলাগকে ছেড়্যা দিয়া যদি মেগে লিতিস তার মার্জনা—তবে বুল রে বুড়া, মরত ওই বেদের ছাওয়াল, না মরত ওই দেবলাগ ? ই বার বিচার ক'রে দেখ—পাঁচজনাতে দেখুক কার পাপ ?

মহাদেব কথার উত্তর খুঁজে পেলেন না।

শবলা শিবরামের দিকে তাকিয়ে বললে—কই, বুল তো তুমি ধনুস্তরি-বাবার শিষ্য কচি-ধনুস্তরি ! বিচার কর তো তুমি।

শিবরামকেও বলতে হ'ল—হ্যাঁ, সাপটা তুমি সন্ধ্যাতেই যদি ছেড়ে দিয়ে আসতে মহাদেব ! ভুল তোমার হ'য়েছে।

মহাদেব একটা দীর্ঘনিশ্বাস ফেললে, বললে—হ্যাঁ, তা বলতে পার গ। তবে ভুল তো এক রকমের নয়, ভুল দু-রকমের, এক ভুল মাতুষ করে নিজের বুদ্ধির দোষে, আর এক ভুল সে ভুল লয় বাবা 'ভেরম'—

‘নেয়ত’—‘অদেষ্ট’ মানুষকে ভেরম করায়। এ সেই অদেষ্টের খেলা, ‘নেয়ত’ ভেরম করিয়ে দিলে।

আবার মহাদেব হঠাৎ উগ্র হয়ে উঠল, বললে—একবার বাবা, শিরবেদে বিশ্বস্তরকে ছ’লেছিল অদেষ্ট; নিয়তি কণ্ঠে মূর্তি ধরে এসে কালনাগিনীকে বুকে ধরিয়েছিল—‘ভেরমে’ ফেলে বুঝিয়েছিল, সেই তার মরা কণ্ঠে। এও তাই বাবা! ওই পাশিনী লাগিনী কণ্ঠের ছিলনা! ওই কণ্ঠেটার মধ্যে পাপ ঢুকেছে বাবা। মহাপাপ। মা-বিষহরির সেবায় মন নাই, মন টলেছে কণ্ঠের। লাগিনীর মন মেতেছে বয়সের নেশায়। ওই ছোঁড়াটারে উ ভুলায়েছিল। কাঁচা বয়স ছাওয়ালটার, তার উপর মরদ হয়্যা উঠেছিল ভারী জ্বর। আধারের মধ্যে যমকে দেখলে, তার পিছা-পিছা ছুটে যেত। ছোঁড়া সেই গরমে এতবড় ধরাকে দেখলে সরাখানা! লাগিনীর কাল বরনের চিক্‌চিকি আর চোখের ঝিকঝিকিতে মেতে গেল। বেদের ছাওয়াল, মানলে না বেদেদে কুল-শাসন, বুঝলে না লাগিনী হ’ল বেদে কুলের কণ্ঠে, ও কণ্ঠে মায়াবিনী, মায়াতে ভুলায়ে আপন বাসনা মিটায়ে লিয়ে ওই ওরে ডংশন করবে। ততটা দূর ঘটনাটা এগোয় নাই বাবা, যদি ততদূর যেত তবে ওই লাগিনীই ওরে ডংশন করত। বেদের সহায় মা-বিষহরি, মা বেদেদের সে পাপ থেক্যা রক্ষা ক’রেছেন—রাজগোখুরারে পাঠিয়ে দিছেন, ওরে মোহিত করেছেন। ওই সন্সনাশী—

শবলাকে দেখিয়ে মহাদেব বললে—সন্সনাশী মায়ের ছিলনা বুঝে নাই বাবা, বুঝলে ছোঁড়াটারে বারণ করত। বুলত, না, ধরিস না, উ সাক্ষাৎ কাল, মা তুকে আমাকে ছলতে পাঠিয়েছেন ওই কালকে।

হাসলে মহাদেব—দেবছিলনা বুঝা যায় না বাবা। মায়াবিনীই ছোঁড়ারে বুঝেছিল—নিয়ে আয় ধরে। হোক দুখ বরন সাপ। মায়াবিনী

রাজগোখুরা চিনত নাই, চোখে দেখে নাই। ওরই কথাতে আনল ছোড়া ধর্যা। দেবতার ইচ্ছা, বুঝতে লারি বাবা, লইলে রাজগোখুরার শুধু তো ছোড়াটারে খাবার কথা লয়, পাপী-পাপিনী দুজনারে খাবার কথা, তা হ'ল নাই, শুধু ছোড়াটার জীবনটাই গেল !

তারপর শবলার দিকে আঙুল দেখিয়ে বললে—ওই কন্ঠেটার কপালে অনেক দুঃখ আছে বাবা। অনেক দুঃখ পেয়ে মরবে।

*

*

*

পরের দিন শিবরাম আবার গিয়েছিলেন বেদেদের আস্তানায়।

যার জন্ত মহাদেব একদিন পাঁচ কুড়ি এক টাকা অর্থাৎ একশো এক টাকা চেয়েছিল—তাই দিতে চেয়েছে বিনা দক্ষিণায়, ওই দিনের পুলিশ তদন্তের সময় শিবরাম উপস্থিত ছিলেন—সেই ক্লতজ্ঞতায় মহাদেব বলেছিল—আপনি যা করলে বাবা, তা কেউ করে না; বাবা ধম্বস্তরির দয়া হামরাদের 'পরে আছে, এই শহরে ওই মাহুষটিই হামরাদের আপন জন, তাঁর কথাতেই আপনি এসেছ তা ঠিক, কিন্তু বাবা, এসেছ তো তুমি! আপনজনের মতুন কথা তো বলেছ! আপনকার চরণে কাঁটা বিঁধলি পর দাঁতে কর্যা তুলে দিব আমি। কি দিব তুমাকে, বাবা, এই ছুটি টাকা পেনামী—

শিবরাম বলেছিলেন—না-না-না। টাকা দিতে হবে না মহাদেব। টাকা আমি নেব না। যদি দেবেই কিছু, তবে আমাকে সাপ চিনিয়ে দিয়ে। আমি তোমাকে বলেছিলাম, মনে আছে?

—ই ই। আছে। দিব, তাই দিব। কাল আসিও আপনি। টাকা লাগবে না, কিছু লাগবে না, দিব, চিনায়ে দিব।

কিন্তু আশ্চর্য!

• পরের দিন মহাদেব আর এক মহাদেব।

বসেছিল সে আচ্ছন্নের মত। নেশা করেছে। গাঁজার সঙ্গে সাপের বিষ মিশিয়ে খেয়েছে। তার সঙ্গে খেয়েছে মদ! নেশায় ঘোরালো চোখ দুটো মেলে সে শিবরামের দিকে চেয়ে রইল। তারপর বললে—
কি? কি বটে? কি চাই?

শিবরাম আশ্চর্য হয়ে গেলেন। তিনি কোন কথা বলবার পূর্বেই মহাদেব বলে উঠল—বেদের মেয়ের লোভে আসছ? আ! বলে দুপাটি বড় বড় অপরিচ্ছন্ন দাঁত বের করলে হিংস্র জানোয়ারের মত।

শিবরাম শিউরে উঠলেন। পা থেকে মাথা পর্যন্ত যেন রক্তশ্রোত শন্ শন্ করে বয়ে গেল। অত্মসম্বরণ করতে পারলেন না তিনি। বলে উঠলেন—কি বলছ তুমি?

—ঠিক বুলছি। মহাদেবের চোখ আবার তখন বন্ধ হ'য়ে গিয়েছে। কর্ণস্বর মাদকের জড়তায় জড়িয়ে এসেছে।

—না। কাল তুমি নিজেকে আসতে বলেছিলে, তাই এসেছি। টাকা দিতে এসেছিলে—আমি নিই নি, বলেছিলাম—

—অ। আবার চোখ দুটো বিস্ফারিত করে মহাদেব তাঁর দিকে তাকিয়ে বললে—অ। কবিরাজ ঠাকুর! অ। আমি তোমারে চিনভে লেয়েছি বাবা। নেশা করেছি, নেশা। তা—

আবার ঢুলতে লাগল সে। বিড় বিড় ক'রে বললে—এখন লারব বাবা। এখন হবে না! উ-হু! উ-হু! সে ধুলোর উপরেই শুয়ে পড়ল।

আর একজন বেদে এসে বললে—আপনি এখন ফিরে যাও বাবা। বুড়ার এখন হুঁস নাই!

শিবরাম ক্ষুব্ধ মনেই ফিরলেন। কিন্তু দোষ দেবেন কাকে? ঙ্গদের জীবনের ওই ধারা। একটা দীর্ঘ নিঃশ্বাস ফেললেন।

পরের দিন ঠিক দুপুর বেলা—এল শবলা।

আরও একদিন সে যে সময়ে এসেছিল—ধূর্জটি কবিরাজ ছিলেন না, ঠিক তেমনি সময়ে। এসে সেই জানালার ধারে দাঁড়িয়ে ডাকলে—কচি-ধনুস্তরি! ছোট কবিরাজ গ!

বেরিয়ে এলেন শিবরাম।

—কি? কবিরাজ মশাই তো এ সময় বাড়ীতে থাকেন না। সেদিন তো বলেছি তোমাকে।

শবলা হেসে বললে—সে জেনেই তো আসছি গ। কাজ তো মোর তুমার সাথে।

—আমার সঙ্গে? বিস্মিত হলেন শিবরাম। মেয়েটার লাস্ত্রময়ী রূপ তিনি সেদিন জমিদারবাড়ীতে দেখেছেন। কালো ক্ষীণাক্ষী বেদের মেয়ে লাস্ত্রময়ী রূপ যখন ধরে—তখন তাকে যেন আসব সরোবরে সজ্জানতার মত মনে হয়। সর্বাঙ্গ দিয়ে যেন মন্দিরার ধারা বেয়ে নামে। মাতুষ আত্মহারা হয়। ওই নির্জন দ্বিপ্রহরে ধূর্জটি কবিরাজ অল্পস্থিত জেনে মোহময়ী নাগিনী কণ্ঠা কোন্ ছলনায় তাঁকে ছলতে এল! বৃকের মধ্যে হৃদপিণ্ড তাঁর সঘন স্পন্দনে স্পন্দিত হতে শুরু হয়েছে তখন; মুখের সরসতা শুকিয়ে আসছে। চোখ দুটিতে বোধ হয় শঙ্কা এবং মোহ দুই-ই একসঙ্গে ফুটতে শুরু করেছে। শুককণ্ঠে তিনি বললেন—কেন, আমার সঙ্গে কি কাজ?

শবলা বললে—ভয় নাই গ ছোট কবিরাজ! তুমার সাথে দুপুর বেলা রঙ্গ করতে আসি নাই। বদন তুমার পসন্ন কর।

খিল খিল ক'রে হেসে উঠল।

সাপের ঝাঁপি নামিয়ে চেপে বসল শবলা। বললে—

কাল তুমি গেছিল। বুড়ার কাছে। কত টাকা দিছ
বুড়ারে?

—টাকা?—

—হ্যাঁ। টাকা। পরন্তু—

—অ! হাঁ! পরন্তু যখন পুলিশ চলে গেল তখন বুড়ো আমাকে টাকা
দিতে চেয়েছিল। আমি তো টাকা নিই নাই।

—হঁ। কিছুক্ষণ চুপ করে রইল শবলা। তারপর বললে—খুঁষ
দিবারে চেয়েছিল, লাও নাই, ধরমদেব তুমারে রক্ষা করেছেন গ।
লিলে তুমারে নরহত্যার পাপের ভাগী হ'তে হ'ত। বুড়া জোয়ান
বেদেটারে খুন করেছে।

চমকে উঠলেন শিবরাম। খুন? খুন করেছে?

—হ্যাঁ গ। খুন! বুড়া রাজ-গোখুরাটারে কেড়ে লিলে, রাখলে
কাঁপিতে ভর্যা। মনে মনে মতলব কর্যাই ভর্যা রেখেছিল। লইলে
তো তখুনি যদি ছেড়ে দিত গাঙের ধারে—তবে ত ই বিপদ ঘটত না!
মতলব করেছিল—রাতের বেলা ওই জোয়ানটা যখন আড্ডা ছের্যা—চুপি-
সারে বেরিয়ে যাবে আমার সন্ধানে—তখুনি পিছা পিছা গিয়া সাপটারে
খোঁচা দিয়া দিবে পিছন থেকে ছেড়্যা! রাজগোখুরা—তারে আমারে
দুজনারেই খাবে। ছোড়াটারে আমি বলেছিলম গ! বারে বারে
বলেছিলম। কিন্তুক—

দীর্ঘনিশ্বাস ফেললে শবলা। কাপড়ের খুঁট দিয়ে চোখ মুছলে।
বললে—আমি লাগিনী কন্যে। আমার দিকে পুরুষকে তাকাইতে
নাই। বেদের পুরুষের তো নাই-ই। তারে মোর ভাল লেগেছিল—
সে মোর পিছা পিছা ঘুরছে বছর কালেরও বেশি। বলেছিল, যা থাকে

মোর ললাটে তাই হবে, তবু তুর কামনা আমি ছাড়তে পারব; লারব, লারব, লারব। আমি তারে কত বুঝ বুঝাইছি—তবু সে মানে নাই, নিতুই রাতে গাঁয়ের ধারে—লয় তো গাঙের ধারে গিয়া বসে থাকত। আমি যেতাম না, তবু সে বসে থাকত। বলত, আসতে তুকে হবেই একদিন। যতদিন না আসবি—ততদিন বসে থাকব। বুড়া হব—সে দিন পর্যন্ত বসে থাকব। বুড়া জানত। বুড়াও তাই চেয়েছিল। আমার সাথে বুড়ার আর বনছে না। এই শহরে এসে মোর দেহেও কি হল কবরেজ! আমিও আর থকতে পারলম। আজ তিন দিন গাঙের ধারে তার সাথে দেখা আমিও করছিলম। মা-বিষহরির নাম নিয়া বুলছি কবরেজ—পাপ করি নাই, ধরম ছাড়ি নাই! শুধু গাঙের ধারে বস্তা বস্তা মা-বিষহরিরে ডেকেছি আর কৈদেছি। কৈদেছি আর বুলেছি, মা-গ—দয়া কর, আমার জীবনটা লাও—আমারে তুমি মুক্তি দাও। জোয়ানটাও পাপ করে নাই কবিরাজ—মোর অঙ্গে হাত দেয় নাই, শুধু বুলেছে—শব্দ, ই সব মিছা কথা, সব মিছা কথা, মানুষ লাগিনী হয় না। চল, আমরা দু জনাতে পালাই; পালাই চল—হুই দেশান্তরে। দেশান্তরে গিয়া দু জনাতে ঘর বাঁধি। খাটি খাই, ঘর-কন্না করি। আমি শুনতম আর ভাবতম। ভাবতম আর কখনও বা হাসতম, কখনও বা কাঁদতম। কখন মনে হ'ত—সে যা বুলেছে সেই সত্যি, যাই—তার সাথেই চলে যাই, বিদেশে গিয়ে ঘর বাঁধি, স্নেহে থাকি! কখনও বা মা-বিষহরির ভয়ে শিউরে উঠতম, বুকটা কেঁপা উঠত, কাঁদতম। কাঁদতম আর বুলতম—না রে, না। না—ওরে না-না না। সাথে সাথে ডাকতম মা বিষহরিকে—বুলতম—ক্ষমা কর গ মা, দয়া কর গ মা—দয়া কর। দণ্ড যদি দিবা মা, তবে আমারে দাও। আমার জীবনটা তুমি নাও, বিষহর

জালায় জর-জর কর্যা আমার জীবনটা লাও। জোয়ান ছেলে, মরদ
মাহুষ—তারে কিছু বুলো না, তারে তুমি মাজ্জনা কর, দয়া কর,
ক্ষমা কর।

বলতে বলতে চুপ ক'রে গেল শবলা; অকস্মাৎ উদাস হ'য়ে গেল—
কথা বন্ধ ক'রে চেয়ে রইল আকাশের দিকে। কার্তিকের মধ্যাহ্নের
আকাশ। শরতের নীলের গাঢ়তা তখনও আকাশে বলমল করছে।
কয়েক টুকরো সাদা মেঘও ভেসে যাচ্ছিল। বাতাসে শীতের স্পর্শ
জেগেছে; গঙ্গার ওপারের মাঠে আউস ধান কাটা হ'য়ে গেছে, হৈমন্তী
ধানের মাঠে—লঘু ধানে হলুদ রঙ ধরে আসছে, মোটা ধানের ক্ষেত
সবুজ, শীষগুলি হয়ে পড়েছে। রাস্তায় লোকজন নেই। মধ্যে মধ্যে
গঙ্গার স্রোত বেয়ে ছ-একখানা নৌকা চলেছে ভেসে।

শিবরাম বলেন—সে দিনের স্মৃতি আমার মনে এমন ছাপ রেখে গেছে
যে, সে কখনও পুরানো হ'ল না। কালো মেয়ে শবলা সে কালের
ছোপের মধ্যে মিলিয়ে যাবার নয়; সে কোনও দিনই যাবে না; কিন্তু
সে দিনের আকাশ মাঠ গঙ্গা ছুপুরের রোদ সব যেন আমার এই বুড়ো-
বয়সের জরাচ্ছন্ন চোখের সামনেও সচল আঁকা ছবির মত টকটক করছে।

অনেকক্ষণ পর শবলা দীর্ঘনিশ্বাস ফেলে কথা বললে—তা—মা ক্ষমা
করলে না। মায়ের ইচ্ছে ছাড়া তো কাজ হয় না কবিরাজ—তাই বুলছি
এ কথা। লইলে—

ব্যকমক ক'রে উঠল শবলার চোখ। সাদা দাঁতগুলি বিক্মিক
করে উঠল—নিষকালো নরম দুটি পাতলা ঠোঁটের ঘেরের মধ্যে।
কণ্ঠস্বরের উদাসীনতা কেটে গেল—জালা ধ'রে গেল কণ্ঠস্বরে, বললে—
ওই—ওই বুড়া রাক্ষস উয়াকে খুন করেছে। অন্ধকারে চুপি চুপি
গিয়া ছেড়ে দিলে রাজ-গোথুরাকে। ঝাঁপিটাকে ঝাঁকি দিলে লাগটারে

রাগায়ে দিয়া ঝাঁপিটার দড়ি টেনে ঢাকনাটা দিলে খুলে। সাপের আকোশ জান না কবিরাজ। বড় আকোশ। সে ছামুতে পেল ছেলেটাকে। বুড়া ভেবেছিল, আমি সমেত আছি—থাবে আমারে উয়ারে দুজনারেই শেষ করবে লাগ। তা—

নিজের কপালে হাত দিয়ে শবলা বললে—তা আমার ললাটে এখনও হুসু আছে, ভোগাস্তি আছে, আমার জীবন যাবে ক্যানে !

প্রান হাসি ফুটে উঠল তার মুখে—তারই মধ্যে ঢেকে গেল তার চোখের ঝকঝকানির উগ্রতা। চোখ দিয়ে জল গড়িয়ে এল।

শিবরামও স্তব্ধ হ'য়ে গিয়েছিলেন।

মেয়েটার চোখের কয়ফোটা জলে যেন সব ভিজিয়ে দিয়েছিল। কার্তিকের ছুপুরটা যেন মেঘলা হ'য়ে গিয়েছে মনের মধ্যে। মানুষের গভীর দুঃখ যখন স্বচ্ছন্দ প্রকাশের পথ পায় না, বৃকের মধ্যে দীর্ঘনিঃশ্বাস ফেলে কুণ্ডলী পাকিয়ে ঘোরে—তখন তার সংস্পর্শে এলে এমনিই হয়। কি বলবেন শিবরাম ! চোরের মা যখন ছেলের জন্ত ঘরের কোণে কি নির্জনে লুকিয়ে মৃদুগুঞ্জে কাঁদে—তখন যে শোনে তার অন্তর শুধু বেদনায় বোবা হ'য়ে যায়, মুহূর্ত্তমান হ'য়ে যায়, সাস্থনা দিতেও পারা যায় না, অবজ্ঞা ক'রে তিরস্কারও করা যায় না। হতভাগিনী মেয়েটা ওদের সমাজধর্ম কুলধর্ম পালন করতে গিয়ে যে দুঃখ পাচ্ছে সে দুঃথকে অস্বীকার তো করা যায় না, আবার ওই কুলধর্ম অগ্রায় মিথ্যা এ কথাই বা বলবেন কি ক'রে শিবরাম ? ওই যে ছেলেটা ওর ওই যৌবনধর্মের আবেগে ওই নাগিনী কন্ঠাটির প্রতি আশক্তিই বা কি ক'রে সমর্থন করবেন ? কিন্তু ছেলেটার মৃতদেহ মনে পড়ে এ কথাও মনে উঁকি মারতে ছাড়ছিল না যে, ওই কষ্টিপাথর-কেটে-গড়া মূর্তির মত ওই ছেলেটার পাশে এই নিকষকালো মেয়েটাকে মানাত বড় ভাল !

আচার্য ধূর্জটি কবিরাজকে লোকে বলে সাক্ষাৎ ধূর্জটি; পবিত্রচিত্ত কবিরাজ শিবের মতই কোমল—পরের দুঃখে বিগলিত হন এক মুহূর্তে, আবার অত্যাঁয় অধর্মের বিরুদ্ধে তিনি সাক্ষাৎ রুদ্ধ। তাঁরই শিষ্য শিবরাম। শবলাকে তিনি সান্ত্বনাও দিতে পারলেন না, তার দুঃখ বেদনাকে অস্বীকারও করতে পারলেন না। রোগযন্ত্রণায় অসহায় রুগ্নের দিকে যে বিচিত্র দৃষ্টিতে বিজ্ঞ চিকিৎসক তাকিয়ে থাকেন—সেই দৃষ্টিতে শবলার মুখের দিকে তাকিয়ে রইলেন।

শবলা কিন্তু অতি বিচিত্র। অকস্মাৎ একটা দীর্ঘনিশ্বাস ফেলে সব যেন ঝেড়ে ফেলে দিলে এক মুহূর্তে। বললে—দেখ, নিজের কথাই পাঁচ কাহন ক'রে বুলছি। যার লেগে এলম সে ভুলেই গেলম। এখন বুড়ার কাছে কাল তবে কেন গেছিল। বুল দেখি ?

—সাপ চিনবার জন্তে ! বুড়া বলেছিল সাপ চিনিয়ে দেবে।

—কত টাকা দিলা ? বুড়া তুমাকে কত টাকা ঠকায় নিলে ?

—টাকা ?

—হাঁ গ ! কত টাকা দিছ উয়াকে ?

—টাকা কিসের ? কি বলছ তুমি ?

হেসে উঠল বেদের মেয়ে। ঠকেছ ঠকেছ—সি কথা আর জানাজানি করতে শরমে বাধছে কচি-ধনুস্তরি ? আঃ, হায় হায় কচি-ধনুস্তরি, ঠকলে—ঠকলে, বুড়ার কাছে ঠকলে গ ? আমার মতুন কালো স্তন্যরীর হাতে ঠকলে যি দুস্ক থাকত না !

শঙ্কিত হ'য়ে উঠলেন শিবরাম। আবার মনে পড়ে গেল বেদের মেয়ের সেই জমিদারবাড়ীতে লাশ্রমদ্বী রূপ। বললেন—না-না। কি যা-তা বলছ তুমি ?

—বিধে শেখার জন্তে টাকা দাও নাই তুমি ? বুড়া তোমার

কাছে পাঁচকুড়ি টাকা চায় নাই? মিছা বলছ আমার কাছে? দাও নাই?

হঠাৎ মেয়েটার চেহারা একেবারে পালটে গেল। লাস্ত্র না—হাস্ত্র না, কঠিন ঋজু হ'য়ে দাঁড়াল কালো মেয়ে, চোখের দৃষ্টি স্থির, সর্ব অবয়বে কণা ধ'রে দাঁড়ালো সাপিনীর দৃষ্ট ভঙ্গি। শিবরাম স্তব্ধেছিল নিয়তির আদেশ মাথায় নিয়ে দণ্ড ধ'রে সাপেরা দাঁড়ায় দণ্ডিত মানুষের শিয়রে, প্রতীক্ষা করে কখন দণ্ডিত মানুষটির আয়ুর শেষ ক্ষণটি আসবে, সঙ্গে সঙ্গে সে মারবে ছোবল। মনে মনে এরই একটি কল্পনার ছবি তার আঁকা ছিল। তারই সঙ্গে যেন মিলে গেল। স্থির দৃষ্টিতে চেয়ে ধীর মুহূর্তে শবলা বললে—রাজার পাপে রাজ্য নাশ, কত্তার পাপে গেরস্তের দুর্গতি, বাপের পাপে ছাওয়াল করে দণ্ড ভোগ। বুড়ার পাপে গোটা বেদেগুটির ললাটে দুঃখভোগ হবে, বুড়ার পাপের ভাগ নিতে হবে, দুর্নামের ভাগী হ'তে হবে। তাই আমি ছুটে এলাম আজ তুমার কাছে। তুমি কবিরাজ; বেদেদের বিষের ঠাঁই তুমাদের পাথরের থলে, আমাদের ষড়্‌মান তুমরা। তুমার কাছে টাকা লিলে, লিয়ে তুমাকে বিত্তে দিলে না। অদম্য হ'ল না? ই পাপ মা বিষহরি সইবেন ক্যানে গ? বিত্তের তরে টাকা লিয়া বিত্তে না দিলে, বিত্তে যে অফলা হ'য়ে যাবে! বুড়া করলে পাপ, আমি লাগিনী কত্তে, আমি এলাম ছুটে—পেরাচিতি করতে। ষত দিন লাগিনী কত্তা রইছি—তত দিন করতে হবে আমাকে বুড়ার পাপের পেরাচিতি।

হাঁপাতে লাগল শবলা। চোখ দুটোতে সেই স্থির দৃষ্টি। সে যেন সত্যি সত্যিই নাগিনী কত্তা হ'য়ে উঠেছে; শিবরাম সে নাগিনীকে শবলার মধ্যে দেখতে পাচ্ছেন।

বেদেনীর বিচিত্র ধর্মজ্ঞান এবং দায়িত্ব-বোধ দেখে শিবরাম অবাক

হ'য়ে গেলেন। তিনি বললেন—কিন্তু আমার কাছে তো টাকা নেয় নি মহাদেব।

—সত্যি বলছ ?

—সত্যি বলছি। কেন আমি মিথ্যে বলব তোমার কাছে ?

—তুমাকে বিনি টাকাতে বিচ্ছে দিব বলেছিল ?

শিবরাম বললেন—পরশু যখন পুলিশের সঙ্গে গিয়েছিলাম—তখন তো ছিলে তুমি শবলা। মনে নেই—পুলিশ চ'লে গেলে মহাদেবের সঙ্গে আমার কি কথা হয়েছিল ?

ঘাড় নেড়ে বললে শবলা—না। কবিরাজ, শেষ বেলাটা আমার হ'স ছিল না। পুলিশ চ'লে গেল। বুঝলাম—জোয়ানটার দেহ এইবার গাঙের জলে ভাসায়ে দিবে। ভেসে যাবে ঢেউয়ে ঢেউয়ে, কোথা চ'লে যাবে কোন দেশে দেশে। মনটাও যেন আমার ভেসে গেল। কানে কিছু শুনলম না আর, চোখে কিছু দেখলম না।

শিবরাম বললেন—পুলিশ চ'লে গেলে মহাদেব আমাকে দু টাকা প্রণামী দিতে এসেছিল, আমি তা নিই নি। বলেছিলাম, টাকা আমি নেব না, সত্যিই যদি কিছু দিতে চাও, তবে আমাকে সাপ চিনিয়ে দিয়ে। ব'লেছিল, দেব ; তাই গিয়েছিলাম। তুমি তো দেখেছ, একেবারে নেশায় অজ্ঞান হ'য়ে র'য়েছে কি করব, ফিরে এলাম।

—মিছা, মিছা, সব মিছা কচি-ধনুস্তরি, সব মিছা। নেশা উ করেছে। কিন্তু বেদের মরদের নেশা হয় কবরেজ ? সাপের বিষ গিলে ফেলবার ঠাই না পেলে গাঁজার সাথে খাবার তরে রেখে দেয়। এমন বেদেও আছে ধনুস্তরি, মুখে দাঁতের গোড়ায় ঘা না থাকলে বিষ চেটেই খেয়ে ফেলায়। উ তুমাকে বলেছিল বিচ্ছে দিব, বিনা পয়সায় দিব, কিন্তুক বলে আপসোস হল, বিনা টাকায় বিচ্ছে দিতে মন চাইল না, তাখেই

অমুনি ভান করলে গ! জান, তুমি চলে এলে খানিক পরেই বুড়া উঠে দাঁড়াল, তারপরে কি সে হা-হা হাসি! তোমারে ঠকায়েছে কি-না তাথেই খুশি, তাথেই আহ্লাদ। দেহটা মোর যেন আগুনের হেঁকায় শিউরে উঠল ধ্বস্তরি; মনে মনে মা বিষহরিকে ডাকলম। বললম, মা, তুমি রক্ষে কর অধম্ম থেকে। বেদে কুলের যেন অকল্যাণ না হয়। তাথেই এলম তুমার কাছে। বলি, বুড়া করলে পাপ, আমি তার খণ্ডন কর্যা আসি। কবিরাজকে বিত্তা দিয়া আসি।

শিবরাম বললেন, কি নেবে তুমি বল?

—কি নিব? বেদে বুড়া তুমাকে বাক্ দিছে, আমি সেই বাক্ রাখতে এসেছি। টাকা তো মুই চাই নাই কবরেজ। লাও বস। লাগ চিনায়ে দিই তুমাকে।

বেদেদের পুরুষ-পুরুষাত্মক রহস্যময় সর্পবিত্তা। ওই আশ্চর্য কালো মেয়েটির সব যেন জন্মগুণে আয়ত্ত। রক্তের সঙ্গে মিশে গিয়েছে বোধ হয়।

নাগ দেখালে, নাগিনী দেখালে। নপুংসক সাপ দেখালে। আকার প্রকারের পার্থক্য দেখিয়ে দিলে। ফণার গড়নে চোখের দৃষ্টিতে প্রভেদ দেখালে। এই দেখ কচি-ধ্বস্তরি, দেখছ? ইটাতে ইটাতে তফাৎ?

শিবরাম দেখতে ঠিক পাচ্ছিলেন না। যমজ সন্তানের মায়ের চোখে ধরা পড়ে যে পার্থক্য, যে প্রভেদ, সে কি অল্প কাকুর চোখে ধরা পড়ে? তিনি ধরতে ঠিক পারছিলেন না, শুধু অবাক হয়ে শুনে যাচ্ছিলেন। সে কি অপরূপ বর্ণনা। মেয়েটা কিন্তু প্রভেদগুলি স্পষ্ট, অত্যন্ত স্পষ্ট রূপে চোখে দেখছে, আর বলে যাচ্ছে নাগ-নাগিনীর দেহ-বৈশিষ্ট্যের

কথা। আচার্য ধূর্জটি কবিরাজ যেমন ধ্যানময় আনন্দের সঙ্গে অশ্রু-কোচে নর-নারীর দেহ-গঠনতত্ত্ব বর্ণনা করে যান, ছবি এঁকে বুঝিয়ে দেন, ঠিক তেমনি ভাবে শবলাও সাপকে উলটেপালটে তার প্রতিটি অঙ্গ দেখিয়ে তাঁকে বুঝিয়ে দেবার চেষ্টা করলে।

বললে—কবরেজ, আমি যদি মাথায় পাগড়ি-বঁধা মরদ সাজি—তবু কি তুমি হামরাকে দেখা কত্তে বলে চিনবে না। ঠিক চিনবে! আমার মুখের মিঠা মিঠা ভাব দেখ্যাই চিনবে। সন্দেহ হলি পর বৃকের পানে চাইলিই ধরা পড়বে। বৃকে কাপড় যত শক্ত কর্যাই বাধি, মেয়ের বৃক ভো লুকানো যায় না। তেমনি কবরেজ, নাগিনীর নরম নরম গড়ন, বরনের চিকুচিকে শোভা দেখলেই ধরা পড়বেক।

শিবরাম বললেন—ই্যা।

তিনি যেন মোহাবিষ্ট হয়ে গিয়েছেন।

শবলা বললে—বল, আর কি দেখবা?

—কি দেখব আর? কোন প্রশ্ন আর শিবরাম খুঁজে পেলেন না।

শবলা খিল খিল করে হেসে উঠল। রহস্যময়ী কালো মেয়েটা মুহূর্তে লাস্ত্রময়ী হয়ে উঠেছে, কটাক্ষ হেনে বললে—তবে ইবার আমাকে দেখ খানিক। সাপের চোখে ভাল লাগে সাপিনী, তুমারও ভাল লাগবে বেদেদের নাগিনী কত্তে। লাগবে না?

শিবরামের বৃকের ভিতরটায় যেন ঝড়ো হাওয়া বয়ে গেল। ধাক্কা দিয়ে সব যেন ভেঙে চূরে দিতে চাইলে। চোখ দুটির দৃষ্টিতে বুঝতে পারা গেল সে কথা। চোখের দৃষ্টি যেন ঝড়ের তাড়নায় জানালার মত কাঁপছে।

মেয়েটা আবার উঠল হেসে। বললে—কবরেজ, মনের ঘরে খিল আঁটো গ, খিল আঁটো।

শিবরাম মুহূর্তে সচেতন হয়ে উঠলেন। নিজেকে সংযত ক'রেও হেসেই বললেন—খিল আঁটলেও তো রক্ষে হয় না শবলা; লোহার বাসরঘরে সোনার লখিন্দর সাতটা কুলুপ এঁটে গুয়েও রক্ষে পায় নি, নাগিনীর নিশ্বাসে সর্ষে-প্রমাণ ছিদ্র বড় হয়ে নাগিনীকে পথ দিয়েছিল। আমি খিল আঁটব না। তোমার সঙ্গে মনসার কথার বেনে বেটা আর মহানাগের মত সম্বন্ধ পাতাব। জান তো সে কথা?

—জানি না? লাগলোকে থাকে লাগেরা, নরলোকে থাকে নরেরা। বিধেতার বিধান নরে লাগে বাস হবে না। কি কর্যা হবে? লাগের মুখে মৃত্যুবিষ, মাহুষের হাতে অস্ত্র। এরে দেখলে ও ভাবে আমার মৃত্যুদূত, ওরে দেখলে এ ভাবে আমার মৃত্যুদূত। কখনও মরে মাহুষ, কখনও মরে লাগ। বিধির বিধান—নরে লাগে বাস হয় না।

হাসল শবলা, বললে—মন্তে থাকে বণিক বুড়া, যত ধনী তত কুপণ। বাড়ীতে আছে গিন্ধী, বেটা আর বেটার বউ। আর আছে সিন্দুকে ধন, খামারে ধান, ক্ষেতে ফসল, পুকুরে মাছ, গোয়ালে গাই। গ্রামলী ধবলী বৃদ্ধি মঙ্গলার পাল। সেই পাল চরায় পাড়ার বাউরী ছেলে, বণিক বুড়োর রাখাল ছোড়া। কুপণ বণিক বুড়োর ঘরে রাঁধুনী নাই, বেটার বউকে ভাত রাঙ্গা করতে হয়। বউটি যেমন সুন্দরী তেমনি লক্ষ্মী, কিন্তু শিশু কালে মা-বাপ হারিয়েছে, বাপকুলে কেউ নাই। নাই বলেই বণিক-বুড়োর চাপ বউয়ের উপর বেশি। তাকে দিয়েই করায় রাঁধুনীর কাজ, খিয়ের কাজ। বউ রাঁধেন, শ্বশুরকে স্বামীকে খাওয়ান, নিজে খান, রাখাল ছোড়ার ভাত স্নিয়ে বসে থাকেন।

রাখাল ছোড়া গরুর পাল নিয়ে যায় মাঠে, গরুগুলি চরে বেড়ায়, সে কখনও গাছতলায় বসে বাঁশি বাজায়, কখনও-বা গাছের ডালে দোল খায়, কখনও ঘুমায়, কখনও আম জাম কুল পেড়ে আঁচল ভর্তি ক'রে নিয়ে

আসে। একদিন গাছের তলায় দেখে দুটি ডিম। ভারী স্থল্লর ডিম। রাখালের সাধ হ'ল ডিম দুটি পুড়িয়ে খাবে। ডিম দুটি খুঁটে বেঁধে নিয়ে এল, বণিক-বউকে দিলে—বউ গ, বউ ঠাকরুণ, ডিম দুটি আমাকে পুড়িয়ে দিয়ে।

বউ ঠাকরুণ ডিম দুটি হাতে নিয়ে পোড়াতে গিয়েও পোড়াতে পারলে। ভারী ভাল লাগল। আহা, কোন্ জীবের ডিম, এর মধ্যে আছে তাদের সম্ভান, আহা! ডিম দুটি সে এক কোনে একটি টুকুই-চাকা দিয়ে রেখে দিলে। তার বদলে দুটি কাঁঠাল বিচি পুড়িয়ে রাখালেকে দিলে—লে, থা।

রাখাল ছোড়া কাঁঠালবিচি পোড়া খেয়েই খুব খুশি।

বউও খুব খুশি, কেঁচুর জীব দুটি বাঁচল।

দিন যায় মাস যায়, রাখাল ছোড়া গরু চরায়, বউঠাকরুণ ভাত রাঁধে বাসন মাজে ঘরসংসারের কাজ করে, ডিম দুটি টুকুই-চাপা পড়ে থাকে। বউঠাকরুণ ভুলেই যায়, মনেই থাকে না ডিম দুটি ব'লে। হঠাৎ একদিন দেখে টুকুইটি লড়ছে। বউয়ের মনে পড়ে গেল, 'হরষপরশ' দিয়ে টুকুইটি তুলতেই দেখে দুটি লাগের বাচ্চ। লিক লিক করছে, ফণা তুলে ছলছে, মাথায় চক দুটির পদ্ম পুষ্পের মত শোভা।

বউয়ের পেথমটা ভয় হল। তার পরে মায়া হল। আহা তাঁর যতনেই ডিম দুটি বেঁচেছে, ডিম ফুটে ওরা বেরিয়েছে। ওদের কি ক'রে মারবেন? ভগবানকে স্মরণ করলেন, লাগের বাচ্চা দুটিকে বললেন—তোদের ধর্ম তোদের ঠাই আমার ধর্ম আমার কাছে, সে ধর্মকে আমি লঙ্ঘন করব না।

ব'লে ছোট একটি মাটির সরাতে দুধ এনে নামিয়ে দিলেন। লাগ দুটি মুখ ডুবিয়ে চুক চুক ক'রে খেলে। আবার টুকুই-চাকা দিলেন।

রোজ দুধ দেন, তারা খায় আর বাড়ে।

বণিক-বউয়েরও মায়া বাড়ে।

ঘরে আম আসে, আম গেলে রস ক'রে তাদের দেন। কাঁঠাল এলে কাঁঠালের কোয়া গেলে তাও দেন। লাগ দুটি দিনে দিনে বাড়ে লাউ-কুমড়ার লতার ডগার মত। বেশ খানিকটা বড় হল—তখন আর তারা থাকবে কেন টুকুই-চাপা—বেরিয়ে পড়ল, ঘুরতে লাগল ঘরের ভিতর, তারপরে বাইরে, ওই বণিক-বউয়ের পায়ে পায়ে ঘুরে বেড়াতে লাগল।

বণিক-বুড়ো বণিক-বুড়ী দু-জনে ভয়ে শিউরে ওঠেন। ও-মা—এ কি? এ কি কাণ্ড। এ কি বেদের কণ্ঠে, না নাগিনী? এ কে? মার মার লাগের বাচ্চা ছটোকে মার!

বাচ্চা দুটিকে কপ কপ ক'রে কুড়িয়ে আঁচলে ভ'রে বেনে-বউ পালিয়ে গেলেন বাড়ীর পাদারে। লাগ দুটিকে ছেড়ে দিয়ে বললেন—ভাইরে, তোমরা তোমাদের স্বস্থানে যাও, আমি শান্তুড়ী নিয়ে ঘর করি, তাতেই গল্পনা সইতে পারি না! তোমাদের লেগে মনে হুঁখু আমার হবে, ডিম থেকে অত বড়টি করলম কিন্তু কি করব? উপায় নাই।

লাগ দুটি স্বস্থানে গিয়ে মা বিষহরিকে বললে—মা, ভাগ্যে বণিক-বেটা ছিল তাই বেঁচেছি, লইলে বাঁচতম না। সে আমাদের ভাই বলেছে, আমরা তাকে দিদি বলেছি। সে তোমার কণ্ঠে মা। তাকে একবার আনতে হবে আমাদের এই লাগলোকে। মা বললেন—না বাবা, না। তা হয় না। নরে-লাগে বাস হয় না। বিধেতার নিষেধ! আমি বরং তাকে বর দিব এইখান থেকে, ধনে ধানে স্থখে স্বচ্ছন্দে স্বামী-পুত্রে তার ঘর ভ'রে উঠুক।

লাগেরা বললে—না মা, তা হবে না। তা হলে বিশ্ব বেঙ্কাও লাগেদের বলবে নেমকখারাম।

মা বললেন—তবে আন।

লাগেরা তখন নবের রূপ ধরলেন বণিক-বউয়ের মাসতুত ভাই সাজলেন, সেজে এসে দোরে দাঁড়ালেন—মাউই গো, তাউই ঘরে আছ? সঙ্গে ভার ভারোটায় নানান দব্য।

—কে? কে তোমরা?

—তোমাদের বেটার বউয়ের মাসতুত ভাই। দূর দেশে থাকতম। দেশে এসে খোঁজ নিয়ে দিদিকে একবার লিতে এলম।

—ও মাগো! বাপ-কুলে পিসী নাই মা-কুলে মাসী নাই শুনেছিলাম, হঠাৎ মাসতুত ভাই এল কোথা থেকে?

—বললম তো দূর দেশে বাণিজ্য করতম, ছেলে বয়স থেকে দেশ ছাড়া, তাই জান না।

বলে নামিয়ে দিলেন ‘ভার ভারোটা’ হাজারো দব্য। কাপড়-চোপড় অভরণ গন্ধ—নানান দব্য। মনি মুক্তার হার পয়স্কা।

আবার চূপ করলে বুড়োবুড়ী। কেউ যদি না হবে তবে এত দব্য দেবে ক্যানে? জিনিস তো সামান্য লয়! এ যে অনেক! আর তাও যেমন তেমন জিনিস লয়—এ যে মনি মুক্তো সোনা রূপো।

লাগেরা বললেন—আমরা কিন্তু দিদিকে একবার নিয়ে যাব!

—নিয়ে যাবে? না বাবু, তা হবে না।

—হতেই হবে।

ও দিকে বণিক-বধূ কঁাদতে লাগলেন—আমি যাবই।

শেষ বুড়োবুড়ীকে রাজী হতে হল। লাগেরা বেহারা ভাড়া করলে, পালকি ভাড়া করলে, বণিক-বউকে পালকিতে চাপিয়ে চলল। কিছু দূর এসে বেহারাদিকে বললে—এই কাছে আমাদের গেরাম, ওই আমাদের

বাড়ী। আমাদের নিয়ম হল—কন্ঠে হোক বউ হোক, এইখান থেকে পায়ে হেঁটে বাড়ী ঢুকতে হয়।

ভাল করে বিদেয় করলেন। দেখিয়ে দিলেন কাছের গেরামের রাজবাড়ী। বেহারারা খুশি হয়ে চলে গেল।

তখন লাগেরা বললেন, দিদি আমরা তোমার মাসভূত ভাইও লই মাহুষও লই। আমরা হ'লম সেই দুটি লাগ, যাদের তুমি বাঁচিয়ে ছিলে, বড় করেছিলে। মা বিষহরি তোমার বিত্তান্ত শুনে খুশি হয়েছেন। তোমাকে লাগলোকে নিয়ে যেতে বলেছেন, আমরা তোমাকে সেইখানে নিয়ে যাব। মায়ের বরে তুমি বাঁটুলের মত ছোটটি হবে, তুলোর মতন হালকা হবে, আমাদের ফার উপর ভর করবে, আমরা তোমাকে আকাশ-পথে নিয়ে যাব লাগলোকে। তুমি চোখ বোঁজ।

বণিক-কন্ঠে চোখ বুঁজলেন।

মনে হল আকাশ-পথে উড়ছেন। তার পর, মনে হল কোথা নামলেন। লাগেরা বললেন—এই বারে চোখ খোল।

চোখ খুললেন। সামনে দেখলেন, মা বিষহরি পদ্ম ফুলের দলের মধ্যে শতদলের মত বসে আছেন। অঙ্গে পদ্মগন্ধ, পদ্মের বরন। মুখে তেমুনি দয়া।

মা বললেন—মা, লাগলোকে এলে, থাক, দুখ নাড় দুখ চাড়, সহস্র লাগের সেবা কর। সব দিক দিয়ে চেয়ো মা, শুধু দক্ষিণ দিক দিয়ে চেয়ো না।

নির্জন দ্বিপ্রহরে মেয়েটার মনে চোখে ঘেন স্বপ্নের ছায়া নেমে এসেছিল। ওই ব্রতকথার গল্পের ওই স্বপ্ননহীন। কণ্ঠাটির বিষয়কে

আপনজন জ্ঞানে আঁকড়ে ধরার মত এই মেয়েটিও যেন শিবরামকে আঁকড়ে ধরার কল্পনায় বিভোয় হয়ে উঠেছিল।

শিবরামের মনেও সে স্বপ্নের ছোঁয়াচ লেগেছিল। তিনি বললেন—
হ্যাঁ, শবলা। ওই বেনে-বেটা আর নাগেরা যেমন ভাই-বোন হয়েছিল,
আমরাও তেমনি ভাই-বোন হলাম।

—তবে লাও, ধর।

—কি ?

—বুন দিচ্ছে ভাইকে। যা দিচ্ছে তা হ'ল বেদেগুলের গোপন জিনিস। সাপের জড়ি। এ জড়ি তোমার হাতে নিয়া, বিষধরের ছামুতে হাত আগায়ে দিয়ো, বিষধর ফণা গুটায়ে লিবে। জড়িটা তার মাথায় দিয়ো, মুখে দিয়ো; দেখবা কাটা লতার মতুন এলায়ে পড়বে। বিত্তা মস্তুর দিব না। আমার ধরম যাবে, বিষবেদে ছাড়া এ বিত্তা বাইরের কারুকে দিবার মানা আছে। তা ছাড়া, বিত্তা আমাদের ভুল হয়ে গিয়েছে ধনুস্তরি ভাই, মুখে মুখে পাপড়ি ভেঙে গিয়েছে, ছুট হয়েছ কথার, তাতে কাজও হয় না।

একটুকরা শিকড় তার গলার লাল স্নাতোর মালা থেকে খুলে তার হাতে দিয়েছিল। একটুকরা শিকড়—শিবরাম দেখছিলেন—চেষ্টা করছিলেন চিনতে—কিসের শিকড়। শবলা বললে—মনে লিছ নাই ? বিশ্বাস করবারে লারছ ? ধর শিকড়টা ধর !

ই হাতে নিয়া তুমি রাজ-গোখুরার ছামনে আগায়ে যাবা—রাজ গোখুরা ফণা নামায়ে—মাটির পরে গুটায়ে পড়বে—তুমারে পথ দিবে।

বলেই সে একটা সাপের ঝাঁপি খুললে।

বিষগালা সাপ অবশ্য। কিন্তু চোয়ালে হাতের চাপের স্বপ্নায় বিষের থলির গোড়ায় তালপাতার নলির কিনারার খোঁচা খেয়ে সাপটা

যেন ক্ষেপে ছিল। বাঁপিটায় টোকা মারতেই গজা'ছিল; মাহুঘের
বুক কেঁপে ওঠে সে গজ'নে। বেদের মেয়ে খিল খিল ক'রে হেসে
বলেছিল—ভয় পেলা নাকি কচি-ধনুস্তরি !

ধুজ'টি কবিরাজের তরুণ শিষ্য শিবরামকে শবলা বললে—কচি-
ধনুস্তরি।

শিবরাম বলেন—ওই মেয়ে ছাড়া এমন নাগ আর কে দিতে
পারবে।

শবলা শিবরামের হাতে শিকড়টা দিয়ে বললে—ধর। দেখায়ে দিই
তুমাকে গুণুদের মহিমা !

সামান্য একটা শিকড়, শুধু একটা গন্ধ উঠছে। গন্ধটা তীব্র।

সাপটা ফোঁ শব্দ ক'রে ফণা তুলে দাঁড়াল এবং ছোবল মেরে বসল
মুহূর্তে। বেদের মেয়ে আশ্চর্য নির্ভয় নিপুণতার সঙ্গে ফণার পিছন দিকে
সাপটার চেয়েও ক্ষিপ্ত ছোবল মেরে সাপটাকে ধ'রে শিবরামের হাতের
উপরে আচমকা ফেলে দিলে—শিবরাম বলেন—আমি অসাড় হ'য়ে
গেলাম। জানি বিষগালা কামানো সাপ, কিন্তু তাতে কি ? সাপ
সাক্ষাৎ মৃত্যু। কে জানে সামান্য একবিন্দু থলিতে কি দাঁতের নালীতে
লেগে নেই। তার উপর সাপের আশ্চর্য নীতল স্পর্শ, শরীর যেন হিম
হ'য়ে যায়। শুধু চেপে ধ'রে রইলাম শিকড়টা। মরণ সমুদ্রে ফেলে দিয়েছে।
ওই কুটোটুকুই আমার আশ্রয়। কিন্তু আশ্চর্য হ'য়ে গেলাম—দেখলাম,
শুধু আমিই অসাড় হইনি—সাপটাও অসাড় হ'য়ে গিয়েছে।

বেদের মেয়ে বললে—দেখলা ? না, আরও দেখবে ? বলেই সাপটাকে
তুলে নিয়ে একটু দূরে ফেলে দিলে। বোধ করি কুড়ি গুণতে যতখানি
সময় লাগে—সেই সময়টুকু যেতেই আবার সে উঠল ফণা তুলে দাঁড়িয়ে।

শিবরাম বলেন, সে জড়ি আমার হারিয়েছে। সে এক অদ্ভুত দ্রব্য। শুকনো শিকড়, কতকাল আগে তোলা কে জানে। কিন্তু শিকড়টার গন্ধটা যায় নি। এ কালের আইডোফর্ম-জাতীয় গন্ধ। তত তীব্র নয়—মৃদু। জল দিয়ে ভিজিয়ে একটু ছাল ছাড়ালে গন্ধটা তীব্রতর হ'য়ে ওঠে। হাতে নিয়ে পরীক্ষা করে দেখেও সন্দেহ যায় নি। বলেছিলাম শবলাকে— বলেছিলাম, এই ঔষুদ থাকতে তবে তোমাদের বেদেরা সাপের কামড়ে মরে কেন বেশি?

শবলা হেসে বলেছিল—কবিরাজ, তুমরা তো রোগের ঔষুদ নিয়া ব'সে আছ, তবে তুমাদের মিত্যু যোগে ক্যানে হয় ক'বরেজ?

শিবরাম আজকাল বলেন—কিন্তু আজকাল আর আমার অবিশ্বাস নাই।

বিষবেদের মৃত্যু বিষেই হয় বেশি। সর্পদংশনেই মরে সাপের ওরা। ওদের ঔষুদ আছে। ঔষুদ নেই এ কথা আমি মানি না। বরং মন্ত্র-তন্ত্রের কথায় অবিশ্বাস কর আপত্তি করব না। মন্ত্র আমিও সংগ্রহ করেছিলাম—ভাল ক'রে বুঝে দেখেছি ওতে মাহুষকে সাহস দেয়। বলে বিষ নাই! বলে বিষ নেমে গেল। ওরা অবিশ্বাস বলে ধনুস্তরির মৃত্যুর সঙ্গে মন্ত্রগুলি পাপড়ি-ভাঙা হ'য়ে গিয়েছে। সে কথা থাক। যারা সারাটা জীবন কৌশল আর সাহস আর জড়ি বুটি ঔষুদ নিয়ে ওই সাক্ষাৎ কালের সঙ্গে খেলা করে নির্ভুল খেলা; হঠাৎ কখন এক মুহূর্তের চোখের পলকের এতটুকু ভুলের মধ্য দিয়ে শেষ হ'য়ে যায় সকল খেলা। সাপের দাঁত বেদের জীবনে দু-দশ-বার বসে, ভুল করতে করতেও ওরা ভুল সামলায়। সাপ দাঁত বসাতে বসাতেও বসাতে পারে না; পারলেও মৃত্যুদংশন ন হ'লে ওরা ভয় পায় না। তখন ওদের ঔষুদ কাজ করে। কিন্তু মৃত্যুদংশন যখন হয়—তখন ভুলও সামলায় যায় না, তখন ঔষুদও কাজ করে

না। তুমি যদি বিষের পরিমাণ কষতে বস তবে আমি চূপ করছি। এইটুকু ব'লে চূপ করছি যে, সাপের বিষের ঝুদ ঝুদের আছে কিন্তু মৃত্যুরোধের ঝুদ ঝুদের নেই। আমরা কবিরাজ চিকিৎসক, আমাদেরও তাই। রোগের ঝুদ আছে, মৃত্যুর ঝুদ নাই।

যে জড়িটা শবলা শিবরামকে দিয়েছিল সে জড়িটা যে কি, কোন, গাছের মূল—সে বিষবেদেরাও জানে না। যদি জানে তো মহাদেব জানে, কিন্তু সে তা স্বীকার করে না। বলে—সি কত কাল আগে—সি কালের শিরবেদে কি লাগিনী কণ্ঠে স্বপনে পেয়েছিল এ জড়ি। রাতে স্বপন দিলেন মা বিষহরি কি, জড়ি দিলম, লাগ বিষের জড়ি, মাথার বালিশের তলয় রইল। ইয়ার আধখানা থাকবে শিরবেদের তাগায় আর আধখানা থাকবে লাগিনী কণ্ঠের গলার ডুরিতে। ইয়াতে আর কারুর ভাগ নাই। ই জড়ি মন্তের নয়, মন্তধামে মেলে না। সাবধানে রাখবি।

শবলা এ জড়ি পেয়েছে—আগের লাগিনী কণ্ঠার গলার ডুরি মালাব সঙ্গে। এ সেই জড়ি।

শবলা বললে—পথে কুড়ায়ে পেলম ভাই। তুমি হামরার দেবতার দেওয়া ভাই—তোমারে দিলম ইয়ার একটি টুকরা। যতন ক'রে রেখে। ইহার গন্ধ নাকে যাবে, বেদেনী বহিন—লাগিনী কণ্ঠের গায়ের গন্ধ মনে পড়বে।

হাসলে সে। এ হাসি শবলার মুখে কল্পনা করা যায় না। মনে হ'ল শবলা বুঝি কাদবে এইবার।

সে কিন্তু কাদল না, কাদলেন শিবরাম, গোপনে চোখের জল মুছে বললেন—তা হ'লে কিন্তু তোমাকেও নিতে হবে আমি যা দেব।

—কি ?

শিবরাম বের করলেন ছুটি টাকা। বললেন—বেশি দেবার তো সাধ্য আমার নাই। ছুটি টাকা তুমি নাও। তুমি আমাকে বিজ্ঞাদান করলে, এ হল দক্ষিণা। গুরু-দক্ষিণা দিতে হয়।

গুরু-দক্ষিণা কথাটা শুনে চপলা মেয়েটার সরস কোতুকে হেসে গড়িয়ে পড়ার কথা। শিবরাম তাই প্রত্যাশা করেছিলেন। প্রত্যাশা করেছিলেন হেসে গড়িয়ে পড়ে শবলা বলবে—ও মা গো! মুই তুমার গুরু হলাম! দাও—তবে দাও। দক্ষিণে দাও।

শিবরামের অহুমান কিন্তু পূর্ণ হল না। এ কথা শুনেও মেয়েটা হাসলে না। স্থির দৃষ্টিতে একবার তাকালে শিবরামের দিকে, তারপর তাকালে টাকা দুটির দিকে। শিবরামের মনে হ'ল চোখের দৃষ্টিতে রূপোর টাকা দুটোর ছটা বেছেছে, সেই ছটায় দৃষ্টি ঝকমক করছে! তবু সে স্থির হয়ে রইল। নিজে সন্মরণ করে নিয়ে বললে—না। লিতে লারব ধরমভাই। লিলে বেদে কুলের ধরম যাবে। তুমাকে ভাই বলেছি, ভাই বলা মিছা হবে। উ লিতে লারব। টাকা তুমি রাখ।

শিবরাম বললেন—আমি তোমাকে খুশি হয়ে দিচ্ছি। তা ছাড়া, ভাই কি বোনকে টাকা দেয় না!

—দেয়। ইয়ার বাদে যখন দেখা হবে দিয়েও তুমি। মুই লিব। সকল জনাকে গরব কর্যা দেখিয়ে বেড়াব, বুলব—দেখ গো দেখ, মোর ধরমভাই দিছে দেখ্।

তারপর বললে—বেদের কত্রে কাল লাগিনী বইন তুমার আমি। আমি তুমারে ভুলতে লারব, কিন্তু ধরমভাই, তুমি তো ভুল্যা যাবে। দাম দিয়া জিনিস লিয়া দোকানীরে কে মনে রাখে কও? জিনিসটা থাকে, দোকানীটারে ভুল্যা যায় লোকে। আমি তোমারে বিনা দক্ষিণায়

বিজ্ঞা দিলাম, এই বিজ্ঞার সাথে মুইও থাকলম তুমার মনে। দাঁড়াও, তুমাকে মুই আর একটি দব্য দিব।

মেয়েটা অকস্মাৎ ভাবোচ্ছ্বাসে উত্থলে উঠেছে বর্ষাকালের হিজল বিলের নদীনালায় মত। আঁটনাঁট ক'রে বাঁধা তার বুকের কাপড়ের তলা থেকে টেনে বের করলে তার গলার লাল স্রুতোর জড়ি পাথর মাহুলীর বোঝা। তার থেকে এক টুকরা শিকড় খুলে শিবরামকে বললে—ধর। হাত পাত ভাই। পাত হাত।

শিবরাম হাত পাতলেন। শিকরের টুকরাটা তার হাতে দিয়ে বেদের মেয়ে বললে—ইয়ার থেকে বড় ওষুদ বেদের কুলের আর নাই ধ্বস্তরি। লাগের বিষের 'অম্বেত', মা বিষহরির দান।

—কি এ জড়ি? কিসের মূল?

বেদের মেয়ে হাসলে একবার। বললে—সি কইতে তো বারণ আছে ধরমভাই। বেদে কুলের গুপ্ত বিজ্ঞা—এ তো পেকাশ করতে নিষেধ আছে।

মেয়েটা একটু চুপ করে থেকে বললে—যদি বিশ্বাস কর ধরমভাই, তবে বুলি শোন। এ যে কি গাছ তার নাম হামরারাও জানি না। বেদেরা বলে—সেই যখন সাতালী পাহাড় থেকে বেদেরা ভাসল নৌকাতে, তখন ওই কালনাগিনী কন্ঠে যে আভরণ অঙ্গে পর্যা নেচেছিল, তাথেই একটুকরা মূল ছিল লেগে। সাতালী ছাড়ল বেদেরা সঙ্গে সঙ্গে ধ্বস্তরির বিজ্ঞা চাঁদো বেনের শাপে হল বিস্মরণ। লতুন বিজ্ঞা দিলেন মা বিষহরি। এখন ধ্বস্তরির বিজ্ঞার ওই মূলটুকুই কন্ঠের আভরণে লেগে সঙ্গে এল, তাই পুঁতলে শিরবেদে নতুন সাতালী গায়ে হিজল বিলের কুলে। গাছ আছে, শিকড় নিয়া ওষুধ করি কিন্তু নাম তো জানি না ধরমভাই। আর ই গাছ সাতালী ছাড়াও তো আর কুখাও দেখলম না, ধরমভাই! তা

হ'লে তুমাকে নাম বলব কি গাছ চিনায়ে দিব কি কর্যা কও ? এইটি তুমি রাখ, লাগ যদি ডংশন করে আর সি ডংশনের পিছাতে যদি দেব-রোষ কি ব্রহ্মরোষ না থাকে ধ্বস্তরি—তবে ইয়ার একরতি জলে বেঁটা গোলমরিচের সাথে খাওয়াইয়া দিবা, পরানডা যদি তিল পরিমাণও থাকে, তবে সে পরানকে ফিরতে হবে, জাগতে হবে, এক পহরের মধ্যে মরার মত মনিষ্যি চোখ মেলে চাইবে ।

আর একটি শিকড়ও সে দিয়েছিল শিবরামকে । তীব্র তার গন্ধ । শিবরাম বলেন—বাবা, সে গন্ধে নাক জ্বালা করে, নিশ্বাসের সঙ্গে বুকের মধ্যে গিয়ে সে যেন আত্মার খাস রোধ করে ।

শবলা বললে—এই শুদ্ধ হাতে নিয়া তুমি রাজগোখুরার ছামনে গিয়া দাঁড়াইবা, তাকে মাথা নিচু কর্যা পথ থেকে সরে দাঁড়াতে হবে ।

—দাঁড়াও দাঁড়াও, তুমারে দেখায়ে দিই পরখ কর্যা ।

খুলে দিলে সে একটা সাপের ঝাঁপি । কালো কেউটে একটা মুহূর্তে কণা তুলে উঠে দাঁড়াল । সত্ত্ব ধরা সাপ বোধ হয় ।

—ভয় নাই, বিষ দাঁত ভেঙে দিছি, বিষ গেলে নিছি । এসো এসো, তুমি জড়িটা হাতে নিয়া আগায়ে এসো ।

বিষদাঁত ভাঙা, বিষও গেলে নেওয়া হয়েছে, সবই সত্যি কিন্তু শিবরাম কি ক'রে কোন্ সাহসে আগিয়ে যাবেন ! দাঁতের গোড়ায় যদি থাকে একটা ভাঙা কণা ? যদি খলিতে থাকে সূচের ডগাটিকে দিক্ত করতে লাগে যতটুকু বিষ ততটুকু ? কি, বিষ গেলে নেওয়ার পর এরই মধ্যে যদি আবার সঞ্চিত হয়ে থাকে ? সে আর কতটুকু ? ওই দাঁতের ভাঙা কণার মুখটুকু ভিজিয়ে দিতে কতটুকু তরল পদার্থের দরকার হবে ? পুরো এক বিন্দুরও প্রয়োজন হবে না । এক বিন্দুর ভগ্নাংশ !

বেদের মেয়ে শিবরামের মুখের দিকে চেয়ে হেসে বললে—ডর লাগছে ?

দাও, জড়িটা হামরাকে দাও। জড়িটা নিয়ে সে হাতখানা এগিয়ে নিয়ে গেল।

আশ্চর্য, সাপটার ফণা সংকুচিত হয়ে গেল, দেখতে দেখতে সাপটা বেন শিখিলদেহ হয়ে ঝাঁপির ভিতর নেতিয়ে পড়ে গেল। মানুষ যেমন অজ্ঞান হয়ে যায় তেমনি, ঠিক তেমনি ভাবে।

—ধর, ইবার তুমি ধর।

শিবরামের হাতে শিকড়টা দিয়ে এবার শবলা যা করলে শিবরাম তা কল্পনাও করতে পারেন নি। আর একটা ঝাঁপি খুলে দিয়ে উত্তম ফণা সাপটাকে ধরে শিবরামের হাতের উপর চাপিয়ে দিলে।

সাপের শীতল স্পর্শ। স্পর্শটা শুধু ঠাণ্ডাই নয়, ওর সঙ্গে আরও কিছু আছে। সাপের স্বকের মন্থণতার একটা ক্রিয়া আছে। শিবরাম নিজেও বেন সাপটার মত শিখিলদেহ হয়ে যাচ্ছিলেন। তবু প্রাণপণে আত্মসম্বরণ করলেন। শবলা ছেড়ে দিলে সাপটাকে; সেটা বুলতে লাগল শিবরামের হাতের উপর।

আশ্চর্য!

শিবরাম বলেন—সে এক বিস্ময়কর ভেষজ বাবা। সমস্ত জীবনটা এই ওষুদ কত খুঁজেছি, পাই নি। বেদেদের জিজ্ঞাসা করেছি—তারা বলে নি। তারা বলে—কোথা পাবেন বাবা এমন ওষুদ? আপনাকে কে মিথ্যে কথা বলেছে। শিবরাম শবলার নাম বলতে পারেন নি। বারণ করেছিল শবলা।

বলেছিল—ই ওষুদ তুমি কখনও বেদে কুলের ছামনে বার ক'র নাই। তারা জানলি পর আমার জীবনটা যাবে। পঞ্চায়েত বসবে, বিচার ক'রে বুলবে, বেটাটা বিশ্বাস ভেঙেছে, বেদেদের লক্ষ্মীর ঝাঁপি খুলে পরকে দিয়েছে। এই জড়ি যদি অগ্নে পায় তবে আর বেদের রইল কি?

বেদের ছামনে সাপ মাথা নামায়, তিল পরিমাণ পরান থাকলে বেদের ওষুদে ফিরে, সেই জন্তেই মাগ্ধি বেদের। লইলে আর কিসের মাগ্ধি। কুলের লক্ষ্মীকে যে বিলায়ে দেয়, মরণ হল তার সাজা ! মেরে ফেলাবে আমাকে।

শিবরাম কোন বেদের কাছে আজও নাম করেন নি শবলার। কখনও দেখান নি সেই জড়ি।

ওদিকে বেলা পড়ে আসছিল ; গঙ্গার পশ্চিম কূলে ঘন জঙ্গলের মাথার মধ্যে সূর্য হেলে পড়েছে। দ্বিপ্রহর শেষ ঘোষণা করে দ্বিপ্রহরে শুক পাখীরা কল কল করে ডেকে উঠল ; গাছের ঘনপল্লবের ভিতর থেকে কাকগুলো রাস্তায় নামছে। শিবরাম চঞ্চল হয়ে উঠলেন। আচার্য ফিরবেন এইবার।

—তুমি এমন করছ ক্যানে ? এমন চঞ্চল হল্য ক্যানে গো ?

—তুমি এবার যাও শবলা, কবিরাজ মশাই এবার ফিরবেন। কবিরাজ বারণ করে দিয়েছেন শিষ্যদের—সাবধান বাবা, বেদেদের মেয়েদের সম্পর্কে তোমরা সাবধান। ওরা সাক্ষাৎ মায়াবিনী।

শবলা ঝাপি গুটিয়ে নিয়ে উঠল। চলে গেল বেরিয়ে। কিন্তু আবার ফিরে এল।

—কি শবলা ?

—একটি জিনিস দিবা ভাই ?

—কি বল ?

শবলা ইতস্তত করে মুহূর্তে প্রার্থিত দ্রব্যের নাম করলে।

চমকে উঠলেন শিবরাম।

সর্বনাশ। ঐ সর্বনাশী বলে কি ?

শিবরাম শিউরে বলে উঠলেন—না—না—না। সে পারব না ! সে পারব না। সে আমি—

মিথ্যে কথাটা মুখ দিয়ে বের হ'ল না তাঁর। বলতে গেলেন—সে আমি জানি না—কিন্তু জানি না কথাটা উচ্চারণ করতে পারলেন না।

শবলা তার কাছে নরহত্যার বিষ চেয়েছে ওষুদের নামে। মাতৃ-কৃষ্টিতে সন্তসমাগত সন্তান হত্যার ভেষজ চেয়েছে সে। যে চোখে স্বপ্ন দেখা মানা, সে চোখে অবাধ্য স্বপ্ন এসে যদি নামে, সে স্বপ্নকে মুছে দেবার অস্ত্র চায় সে। সে ওষুদ সে অস্ত্র তাদেরও আছে কিন্তু তাতে তো শুধু স্বপ্নই নষ্ট হয় না, যে-চোখে স্বপ্ন নামে সে চোখও যায়। তাই সে ধ্বস্তরির কাছে এমন ওষুদ চায়, এমন সূক্ষ্মধার শাণিত অস্ত্র চায় যাতে ওই চোখে-নামা স্বপ্নটাকেই বোঁটা-খসা ফুলের মত ঝরিয়ে দেওয়া যায়। যেন চোখ জানতে না পারে স্বপ্ন ছিন্ন হয়ে মাটিতে পড়ে মিশে গেল !

শিবরাম জানেন বেদের মেয়েদের অনেক গোপন ব্যবসার কথা। এটাও কি তারই মধ্যে একটা? বশীকরণ করে তারা। কত হতভাগিনী গৃহস্থ বধু স্বামী বশ করবার আকুলতায় এদের ওষুদ ব্যবহার করে স্বামীঘাতিনী হয়েছে সে শিবরামের অজানা নয়।

কি চতুরা মায়াবিনী এই বেদের মেয়েটা! শিবরামের টাকা না নেওয়ার সততার ভান করে, তার সঙ্গে ভাই সদ্ধক পাতিয়ে তাকে কেমন বেঁধেছে পাকে পাকে! ঠিক নাগিনীর বন্ধন!

বেদের মেয়ে মায়াবিনী, বেদের মেয়ে ছলনাময়ী, বেদের মেয়ে সর্বনাশী, বেদের মেয়ে পোড়ার মুখী! পোড়া মুখ নিয়ে ওরা হাসে, নির্লজ্জা, পাপিনী!

শবলা শিবরামের মুখের দিকে চেয়ে কিছুক্ষণ শুক হয়ে দাঁড়িয়ে রইল। শিবরামের মুখ দেখে তার আর্ত কণ্ঠস্বর শুনে সে যেন মাটির পুতুল হয়ে গিয়েছিল কয়েকটা মুহূর্তের জন্ত। কয়েক মুহূর্ত পরে তার ঘোর কাটল। মাটির পুতুল যেন জীবন ফিরে পেলে। সে জীবন

সঞ্চারের প্রথম লক্ষণ একটি দীর্ঘশ্বাস। তারপর ঠোঁটে দেখা দিল ক্ষীণ-
রেখায় একটুকরা হাসি।

অতি ক্ষীণ বিষন্ন হাসি হেসে সে বললে—যদি দিবারে পারতে ধরম-
ভাই, তবে বইনটা তুমার বাঁচত।

শিবরাম বুঝতে পারলেন না শবলার কথা। কি বলছে সে?

শবলা সঙ্গে সঙ্গেই আবার বললে—সি ওষুদ যদি না জান ধরমভাই,
যদি দিতে না পার, তুমার ধরমে লাগে—তবে অঙ্গের জালা জুড়ানোর
কোন ওষুদ দিতে পার? অঙ্গটা মোর জল্যা যেছে গো, জল্যা যেছে। মনে
হ-ছে হিঙ্গল বিলে, কি, মা গঙ্গার বুকের পরে অঙ্গটা এলায়ে দিয়া ঘুমায়ে
পড়ি। কিম্বা—লাগগুলাকে বিছায়ে তারই শয্যা পেতে তারই পরে
শুয়ে ঘুমায়ে যাই। কিন্তুক তাতেও তো যায় না মোর ভিতরের জালা।
সেই ভিতরের জালা জুড়াবার কিছু ওষুদ দিতে পার?

ও দিকে রাস্তায় উঠল বেহারার হাঁক। আচার্য ধূজটি কবিরাজের
পালকি আসছে।

শিবরাম স্তব্ধ হয়েই দাঁড়িয়ে রইলেন। গুরুর পালকির বেহারাদের
হাঁকেও তাঁর চেতনা ফিরল না। বেদের মেয়ে কিন্তু আশ্চর্য। মাতুষের
সাড়া পেয়ে সাপিনী যেমন চকিতে সচেতন হয়ে উঠে মুহূর্তে অদৃশ্য হয়ে
যায়, তেমনি ভাবেই ক্ষিপ্ত লঘু পদক্ষেপে আচার্যের বাড়ীর পাশের একটি
গলিপথ ধরে বেরিয়ে চলে গেল।

আচার্যের পালকি এসে ঢুকল উঠানে। আচার্য নামলেন। শিব-
রামের তবু মনের অশাড়তা কাটল না। হাতের মুঠোয় জড়ি হুটি চেপে
ধরে তিনি দাঁড়িয়েই রইলেন।

কয়েক মুহূর্ত পরেই শিবরামের কানে এল—চপল মিষ্টি কণ্ঠের সুরেলা
কথা।

জয় হোক গো রানী মা, সোনাকপালী, চাঁদবদনী, স্বামী-সোহাগী,
রাজার রানী, রাজজন্মুনী, রাজার মা। ভিখারিণী পোড়াকপালী
কাঙালিনী বেদের কন্ঠে তুমার দুয়ারে এসে হাত পেতে দাঁড়ালছে !
লাগলাগিনীর লাচন দেখ ! কালামুখী বেদেনীর লাচন দেখ ! মা—গো !

সঙ্গে সঙ্গে বেজে উঠল হাতের ডম্বরুর মত বাদ্যযন্ত্রটি !

দ্বিতীয় পর্ব

পরের দিন শিবরাম নিজেই গেলেন বেদেদের আস্তানায়। শহর পার হয়ে সেই গঙ্গার নির্জন তীরভূমিতে বট-অশথের ছায়ায় ঘেরা স্থানটিতে।

কে কোথায়? কেউ নাই। পড়ে আছে কয়েকটা ভাঙা উনোন, দু-একটা ভাঙা হাঁড়ি, কিছু কুচো হাড়—বোধ হয় পাখীর হাড় ছড়িয়ে পড়ে আছে। বেদেরা চলে গিয়েছে। গঙ্গার জলের ধারে পলি মাটিতে অনেকগুলি পায়ের ছাপ জেগে রয়েছে। কতকগুলো কাক মাটির উপর বিচরণ করে বেড়াচ্ছে, কুচো হাড়গুলো ঠোকরাচ্ছে। দুটো শহরের পথের কুকুর বসে আছে গাছতলায়। ওরা বোধ হয় বেদেদের উচ্ছিষ্টের লোভে শহর থেকে এখানে এসে কয়েকদিনের জন্য বাসা গেড়েছিল। বেদেরা চলে গিয়েছে, সেকথা ওরা এখনও ঠিক বুঝতে পারে নাই। ভাবছে—গেল কোথাও, আবার এখুনি আসবে।

শিবরামও একটু বিস্মিত হলেন। বেদেরা চলে যায় এমনভাবে—ওরা থাকতে আসে না, ওই ওদের ধারা, একথা তিনি ভাল করেই জানেন, তবুও বিস্মিত হলেন। কই, কাল দুপুরবেলা শবলা তো কিছু বলে নাই। তার কথাগুলি এখনও তাঁর কানে বাজছে।

—ধরমভাই, তুমি আমার ধরমভাই, ধন্যস্তরি ভাই, বেদের বেটী কাললাগিনী বইন। লরে লাগে বাস হয় না চিরকালের কথা। হয়েছিল বণিককণ্ঠে আর পদ্মলাগের দুটি ছাওয়ালের ভালবাসার জোরে, ভাইফোটার কলোনে। বিষহরির কুপায়। এবারে হ'ল তুমাতো আমাতে। তুমি মোরে বইন কইলা, মুই কইলাম ভাই।

আরও কানে বাজছে—যদি দিবারে পারতে ধরমভাই, তবে বইনটা তুমার বাঁচত।

শিবরাম গত কাল সারাটা রাত্রি ঘুমাতে পারেন নাই। ওই কথা-গুলিই তাঁর মাথার মধ্যে প্রাণ তুলে ঘুরেছে।

সেই কথাই তিনি জানতে এসেছিলেন শবলার কাছে। জিজ্ঞাসা করতে এসেছিলেন—এ কথা কেন বললি আমাকে খুলে বল শবলা বোন। আমাকে খুলে বল।

নশুক্র হয়ে তিনি দাঁড়িয়ে রইলেন জনহীন নদীকূলে।

*

*

*

এক বৎসর পর আবার এল বেদের দল।

এর মধ্যে শিবরাম কত বার কামনা করেছেন—আঃ কোনক্রমে যদি এবারও সূচিকাভরণের পাত্রটি মাটিতে পড়ে যায়! তা হ'লে গুরু আবার যাবেন সাঁতালী গায়ে। ঘাস বনের মধ্য থেকে হাঙরমুখী খালের বাঁকে—বেরিয়ে আসবে কালনাগিনী বেদের মেয়ে। নিকষ কালো স্নকুমার মুখখানির মধ্যে আলোর শিখা জ্বলে উঠবে তার চোখের দৃষ্টিতে ঠোঁটের হাসিতে।

কিন্তু সে কি হয়?

আচার্য ধূর্জটি কবিরাজ শিবরামের পাংশু মুখের দিকে তাকিয়েই বুঝতে পারবেন—সূচিকাভরণের পাত্রটি দৈবাৎ মাটিতে পড়ে চূর্ণ হয় নি—হয়েছে—। শিবরাম শিউরে উঠেছেন, সঙ্গে সঙ্গে তাঁর হাতের মুঠি দৃঢ় থেকে দৃঢ়তর হয়েছে।

যাক সে কথা। বেদেরা এসেছে। বৎসরেরও বেশি সময় চলে গিয়েছে। প্রায় এক সপ্তাহ বেশি। অগ্র হিসেবে আরও বেশি। এ বৎসর পর্ব-পার্বণগুলি অপেক্ষাকৃত এগিয়ে এসেছে। মলমাস এবার

হুগাপূজারও পরে। নাগপঞ্চমী গিয়েছে ভাদ্রের প্রথম পক্ষে। শারদীয়া পূজা গেছে আশ্বিনের প্রথমে, সে হিসেবে ওদের আরও অনেক আগে আসা উচিত ছিল।

বাইরে চিমটির কড়া বাজছে—বনাং বন—বনাং বন—বনাং বন।

তুমড়ী বাঁশী বাজছে—একষেয়ে মিহিস্বরে। সঙ্গে বাজছে বিষম-
ঢাকিটা : ধুম-ধুম ! ধুম ধুম !

ভারী কণ্ঠস্বরে বিচিত্র উচ্চারণে হাঁকছে—জয় মা বিষহরি ! জয় বাবা ধন্বন্তরি ! জয়জয়কার হোক—তুমার জয়জয়কার হোক !

শিবরাম ঘরের মধ্যে বসে ওয়ুধ তৈরি করছিলেন। ধূর্জটি কবিরাজ আজ বাইরেই আছেন। একটি বিচিত্র রোগী এসেছে দূরাস্তর থেকে, পরিপূর্ণ আলোর মধ্যে আচার্য রোগীটিকে দেখছেন। শিবরাম চঞ্চল হয়ে উঠলেন বেদেদের কণ্ঠস্বর শুনে। কিন্তু গুরুর বিনা আহ্বানে নিজের কাজ ছেড়ে তাঁর বাইরে যেতে সাহস হচ্ছে না।

—পেনাম বাবা ধন্বন্তরি। জয় জয়কার হোক। ধন্বন্তরির আটন হামরাদের যজ্ঞমানের ঘর, ধনে-পুত্রে উথলি উঠুক। তুমার দয়ায় হামরাদের প্যাটের জ্বালা ঘুচুক।

ভারী গলায় আচার্যের কথা শুনতে পেলেন শিবরাম। —কি, মহাদেব কই ? বুড়া ? সে ?

—বুড়া শয়ন নিছে বাবা। বুড়া নাই !

—মহাদেব নাই ? গত হয়েছে ? শান্ত কণ্ঠস্বরেই বললেন আচার্য !
মাত্রুষের মৃত্যু-সংবাদে আচার্য ধূর্জটি কবিরাজের তো বিষ্ময় নাই।
কীণ বেদনার একটু আভাস শুধু ভারী কণ্ঠস্বরকে একটু সিক্ত করে দিয়েছে। আবার বললেন—কি হয়েছিল ? নাগদংশন ?

—নাগিনী বাবা, লাগিনী ! কাললাগিনী—শবলা—তাকে নিয়েছে !

এবার শিবরাম আর থাকতে পারলেন না, দ্রুতপদে এনে বাইরে দাঁড়ালেন। সেই অর্ধ-উলঙ্গ রুক্ষ ধূলিধূসর মূর্তি পুরুষের দল, কালো পাথর কেটে গড়া মূর্তির মত মাছুষ উঠানে সারি দিয়ে বসেছে। পিছনে কালো ক্ষীণ দেহ দীর্ঘাঙ্গী মেয়ের দল। কই—শবলা কই?

আচার্য আবার একবার মুখ তুলে তাকালেন ওদের দিকে। বললেন—গতবারের ঝগড়া তা হ'লে মেটে নাই? আমি বুঝেছিলাম, বিষগালতে গিয়ে মহাদেবের হাতটা বেঁকে গেল—সেই দেখেই বুঝেছিলাম। তা হ'লে দু'জনেই গিয়েছে?

অর্থাৎ শবলার প্রাণ নিয়েছে মহাদেব, মহাদেবের প্রাণ নিয়েছে শবলা।

নূতন সর্দার সবে প্রোড়শের সীমায় পা দিয়েছে। মহাদেবের মতই জোয়ান। তার দেহখানায় বহুকালের পুরানো মন্দিরের গায়ে শাওলার দাগের মত দাগ পড়ে নাই, এত ধূলিধূসর হয়ে ওঠে নাই। সে মাথা হেঁট করে বললে—না বাবা, সে পাপিনী কালনাগিনীর জানটা লিতে লেয়েছি হামরা। লোহার বাসর ঘরে লখিন্দরকে খেয়ে নাগিনী পলায়েছিল, বেহুলা তার পুচ্ছটা কেটে লিয়েছিল; হামরারা তাও লেয়েছি। বুড়ার বৃকের পাঁজরে লাগদন্ত বসিয়ে দিয়া পড়ল গাঙের বৃকে ঝাঁপায়ে—ডুবল, মিলায়ে গেল। শেষ রাতের গাঙ, চারিপাশ আকাশের বৃক থেকা। গাঙের বৃক পর্যন্ত আধার—দেখতে পেলম না হুন দিকে গেল। রাতের আধারে—কালো মেয়েটা ঘেন মিশায়ে গেল।

*

*

*

নতুন সর্দারের নাম গঙ্গারাম।

গঙ্গারাম মহাদেবের ভাইপো। গঙ্গারাম বেদেবুলে বিচিত্র মাছুষ। সে এরই মধ্যে বার তিনেক জেল খেটেছে। অদ্ভুত জাহবিত্তা জানে সে।

ওই জেলখানাতৈই জাদুবিদ্যায় দীক্ষা নিয়েছিল। জেল থেকে বেরিয়েও সে বড় একটা গ্রামে থাকত না। এখান ওখান করে বেড়াত, ভোজ-বিজ্ঞা জাদুবিজ্ঞা দেখাত, দেশে দেশে ঘুরত। এবার ওকে বাধ্য হয়ে সর্দারী নিতে হয়েছে। মহাদেবের ছেলে নাই। সে মরেছে অনেক দিন। বিধবা পুত্রবধূ—শবলা—নাগিনী কন্যা—মহাদেবকে নাগদন্তে দংশন করে তাকে হত্যা করে পালিয়েছে। এই মাত্র এক পক্ষ আগে। দাঁতালী থেকে বেরিয়েছে ওরা যথাসময়ে; হাঙরমুণীর খাল বেয়ে নৌকার সারি এসে গাঙে পড়ল; মহাদেব বললে—বাঁধ নৌকা রাতের মতুন।

ভাতের শেষ, ভরা গঙ্গা। গঙ্গার জল ভাঙনের গায়ে ছলাং ছল—ছলাং ছল শব্দে ঢেউ মারছে। মধ্যের বালুচর—যেটা প্রায় সাত-আট মাস জেগে থাকে—সেটার চিহ্ন দেখা যায় না। ভাঙা গাঙের পাড় থেকে মধ্যে মধ্যে বুপ্‌কাপ করে নাটি খসে পড়ছে। মধ্যে মধ্যে পড়ছে বড় বড় চাঙড়। বিপুল শব্দ উঠছে, গাঙ তুলে উঠছে। তুলে তুলে ঢেউয়ে ঢেউয়ে এপার থেকে ওপার পর্যন্ত চলে যাচ্ছে।

মাথার উপরে কটা গগনভেরী পাখী কর-কর কর-কর শব্দ তুলে উড়ছিল। দূরে বোধ হয় আধক্রোশ তফাতে ঝাউবনে ফেউ ডাকছিল। বাঘ বেরিয়েছে। হাসখালির মোহনার কাছাকাছি—ঘাসবনে বিজ্রী তীক্ষ্ণ ক্রুদ্ধ চীৎকার উঠছে, দুটো ভানোয়ারে চেষ্টাচ্ছে। দুটো বুনো দাঁতাল শূয়ারে লড়াই লেগেছে। আশেপাশে মধ্যে মধ্যে কোন জলচর জল তোলপাড় করে ফিরছে। কোন কুমীর হবে। নৌকাগুলি এরই মধ্যে ঢেউয়ে ঢেউয়ে তুলছিল। ছইয়ের মধ্যে প্রায় সবগুলি ডিবিয়ার আলোই নিভে গিয়েছে। ছইয়ের মাথায় জন চারেক জোয়ান বেদে বসে ছিল। পাহারা দিচ্ছিল। কাছে কুমীরটা এলে হৈ হৈ করে উঠবে।

তা-ছাড়া, পাহারা দিচ্ছিল বেদের মেয়েরা না এ-নৌকো থেকে ও-নৌকায় যায়।

এরই মধ্যে মহাদেবের নৌকা থেকে উঠল মর্মান্তিক চীৎকার। নৌকাখানা যেন প্রচণ্ড আলোড়নে উলটে যায়-যায় হল—কি হল?

—কি হইছে? সর্দার? দাঁড়িয়ে উঠল বেদে পাহারাদারেরা ছইয়ের উপর। সর্দার!

সর্দার সাড়া দিলে না, একটা কালো উলঙ্গ মূর্তি বোরয়ে পড়ল সর্দারের ছই থেকে, বাপ করে ঝাঁপিয়ে পড়ল গঙ্গার জলে। দূরে জলচর জীবটাও একবার উত্থল মেরে নিজের অস্তিত্ব জানিয়ে দিলে। আরও বার দুই উত্থল মারলে, আর মারলে কি-না দেখার অবকাশ ছিল না।

সর্দারের চীৎকার তখনও উঠছে। গোড়াচ্ছে সে!

নৌকায় নৌকায় আলো জ্বলল। সর্দারের পাঁজরায় একটা লোহার কাঁটা বিঁধে ছিল। দেখে শিউরে উঠল সকলে।

লাগিনী কণ্ঠের ‘নাগদন্ত’। কন্যোদের নিজস্ব অস্ত্র। বিষমাখা লোহার কাঁটা। এ যে কি বিষ তা কেউ জানে না। নাগিনী কণ্ঠেরাও জানে না। বিষের একটি চুড়ি আদি বিষকণ্ঠে থেকে—হাতে হাতে চলে আসছে। ওই কাঁটা থাকে তাতেই বন্ধ। সেই কাঁটা। সর্দারের চোখ দুটি আতঙ্কে যেন বিস্ফারিত হয়ে উঠেছে।

গঙ্গারাম ডাকলে—কাকা! কাকা!

সর্দার কথা বললে না। হতাশায় ঘাড় নাড়লে শুধু। চোখ দিয়ে জল গড়িয়ে পড়ল। তারপর বললে—জল।

জল খেয়ে হতাশভাবে ঘাড় নেড়ে বললে—শুধু হামরার পরানটাই লিলে না লাগিনী, হামরাকে লরকে ডুবিয়ে গেল। অন্ধকারে মুই ভাবলাম—এল বুঝি—দধিমুগী, মুই—

হতাশায় মাথা নাড়লে যেন মাথা ঠুকতে চাইলে মহাদেব।

শিউরে উঠল সকলে।

দধিমুখী মহাদেবের প্রণয়িনী, সমস্ত বেদে পণ্ডীর মধ্যে এ প্রণয়ের কথা সকলেই জানে।

মেঝের উপর শবলার পরিত্যক্ত কাপড়খানা পড়ে রয়েছে। সর্বনাশী নাগিনী কন্যা এসেছিল নিঃশব্দে। নৌকার দোলায় জেগে উঠল মহাদেব, সে ভাবলে—দধিমুখী এল বুঝি। সর্বনাশী বুড়ার আলিঙ্গনের মধ্যে ধরা দিয়ে তার বকে বসিয়ে দিয়েছে নাগদণ্ড। শুধু তাকে হত্যা করারই অভিপ্রায় ছিল না তার, তাকে ধর্মে পতিত ক’রে—পরকালে তার অনন্ত নরকের পথ প্রশস্ত করে দিয়ে উলঙ্গিনী মূর্তিতে ঝাঁপ খেয়েছে গঙ্গায়।

গঙ্গারাম বললে—এ সব তো বাবার কাছে লতুন কথা নয়। ই সব তো আপুনি জানেন। কতটুকু এ মতি আ্যামেক দিন থেক্যাই হয়েছিল বাবা। আ্যামেক দিন থেক্য! ঐ কতগুলানেরই ওই ধারা!

*

*

*

কতগুলির এই ধারাই বটে।

চকিতে শিবরামের মনে পড়ল শবলা তাকে বলেছিল—সে ওষুদ যদি না জান ধরমভাই, যদি দিতে না পার—তবে অঙ্গের জালা জুড়াবার ওষুদ দাও। হিজল বিলের জলে ডুবি, মা গঙ্গার জলে ভাসি, বাহির জুড়ায় ভিতর জুড়ায় না। তেমান কোন ওষুদ দাও, আমার সব জুড়ায়ে থাক।

গঙ্গারাম বলে—ওই নাগিনী কন্যারা চিরটা কাল ওই ক’রে আসছে। ওই উয়াদের ললাট, ওই উয়াদের স্বভাব। বিধেতার নির্দেশ। বেহুলা সতীর অভিশাপ।

সতীর পতিকে দংশন করলে কালনাগিনী ।

সতীর দীর্ঘশ্বাসে কালনাগিনীর কালনাগেরাও শেষ হয়ে গেল । বেছলা সতী মরা পতি কোলে নিয়ে কলার মাঞ্জাসে অকূলে ভাসলে, দিন গেল, রাত্রি গেল, গেল কত বর্ষা, কত ঝড়, কত বজ্রাঘাত, এল কত পাপী, কত রাক্ষস, কত হান্সর, কত কুস্তীর, সে সবকে সহ্য ক'রে উপেক্ষা করে সতী মরাপতির প্রাণ ফিরিয়ে আনলে, মা বিষহরি মর্তধামে নিজের পূজা পেলেন, চাঁদ-সাদুকে ফিরিয়ে দিলেন হারানো ছয় পুত্র, হারানো সপ্তডিঙা মধুকর কিন্তু ভুলে গেলেন হতভাগিনী কালনাগিনীর কথা । সতীর অভিশাপে যে কালনাগ সৃষ্টি থেকে বিলুপ্ত হল—তারা আর ফিরল না । কালনাগিনী নরকুলে জন্মায় কিন্তু কালনাগিনীর ভাগ্য নিয়েই জন্মায়, তার স্বামী নাই ; তাই যে বেদের ছেলের সঙ্গে তার সাদী হয় শিশুকালে নাগদংশনে তার প্রাণটা যায় । তারপর নাগিনী-কন্ঠার লক্ষণ ফোটে তার গায়ে—তখন সে পায় মা মনসার বারি—পায় তাঁর পূজার ভার কিন্তু পতি পায় না, ঘর পায় না, পুত্র পায় না হতভাগিনী । তারপর নাগিনী স্বভাব বেরিয়ে পড়ে । হঠাৎ বাধে তার সর্দারের সঙ্গে কলহ ।

গঙ্গারাম বলে—বাবা, ওইটি হ'ল পেথম লক্ষণ । বুঝলে না । বাপের উপর পড়ে আক্রোশ । বাপের ঘরে ধরে অরুচি ।

*

*

*

গতবার মহাদেব এই ধ্বংস্তুরি বাবার উঠানে বিষ গালতে বসে এই কথাই বলেছিল ; বলতে গিয়ে এমন উত্তেজিত হয়েছিল যে, হঠাৎ তার শাপের মুখধরা হাতখানা চঞ্চল হয়ে বেঁকে গিয়েছিল । তীক্ষ্ণদৃষ্টি বেদের মেয়ে শবলা ঠিক মুহূর্তে তার হাত সরিয়ে নিয়েছিল, তাই রক্ষা পেয়েছিল, নইলে সেদিন শবলাই যেত । মহাদেব বলেছিল—মেয়েটার রীতিচরিত্র

বিচিত্র হয়ে উঠেছে। মনে তার পাপ ঢুকেছে। সেও সেদিন বলেছিল—
জাতের স্বভাব যাবে কোথা বাবা, ও জাতের ওই স্বভাব—ওই ধারা।
মুহূর্তের জ্ঞান নাগিনী কন্যা শবলার চোখ জলে উঠেছিল, সে জলে-ওঠা
এক আশ জনের চোখে পড়োছিল, অধিকাংশ মানুষের চোখেই পড়ে নাই,
তাদের দৃষ্টি ছিল মহাদেবের মুখের দিকে। শিবরাম দেখেছিলেন।
বোধ করি তারুণ্যধর্মের অমোঘ নিয়মে তাঁর দৃষ্টি ওই মোহময়ী কালো
বেদের মেয়ের মুখের উপরই নিবদ্ধ ছিল, তাই চোখে পড়েছিল। না হলে
তিনিও দেখতে পেতেন না; কারণ মুহূর্ত মমোই সে দীপ্তি নিভে
গিয়েছিল। মনে হয়েছিল মেয়েটার নারীরূপের ছদ্মরূপ ভেদ করে
মুহূর্তের জ্ঞান তার নাগিনীরূপ ফণা ধরে মুখ বের করেই আবার আশ্র-
গোপন করলে।

আচার্য বলেছিলেন—শির বেদে আর বিষহরির কণ্ঠে বাপ আর
বেটা। বাপবেটার ঝগড়া মিটিয়ে নিয়ো।

বাপের উপর আক্রোশ পড়েছিল নাগিনী কন্যার।

পড়বে না? কত সহ্য করবে শবলা? কেন সহ্য করবে? সাধে
বাপের উপর আক্রোশ পড়ে কন্যার? কম দুঃখে পড়ে?

সাপের বিষকে পৃথিবীতে বলে হলাহল, মানুষের রক্তে একফোঁটা
পড়লে মানুষের মৃত্যু হয়, দুর্গম পাহাড়ের মাথায় ঘন অরণ্যের ভিতর যাও,
দেখবে পাথর ফাটিয়ে গাছ জন্মেছে, সে গাছ আকাশ ছুঁতে চলেছে;
জন্মেছে দেখবে, লোহার শিকলের মত মোটা লতা, একটি গাছে জড়িয়ে
মাথার উপর উঠে সে গাছ ছাড়িয়ে গাছের মাথায় মাথায় লতার জাল
তৈরি করেছে; জন্মেছে দেখবে পাহাড়ের বুক ছেয়ে বিচিত্র ঘাসের বন;
তারই মধ্যে সতর্ক দৃষ্টিতে চেয়ে দেখলে দেখবে—স্থানে স্থানে জেগে

রয়েছে এক একখানা পাথর—ঘাস না, শ্রাওলা না, কঠিন কালো তার রূপ ! ভাল করে দেখলে দেখতে পাবে, তার চারি পাশে জমে রয়েছে মাটির গুঁড়োর মত কিছু ; মাটির গুঁড়ো নয় পিপড়ে জাতীয় কাট। তোমরা জান না, বেদেরা জানে, ও পাথর বিষশৈল—বিষপাথরে পরিণত হয়েছে। এই পাহাড়ের মাথায় ঘন বনে বাস করে শঙ্খচূড় নাগ। সাত-আট হাত লম্বা কালো রঙের ভীষণ বিষধর। তারা রাত্রে এসে দংশন করে বিষ ঢালে ওই পাথরের উপর। পাথরটা মরে গিয়েছে, গাছ তো গাছ, ওতে শ্রাওলা ও ধরবে না কখনও। সাপের বিষের এক ফোঁটায় মাহুয় মরে, এক ফোঁটা পাথরের বৃকে পড়লে পাথরের বৃকও জলে পুড়ে থাক হয়ে যায় চিরদিনের মত। পিপড়েগুলো ওই পাথরের বৃকে চটচটে বিষকে রস মনে করে দলবেঁধে ছেয়ে ধরেছিল ; বিষে জ'রে ধুলো হয়ে গিয়েছে। কিন্তু তার চেয়ে ভীষণ হল একটুকরো রূপো—এক বিন্দু সোনা। তারও চেয়ে ভীষণ হল আটন গো আটন !

নাগিনী কণ্ঠার আটনে বসে—মা বিষহরির বারিতে ফুল জল দিয়ে কি ক'রে সে সহ করবে বুড়ার অনাচার ? প্রথম যখন নাগিনী কণ্ঠা থাকে বয়সে কচি, ওদিকে পুরানো নাগিনী কণ্ঠে তার পরানটা নেবার চেষ্টা করে তখন অগাধ বিশ্বাসে শিরবেদকে আঁকড়ে ধরে নাগিনী কণ্ঠা : মেয়ে যেমন বাপকে আশ্রয় করে ঠিক তেমনি করেই ধরে। তারপর সে আপনার আসনে শক্ত হয়ে বসলেই তখন সে হয় দোষী।

গত বার যখন এই ধন্বন্তরি বাবার এখানেই তারা এল বিষবিক্রী করবার জন্ত তখন কি সকলে শবলাকে বলে নি, বলে নি—কণ্ঠে তু বল্ সদারকে—বার বা পাওনা—সব ওই ঠাইয়েই মিটিয়ে দিক। লইলে—

নোটন-যে নোটন—মহাদেবের অতি অমুগত লোক—সেই নোটনও বলেছিল সি—গেলবারের হিসাবটা—সেও মিটল না ই বছর তাকাত।

সেই কথাতে বিবাদ। নাগিনী কত্তা বিষহরির পূজারিনী, বেদে-কুলের কল্যাণ করাই তার কাজ ; সেই তার ধর্ম—এ কথা সে না বললে বলবে কে ? এই বলতে গিয়েই তো বিপদ। ঝগড়ার শুরু ! সে সবারই অধরম দেখে বেড়াবে কিন্তু সে অধরম করবে তাতে কেউ কিছু বললে সে-ই হবে বজ্জাত !

বিষহরি পূজার প্রণামী—পূজার সামগ্রী ভাগও করবে নাগিনী কত্তা। কত্তার এক ভাগ, শিরবেদের এক ভাগ, বাকী দুভাগ সকল বেদের। কত্তার ভাগ আবার হয় দুভাগ—পুরানো নাগিনী কত্তা পায়, যে বেদের ঘরে বেদে নাই সে ঘরের মেয়েরা পায়। সেই ভাগ নিয়ে বিবাদ। সমস্ত ভাল সামগ্রীর উপর দাবি ওই সর্দারের। হবে না—হবে না বিবাদ !

এ বিবাদ চিরকালের। চিরকাল এ বিবাদ হয়ে আসছে। কখনও জেতে শিরবেদে, কখনও জেতে ও কত্তা। কত্তা জেতে কম ; জিতলেও সে জয় শেষ পর্যন্ত দাঁড়ায় পরাজয়ে। মা বিষহরির পূজারিনী ওই কত্তা, ও যে অস্তুরে অস্তুরে নাগিনী, ওকে দংশন করেই পালাতে হয় ; না পারলে ঘটে মরণ। তা ছাড়া বেহুলার অভিশাপ ওদের ললাটে, হঠাৎ একদিন সেই অভিশাপের ফল ফলে। দেহে মনে ধরে জ্বালা। রাজে ঘুম আসে না চোখে, মাটির উপর পড়ে অকারণে কাঁদে। হঠাৎ মনে হয় যেন কে কোথায় শিস দিচ্ছে।

শিবরামের সঙ্গে শেষ যেদিন দেখা হয়েছিল—সেই দিন রাজে শবলা তাদের আড্ডায় গুয়েছিল বিন্দ্র চোখে। ঘুম আসছিল না চোখে। মধ্যরাত্রে শেয়াল ডেকে গেল। গঙ্গার কুলের বড় বড় গাছ থেকে বাহুড়েরা কালো ডানা মেলে উড়ে গেল এপার থেকে ওপার, ওপার

থেকে এপার ; গাছে গাছে প্যাচা ডেকে উঠল। বেদেনীর মাথার উপরে গাছের ডালে ঝুলানো ঝাঁপির মধ্যে বন্দী সাপগুলো ফুঁসিয়ে উঠল। বেদেনীর অন্তরটাও যেন কেমন ক'রে উঠল। গভীর রাত্রে ডাইনীর বৃকের ভিতর খলবল ক'রে ওঠে, শাশানে কালীসাদক মা-মা বলে ডেকে ওঠে, চোরডাকাতের ঘুম ভেঙে যায় শেয়ালের ডাকে, বিছানায় ঘুমন্ত রোগী একবারও ছটফট করে উঠবে এই ক্ষণটিতে, ঠিক এই ক্ষণটিতে নাগিনী কত্তার অন্তরের মধ্যে কালনাগিনী স্বরূপ নিয়ে জেগে ওঠে ; নিতাই ওঠে। কিন্তু বিছানার খুঁট ধ'রে দাঁতে দাঁত টিপে নিশ্বাস বন্ধ করে পড়ে থাকতে হয় নাগিনী কত্তাকে। এই নিয়ম। কিছুক্ষণ পর বন্ধ করা নিশ্বাস যখন বৃকের পাজরা ফাটিয়ে বেরিয়ে আসবে মনে হয়—তখন ছাড়তে হয় নিশ্বাস। তারপর হাপরের মত হাঁপায় যখন বৃকের ভিতরটা তখন উঠে বসতে হয়। চুল এলিয়ে থাকলে চুল বেঁধে নিতে হয়, এঁটেসেঁটে নতুন ক'রে কষে কাপড় পরতে হয়। বিষহরির নাম জপ করতে হয়। তারপর আবার শোয়। নাগিনী কত্তার অন্তরের নাগিনী তখন চোয়াল-টিপে-ধরা নাগিনীর মত হার মানে, তখন সে খোঁজে ঝাঁপি, অন্তরের ঝাঁপিতে ঢুকে নিস্তেজ হয়ে গুণ্ডলী পাকিয়ে পড়ে থাকে। তা না ক'রে যদি নাগিনী কত্তা বিছানা ছেড়ে ওঠে, বেরিয়ে আসে—তবে তার সর্বনাশ হয়।

রাত্রে আর আধার তার চোখে মনে নিশির নেশা ধরিয়ে দেয়।

‘নিশির নেশা’—নিশির ডাকের চেয়েও ভয়ঙ্কর। নিশির ডাক মানুষ জীবনে শোনে কালে কস্মিনে। ‘নিশির নেশা’ রোজ নিতাই-নিয়মিত মানুষকে ডাকে। ওই হিজল বনের চারিপাশে জলে আলেয়ার আলো। ঘন বনের মধ্যে বাজে বাঁশের বাঁশী। হিজলের ঘাস বনে এখানে ডাকে বাঘ, ওখানে ডাকে বাঘিনী। বিলের এ মাথায় ডাকে

চক। ওমাথায় ডাকে চকী। ‘বনকুকী’ পাখীরা পাখিনীদের ডাকে—
পাখিনীরা সাড়া দেয়—

—কুক !

—কুক !

—কুক !

—কুক !

নাগিনী পাগল হয়ে যায়। বিশ্ব ব্রহ্মাণ্ড ভুলে যায়। ভুলে যায় মা-
বিষহারির নির্দেশ, ভুলে যায় বেহুলাব অভিশাপের কাহিনী, ভুলে যায়
তার নিজের শপথের কথা। বেদের শিরবেদের শাসন ভুলে যায়, মান
সম্মান—পাপ পুণ্য সব ভুলে যায়; ভুলে গিয়ে সে ধর ছেড়ে নামে পথে।
তারপর ওই ঘন ঘাসবনের ভিতর দিয়ে চলে—সন সন ক’রে কালনাগিনীর
মতই চলে। সমস্ত রাত্রি উদ্ভ্রান্তের মত ঘোরে : ঘাসবনের ভিতর দিয়ে,
কুমারীখালার কিনারায় কিনারায়, হিজলের চারিপাশে—ঘুরে
বেড়ায়।

বাঁশী ? কে বাঁশী বাজায় গ ! কোথায় গ !

রাত্রির পর রাত্রি ঘোরে নাগিনী কন্ঠা। একদিন বেয়িয়ে এলে আগ
নিস্তার নাই। রোজ রাত্রে নিশির নেশা ধরবে, ঘেন চুলের মুঠো ধরে
টেনে নিয়ে যাবে।

এক নাগিনী কন্ঠেকে ধরেছিল এই নেশা—তার প্রাণ গিয়েছিল বাধের
মুখে। এক নাগিনী কন্ঠের দেহ পাওয়া গিয়েছিল হিজল বিলের জলে।
এক কন্ঠের উদ্দেশ্য মেলে নাই। হাওরমুখী খালের জলে পাওয়া গিয়েছিল
তার লাল কাপড়ের ছেড়া থানিকটা অংশ। কুমোরের পেটে গিয়েছিল
সে।

জন দুই-তিন পাগল হয়ে গিয়েছিল। হিজল বিলের ধারে সর্বাপেক্ষে

কাদামেথে বসেছিল, চোখ দুটি কুঁচের মত লাল। কেউ কেবলি নৈদেছে, কেউ কেবলি হেসেছে।

জন চারেকের হয়েছে চরম সর্বনাশ। সর্বনাশীরা ফিরেছে—ধর্ম বিসর্জন দিয়ে। কিছুদিন পরই অন্ধ দেখা দিয়েছে মাতৃহের লক্ষণ। তখন ওই সন্তানকে নষ্ট করতে গিয়ে—নিজে মরেছে। কেউ পালাতে চেয়েছে। কেউ পালিয়েছে। কিন্তু পালিয়েও তো রক্ষা পায় নি তারা! রক্ষা পায় না, পেতে পারে না। হয় মরেছে বেদে সমাজের মন্ত্রপূত ধানের আঘাতে—নয় তো—নাগিনী-ধর্মের অমোঘ নির্দেশে প্রসবের পরই নখ দিয়ে টুঁটি টিপে সন্তানকে হত্যা করেছে। ডিম ফুটে সন্তান বের হবা মাত্র নাগিনী সন্তান খায়—নাগিনী কন্যাকেও সেই ধর্ম পালন করতেই হবে। নিষ্কৃতি কোথায়? ধর্ম ঘাড়ে ধরে করাবে যে!

নিশির নেশা! নাগিনী কন্যার মৃত্যুযোগ। রাত্রির দ্বিপ্রহর ঘোষণার লগ্নে চোখ বন্ধ ক'রে, শ্বাস রুদ্ধ ক'রে, দাঁতে দাঁত টিপে দু হাতে খুঁট আঁকড়ে ধরে পড়ে থেকো নাগিনী কন্যে।

গঙ্গার কূলে বটগাছের তলায় খেজুর চাটাইয়ের খুঁট চেপে ধরতে গিয়েও সে দিন শবলা তা ধরলে না। কি হবে ও? কি হবে? কি হবে? এতবড় জোয়ানটাই তার জন্তে প্রাণটা দিয়েছে। না হয় সেও প্রাণটা নেবে। তার প্রেতাত্মা যদি ওই গঙ্গার ধারে এসে থাকে? বৃকের ভিতরটা তার হু-হু করে উঠল। উঠে বসল সে খেজুর চাটাইয়ের উপর।

আকাশ থেকে মাটির বুক পর্যন্ত থম থম করছে অন্ধকার! আকাশে সাতভাই তারারা ঘুরপাক খেয়ে হেলে পড়বার উন্মুক করছে। চারিদিকটায় ছপহর ঘোষণার ডাক ছড়িয়ে পড়ছে। নিশির ডাক এরাই মধ্যে লুকিয়ে আছে। বৃকের ভিতরটা কেমন ক'রে উঠল। শব্দ শুনতে

পাচ্ছে সে ধুক—ধুক—ধুক—ধুক। চোখে তার আর পলক পড়ছে না।
অন্ধকারের দিকে চেয়ে রয়েছে। গাছ পালা মিশে গিয়েছে অন্ধকারের
সঙ্গে, শহর ঢেকে গিয়েছে অন্ধকারে মধ্যে, ঘাট, মাঠ, ক্ষেত খামার, বন,
বসতি, বাজার হাট, মানুষ জন—সব—সব—সব অন্ধকারের মধ্যে মিশে
গিয়েছে! যেন কিছুই নাই কোথাও; আছে শুধু অন্ধকার—জগতজোড়
এক কালো পাখা—র—

সে উঠল; এগিয়ে চলল। এগিয়ে চলল গঙ্গার দিকে। গঙ্গার
উঁচুপাড় ভেঙে সে নেমে গিয়ে বসল—সেই খানটিতে, যেখানটিতে সে দিন
সেই জোয়ান ছেলেরা তার জন্তে বসে ছিল। একটানা ছল ছল—ছল
ছল শব্দ উঠছে গঙ্গার স্রোতে, মধ্যে মধ্যে গঙ্গার স্রোত পাড়ের উপর
ছলাং ছলাং শব্দে আছড়ে পড়ছে। পাশেই একটু দূরে তাদের নৌকা
গুলি দোল খাচ্ছে। ভিজ়ে মাটির উপর উপড় হয়ে পড়ে সে কাঁদতে
লাগল!

মা গঙ্গা! মোর অঙ্গের জালা তুমি জুড়িয়ে দিয়ো, মুছিয়ে দিয়ো। মা
গঙ্গা! আমার জন্তে—শুধু আমার জন্তে সে দিলে তার পরানটা।
হায়রে! হায়রে!

ইচ্ছে হ'ল সেও ঝাপ দেয় গঙ্গার জলে।

তার বুকে জালাও তো কম নয়। জালা কি শুধু বুকে? জালা
যে সর্বাদে!

হঠাৎ মানুষের গলার আওয়াজে চমকে উঠল সে। চিনতে পারলে
সে এ কার গলার আওয়াজ। বুড়ার! বুড়া ঠিক ভেগেছে। ঠিক
বুঝতে পেরেছ। দেখেছে, শবলার বিছানায় শবলা নাই।

মুহূর্তে শবলা নেমে পড়ল গঙ্গার জলে। একটু পাশেই তাদের
নৌকাগুলি গাঙের ঢেউয়ে অঙ্গ অঙ্গ ছলছে। সে সেই নৌকাগুলির

ধারে ধারে ঘুরে একটি নৌকায় উঠে পড়ল। এটি তারই নৌকা। নাগিনী কন্ঠের লা। মা বিষহরির বারি আছে এই নৌকায়। উপুড় হয়ে সে পড়ে রইল বারির সামনে। রক্ষা কর মা, রক্ষা কর! বৃড়ার হাত থেকে রক্ষা কর। নিশির নেশা থেকে শবলারে তুমি বাচাও! বেদে কুলের পুণ্যি যেন শবলা থেকে নষ্ট না-হয়। জোয়ানটার প্রাণ গিয়েছে—তুমি যদি নিয়েছ মা, তবে শবলার বলবার কিছু নাই। কিন্তু মা গ, জননী গ, যদি মাহুষে ষড়যন্ত্র করে নিয়ে থাকে—তবে তুমি তার বিচার ক'রো। স্বস্থ বিচার তোমার মা—সেই বিচারে দণ্ড দিয়ো।

“তুমি তার বিচার ক'রো মা বিচার ক'রো।”

কখন যে সে চীৎকার করে উঠেছিল সে নিজেই জানে না। কিন্তু সে চীৎকারে ঘুম ভেঙে গেল নৌকার পাহারাদারদের। তারা সভয়ে সম্ভর্পণে এসে দেখলে—শবলা পড়ে আছে বিষহরির বারির সম্মুখে। চীৎকার করছে—বিচার করো! বেদের ছেলেরা জানে, নাগিনী কন্ঠার আত্মা—সে মাহুষের আত্মা নয়, নাগকুলের নাগ-আত্মা। বিষহরি তার হাতে পূজো নেবেন বলে তাকে পাঠান বেদেকূলে জন্ম নিতে। তার ‘ভব’ হয়। চোখ রাঙা হয়ে ওঠে—চুল এলিয়ে পড়ে—সে তখন আর আপনার মধ্যে আত্মস্থ থাকে না। সাক্ষাৎ দেবতার সঙ্গে তার তখন যোগাযোগ হয়। বেদেকূলের পাপপুণ্যের পট খুলে যায় তার লাল চোখের সামনে। সে অনর্গল ব'লে যায়। এই পাপ, এই পাপ, এই পাপ! হবে না—এমন হবে না?

বেদের ছেলেরা শিউরে উঠল ভয়ে। ভিজে কাপড়ে ভিজে চুলে উপুড় হয়ে পড়ে আছে নাগিনী কন্ঠে। হাত জোড় ক'রে চীৎকার করছে—বিচার করো।

ভারা নৌকাতে উঠেছে, নৌকা ছলছে—তবু হ'শ নাই। এ নিশ্চয় ভর। এই নিশীথ রাত্রে এই চীংকার! উঃ চীংকারে অন্ধকারটা যেন চিরে যাচ্ছে!

দেখতে দেখতে ঘুমন্ত বেদেরা জেগে উঠল। এসে ভিড় ক'রে দাঁড়াল গঙ্গার কূলে। হাত জোড় ক'রে সমবেত স্বরে চীংকার ক'রে উঠল—রক্ষা কর মা, রক্ষা কর।

কিস্ত সর্দার কই? সর্দার? বুড়া? বুড়া কই?

ভাছ বেদে হাঁকলে—সর্দার! অ—গ! কই? কই?

কোথায় বুড়া? বুড়া নাই!

ভাছ শবলার কাকা। ভাছ বললে—শবলার মাকে। প্রোটা সুরধুনী বেদেনীকে বললে—ভাজ বউ গ, তুমি দেখ একবার। কন্ঠেটায়ে ডাক।

বেদেনী ঘাড় নাড়লে—না দেওর! লারব। ওরে কি এখন ছোঁয়া যায়?

—তবে?

—তবে সবাই মিল্যা একজোটে হয়ে চিল্লায়ে ডাক দাও। দেখ কি হয়?

—সেই ভাল। লে গ,—সবাই মিল্যা একসাথে লে। হে—মা—সকলে সুর মিশিয়ে দিলে একসঙ্গে।—হে—মা—বিষহরি গ! স্তব্ধ নিশীথ রাত্রির সুষুপ্ত সৃষ্টি চকিত হয়ে উঠল। ধনির প্রতিধ্বনি উঠল—গঙ্গার কূলে, ও পাশের ঘন বৃক্ষসম্মিলে, ছুটে গেল এ পারের প্রান্তরে, ছড়িয়ে পড়ল দিগন্তরে। শবলার চেতনা ফিরে এল। সে মাথা তুললে।—কি?

পরমুহূর্তেই সে সব বুঝতে পারলে। তার ভর এসেছিল। দেবতা

তার পরান-পুতলীর মাথার উপর হাত রেখেছিলেন। শরীরটা এখনও তার ঝিম্-ঝিম করছে। তবু সে উঠে বসল।

—উঠেছে, উঠে বসিছে, কণ্ঠে উঠে বসিছে গ। বললে জটাধারী বেদে।

বেদেরা আবার ধ্বনি দিলে—জয় মা বিষহরি!

টলতে টলতে বেরিয়ে এল শবলা!

—ধর গ! ভাজ বউ, কণ্ঠেরে ধর। টলছে।

স্বরধুনী বেদেনী এবার জলে নামল।

—কি হলছিল কণ্ঠে? বেটা?

শবলা বললে—মা দেখা দিলেন গ। পরশ দিলেন।

—কি কইলেন?

—কইলেন? চোখ দুটো ঝকঝক করে উঠল তার। সে বললে—
স্বপ্ন বিচার করবেন মা। স্বতার ধারে স্বপ্ন বিচার!

হঠাৎ কুকুরের চীংকারে সকলে চমকে উঠল।

কি গলার আওয়াজ কুকুরের! এক সঙ্গে দু-তিনটে চীংকার করে ছুটে আসছে। কাউকে যেন তাড়া ক'রে আসছে!

ছুটতে ছুটতে এসে দাঁড়াল দৈত্যের মত একটা মানুষ।

সর্দার! শিরবেদে!

ছুটে এল দুটো মুখ খ্যাবড়া সাদা কুকুর।

—লাঠি! ভাছ লোটন—লাঠি! খেয়ে ফেলাবে, ছিঁড়ে ফেলাবে।
সঙ্গে সঙ্গেই এল লাঠি, লোহার ডাণ্ডা, চীংকার ঠাণ্ডা হয়ে গেল।

কামড়ে রক্তাক্ত করে দিয়েছে মহাদেবকে।

—হুই বড় বাড়ীটার পোষা বিলাতী কুকুর! হুই!

মহাদেব গিয়ে পাঁচিল ডিঙিয়ে ভিতরে লাফিয়ে পড়বামাত্র তাড়া করেছে। পাঁচিল ডিঙিয়েই সে পালিয়ে এসেছে, সঙ্গে সঙ্গে তারাও এসেছে। সারাতা পথ মধ্যে মধ্যে দাঁড়িয়ে ঢেলা ছুঁড়ে রুখতে চেষ্টা করেছে কিন্তু পারে নাই। ঢেলা তারা মানে নাই। হাতে অস্ত্র ছিল না, লাফ দিয়ে পড়বার আগে সে হাতের লোহার ডাণ্ডটাকে ছুঁড়ে ভিতরে ফেলেছিল, সেটা আর কুড়িয়ে নেবার অবকাশ হয় নাই। তার আগেই কুকুর দুটো এসে পড়েছিল।

—কিস্তক হোথাকে গেলছিলি ক্যানে—তু ?

—ক্যানে ? মহাদেবের ইচ্ছে হল—শবলার টুটিটা হাতের নখে বিঁধে ঝাঁঝরা করে দেয়। সে তাকাল শবলার দিকে।

শবলার চোখ দুটি ফুঁ-দেওয়া আঙুরার মত ধবক ধবক করে উঠল। সে বললে—কুকুরের কামড়ে মরবি না তু। মরবি তু লাগিনীর দাঁতে। মা বলেছে হামরাকে। আজ তার সাথে হামরার বাত হল্ছে। সূক্ষ্ম বিচার করবেন জহুনী !

মহাদেব চীৎকার করে উঠল—পাপিনী—

—সদার ! হাত চেপে ধরলে ভাছ।

—এ্যাই ! হাত ছাড়্। পাপিনীরে হামি—

—আঃ ! মুখ খস্মা যাবে তুর। সারা বেদেপাড়া দেখিছে—কন্তোর পরে আজ জহুনীর ভর হলছিল ! উ সব বুলিস না তু ! তু দেখলি না—তুর ভাগ্যি !

শবলা বললে—উ গেলছিল হামরাকে খুঁজতে। সে দিনে হামি উই বাড়ীর রাজাবাবুকে নাচন দেখালছি—গায়েন শোনালাছি, বাবু হামরাকে—টকটকে রাঙাবরণ শাড়ী দিছে, তাই উ গেলছিল হামরার

শব্দানে হোথাকে। ইয়ার বিচার হবে! মা হামরাকে কইলেন—বিচার হবে, স্বপ্ন বিচার হবে।

শুক হয়ে রইল গোটা দলটা। শকা ঘেন চোখে মুখে থম থম করছে।

স্থির দৃষ্টিতে মহাদেব তাকিয়ে রইল শবলার মুখের দিকে। সত্যিই শবলা মা বিষহরির বারির পায়ের তলায় ধ্যান করছিল? মা তাকে ধেকেছিলেন? তার হাত-পায়ের ক্ষত থেকে রক্ত ঝরছে। পায়ের ক্ষতটাই বেশি। খানিকটা মাংস ঘেন তুলে নিয়েছে। তার অক্ষিপ নাই।

শবলা বললে—রক্ত গুলান ধুয়ে ফেলা বুড়া, হামরার মুখের দিকে তাকায়ে থেক্যা কি করবি? কি হবেক? লে, ধুয়ে ফেলা, খানিক রেড়ীর তেল লাগায়ে লে। বিলাতী কুকুরের বিষ নাই, কুকুরের মতুন খেউ খেউ কর্যা চোঁচায়ে মরণও নাই তুর ললাটে, কিস্কক ডাঁটুরে পাকলি পর কষ্ট পাবি। আর—

ভাহুর মুখের দিকে চেয়ে বললো—আর মরা কুকুর ছুটারে লায়ে ক'রে নিয়া মাঝগাঙে ভাসায়ে দাও। সকালেই বাবুর বাড়ীতে কুকুরের খোঁজ হবেক। চারিদিকে লোক ছুটবেক। দেখতে পেলো—মরণ হবে গোটা দলের। বুঝ্‌লা না? ভাসায়ে দিয়া এস।

—আর শুন। ভোর হ'তে হ'তে—আন্তানা গুটাও। লায়ে লায়ে তুল্যা দাও চিঁজবিজ। ইখানে আর লয়।

মহাদেব শুক হয়েই রইল। কোন কথা সে বললে না। কিন্তু দুপহরের সেই ঘোরালো লগনটিতে,—প্যাচার ডাকে, শিবাদের ইঁাকে, গাছের সাড়ায়, বাহুড়ের পাখার ঝাপটানিতে, ঠিক নিশি যখন জাগল—ইসারা পাঠালে পরানে পরানে, ঠিক তখনই, সেই মুহূর্তটিতেই যে

তারও ঘুম ভেঙেছিল। নিতাই যে ভাঙে। শিরবেদের ঘুম ভাঙে—মা বিষহরির আজ্ঞায়, শিরবেদে উঠে তার লোহার ডাণ্ডা হাতে—দণ্ডবের মত বেদেগুলের পথ রক্ষা করে। লগনটি পার হয়—তখন মহাদেব ধীরে ধীরে এসে দাঁড়ায় দধিমুখি বেদেনীর ঘরের ধারে। দধিমুখীও জাগে, সেও বেরিরে আসে। তখন শিরবেদে আর দণ্ডব নয় : সে তখন সাধারণ মনিষি !

এখানেও আজ ক’দিন এসেছে। মহাদেবের ঠিক লগনে ঘুম ভেঙেছে,—ঘুম ভেঙেছে নয়, মহাদেব এ লগনের আগে এখানে ঘুমাতে নাই। সে সতর্ক হয়ে লক্ষ্য রেখেছিল—ওই জোয়ানটার দিকে। পাপিনী কণ্ঠের দিকে তো বটেই। জোয়ানটা গিয়েছে। মা বিষহরির আজ্ঞায় সে ছেড়েছিল ওই রাজ গোখুরাটাকে। বলেছিল—পাপীর পরান তু লিবি, তু লাগকুলের রাজপুত্র, বিচারের ভার তোরে দিলাম : জোয়ানটার পিছনে ছেড়ে দিয়েছিল। বাঁশের চোড়ায় পুরে দড়ি টেনে খুলে দিয়েছিল মুখের ঝাকড়ার পুঁটলিটা।

পাপী জোয়ানটা গিয়েছে। কিন্তু —। সে ভেবেছিল—একসঙ্গে দুজনে যাবে। পাপী-পাপিনী দুজনে। কিন্তু জোয়ানটা একা গেল।

আজ সেই লগনে উঠে সে স্পষ্ট দেখেছে নাগিনী উঠল—কালো নাগিনী—বটগাছটাকে বেড়ি দিয়ে ওপাশে গেল। সেও সম্ভরণে তার পিছনে পিছনে বটগাছটার এপাশে এসে দাঁড়িয়েছিল। চোখে পড়েছিল অন্ধকারের মধ্যে বড় বাড়ীটার মাথার জলজলে আলোটা। মনে পড়েছিল ওই বাড়ীতে শবলা রাঙা শাড়ী—ঘোল আনা বকশিশ পাওয়ার কথা, তাকে রাঙাবরণ সোনার রাজপুত্রের কথা অথ বেদেনীদের কাছে বলতে সে নিজের কানে শুনেছে। পাপিনীর চোখে নিশির নেশার ঘোরের মত ঘোর জ্বলতে দেখেছে।

পাপিনী নাগিনী কত্তার বৃকে তা হলে জেগেছে কাঁটালীচাপার
বাসের ঘোর ! সে নিশ্চয় গিয়েছে ওই পথে । শুধু তাই নয়, সে
অন্ধকারের মধ্যে ওই পথের দিকে তাকিয়েছিল, হঠাৎ একসময় ঠিক মনে
হল—সাদা কাপড় পরা কালো পাতলা মেয়েটা। লঘুপায়ে ছুটে চলে যাচ্ছে ।
হাঁ, ওই—ওই—ওই যে !

সে কোন দিকে চোখ ফেরায় নি । সাদা কাপড় পরা কালো পাতলা
মেয়েটাকে—সে যেন হাওয়ার সঙ্গে মিশিয়ে চলতে দেখেছে । নাগিনীর
পায়ে পাখা গজায়—এই লগ্নে ; সে হাঁটে না, উড়ে চলে । ঠিক তাই,
পিছনে সাধ্যমত দ্রুত পায়ে তাকে অনুসরণ করছে, সে ছুটেছে । ওই
পাচিলের কোল পর্যন্ত আসতে ঠিক দেখেছে ।

তবে ? তবে এ কি হল ?

বেদেদের কাছে তার মাথা হেঁট হয়ে গেল । নাগিনী তার মাথার
উপর ফণা তুলে ঢুলছে । যে-কোন মুহূর্তে ওকে দংশন করতে পারে ।

—উঠ্ বুদ্ধা । উঠ্ । লা ছাড়বে ।

বললে শবল ।

ভোর হতে না হতে বেদেদের নৌকা ভাসল মাঝ গঙ্গায় ।

দক্ষিণে—দক্ষিণে । শ্রোতের টানে ভাসবে লা । দক্ষিণে ।



(দুই)

এ কথাগুলি শিবরামের নয়। এ-কথা ‘পিঙলা’ অর্থাৎ পিঙ্গলার ; পিঙ্গলাই হ’ল শবলার পরে সাতালী গাঁয়ের বেদেকুলের নতুন নাগিনী কত্তা।

পিঙলা বলে—মায়ের লীলা। বেদেকুলের মা বলতে বিষহরি, বেদেদের অগ্র মা নাই। কালী না, দুর্গা না ; কেউ না। বেদেদের বাপ বলতে শিব। শিব মানস থেকে মা বিষহরির জনম গ। পদ্ম-বনের মধ্যে শিবের মনের থেকে জন্ম নিয়া পদ্মপাতের মধ্যে ধীরে ধীরে মা বড় হয়। উঠলেন। মায়ের আমার পদ্মবনে বাস—অঙ্গের বরণ পদ্ম-ফুলের মত। শিবঠাকুরের মধুপান কর্যা নেশা হয় না, তাই শিবের কত্তে পদ্মবনে পদ্মমধু পান করলেন, সেই কত্তের কণ্ঠে—অমৃতের থেকা মধুর হইল ; তখন সেই মধু খাইলেন শিব। সেই মধুতে তাঁর কণ্ঠ হল নীল বরণ, মধুর পিপাসা মিট্যা গেল চিরদিনের তরে ; চক্ষু দুটি আনন্দে হইল ঢুলুঢুলু। শিবের কত্তে—পদ্মাবতী—পদ্মের মত দেহের বরণ তেমনি তার অঙ্গের সৌরভ, মা হইলেন চিরযুবতী।

এই মায়ের পূজার ভার যার উপরে তার কি বুড়ো হইবার উপার আছে গ ? যুবতী মায়ের পূজা—করবে যুবতী কত্তে। তবে সে কাল-নাগিনী বলে তার অঙ্গের বরণ হবে কালো। চিকণ চিক-চিকে কালো ; মনোহরণ করা কালোবরণ। সেই কারণে এক নাগিনী কত্তে বর্তমানেই নতুন নাগিনী কত্তের আবির্ভাব হয়। সে আবির্ভাব শিববেদের চক্ষে ধরা পড়ে। কত্তে অনাচার করে—কত্তে বুড়ী হয়—কত কারণ ঘটে ; তখন শিববেদে মনে মনে মায়েরে ডাকে। আধার বর্ষার রাত্রে কৃষ্ণা পঞ্চমী তিথিতে আকাশে ঘনঘটা করে মেঘ ওঠে ; থমথম করে চাঙ্গি

দিক, শিরবেদে আকাশপানে তাকায়। মিলিয়ে নেয়—যে রাত্রে বেদের সর্বনাশ হয়েছিল সেই রাত্রির সঙ্গে। ওগো,—যে রাত্রে লোহার বাসর ঘরে লখিন্দরকে কালনাগিনী দংশন করেছিল—সেই রাত্রের সঙ্গে, গ! মেঘের ঘনঘটার মধ্যে মা বিষহরির দরবার বসে। সামনে আসছে বর্ষা; পঞ্চমীতে পঞ্চমীতে নাগজহ্ননীর পূজা; মা দরবার করে খবর নেন—নতুন কালের পৃথিবীতে কে আছে চাঁদসদাগরের মত অবিশ্বাসী। কোথায় কোন্ ভক্তিমতী বেনেবেটীর হল আবির্ভাব। তেমনি কৃষ্ণা-পঞ্চমীর রাত্রি পেলে শিরবেদে বসবে মায়ের পূজায়। ঘরে থিল কপাট দিয়া পূজায় বসবে। মাকে ডাকবে—মা-মা-মা-মা! প্রদীপ জ্বালবে—ধূপ পুড়াবে, ধূপের ধোঁয়ায় ঘর অন্ধকার হয়ে যাবে। ধারালো ছুরি দিয়া বৃকের চামড়া চিরে রক্ত নিয়া সেই রক্ত নিবেদন করবে মাকে। তখন মেঘলোকে মা বিষহরির আটন একটু টলে উঠবে—মায়ের মুকুটের রাজগোথুরা ফণা ছায়ে হিসহিস করবে। মা বলবেন তাঁর সহচরীকে—দেখতো বহিন নেতা, আসন কেন টলে, মুকুট কেন নড়ে? নেতা খড়ি পাতবে, গুণে দেখবে, দেখে বলবে—মাতালী গাঁয়ে শিরবেদে তোমাকে পূজা দিতেছে, স্মরণ করতেছে তার হয়েছে সংকট। নাগিনী কন্তে অবিশ্বাসিনী হয়েছে। নয়তো বলবে—কন্তের চুলে ধরেছে পাক, দাঁত হয়েছে নড়োবড়ো, এখন নতুন কন্তে চাই। মা তখন বলবেন—ভয় নাই। অভয় দিবেন সঙ্গে সঙ্গে—নাগিনী কন্তের নাগমাহাত্ম্য হরণ করে লিবেন আর ওদিকে নতুন কন্তের মধ্যে সঞ্চার করে দিবেন সেই মাহাত্ম্য; কন্তের অন্তরে অঙ্গে সেই মাহাত্ম্য ফুটে উঠবে।

পিঙলা বলে—সেবার শহরে কন্তে শবলা বললে, মা বিষহরি হৃদয় বিচার করবে। কন্তের উপর ভর হ'ল মায়ের।

মহাদেব শিরবেদে কুকুরের কামড় খেলে। সবার সামনে তার মাথা হেঁট হল। কথা বলতে পারলে না।

শবলা বললে—চল, এই ভোরেই ভাসায় দে লায়েব সারি! কুকুর ছুটার খৌজে যদি বাবুরা বুঝতে পারে কি এটা বেদেদের কারুর কাম, তবে আর কারুর রক্ষে থাকবে না। মা গঙ্গার সোতের টানে নৌকা ছেড়ে দে, তার সঙ্গে ধর দাঁড়, পাঁচদিনের পথ একদিনে পারায়ে যাবি।

মহাদেব লায়েব ভিতর পাথর হয়ে পড়ে রইল।

—মাগো! শ্যাযে অপরাধ হইল হামরার? হামি শিরবেদে—
তুর চরণের দাস, আমি যে তুমার চরণ ছাড়া ভিজি নাই, তিন-সন্ধ্যা
তুমারে ডাকতে কোন দিন ভুলি নাই—আমার দোষ নিলি মা জহুনী?

*

*

*

শেষ রাত্রেব অন্ধকারের মধ্যে বড়নগরের রানীভবানীর বাড়ী-মন্দির পড়ে রইল পিছনে—নৌকা বালুচর আজিমগঞ্জের শেঠদের সোনার নগর ছাড়িয়ে গেল, তারপর নদীপুরে ভাঙা জগৎশেষের বাড়ী। সে সব পার হয়ে লালবাগের নবাবমহল। ওপারে খোসবাগ। হিরাঝিলের জঙ্গল। ওই—ওইখানেই রাজগোথুরা ধরেছিল শবলার ভালবাসার মাহুয!

পিঙলা বলে—যাই বলা থাকুক শবলা, সে তার ভালবাসার মাহুযই ছিল গ কবিরাজ মশাই। ভালবাসার মাহুয, পরানের বঁধু। হোক নাগিনী কঙ্কে—তবু তো দেহটা মনটা তার মাহুযের কঙ্কের। মাহুযের কঙ্কে ছেলে বয়সে ভালবাসে তার বাপকে মাকে। নাগিনীর সন্তান হয়, ডিম ফোটে, ডেকা বার হয়, পুরাণে আছে—প্রবাদে আছে নাগিনী আপন সন্তানের যতটাবে পায় মুখের কাছে—খেয়ে ফেলায়। বড় সাপে ছোট সাপ খায়—দেখেছ কি-না জানি না, হামরারা দেখেছি খায়। নাগিনী সেখানে নিজের সন্তান খাবে তার আর আশ্চর্য্য কি গ!

সেই নাগিনী মানুষের গভো জনম নেয়—মন্ত্ৰ ধরম নিয়া, সেই ধরম সে পালন করে। মা বাপেরে ভালবাসে—তাদের না-হলে তার চলে না। তা পরেতে বাড়ে সে—বড় হয়, যৌবন আসে—তখন পরান চায় ভালবাসার মানুষ। নাগিনীর নারীধরমের কাল আসে—তার অঙ্গ থেকে কাঁঠালী টাপার বাস বাহির হয়, সেই বাস ছড়ায়ে পড়ে চারি পাশে। লাগ সেই গন্ধের টানে এসে হাজির হয়। দুজনে মিলন হয়, খেলা হয়, জীবধরমের অভিলাষ মেটে : লাগ-নাগিনী অভিলাষ মিটায়ে চলে যায় আপন আপন স্থানে। ভালবাসা তো নাই সেখানে। কিন্তু নাগিনী কত্তে যখন মানুষের রূপ ধরে—মানুষের মন পায়—তখন দেহের অভিলাষ মিটলেই মনের তিয়াস মেটে না, মন চায় ভালবাসা। সে তো ভাল না বেসে পারে না। সেই ভালোবাসাই সে বেসেছিল ওই জোয়ান-টাকে। তারে ছুঁতে সে পারে নাই, ভয় তার তখনও ভাঙে নাই, ভাঙলে পরে সে কিছু মানত না, গাঙের ধারে রাতের আঁধারে সন্সনিয়ে গিয়া ঝাঁপায়ে পড়ত তার বুক, গলাটা ধরত জড়ায়ে, নাগিনী যেমন নাগেরে পাকে পাকে জড়ায় তেমনি কর্যা জড়ায়ে লেগে যেত তার অঙ্গে অঙ্গে।

হিরাঝিলের ধারে এস্যা শবলা আপন লায়ে মায়ের ছামনে আবার আছড়ে পড়ল। কি করলি মা গ! তোর শাসনই যদি নিয়া এসেছিল রাজগোখুরা তবে হামরার বুক কেনে ছোবল দিলে না?

*

*

*

নাগিনীর মতই গর্জন করে ওঠে পিঙলা। সে বলে—শবলা হামরাকে বলেছিল। বলেছিল, পিঙলা, বহিন, চিরজনমটা বুকের কথা মুখে আনতে পারলাম না, বুকটা হামরার জল্যা পুড়্যা থাক হয়ে গেল। দোষ দিব কারে? কারেও দিব না দোষ। অদেই না, ললাট না,

বিষহরিকে না, দোষ ওই বুড়ার—আর দোষ হামরার। মুই নিজেরে নিজেরে ছলনা করলাম চিরজীবন। পরান ভালবাসলে, মোর সকল অঙ্গ ভালবাসলে, হামরার মন বললে—না-না-না। ও কথা বলতে নাই। ও পাপ—পাপ—মহাপাপ! মুছে ফেল্, মুছে ফেল্ বিষহরির কন্তে ও অভিশাপ তু মন থেক্যা মুছে ফেল্।

দীর্ঘনিশ্বাস ফেলে রাঙা চোখ দু'টো মেলে কালো কেশের মত তাঁধার রাতের দিকে চেয়ে থাকত আর ওই কথা বলত। শবলার অঙ্গে অঙ্গে তখন যেন কালো রূপের বান ডেকেছে। সে-যেন তখন বান থৈ থৈ কালিন্দী নদীর কালীদেহের মত পাথার হয়ে উঠেছে, কদম্ব তলায় কানাই নাই তবু সেথায় ঢেউয়ে ঢেউয়ে উথল পাতল করে আছাড় খেয়ে পড়ছে। কন্তে যদি সত্যিই নাগিনী হয়, তবে শবলার অঙ্গ ভরে তখন চাঁপার স্বাস ফুটেছে। লোকে কইল—শবলার মাথা খারাপ হইছে।

পিঙলা গঙ্গারাম শিরবেদেকে মুখের উপর বললে—হামরার মাথা খারাপ হবে না সে তুকে বল্যা রাখলম, সে তু শুন্তা রাখ। পিঙলা কন্তে শবলা নয়। শবলা হামরাকে বলে গিয়েছে—পিঙলা, বহিন, এই কালে কালে হয়্যা আসছে নাগিনী কন্তের কপালে। মুই তুরে সকল কথা খুলা বলে গেলম। তু যেন হামরাদের মত পড়্যা পড়্যা মার খাস না। শিরবেদেকে ডরাস না। মুই তুকে ডরাব না।

নতুন নাগিনী কন্যা পিঙলা আর শিরবেদে গঙ্গারামের মধ্যে চিরকালের বিবাদ ঘনিয়ে উঠেছে। যা হয়েছিল শবলা আর মহাদেবের মধ্যে—তাই। মহাদেব মরেছে আজ সাত বছরের ওপর। পিঙলা নাগিনী কন্যা হয়েছিল যখন, তখন তার বয়স পনের পার হয়েছে,

ঘোল পূর্ণ হয় নাই। পিঙলা এখন পূর্ণ যুবতী। কালো মেয়ে পিঙলার চোখ দুটো পিঙলাভ ; সে চোখের দৃষ্টি আশ্চর্য রকমের স্থির। মানুষের দিকে সে নিম্পলক হয়ে তাকিয়ে থাকে, পলক ফেলে না ; মনে হয় একেবারে ভিতরের ভিতরে থাকে যে আঙুল-প্রমাণ আত্মা, সেই যেন চোখ দুটার দুয়ার খুলে বেরিয়ে এসে দাঁড়িয়েছে। তার তো ভয় নাই, ভরও নাই। তা ছাড়া, পিঙলার ওই চোখ দুটা অন্ধকারের মধ্যে বনবিড়ালের চোখের মত জ্বলে। যে অন্ধকারে অন্ধ মানুষের দৃষ্টি চলে না, পিঙলা সেই অন্ধকারের মধ্যেও দেখতে পায়। পিঙলার চোখের দিকে চাইলে ভয় পায় সকলে। গঙ্গারাম যে গঙ্গারাম সেও ভয় পায়। যখন এমনি স্থির-দৃষ্টিতে সে তাকায়, গঙ্গারাম তখন ছু পা পিছন হটে দাঁড়ায়। পিঙলা তাতে কৌতুক বোধ করে না, তার ঠোঁট দুটো বেকে যায়, সে বাকের একদিকে ঝরে পড়ে আক্রোশ—অত্মদিকে ঝরে ঘৃণা।

গঙ্গারামও ভীষণ।

মহাদেবের মত সে ভয়ঙ্কর নয় কিন্তু সে ভীষণ। পাথরের পুরানো মন্দিরের মত কঠিন নয় কিন্তু সে কুটিল। সমস্ত সাতালীর বেদেরা তাকে ভয় করে ডোমন করেতের মত। মহাদেব ছিল শঙ্খচূড়—সে তেড়ে এসে ছোবলে ছোবলে ক্ষতবিক্ষত করে দিত, প্রাণটা চলে যেত সঙ্গে সঙ্গে। হার মেনে অঙ্গের বেশবাস ফেলে দিয়ে পাশ কাটিয়ে পালালে সে সেই বেশবাসকে ছিঁড়ে খুঁড়ে আক্রোশ মিটিয়ে নিরস্ত হত। ডোমন করেতের কাছে সে নিস্তারও নাই। সে অন্ধকার রাত্রের সঙ্গে তার নীলচে দেহটা মিশিয়ে দিয়ে নিঃশব্দে তোমার অনুসরণ করে লুকিয়ে থাকবে। দিনের আলোতে অনুসরণ করতে যদি নাই পারে তবে আক্রোশ পোষণ করে অপেক্ষা করে থাকবে। আসবে সে ঠিক খুঁজে খুঁজে। তারপর করবে দংশন। সে দংশনে নিস্তার নাই। ব্রাহ্মণেরা

বলে, খেলে ডোমনা, ডাক বামনা। অর্থাৎ ডোমন করেতের দংশন যখন তখন বিষবৈজ্ঞ ডেকে না, মিথ্যা চিকিৎসা করাতে যেয়ো না,—ঋশানে শব নিয়ে যাবার জন্ত ব্রাহ্মণ ডাক। সংকারের আয়োজন কর।

ডোমন করেতের মতই ধীর আর বাইরে দেখতে নিরীহ গঙ্গারাম। দেহের শক্তি তার অনেকের চেয়ে কম কিন্তু সে কামরূপের বিজ্ঞা জানে, জাহ্নবিজ্ঞা জানে। তিরিশ বছর আগে ওই শহরে থেকেই সে মহাদেবের সঙ্গে ঝগড়া করে নিরুদ্দেশ হয়েছিল; দোষ মহাদেবের ছিল না, দোষ ছিল গঙ্গারামের। জোয়ান হয়ে উঠবার সঙ্গে সঙ্গেই তার মতিগতি অতি মাত্রায় খারাপ হয়েছিল। শহরে এসে সে একা একা ঘুরে বেড়াত। মদ খেয়ে রাস্তায় লোকের সঙ্গে ঝগড়া করে ফিরত। গলায় একটা গোখুরা সাপ জড়িয়ে বেড়াত রাস্তায় রাস্তায়। গোখুরাটাকে সে খুব বশ করেছিল। গলায় জড়ালে সেটা মালার মতই ঝুলত, মুগটা নিয়ে কখনও কাঁধে, কখনও কানের কাছে, কখনও বুকের উপর অল্প অল্প ঘুরত। এর জন্তে লোকে তাকে ভয় করত। গায়ে হাত তুলতে সাহস করত না। একদিন কিন্তু ভিড়ের মধ্যে একটা দুর্ঘটনা ঘটে গেল। ভিড়ের মধ্যে একজন হঠাৎ তার ঠিক সামনেই গঙ্গারামের গলায় সাপটাকে দেখে আতঙ্কিত হয়ে চীৎকার করে গঙ্গারামকে ঠেলে দিতে গিয়েছিল, ভয় পেয়ে সাপটাও তাকে কামড়ে দিয়েছিল। একেবারে ঠিক বুকের মাঝখানে খানিকটা মাংস খাবলে তুলে নিয়েছিল। তারপর সে এক ভীষণ কাণ্ড। যত নির্ধাতন গঙ্গারামের, তত লাঞ্ছনা সমস্ত বেদেগুলের। পুলিশ এসে বেদেদের নোকা আটক করেছিল। মহাদেবকে থানায় নিয়ে গিয়েছিল।

গঙ্গারাম অনেক বলেছিল—কিছু হবে না। হুজুর, মুই বিষহরির কিরা খাওয়া বলছি উয়ার বিষ নাই। উয়ার দাঁত বিষের খলি সব মুই কেটে

তুলে দিছি। মাতুষটার যদি কিছু হয় তবে দিবেন, দিবেন হামারাকে ফাঁসি।

সে গোথুরার মুখটাকে নিজের মুখের মধ্যে পুরে চক চক শব্দ তুলে চুষে দেখিয়েছিল—বিষ নাই। মুখ থেকে সাপটাকে বের করার পর সেটা গঙ্গারামকেও কয়েকটা কামড় দিয়েছিল।

মহাদেবও শপথ করে গঙ্গারামের কথা সমর্থন করেছিল। কিন্তু তবুও লাঞ্ছনা অপমান থেকে পরিত্রাণ পায় নাই। প্রায় চব্বিশ ঘণ্টা আটক রেখেছিল। চব্বিশ ঘণ্টার মধ্যেও যখন লোকটির দেহে কোন বিষক্রিয়া হ'ল না, যখন ডাক্তারেরা বললেন, না আর কোন ভয় নাই। তখন পরিত্রাণ পেয়েছিল তারা। সেই নিয়ে বিবাদ হল মহাদেবের সঙ্গে। একা মহাদেব কেন, বেদেদের সকলের সঙ্গেই ঝগড়া হয়েছিল গঙ্গারামের। দারুণ প্রহার করেছিল মহাদেব। দুদিন পরেই গঙ্গারাম একটু সুস্থ হয়ে উঠেই দল ছেড়ে নিরুদ্দেশ হয়ে গিয়েছিল।

মহাদেব বলেছিল—যাক্ পাপ গেলছে, মঙ্গল হলছে। যাক্!

গঙ্গারাম গেলে মঙ্গল হবে একথায় কারুর সংশয় ছিল না, কিন্তু মহাদেবের পরে শিরবেদে হবে কে?

মহাদেব বলেছিল—মুই পুষ্টি নিব।

হঠাৎ দীর্ঘ তের-চৌদ্দ বৎসর পর গঙ্গারাম এসে হাজির হল। সে বললে কাঁউর কামিফে থেকে কত ছাশে ছাশে ঘুরলম, জেহেলেও ছিলম বছর চারেক। তা পরেতে এলম বলি দেখ্যা আসি, সীতালীল খবরটা নিয়া আসি।

বেদেদের আসরে সে তার জাহ্নবিষ্ঠা দেখালে।

কত খেলা। বিচিত্র খেলা। জিভ কেটে জোড়া দেয়। কাঠের পাখী হুকুম শোনে, জলে ডোবে, ওঠে। পাথরের গলি থেকে পাখী বের

হয় ; সে পাখীকে ঢাকা দেয়, পাখী উড়ে যায় ; বাতাস থেকে মুঠো বেঁধে এনে মুঠো খোলে—ঢাকা বের হয় । আরও কত !

বেদেরা সম্মোহিত হয়ে গেল । সন্ধ্যায় বসে সে গল্প করত দেশ দেশান্তরের । তারপর কিছুদিনের মধ্যেই শবলা আর মহাদেবের মধ্যে বিবাদের মীমাংসা হয়ে গেল । মহাদেবের বৃকে বিষকাঁটা বসিয়ে দিয়ে শবলা ভেসে গেল গঙ্গার বানে । গঙ্গারাম হল শিরবেদে ।

পিঙলা বলে—পাপী—উ লোকটা মহাপাপী ।

হেসে বলে—উয়ার দোষ কি ? পুরুষ জাতটাই এমনি । ভোলা-মহেশ্বরের কত্তে হলেন মা বিষহরি । ভোলা ভাঙড় চণ্ডীরে ঘুম পাড়ায়ে এলেন মত্তধামে । বিষহরিরে দেখা কামের পৌড়াতে লাজ হারালেন—বললেন, কত্তে হামরার বাসনা পূর্ণ কর । মা বিষহরি তখন রোষ করে বিষ দিষ্টিতে তাকালেন পিতার পানে, শিব ঢলে পড়লেন । দোষ শুধু নাগিনী কত্তেরই নাই, শবলার নামে দোষটা দিলি কি সে শিরবেদের ধরম নিয়া—কাঁটা বৃকে বিধে দিয়া পালালছে ; কিন্তু দোষটা শিরবেদেরও আছে । ওই গঙ্গারাম শিরবেদেকে দেখ ।

নেশায় চক্ষু লাল করে গঙ্গারাম ঘুরে বেড়ায় সাতালার বাড়ী বাড়ী । রসিকতা করে বেদেনীদের সঙ্গে । কিন্তু কেউ কিছু বলতে সাহস করে না । গঙ্গারাম ভাকিনীবিগ্ণা জানে । মানুষকে সে বান মেরে খোঁড়া করে রেখে দেয় ; শুধু তাই নয়, প্রাণেও মেরে ফেলতে পারে গঙ্গারাম । ডাকিনী-সিদ্ধ গঙ্গারামের ধর্ম নাই, অধর্ম নাই । কিছু মানে না সে ।

গঙ্গারাম ভয় করে শুধু পিঙলাকে ।

পিঙলাও ভয় করে কিন্তু মধ্যে মধ্যে সে যেন ক্লেপে ওঠে ।

ফাল্গুনের তখন শেষ। ফাল্গুনেও গঙ্গাতীরে ঘাসবনের ভিতর পলি-মাটিতে বর্ষার জলের ভিজে আমেজ থাকে। পাকা ঘাস শুকিয়ে যায়, কাশ বাড় আগেই কেটে নিয়েছে বেদেরা। এই সময় একদিন ঘাসবন ধোঁয়াতে শুরু করে। শুকনো ঘাসে আগুন দেয় বেদেরা। শুকনো ঘাস পুড়ে যাবে, তলার মাটি আগুনের আঁচ পাবে, তারপর পাবে সূর্য্যের তাপ, সঁতালীর বহুধরা নব কলেবর ধরবেন। চৈত্রের পর বৈশাখে আসবে কাল-বৈশাখী; বাড় জল হবে, সেই জলে মাটি ভিজবে, সঙ্গে সঙ্গে ওই পুড়িয়ে দেওয়া ঘাসের মুড়ো অর্থাৎ মূল থেকে আবার সবুজ ঘাস বের হতে আরম্ভ হবে। বর্ষা আসতে আসতে একটা ঘন চাপ-বাঁধা সবুজ বন হয়ে উঠবে। গঙ্গার জলকে রুখবে, সঁতালী গাঁয়ের বেদেদের বাঁশ আর কাশের ঘরগুলির ছাওয়ার কাশের সংস্থান হবে।

এদিকে পৌষমাস পর্যন্ত সফর সেরে সঁতালীতে ফিরবার পথে শীতে জরজর অঙ্গ নাগ-নাগিনীদের মুক্তি দিয়ে এসেছে; বিষহরির পুত্র-কঙ্কা সব, বেদের ঝাঁপিতে তাদের মৃত্যু হলে বেদের জীবনে পাপ অর্শাবে। মাঘ থেকে ফাল্গুন চৈত্র পর্যন্ত বেদেদের ঝাঁপিতে সাপ নাই। সতেজ নাগ, শীতে যাকে কাবু করতে পারবে না—তেমনি দুটো একটা থাকে। ফাল্গুনের শেষে ঘাস পুড়িয়ে দিলে আগুনের আঁচে—রোদের তাপে মাটি শুকোলে নাগেরা মাটির নীচে তাপের স্পর্শে শীতের ঘুম থেকে জেগে উঠবে। আশ্বিনের শেষ থেকে কার্তিকের শেষ পর্যন্ত নাগেরা ব্রাত্রে খোলা মাঠে নিথর হয়ে পড়ে থাকে, বেদেরা বলে—শিশির নেয় অঙ্গে। ওই শিশির অঙ্গে নিয়ে শীত শুরু হতেই তারা মাটির নিচে কালঘুমে ঢলে পড়ে। লোকে বলে—সাপেরা ‘মুদ’ নেয়। এই কালঘুমই বল, আর মুদই বল, এ ভাঙে ফাল্গুন-চৈত্রে। বেদে যেখানে নাই সেখানে ঘুম ভাঙায় কাল। যেখানে বেদে আছে সেখানে

এ ঘুম ভাঙানোর ভার বেদেদের। ঘুম ভাঙানোর পর শুরু হবে নতুন ক'রে নাগ গরে আনার পালা।

এই আগুন দেওয়ার ক্ষণ ঘোষণা করে হিজল বিলের পাখীরা। সাপেদের মূদ নেবার কাল হলেই পাখীরা কোন দেশান্তর থেকে আকাশ ছেয়ে কলকল শব্দ তুলে এসে হাজির হয় হিজল বিলে। সকলের আগে আসে 'গগনভেরী' পাখী। আকাশে ঘেন নাকাড়া বাজে।

গদুর পাখীর বংশধর। নাগকুলের জননী আর গদুর পক্ষীর জননী— দুই সতীন। সংভাইয়ের বংশে বংশে কালশত্রুতা সেই আদিকাল থেকে চলে আসছে। সৃষ্টির শেষদিন পর্যন্ত চলবে। তাই এ মীমাংসা হয়তো দেবকুলের করে দেওয়া মীমাংসা। শীতের কয়েক মাস পৃথিবীতে অধিকার গদুর বংশের। তারা আকাশ ছেয়ে ভেরী বাজিয়ে এসে পৃথিবীতে ছড়িয়ে পড়বে, বিলে নদীতে পুকুরে; ধানভরা মাঠে ধান খাবে, তারপর ফাল্গুন যাবে, চৈত্রের প্রথমে গরমের আমেজ ভরা বাতাস আসবে দক্ষিণ দিক থেকে; মাঠের ফসল শেষ হবে; তখন তারা আবার উড়বে—গগনভেরী পাখীরা নাকাড়া বাজিয়ে চলবে আগে আগে। তখন আবার পড়বে নাগেদের কাল।

যেদিন ওই গগনভেরীরা উড়বে, উড়ে গিয়ে আর ফিরবে না, সে দিন থেকে তিনদিন পরে এই আগুন লাগানো হবে ঘাসবনে।

*

*

*

সাতালীর চরে ঘাসবনে সেই আগুন লাগানো হয়েছে। ধোঁয়ার কুণ্ডলী উঠছে আকাশে। ঘাসের ডাঁটা আগুনের আঁচে চটপট শব্দে ফাটছে। আকাশে উড়ছে কাক ফিঙের দল। ঝাঁকে ঝাঁকে পোকা মাকড় উড়ে পালাচ্ছে। পা লম্বা গম্বা ফড়িংয়ের দল লাফিয়ে উঠছে। আগুন চলছে দক্ষিণ থেকে উত্তরে। দখনে বাতাস বইতে শুরু করেছে।

বইবেই তো। গগন ভেরী পাখীরা গড়ুরের বংশধর, তারা দক্ষিণ থেকে উত্তর দেশে চলেছে—তাদের পাখসাটে পবনদেবকেও মুখ ফেরাতে হয়েছে দক্ষিণ থেকে উত্তরে।

বিলের ঘাটে দাঁড়িয়েছিল পিঙলা। দেহ মন তার ভাল নাই। দুনিয়া ঘেন বিষ হয়ে উঠেছে। সঁাতালী, বিষহরি, বিশ্ব-ব্রহ্মাণ্ড—সব বিষ হয়ে গিয়েছে। সে নাগিনী কস্তে—তাই বোধ হয় এত বিষ তার সহ্য হয়, অস্ত্র কেউ হলে পাথরে মাথা ঠুঁকে মরত, গলায় দড়ি দিত, নয় তো কাপড়ে আগুন লাগাত।

বিলের দক্ষিণ দিকে সত্ত্ব জল থেকে জেগে-ওঠা জমিতে চাষীরা চাষ করছে। এরপর লাগাবে বোরো ধান। আর উপরে তিল ফসলে বেগুনে রঙের ফুল দেখা দিয়েছে। বড় বড় শিমূলগাছগুলোয় রাঙা শিমূল ফুল ফুটেছে। ওই ওদিকে এসেছে ঘোষেরা। মাঠান দেশে ঘাসের অভাব হয়েছে। সামনে আসছে গ্রীষ্মকাল, তারা তাদের গরু মহিষ নিয়ে এসেছে হিজলের কূলে। হিজলের কূলে ঘাসের অভাব নাই। তা ছাড়া আছে হাজারে হাজারে বাবলা গাছ। বাবলার গুঁটি বাবলার পাতা খাওয়াবে।

কিছুদিন পরেই আসবে দুঃসাহসী একদল জেলে। মাছ ধরবে হিজল বিলে। বর্ষার একটা হিজল বিল এখন জল শুকিয়ে টুকুরো টুকুরো হয়ে গিয়েছে। আরও যাবে। তখন এই মাছ ধরার পালা। মূল পদ্মার বিল অর্থাৎ মা মনসার আটন—নাথের বিল বাদ দিয়ে বাকী সব বিলে মাছ ধরবে।

অকস্মাৎ একটা বস্ত্র জন্তর চীৎকারে সে চমকে উঠল।

ওদিকে হৈ হৈ শব্দ করে উঠল বেদেরা। গুলুবাঘা—হলুবাঘা!

আগুনের আঁচ, ধোঁয়ায়, গাছপাতা পোড়া গন্ধে, কোথায় কোন্

ঝোঁপে ছিল বাঘা, সে বেরিয়ে পড়েছে। কালো ছাপওয়ালা হলদে জানোয়ারটা ছুটছে। কাউকে বোধ হয় জখম করেছে। কিন্তু বাঘা আজ মরবে। সে যাবে কোথায়। পূবে গঙ্গা, উত্তরে বেদেরা, তারা ছুটে আসছে পিছনে পিছনে, দক্ষিণে মহিষের পাল নিয়ে রয়েছে ঘোষেরা সেখানে মহিষের শিঙ, ঘোষেদের লাঠি। পশ্চিমে হিজলের জল, যাবার পথ নাই। বাঘা আজ মরবে।

পিঙলার মনের অবসাদ কেটে গেল এই উত্তেজনায়। সে হিজলের ঘাট থেকেই মাথা তুলে দেখতে লাগল। কিন্তু কই? কোথায় গেল বাঘা? এদিকের ঘাসের বন আড়াল দিয়ে গঙ্গার গর্ভে নামল না কি? পায়ের আঙুলের উপর ভর দিয়ে উঁচু হয়ে মাথা তুললে সে। ওই ছুটেছে বেদেরা—ওই। হৈ হৈ শব্দ করছে। উল্লাসে যেন কেটে পড়েছে। পিঙলারও ইচ্ছে হচ্ছে ছুটে যায়। কিন্তু উপায় নাই। তাকে থাকতে হবে এই হিজল বিলের বিষহরির ঘাটে। ওদিকে বনে আগুন লাগানো হয়েছে নাগিনী কণ্ঠে এসে বসে আছে বিষহরির ঘাটে। তাকে ধ্যান করতে হবে মায়ের। মায়ের ঘুম ভাঙাতে হবে, বলতে হবে,—মাগো নাগকুলের জ্ঞাতিশত্রু—গজুর পক্ষীর বংশের গগন ভেরীরা—নাকাড়া বাজিয়ে উত্তরে চলে গেল; নাগেদের দখলের কাল এল। উত্তরের দক্ষিণ মুখো বাতাস—দক্ষিণ থেকে উত্তর মুখী হয়েছে; নাগ-চাঁপার গাছে কলি ধরেছে; তুমি এইবার নয়ন মেল; মা গো, তুমি জাগ।

ওদিকে বন পোড়ানো শেষ ক'রে বেদেরা আসবে; শিরবেদে থাকবে সর্বাগ্রে; এসে ঘাটের অদূরে হাত জোর ক'রে দাঁড়াবে। শিরবেদে ডাকবে—কণ্ঠে গ—কণ্ঠে!

হাঁটু গেড়ে হাত জোর ক'রে কণ্ঠে বসে থাকবে ধ্যানে। উত্তর দেবে না।

আবার ডাকবে শিরবেদে। বার বার তিনবার। তারপর কন্ঠে সাড়া দেবে।—হাঁ গ!

—মা জাগল? ঘুম ভাঙিছে জহ্নুনার?

—হাঁ। জাগিছে মা জহ্নুনী।

তখন নাকাড়া বেজে উঠবে, জয়ধ্বনি দেবে বেদেরা। পূজা হবে। হাঁস বলি হবে, বন পায়রা বলি হবে। তারপর তারা গ্রামে ফিরবে। ফিরবার আগে চর খুঁজে—বিলের কূল খুঁজে একটিও অন্তত নাগ ধরতে হবে।

বিলের ঘাটে সেই জন্তুই একা এসেছে সে। কিন্তু এসে অবধি কোন প্রার্থনা—কোন ধ্যানই করে নাই। চুপ চাপ দাঁড়িয়ে ছিল। ইচ্ছা হয় নাই, দেহও যেন ভাল মনে হচ্ছিল না। যেন ঘুম আসছিল। হঠাৎ এই উত্তেজনায় সে চঞ্চল হয়ে উঠল। কিন্তু উপায় নাই। যাবার তার উপায় নাই। সে উদ্গ্রীব হয়ে দাঁড়িয়ে দেখতে লাগল। বাঘা মরবে। আঃ বাঘা—তুই যদি গঙ্গারাম শিরবেদেকে জখম ক'রে তবে মরিস—তবে পিঙলা তোকে প্রাণ খুলে আশীর্বাদ করবে। তোর মরণে বুক ভাসিয়ে কান্দবে। তোর নখ পিতল দিয়ে বাঁধিয়ে গলায় ঝুলিয়ে রাখবে। তোর পাজরার ছোট হাড়খানি নিয়ে সে সমস্তে রেখে দেবে, সৌভাগ্যের সম্পদ হবে সেখানি।

ওই থমকে দাঁড়িয়েছে বেদের দল। কোন দিকে বাঘা গিয়েছে—ঠাণ্ডর পাচ্ছে না! পর মুহূর্তেই তার সর্বাঙ্গে একটা বিদ্যুৎ শিহরণ বয়ে গেল। সামনে হাত পনেরো দূরে ঘাসের জঙ্গল ঠেলে বেরিয়েছে একটা হলুদ রঙের গোল হাড়ির মত মুখ, তাতে ছোটো নিম্পলক—গোল চোখ—লম্বা ছোটো কালো রেখার মত তারা ছোটো—যেন বলসে উঠছে। চোখে চোখ পড়তেই—দাঁত বের করে ফাঁস শব্দ করে উঠল। গুঁড়ি

মেঝে দেহটাকে যথাসাধ্য খাটো ক'রে সে আত্মগোপন করে এইদিকে চলে এসেছে।

সাতালী গায়ের চারিপাশে ঘাস বনের ফালিপথ বেয়ে বেড়ায় যে বেদের কত্তে, যার গায়ের গন্ধে ঘাসের বনে—মুখ লুকিয়ে কুণ্ডলী পাকায় বিষধর সাপ, সেই কত্তে—পিঙলা। যে কত্তেরা—জীবনে ডু-চার বার বাঘের সঙ্গে লুকোচুরি খেলে নিরাপদে গ্রামে ফিরেছে, সেই কত্তের কত্তে পিঙলা। কুমীরখালার খালে—কুমীরের মুখে প্রতিবছরই যে বেদের মেয়েদের দু-একজন যায়—সেই বেদের মেয়ে পিঙলা। পিঙলার পিসীর একটা পা নাই। কুমীরে ধরেছিল। পিঙলার পিসী গাছের ডাল আঁকড়ে ধরে চীৎকার করেছিল। বেদেরা ছুটে এসে—খোঁচা মেয়ে, বাঁশ মেঝে—কুমীরটাকে ভাগিয়েছিল। কুমীরটা ছেড়ে দিতে বাধ্য হয়েছিল—কিন্তু একথানা পায়ের নিচের দিকটা রাখে নি। খোঁড়া পিসী তার আজও বেঁচে আছে। পিঙলার সর্বাঙ্গে বিদ্যুৎশিহরণ খেল গেল কিন্তু সে বিবশ হয়ে গেল না।

ওরে বাঘা! ওরে চতুর। ওরে শঠ সয়তান! ওরে গঙ্গারাম!

দুপা, এক পা, তিন পা চার পা পিছন হটে—সে অকস্মাৎ ঘুরে দাঁড়িয়েই—বাঁপ দিয়ে পড়ল হিজলের বিলে।—জয় বিষহরি!

ঘাটে লম্বা দড়িতে বাঁধা—তাল গাছের ডোঙাটা ভাসছে খানিকটা দূরে। সাতারে গিয়ে সেটার উপর উঠে বসল সে। বাঘাটা উঠে সোজা হয়ে দাঁড়িয়েছে। লেজ আছড়াচ্ছে। স্থির দৃষ্টিতে চেয়ে রয়েছে পিঙলার দিকে। পিঙলার মুখে দাঁতগুলি ঝলকে উঠল। ইসারা করে সে ভাকলে বাঘাকে। আয়! আয়! আয়! সাতার তো জানিস। আয় না রে!

বাঘটা এবার বেরিয়ে এল ঘাসবন থেকে। ঘাটের মাথায় এসে

দাঁড়াল। কোলাহল ক্রমশ দূরে চলে যাচ্ছে, চতুর বাঘা সেটুকু বুঝে নিরাপদ আশ্রয় এবং আহারের প্রত্যাশায় জেঁকে দাঁড়িয়েছে ঘাটের মাথায়। ওরে মুখ-পোড়া, তুই কি মা বিষহরির জামাই হবার সাধ করেছিস না কি? কন্ঠাকে নিয়ে যাবি মুখে তুলে—বনের ভিতর ঘর সংসার পাতবি? বাঘিনীর বদলে নাগিনী কন্ঠে? আয় না ভাই, আয় না; গলায় তোর মালা দিব—গলা জড়িয়ে চুমা খাব—আয় না? বিলের জলের তলে মা বিষহরির সাতমহলা পুরী—মোর মাঘের বাড়ী—আয় শান্তডীর বাড়ী যাবি। আয়!

কথাগুলি পিঙলা বাঘাটাকে শুনিয়ে শুনিয়েই বলছিল। একেবারে কথা কইছিল। বাঘাটা—দাঁত বের করে ফ্যাস ফ্যাস করছে। হঠাৎ সেটা উপরের দিকে মুখ তুলে ডাক দিয়ে উঠল—আঁ—উ! লেজটা আছড়ালে মাটির উপর।

এবার খিল-খিল করে হেসে উঠল পিঙলা।

হিঙ্গল বিলের চারিপাশে ছড়িয়ে পড়ল সে হাসি।

ওদিকে বাঘার পিছনে—ঘাসবন পুড়িয়ে আগুন এগিয়ে আসছে। বাঘা এমন নিরস্ত্র নিরীহ শিকারের স্বযোগ কিছুতে পরিত্যাগ করতে পারছে না। নইলে সে পালাত। পালাত দক্ষিণ মুখে—যেদিকে ওই চাষীরা চাষ করছে; ঘোষেরা গরু মহিষের বাথান দিয়ে বসে আছে। মহিষের শিংয়ে—ঘোষেদের লাঠিতে, দাঁওয়ের কোপে বাঘা মরত।

সরস কৌতুকে উজ্জল হয়ে উঠল পিঙলা। ডোঙার উপরে বসে সে স্বহৃদে গান ধরে দিলে;—ঠিক যেন বাঘটার সঙ্গে প্রেমালাপ করছে গান গেয়ে।

বঁধু তুমি—আইলা যোগীর ব্যাশে।

হায়—অবস্থাবে!

মরণ আমার হায় গ—মরণ

লয়ন জলে ধোয়াই চরণ

সযতনে মুছায়ে দি আমার কালো ক্যাশে !

যদি আইল্যা অবশ্যে—হে !

হায়—হায় গ ! আইলা যোগীর ব্যাশে !

টাচর চুলে জট বাধিছো লয়ানে নাই কাজল—

অধরে নাই হাসির ছটা—চক্ষে ঝরে বাদল !

গানের স্বর তার উত্তেজনায় উচু হয়ে উঠল। বাতাসে জোর ধরেছে। আগুন দ্রুত আগিয়ে আসছে। কুণ্ডলী পাকানো ধোঁয়া এই দিকে আসছে এবার ; বাতাস ঘুরেছে। আগুনের সঙ্গে বাতাসের বড় ভাব। ইনি এলেই—উনি একেবারে ধেয়ে আসবেন। বাঘা পড়ল ফাঁদে ! “হায় রে বন্ধু আমার, হায়রে। এইবার ফাঁদে পড়ল !” গান খামিয়ে আবার সে খিল খিল ক’রে হেসে উঠল !

বন্ধু এবার বুঝেছে।

একেবারে রাগে আগুন হয়্যা—আয়ান ঘোষ আসছে হে ! এই বারে ঠেলা সামলাও ! বাঘা এবার ফিরল—আগুন দেখে সচকিত হয়ে দ্রুত চলতে শুরু করলে—দক্ষিণ মুখে। ও দিক ছাড়া পথ নাই। কিন্তু ও পথেও—তোমার কাঁটা বন্ধু ! হায় বন্ধু !

চৌচিয়েই কথাগুলি বলছিল পিঙলা। তার আজ মাতন লেগেছে। সেও হাতে জল কেটে—ডোঙাটাকে দক্ষিণ দিকে নিয়ে চলেছিল। কিন্তু হঠাৎ কি হল। বাঘটা একটা প্রচণ্ড হুকার ছেড়ে—থমকে দাঁড়াল ; দু পা পিছিয়ে গেল। সেই প্রচণ্ড চীৎকারে—তার হাত থেমে গেল, মুখের কথা বন্ধ হয়ে গেল। বাঘের হুকার সমস্ত চরটাকেই খেন চকিত করে দিলে।

আ—হায়—হায়—হায় ! উল্লাসে উত্তেজনায যেন থরোথরো কাঁপন
বয়ে গেল পিঙলার সর্বদেহ মনে । সে চীৎকার করে উঠল—আ !

বাঘার সামনে মাথা তুলে দাঁড়িয়েছে—মন্ত এক পদ্মনাগ ।

আ—! হায়—হায়—হায়, মরি—মরি—মরিরে !

ওদিকে আগুনের আঁচ পেয়ে বেরিয়েছে পদ্মনাগ । সেও পালাচ্ছিল,
এও পালাচ্ছিল, হঠাৎ দুজনে পড়েছে সামনা সামনি ! নাগে-বাঘে
লাগল লড়াই । হায়-হায়-হায় !

সে ডোঙাটাকে নিয়ে চলল তীরের দিকে । ভাল ক’রে দেখতে
হবে । মরি-মরি-মরি কি বাহারের খেলা রে ! সোজা মাথা তুলে
দাঁড়িয়ে তুলছে পদ্মনাগ । চোখে তার স্থিরদৃষ্টি । কালো দুটি মটরের
মত চোখ । তাতে কোন ভাব নাই—কিন্তু বিষমাখা তীরের মত তীক্ষ্ণ
এবং সোজা । বাঘা যে দিকে ফিরবে—সে চোখও সেই দিকে ঘুরবে—
তার ফণার সঙ্গে । মরি-মরি-মরি পদ্মফুলের মত চক্ৰটির কি বাহার !
লিক্ লিক্ ক’রে চেয়া জিভ মুহুমুহ বের হচ্ছে আগুনের শিখার মত ।
বাঘাও হয়ে উঠেছে ভয়ঙ্কর । —চোখ দুটো যেন জ্বলছে—লম্বা কালো
কাঠির মত তারা দুটো চওড়া হয়ে উঠেছে । গৌফগুলো হয়ে উঠেছে
খাড়া সোজা ; হিংস্র দুপাটি দাঁত বের করে সে গর্জাচ্ছে ; গায়ের রোঁয়া
যেন ফুলছে—লেজটা আছড়ে আছড়ে পড়ছে মাটির উপর । কিন্তু তার
নড়বার উপায় নাই । নড়লেই ছোঁবল মারবে পদ্মনাগ । নাগও নড়ছে না,
স্বযোগ পেলেই বাঘা মারবে তার খাবা নাগের মাথার উপর । বাঘা
মধ্যে মধ্যে এগিয়ে যাবার চেষ্টা করছে—সঙ্গে সঙ্গে সভয়ে পিছিয়ে
আসছে । মাটির উপর ছোঁবল পড়ছে নাগের । বাঘা সঙ্গে সঙ্গে লাফ
দিয়ে পড়তে চায়—নাগের উপর কিন্তু তা পারছে না, লাফ দিবার
উত্তোগ করতে করতে নাগ যেন বিদ্যুতের মত উঠে দাঁড়াচ্ছে । তখন

যদি বাঘা লাফ দেয়—তবে রক্ষা থাকবে না—একেবারে ললাটে ঝংশন করবে নাগ। সেটা বুঝছে বাঘা। তাই লাফ না দিয়ে ব্যর্থ কোধে উঁচু দিকে মুখ তুলে চীৎকার ক'রে উঠছে।

ডোঙার উপর উঠে দাঁড়াল—পিঙলা।

আ—। আ—মরি মরিরে! আ—।

চারিদিকের একদিকে গঙ্গা—একদিকে বিল। আর দুদিক থেকে ছুটে এল বেদেরা, ঘোষেরা চায়ীরা। বিলের দিকে—ডোঙার উপর দাঁড়িয়ে নাগিনী কত্তা পিঙলা।

গঙ্গারাম দাঁড়িয়েছে বাঘটার ঠিক ওদিকে। তারও চোখ জ্বলছে। তার হাতে শড়কি ছলছে। সে মারবে বাঘটাকে।

—না। চীৎকার ক'রে উঠল পিঙলা।

খমকে গেল গঙ্গারাম। সে তাকালে পিঙলার দিকে। বাঘটার মতই দাঁত বার করে বললে—লাগ মরবে বাঘার হাতে?

—কে কার হাতে মরে দেখ ক্যানে!

—তা পরেতে? লাগ যদি মরে—

—বাঘাকে রেখা যাবে না!

—না। বিষহরির দাস হামরারা—। বলতে বলতে হাতের সড়কিটা ছলে উঠল। পিঙলা মুহূর্তে ঝাঁপ দিয়ে পড়ল জ্বলে। সড়কিটা সাঁ করে ডোঙার উপরের শৃঙ্খল দিয়ে ছুটে বেরিয়ে গিয়ে পড়ল বিলের জ্বলে। পিঙলার বুঝতে ভুল হয় নাই। বাঘাকে বিধবে তো—পিঙলার চোখে চোখ কেন গঙ্গারামের? পর মুহূর্তেই আর একটা সড়কি বিধ্বল বাঘটাকে। গর্জন করে লাফিয়ে উঠল বাঘটা। যে মুহূর্তে সে পড়ল মাটিতে সেই মুহূর্তে বিদ্যুৎ বেগে এগিয়ে এসে পদ্মনাগ তাকে মারলে

ছোবল। আহত বাঘটা ধাবা তুলতে তুলতে সে এঁকেবঁকে—তীর গতিতে গিয়ে পড়ল বিলের জলে। মুখ ডুবিয়ে এখন সে চলেছে সোজা তীরের মত, তার নিঃশ্বাসে পিচকারির ধারার মত জল উৎক্ষিপ্ত করে চলেছে। কিন্তু জলে রয়েছে নাগিনী কন্না। একবুক জলে দাঁড়িয়ে—সে লক্ষ্য করছিল। ডোঙার উপর উঠে বসল সে। খপ ক'রে চেপে ধরল নাগের মাথায়। অস্ত্র হাতে লেজে। নাগ বন্দী হল।

বেদেরা ধ্বনি দিয়ে উঠল।

গঙ্গারাম ঘাটে এসে দাঁড়াল। ডোঙাটা ঘাটে এসে লাগতেই সে বললে—ঘাটে খেয়ান না কর্যা তু ডোঙায় বস্তা থাকলি? খ্যানত করলি?

পিঙলা হেসে বললে—ইটা নাগিনী গ বাবা। বাঘাটা নাগিনীর হাতে মরিছে।

চীৎকার করে উঠল গঙ্গারাম—খ্যানত ক্যানে করলি? ঘাটে বস্তা খেয়ান না কর্যা—ইটা কি হইল?

পিঙলা স্থির দৃষ্টিতে তার দিকে চেয়ে রইল। এ তার বিচিত্র দৃষ্টি। মনে হয় ওর প্রাণটাই যেন আগুনে জ্বলতে জ্বলতে চোখ দিয়ে বেরিয়ে আসছে।

ভাছ এবার এগিয়ে এসে বললে—ইটা তুই কি কইছিস গঙ্গারাম। বাঘের মুখে পরানটা যেত না?

পিঙলা হেসে বললে—সে ভালই হইত রে ভাছ মামা। নাগিনীর হাত হইতে বাঘটা বেঁচ্যা যেত।

তারপর বললে—লে নাকাড়া বাজা—পূজা আন। মা তো জাগিছেন রে। চাক্ষুষ পেমান তো মোর হাতেই রইছে। পদ্মনাগিনী। অরে হাবু, লে তো—সড়কিটা জলে পড়িছে—তুল্যা আনু তো। দে—শির-

বেদেকে ফিরায়ে দে। আঃ—কি রকম সড়কি ছুড়িস তু শিরবেদে হয়।
—ছি-ছি-ছি! ভাম হয়ে দাঁড়ায়ে ক্যানে গ? লে-লে পূজা আন।
বাঘাটার চামড়াটা ছাড়ায়ে লিবি তো নে। আর দাঁড়ায়ে থাকিস না।
বেলা দু পহর চলে গেল। তিন পহর হয় হয়। জমুনীর ঘুম ভাঙিছে
খিদা লাগে না! বাজা-গ—তুরা বাজা।

বাজতে লাগল নাকাড়া।

গঙ্গারাম যাই বলুক, বেদেপাড়ার লোক এবার খুব খুশি। এবার
শিকার হয়েছে প্রচুর। খরগোশ, সজারু, তিতির অনেক পাওয়া
গিয়েছে। তার উপর হাঁস বলি হবে। হিজল বিলের ধারে সাতালীগ্রাম,
সেখানে মাংস দুর্লভ নয়। ফাঁদ পাতলেই সরালি হাস, জল মুরগি পাওয়া
যায়। কাদাখোচা, হাঁড়িটাচা, শামকল দল বেঁধে বিলের ধারে ধারে
লম্বা পা ফেলে ঘুরছে। বাঁটুল মেরে ভীর ছুঁড়ে তাও মারা যায় অনায়াসে।
কিন্তু তা! বলে আজকের খাওয়ার সঙ্গে সে খাওয়ার তুলনা হয়!
আজিকার এই দিনটির জন্ত আজ দু-তিন মাস ধ'রে আয়োজন সংগ্রহ
করছে। কাটিক মাসে হিজল বিলের পশ্চিমের মাঠ রবি ফসলে সবুজ
হয়ে ওঠে। গম, যব, ছোলা, মসুরি, আলু, পেঁয়াজ, রসুন, হরেক রকম
ফসল। ফসল পাকলে বেদেরা সেই ফসল কুড়িয়ে সংগ্রহ করে, চুরি
ক'রে সংগ্রহ করে। পেঁয়াজ, রসুন, মসুরি তারা সবত্রে রেখে দেয়
এই দিনটির জন্ত। পেঁয়াজ রসুন লম্বা মরিচ দিয়ে পরিপাটি করে রান্না
করবে মাংস; আজ খাবে পেট ভরে; কাল পরশুর জন্ত বাসি ক'রে রেখে
দেবে। বাসি মাংস রাঁধবে মসুরি কলাই মিশিয়ে। এমন অপরূপ
খাদ্য কি হয়! কাজেই আজ শিকার বেশি হওয়ায় সকলেই খুশি। তার
উপর মা বিষহরির মহিমায় নাগ মেবেছে বাঘ। বাঘের চামড়াটা
ছাড়ানো হচ্ছে। ওটাকে হুন মাথিয়ে শুকিয়ে নিয়ে মাঘের থানের

আসন হবে। জয় বিষহরি! জয় পদ্মাবতী! জয় জয় বেদেবুলের
কন্বনী!

জয় বিষহরি গ! জয় বিষহরি গ!

সকল দুষ্ক হইতে মোরা তুমার রূপায় তরি গ!

অ—গ!

উৎসব আরম্ভ হয়ে গেল। বাজতে লাগল নাকাড়া, বিষমটাকি।
বাজতে লাগল তুমড়ী বাঁশী—চিমটের কড়া। পিঙলা বসেছে মাঝখানে—
ছেড়ে দিয়েছে সত্ত্ব ধরা পদ্মনাগিনীকে। অবশ্য এরই মধ্যে তার বিষ
দাঁত ভেঙে তাকে কামিয়ে নিয়েছে। সত্ত্বধরা নাগিনী, বন্দিনীদশার
ক্ষোভে, মুখের ক্ষতের যন্ত্রণায় অধীর হয়ে মাথা তুলে ক্রমাগত ছোবল
মারছে। পিঙলার হাতের মুঠা—ঘুরিয়ে—হাঁটু ছুলিয়ে—তাকে বলছে—
নে—দংশা—দংশা না দেখি। ঠিক ছোবলের সময় হাঁটু হাত এমন
ভাবে সরে যাচ্ছে যে, নাগিনী মুখ আছড়ে পড়ছে মাটিতে।
পিঙলা—গাইছে—

নাগিনী তুই ফুঁসিস না!

ও কালামুখী নাগিনী লো—এমন কর্যা ফুঁসিস না

ও-দেখলে তারে পাগল হবি—তাও কি লো তুই বৃক্ষিস না!

এমন কর্যা ফুঁসিস না!

ওদিকে গঙ্গারাম বসেছে মদের আসর পেতে। চোখ দুটো রাঙা
কুঁচের মত লাল হয়ে উঠেছে। কিন্তু সে আজ গম্ভীর! অগ্র কেউ
লক্ষ্য না করলেও ভাদ্ সেটা লক্ষ্য করেছে। গঙ্গারামকে ভাদ্ ভাল
চোখে দেখে না। ভাদ্ বেদের দেহখানা যেমন প্রকাণ্ড—সাহসও
তেমনি প্রচণ্ড। সাপ ধরতে সাপ চিনতেও সে তেমনি ওস্তাদ।
গঙ্গারাম ডাকিনী-সিদ্ধ—হোক ডাকিনী-সিদ্ধ—কিন্তু বিষবিজ্ঞায় ভাদ্‌র

কাছে সে লাগে না। মহাদেবের কাছে সে বিছাগুলি শিখে নিয়েছে পিঙলার মামা ভাছ। মা-বাপ মরা কত্তেটিকে সে-ই মালুষ করেছিল। তাকে নাগিনী কণ্ঠারূপে আবিস্কার প্রকৃতপক্ষে করেছিল ভাছ। শবলার সঙ্গে যখন মহাদেবের বিবাদ চরমে উঠেছিল—যখন মহাদেব মা বিষহরিকে ডাকছিল—মা গো, জন্মনী গো, লতুন কত্তে পাঠাও। বেদেবুলের জাতধরম বাঁচাও। পুরানো কত্তের মতি মলিন হল মা, সর্বনাশীর পরানে সর্বনাশের তুফান উঠিছে। সর্বনাশ হবে। তুমি বাঁচাও। লতুন কত্তে পাঠাও।

তখন ভাছই বলেছিল—পিঙলার পানে তাকায়ে দেখিছ ওস্তাদ? দেখো দেখি ভাল করে! কেমন কেমন লাগে যেন আমার!

—কেমন লাগে?

—ললাটে—লাগচক দেখবার দিষ্ট মুই কোথা পাব? তবে—ইদিকের লক্ষণ দেখা যেন মনে লাগে—লতুন কত্তে আসিছে, ফুটিছে কত্তেটির অঙ্গের লক্ষণে।

এই জাগরণের দিনে—এই আগুনের আঁচে যেদিন নাগেরা ঘুম থেকে জাগে—এই দিনের উৎসবেই ভাছ পিঙলার হাত ধরে মহাদেবের সামনে দাঁড় করিয়ে দিয়ে বলেছিল—দেখ দেখি ভাল কর্যা।

—ই! ই! ই!

চীৎকার ক'রে উঠেছিল মহাদেব—জয় মা বিষহরি। লাগচক—লাগচক! কত্তের ললাটে লাগচক। এলেন—এলেন। লতুন কত্তে এলেন।

পিঙলা হল লতুন নাগিনী কণ্ঠা। ভাছ হ'ল মহাদেবের ডান হাত। শবলা পিঙলাকে বলেছিল—তুর ভয় নাই পিঙলা। তুর অনিষ্ট মুই করব না। তুরে মুই সব শিথিয়ে যাব, বল্যা যাব গোপন কথা। ভাছকে কিন্তু সাবধান। তুর মামা হলি কি হয়,—শিরবেদের

মনরেখে—তুৱে নাগিনী কত্তে করে দিলে। শিরবেদের পরে উই হবে শিরবেদে! উকে সাবধান। নাগিনী কত্তে আর শিরবেদে। সাপ আর নেউল। ই বিবাদ চিরদিনের। উরে সাবধান।

গঙ্গারাম ফিরে না এলে ভাহুই হ'ত শিরবেদে। ভাহুর মন্দকপালের জন্তুই গঙ্গারাম ফিরল। প্রথম প্রথম গঙ্গারাম ভাহুর কথা শুনেই চলত। কিন্তু ডাকিনী-সিদ্ধ গঙ্গারাম কিছুদিনের মধ্যেই ভাহুকে ঝেড়ে ফেলে দিলে। ভাহুও বিষবিছার শুস্তাদ, সে ও তো সামান্ত জন নয়, ঝেড়ে ফেলতে গেলেই কি ফেলা যায়। সে বিছার জোরে নিজের আসন রেখেছে, সেই আসনে বসে সে তীক্ষ্ণ দৃষ্টি রাখে গঙ্গারামের উপর।

গঙ্গারাম আজ গম্ভীর, সেটা ভাহু লক্ষ্য করেছে। সে জিজ্ঞাসা করলে—কি ভাবিছ গ শিরবেদে?

—জ্ঞা? —কি ভাবিব?

—তবে? আনন্দ কর—আনন্দের দিন। দিন গেল্যা—তো চল্যাই গেল। হাস খানিক।

—হাসিব কি? তু কইলি—খ্যানত হয় নাই কিন্তু হামরার মনে তা লিছে না। কত্তাটা খ্যানত করিছে। উটা হইছে সাক্ষাৎ পাপ।

—তবে মায়েরে ডাক। লতুন কত্তে দিবেন জহুনী! পাপ বিদায় হবে। নয় তো—। হাসলে ভাহু।

—হাসিলি যে? লয় তো কি, না বল্যা চূপ করলি? বল, কথাটা ভাষ কবু!

কথা শেষ হবার অবকাশ হ'ল না। এসে দাঁড়াল দুজন বেদে।—
লোক আসিছে গ!

—লোক?

—ই। লোক আসিছে ডাক নিয়া।

—ডাক নিয়া?

অর্থাৎ আহ্বান এসেছে বিষবৈজ্ঞের। কোথাও নাগ-আক্রমণ হয়েছে। মানুষ শরণ মেগেছে—বিষহরির সন্তানদের। সঙ্গে সঙ্গে যেতে হবে। এই নিয়ম।

দংশন হয়েছে বড় জমিদার-বাড়ীতে। সীতালী থেকে ক্রোশ তিনেক পশ্চিমে। পুরানো জমিদার বাড়ীতে গত বৎসর থেকেই নাগের উপদ্রব হয়েছে। গত বৎসর বর্ষায় সাতাশটা গোখুরার বাচ্চা বেরিয়েছিল। বাড়ীর দরজায় উঠানে আশে পাশে—ঘরের মেঝেতে পর্যন্ত। বাবুবা ডেকেছিলেন—মেটেল বেদেদের। ওখানে ক্রোশ খানেকের মধ্যেই আছে মেটেল বেদে। মেটেল বেদেরা বিষহরির সন্তান নয়। ওরা সাধারণ বেদে। ওরা জলকে এড়িয়ে চলে। মাটিতে কারবার। হাঁটা-পথে ওরা ঘুরে বেড়ায়। ওরা সাপ বিক্রী করে। ওরা চাষ করে, লাঙল ধরে। সীতালীর বিষবেদেদের সঙ্গে ওদের অনেক তফাৎ।

ওরা অবশ্য বলে—তফাৎ আবার কিসের?

সীতালীর বেদেরা হাসে। তফাৎ কি? নিয়ে এস মাটির সরায় জীবের তাজা রক্ত। ফেলে দাও গোখুর কি কালনাগিনীর এক ফোটা বিষ। কি হবে? বিষের ফোটা পড়বামাত্র রক্ত টগবগ ক'রে ফুটে উঠবে, আগুনের আঁচে ফুটন্ত জলের মত। তারপর খানা খানা হয়ে ছানার মত কেটে যাবে। খানিকটা জল টলটল করবে—তার উপর ভাসবে জলের উপর তেলের মত নাগগরল। তারপর—আয়রে মেটেল বেদে! নিয়ে আয় তোর জড়ি-বুটি-শিকড়-পাথর, মস্ত তন্ত্র। নে—ওই জমাট বাঁধা রক্তকে কর—আবার তাজারক্ত।

নাই—নাই, সে বিগ্ৰে, তোদের নাই। সে বিগ্ৰা আছে সীতালীর বিষবেদেদের। তারা পারে—তারা পারে। তাদের সীতালীতে এখনও আছে সীতালী পাহাড় থেকে আনা এক টুকরা মূলের লতা। সেই লতার রস, তাজা লতার রস ফেলে দিবে সেই জমাট বাধা রক্তে ; হাঁকবে, মা বিষহরিকে স্বরণ করে তাদের মন্ত্র। দেখবি—তেলের মত সাপের বিষ মিলিয়ে যেতে থাকবে, জমাট বাধা রক্তের ঢেলা আর জল মিশে যাবে। মনে হবে—গলে গেল, আগুনের আঁচের নীর মত।

ঝাপান খেলা দেখে যাস সীতালীর বিষবেদেদের। তাদের সঙ্গে তাদের তুলনা ! হা—হা ক’রে হাসে বিষবেদেরা।

গতবছর সেই মেটেল বেদেদের ডাক দিয়েছিলেন বাবুরা। তারা এসে হাত চালিয়ে গুণে বলেছিল—এ উপদ্রব ঘরের নয়, বাইরের। বাড়ীর বাইরে কোথাও নাগের বংশবৃদ্ধি হয়েছে ; সেই বংশের কান্ধা বাচ্চারা বড় বাড়ীর শুকনো তকতকে মেঝেতে ঘর খুঁজতে এসেছে। তারা জড়ি দিয়ে বিষহরির পুষ্প দিয়ে মন্ত্র পড়ে বাড়ীর চারিপাশে গণ্ডি টেনে দিয়েছিল, গৃহবন্ধন করে দিয়েছিল ; বাবুরাও বিলাতী ওষুদ ব্যবহার করেছিলেন ; ওদিকে আশ্বিন শেষ হতেই কার্তিকে নাগেরা কালঘুমে—মুদ নিয়েছিল। এবার এই ফাঙ্কন মাসেই নাগ দেখা দিয়েছেন তিন দিন। বাড়ীর পুরানো মহলে রান্নাবাড়ী ভাঁড়ার ঘর ; সেই ভাঁড়ারে গিন্নী ছুদিন দেখেছেন নাগকে। প্রকাণ্ড গোথুরা। আজি ভোর রাত্রে, পাচক ব্রাহ্মণ উঠেছিল বাইরে ; ঘর থেকে বাইরে ছু পা দিতেই তাকে দংশন করেছে। মেটেল বেদেদের ডাকা হয়েছে। সঙ্গে সঙ্গে বিষবেদেদের কাছেও লোক এসেছে। যেতে হবে।

ভাহু উঠে দাঁড়াল। কানে নাকে হাত দিয়ে মাকে স্মরণ করে বললে—গঙ্গারাম !

—ই।

গঙ্গারাম জননীকে স্মরণ করে উঠেই চলে নাচ-গানের আসরে।

আজিকার দিন, কণ্ঠাকেও সঙ্গে যেতে হবে। কণ্ঠা নইলে মা বিষহরির পুষ্প দিয়ে গৃহবন্ধন করবে কে ?

সাঁতালী গ্রামের বেদে-বেদেনীরা উৎফুল্ল হয়ে উঠল। এমন শুভ লক্ষণ পঞ্চাশ বছরে হয় নাই। জাগরণের দিনে এসেছে এমন বড় একটা ডাক।

নিয়ে আয় ঝাঁপিয়ুলি—তাগা, শিকড়, বিশলাকরনী, ঈশের মূল, সাঁতালী পাহাড়ের সেই লতার পাতা, পাতা যদি না দেখা দিয়ে থাকে তবে একটুকরো মূল। মূল খুঁজে না পাস, নিয়ে আয় ওখানকার খানিকটা মাটি। বিষহরি পুষ্প সঙ্গে নে, আর নে বিষপাথর। ঝাঁপি নে, খালি ঝাঁপি, আর খস্কা নিয়ে চল।

সাঁতালী পাহাড়ের মূল থেকে পাতা আজও গজায় নাই। নতুন বছরের জল না পেলে গজায় না। মূলও তার পুরানো হয়েছে। তার উপর কেটে কেটে মূলও হয়ে পড়েছে দুর্লভ।

ভাহু বললে—ওতেই হবে। মাহুটা বাঁচবে লাগছে না। ভোর রাতের কামড়—সাক্ষাৎ কালের কামড়। ওতে বাঁচে না। যদি পয়ানটা থাকেও এতক্ষণ, তবুও ফিরবে না। তবে জমিদার-বাড়ীর লাগ্ন বন্দী করলে শিরোপা মিলবে।

পিঙলা বললে—তুরা যা, মুই যাব না।

—ক্যানে ?

—না। অধরমের শিরোপা নিয়া মোর কাজ নাই।

—কন্তে ! গঙ্গার স্বরে শাসন ক'রে উঠল গঙ্গারাম ।

সঙ্গে সঙ্গে ভাঙে যোগ দিলে—পিঙলা !

পিঙলা হাসলে বিচিত্র হাসি । বারুদের বাড়ীর লোক দুটি পাশেই দাঁড়িয়েছিল, তারা বললে—গিন্নী-মা বারবার ক'রে বলে দিয়েছেন—ওদের কন্তেকে আসতে বলবি । বিষহরির পূজা করাব ।

কি বলবে পিঙলা এদের সামনে ? কি ক'রে বলবে ?

ভাঙে বললে—হোথাকে বিষ লহমায় এক যোজন ছুটছে কন্তে—নরের রক্তে নাগের বিষ পাখার হয়্যা উঠছে । সে পাথারে পরান পুতুল ডুব্যা গেলে আর শিবের সাধ্য হবে নাই । চল—চল । দেরি করলে অধরম হবে ।

—অধরম ? হাসলে পিঙলা ।—মুই অধরম করছি ?

—হাঁ করছিস ।

—তবে চল । তোর ধর্ম তোর ঠাই । তোর লগাটও তোর ঠাই । মুই কিন্তুক সাবধান কর্যা দিছি তুকে । তু সাবধান হয়ন্ন লাগ বন্দী করিস ।

তীর্থকদৃষ্টিতে চাইলে তার দিকে—ভাঙ-গঙ্গারাম হুজনেই ।

তাতেও ভয় পেলো না পিঙলা । বললে—মহিষের শিঙ দুটা বাঁকা, ইটা ইদিকে যায় তো উটা উদিকে যায় । কিন্তু কাজের বেলায়—যুববার বেলা—হুটার মুখই এক দিকে !

গঙ্গারাম উত্তর দিলে না । ভাঙ হাসলে । বললে—কন্তের হামরাদের বড় খর দিষ্টি গ । দিষ্টিতে এড়ায় না কিছু ।

—গামছাটা কোমরে ভাল কর্যা জড়িয়ে লে গ ।

গঙ্গারাম চমকে উঠল ।

ভাদ্র বললে—অঃ—খুব বলেছিস গ কত্তে। বেঁচ্যা থাক গ বিটা!
বেঁচ্যা থাক।

—ললাট করবার লেগ্যা? তা মুই বাঁচিব অনেক কাল। বুঝা
না মামা। বাঁচিব মুই অনেক কাল। আজ যখন সড়কিটা বাঘ না
বিঁধা—বাতাস বিঁধা জলে পড়িছে—তখন বাঁচিব মুই অনেক কাল।
হেসে উঠল সে।

গঙ্গারাম পিছিয়ে পড়েছিল। সে কাপড় স্টেটে, গামছা কোমরে
ভাল ক'রে বেঁধে নিচ্ছিল। এগিয়ে এসে সঙ্গ নিয়ে সে বললে—কি?
হাসিটা কিসের গ?

—সড়কির কথা বুলছে কত্তে।

—হঁ। মুই ও বুঝতে পারি—কি ক'রে ফসকায়ে গেল।

—কাকে রে? বাঘটাকে না—পাপিনীটাকে?

—কি বুলছিস তু গ?

—বুলছি, চাল সিদ্ধ করলি পর ভাত হয়। এমুন আশ্চর্য কথা
কেনেছিস কখনও? সে আবার হেসে উঠল।

(ভিন)

জনহীন হিজলের পশ্চিম কূল তার হাসিতে যেন শিউরে উঠল। ঘন গাছপালার মধ্য থেকে একটা কোকিল পিক্-পিক্ শব্দ করে উড়ে চলে গেল; এক বাঁক শালিক বসেছিল মাঠের মধ্যে, তারা কিচ কিচ, কলরব ক'রে পাখায় ঝরঝর শব্দ তুলে উড়ল আকাশে। সে হাসি যেন পাতলা লোহার কতকগুলো ছুরি কি পাত বনঝনিয়ে মাটিতে পড়ে গেল।

গঙ্গারাম আবার তার দিকে ফিরে চাইলে। ভাহুও তাকালে আবার।

আবারও হেসে উঠল পিঙলা।

গঙ্গারাম এবার বললে—হাসিস না তুকে বলছি মুই।

ভাহু মুহু স্বরে বললে—সাথে লোক রইছে গ কত্তে। ছিঃ! ঘরের কথা লিয়ে পরের ছামুতে—না, ইটা করিস না।

পিঙলার তখন খানিকটা পরিতৃপ্তি হয়েছে। অনেক কাল হেসে এমন সুখ সে পায় নাই। এবার তার খেয়াল হ'ল সঙ্গে বাবুদের বাড়ীর লোক রয়েছে। তাদের সামনে একথার আলোচনা সম্ভব হবে না। মনে পড়ল মা-মনসা ও বেনেবেটীর কাহিনীর কথা। মা বেনেবেটীকে বলেছিলেন—কত্তে, সবদিক পানে চেয়ো, কেবল দক্ষিণ দিক পানে চেয়ো না। বেনেবেটীর অদৃষ্ট, আর নরেনাগে বাস হয় না, একদিন সে নাগেন্দ্রের দুধ জাল না দিয়ে পড়ল ঘুমিয়ে। নাগেরা গিয়েছিল বিচরণ করতে। পাহাড়-অরণ্যে সমুদ্রে-নদীতে বিচরণ করে তারা ফিরল। ফিরে তারা দুধ খায়—দুধের জন্ত এল; এসে দেখে বেনে বোন ঘুমুচ্ছে, তারা কেউ তার হাত চাটলে—কেউ গা চাটলে—কেউ পা চাটলে—কেউ কোঁস-

হুঁসিয়ে বললে—ও বেনেবোন, খিদে পেয়েছে, তুই ঘুমবি কত? বেনেবেটার ঘুম ভাঙল, লজ্জা হল, ধড়মড়িয়ে উঠে বললে—এই ভাইয়েরা, একটু সবর কর, এখুনি দিচ্ছি। হুঁমুড়িয়ে খড় তালপাতা নিয়ে উনোন জাললেন—হুড়ুড়িয়ে জাল দিলেন, টগবগিয়ে দুধ ফুটল; বেনেবেটা কড়া নামালেন। তারপর হাতায় দুধ মেপে কাউকে দিলেন বাটাতে, কাউকে গেলাসে, কাউকে খোরায়, কাউকে পাথরের কটোরায়, কাউকে কিছুতে অর্থাৎ হাতের কাছে যা পেলেন তাতেই দুধ পরিবেশন করে বললেন—খাও ভাই।

আগুনের মত গরম দুধ, সে ছুধে মুখ দিয়ে কারুর ঠোঁট পুড়ল, কারুর জিত কারুর গলা কারুর বা বিষের থলি পুড়ে গেল। বস্ত্রণায় সহস্র নাগ গর্জে উঠল। তারা বললে—আজ বেনে কল্লেকে খাব।

মা-মনসার টনক নড়ল—আসন টলল, তিনি এলেন ছুটে। বললেন—খাম খাম।

—না, খাব আজ বেনে কল্লেকে। সহস্র নাগের বিষে মরুক জলে—আমরা জালায় মরে গেলাম।

মা বললেন—দশ দিনের সেবা মনে কর, একদিনের অপরাধ ক্ষমা কর। দশ দিন সেবা করতে গেলে একদিন ভুলচুক হয়—অপরাধ ঘটে। ক্ষমা করতে হয়।

নাগেরা ক্রান্ত হল সেদিন, বললে—আর একদিন হলে ক্ষমা করব না কিংবা।

মা বললেন—তার দরকার নাই বাবা। কল্লেকে স্বস্থানে রেখে এস গিয়ে। নয়ে নাগে বাস হয় না। আমি বলছি রেখে এস।

বেনে কল্লে মর্ন্তে স্বস্থানে আসবেন। উষ্মা হল, আয়োজন হল। বেনে কল্লে ভাবলেন—এই তো বাব আর তো আসব না। তা সব

দিক দেখেছি, কেবল দক্ষিণ দিক দেখি নাই। মায়ের বারণ ছিল। এবার দেখে যাই দক্ষিণ দিক।

ঘরের বন্ধ করা দক্ষিণের দুয়ার খুললেন। দেখেই শিউরে উঠলেন। মা-বিষহরি—সেই রূপে বসে আছেন—যে রূপ দেখে স্বয়ং শিব ঢলে পড়েছিলেন! নাগ-আসনে বসেছেন, নাগ-আভরণে সজ্জেছেন, বিষের পাথার গণ্ডুষে পান করছেন আবার উগরে দিচ্ছেন, সঙ্গে সঙ্গে সে পাথার সহস্র গুণ বিশাল হয়ে উথলে উঠছে। সে বিষপাথারের স্পর্শ লেগে নীল আকাশ কালো হয়ে গিয়েছে, বাতাস বিষের গন্ধে ভরে উঠেছে, সে বাতাস অঙ্গে লাগলে জ্বলে যায়, নিশ্বাসে নিলে জ্ঞান হারায়। দেখেই ঢলে পড়ে গেলেন বেনে কণ্ঠে। ওদিকে অন্তর্ধামিনী মা জানতে পেরেছেন; তিনি বিষহরির বিষময়ী মূর্তি সম্বরণ করে অমৃতময়ী রূপ ধরে এসে তার গায়ে অমৃত স্পর্শ বুলিয়ে দিলেন, জিজ্ঞাসা করলেন—ও বেনেবেটী, কি দেখলি বল?

—না মা, আমি কিছু দেখি নাই।

—ও বেনেবেটী, কি দেখলি বল?

—না মা, আমি কিছু দেখি নাই।

—ও বেনেবেটী, কি দেখলি বল?

—না মা, আমি কিছু দেখি নাই।

মা তখন প্রসন্ন হয়ে বলেছিলেন—তুই আমার গোপন কথা ঢাকলি স্বর্গে—তোর কথা আমি ঢাকব মর্ত্যে। গোপন কথা ঢাকতে হয়, যে ঢাকে তার মহাপুণ্য, মহাপুণ্য হবে তোর। স্বর্গে অমৃতের রাজ্য, সেখানে মা বিষ পান করেন বিষ উদগার করেন সে যে দেবসমাজে কলঙ্কের কথা। মায়ের যে কলঙ্ক রটত!

“মোর ঢাকলি স্বর্গে, তোর ঢাকবে মর্ত্যে।” মা বিষহরির কথা।

থাক গঙ্গারামের গোপন কথা—দশের সামনে ঢাকাই থাক। পিঙলা নীরব হল। প্রসন্ন অন্তরেই পথ চলতে লাগল।

ক্ষতপদে হাঁটছে তারা।

হিজলের পশ্চিম কুলের মাঠের ভিতর দিয়ে চলে গিয়েছে পথ। পথে একহাঁটু ধূলা। গঙ্গার পলিমাটি—মিহি ফাগের মত নরম। ফাস্তুনের তিন পহর বেলা—উত্তপ্ত হয়ে উঠেছে, পায়ের তলায় ধূলা তেতে উঠেছে, বাতাসে गरমের আঁচ লেগেছে। পিঙলার সর্বদেহে যেন একটা নেশার জ্বালা ধরে যাচ্ছে। মাঠে তিল ফসলে বেগুনী বড়ের ফুল ফুটেছে। একেবারে যখন চাপ হয়ে ফুল ফুটবে তখন কি শোভাই হবে! কতকগুলি ফুল তুলে সে খোঁপায় গুঁজলে।

গঙ্গারাম বললে—তিলফুল তুল্য। খোঁপায় দিলি—তিলগুনা খাটতে হবে তুকে। চৈতলক্ষ্মীর কথা জানিস?

—জানি। তিলগুনা তো খেটেই যেছি অমনিতে, যাবার সময় তুকে দিয়া যাব গজমতি হার। চৈতলক্ষ্মীর কথা যখন জানিস—তখন-মা-লক্ষ্মী যাবার কালে বেরাক্ষীকে গজমতি হার দিয়া গেছিল—সে কথাও তো জানিস!

গজমতি হার—অজগর সাপ।

ব্রাক্ষী ছদ্মবেশিনী লক্ষ্মীকে হতভ্রম্ভা করতেন, অপমান করতেন, তাই লক্ষ্মী যখন স্বরূপে আত্মপ্রকাশ করে বৈকুণ্ঠে যাবার জন্তু রথে চড়ছেন, তখন ব্রাক্ষী ছুটে এসে যখন বললে—মা, আমাকে কি দেবে দিয়ে যাও।

তখন মা হেসে বললেন—তোমার জন্তু হাঁড়কো কোটরে আছে গজমতি হার।

ব্রাহ্মণী ছুটে এসে হাত পুরলেন হাঁড়কো কোটরে। সেখানে ছিল অজগর—সে তাকে দংশন করলে।

গঙ্গারাম হাসলে। সে জানে। পিঙলার মনের বিষেষের কথাও সে জানে। আজ সে সত্যি তাকে লক্ষ্য ক'রেই সড়কিটা ছুঁড়েছিল। কিন্তু পিঙলা জাত-কালনাগিনী। নাগিনী মুহূর্তে অদৃশ্য হয়; 'ওই নাগিনী'—এই কথা বলে—চোখের পলক ফেল—দেখবে কই নাগিনী?—নাই নাগিনী! ব্যাধের উত্তত বাণ তুলতে তুলতে সে মায়াবিনীর মত মিলিয়ে যায়। ঠিক তেমনি ভাবেই পিঙলা আজ ভোড়ার উপর থেকে অদৃশ্য হয়েছিল। লক্ষ্য করা পর্যন্ত পিঙলা তার সড়কির ফলার ঠিক সামনে, সড়কি ছাড়লে গঙ্গারাম—ব্যাগ—নাই, তখন ভোড়ার উপর শূন্য, হিজল বিলের জল ছলে উঠল, পিঙলা তখন জলে পড়েছে। বাহবা দিয়েছে মনে মনে!

বাহা—বাহা—বাহা। পিঙলা চলছে—যেন হেলে ছলে চলেছে। দেখে বুকের রক্ত চলকে ওঠে। গঙ্গারামের চোখে আগুন জলে।

গঙ্গারাম—গঙ্গারাম। সে ছুনিয়ায় কিছু মানে না। সব ভেলকিবাজি সব বুট। সব বুট! কত্রে? হি—হি ক'রে হাসতে ইচ্ছে করে গঙ্গারামের।

ভাঙ্গু পথে চলছে আর মস্ত পড়ছে, মধ্যে মধ্যে একটা দড়িতে গিঁঠ বাঁধছে। এখান থেকেই সে মস্ত পড়ে গিঁঠ দিয়ে বাঁধন দিচ্ছে, রোগীর দেহে বিষ ঘেন আর রক্তে রক্তে না ছড়ায়।—যেখানে রয়েছিস গরল সেইখানেই থির হয়ে দাঁড়া; এক চুল এগুলো তোকে লাগে মা-বিষহরির কিরা। নীলকণ্ঠের কণ্ঠে যেমন গরল থির হয়ে আছে—তেমনি থির হয়ে থাক! দোহাই মহাদেবের—নীলকণ্ঠের! দোহাই আন্তিকের! মা-বিষহারির বেটার!

*

*

*

*

পৃথিবীতে নাগ-নাগিনীকে বলে মায়াবী। যে ক্ষণে তারা মানুষের চোখে পড়ে, যে ক্ষণে মানুষ চঞ্চল হয়, বলে—ওই সাপ!—সেই ক্ষণেই নাগ-নাগিনী লোকচক্ষুর অগোচর হয়। মিলিয়ে তো যায় না, লুকিয়ে পড়ে। মায়ার কথা, কথার-কথা—মিলিয়ে যাবার শক্তি ওদের নাই বাবা, ওরা চতুর; যত চতুর তত স্বরিত ওদের গতি, তাই লুকিয়ে পড়ে। কিন্তু তার চাতুরী বেদের চক্ষে ছাপি থাকে না। সাপের চেয়েও বেদে চতুর, সে তার চাতুরী ধরে ফেলে। লুকিয়ে পড়েও বেদের হাত থেকে রেহাই পায় না।

পিঙলা বলে—কিন্তু বাবা, একজনের কাছে কোন চাতুরীই খাটে না। বাবা গ! ইন্দ্রাজার হাজার চোখ—ধরমদেবের হাজার চোখ নাই, একটি চোখ, মাঝ ললাটে—সে চোখের পলক নাই, তার দৃষ্টিতে কিছু লুকানো যায় না, কোন চাতুরী খাটে না।

বারবার সেই কথা বলে পিঙলা সাবধান করে দিলে গঙ্গারামকে। —চাতুরী খেলতে যাস না।

গঙ্গারাম দাঁত বার করে ঘাড় ঘুরিয়ে তাকালে। কোমরের কাপড়টা সে সেঁটে বাঁধছিল। বললে—চূপ কর তু। গঙ্গারাম ভাছ হুজনেই কোমরে কাপড়ের সঙ্গে জড়িয়ে নিয়েছে দুটো গোখুরা। রাজ-বাড়ীতে নাগ যদি থাকে তো ভালই, একটা থাকলে তিনটে বের হবে। দুটো থাকলে চারটে বের হবে। না থাকলে—দুটো পাওয়া যাবেই। সাপ থাকে ঘরের অঙ্ককার কোণে। সেখানে গর্ত দেখে গর্তটা খুঁড়বার সময়—চতুর বেদে স্বকৌশলে কোমরে বাঁধা সাপ দুটোকে ছেড়ে দিয়ে ধরে আনবে, বলবে—এই দেখেন সাপ!

মোটা শিরোপা মিলবেই। পিঙলার এটা ভাল লাগল না। অথ

করবে সাঁতালীর বেদেরা? মেটেল বেদেরা করে, ইসলামী বেদেরা করে—তাদের সাজে! সে সাবধান ক’রে দিলে। কিন্তু গঙ্গারাম দাঁত বার করে, ঘাড় বেঁকিয়ে বললে—চূপ কর তু।

দীর্ঘ নিশ্বাস ফেলে পিঙলা বললে—বেশ, তাই চূপ করলাম, তোদের ধরম তোদের ঠাই!

বাবুদের পাচক বামুন বাঁচে নাই। সে মরে গিয়েছিল। তার আসবার আগেই শেষ হয়ে গিয়েছিল। মেটেল বেদে, ডাক্তার, অস্ত্র জাতের ওঝা—কেউ কিছু করতে পারে নাই।

পরের দিন সকালে সাপ ধরার পালা। বাইরে নয়—ঘরেই আছে সাপ।

প্রকাণ্ড বড় বাড়ী। পাকা ইটের গাঁথনি। চারিপাশ ঘুরে গাণ্ড দিয়ে টেনে এল। ভিতরে বাহির মহল অন্তর মহল থেকে পুরানো মহলে ঢুকলো। ওই মহলেই পাচক বামুনকে সর্পাঘাত হয়েছে।

উঠানে বসে খড়ি দিয়ে ঘরের ছক একে মাটিতে হাত রেখে বসল ভাদু। হাত গিয়ে ঢুকল ভাঁড়ার ঘরে। বেদেরাও খিয়ে ঢুকল ভাঁড়ার ঘরে। অঙ্ককার ঘর। বেদের নাকে একটা গন্ধ এসে ঢুকল। আছে। এই ঘরেই আছে। আলো চাই। আত্মন আলো।

স্থির দৃষ্টিতে চেয়ে দাঁড়িয়ে রয়েছে পিঙলা সকলের পিছনে। দেখছে সে।

গঙ্গারাম হাঁকলে—আলো আনেন হাঁড়ি আনেন। দু-তিনটা হাঁড়ি আনেন। লাগ একটা লয় বাবা—দুটো-তিনটা। একটা পদ্মলাগ মনে লিচ্ছে। ধরব, বন্দী করব। শিরোপা লিব। আনেন।

—সবুর। হাঁক উঠল পিছন থেকে। ভারী গলায় কে হাঁকলে।

চমকে উঠল পিঙলা। গঙ্গারাম ফিরে তাকালে। ভাঙ্ চোখ তুললে।

একজন জোয়ান লোক, মাথায় চুল মুখে দাড়িগৌফ, হাতে তাবিজ, গলায় পৈতে, এসে দাঁড়াল সামনে। চোখের চাউনি দেখে পিঙলা মুহূর্তে সব বুঝতে পারলে। কেঁপে উঠল সে! কি হবে? সীতালীর বিষবেদে-কুলের মানমর্ষাদা এই রাজবাড়ীতে উঠানের ধুলার সঙ্গে মিশিয়ে দিয়ে যেতে হবে?

মা-বিষহরি গ! বাবা মহাদেব গ! উপায় কর, মান্ত বাঁচাও! যে সীতালীর বিষবেদের মস্তুর হাঁকে একদিন গর্ত থেকে নাগ বেরিয়ে এসে দণ্ড ধরে দাঁড়াতে সেই সীতালীর বিষবেদেরা আজ চোর সেজে মাথা হেঁট করে ফিরবে? মেটেল বেদেরা হাসবে, টিটকারি দেবে; এতবড় রাজার বাড়ীতে নাগবন্দী দেখতে এসেছে কত লোক, মান্তগন্ত মানুষ তারা, বিষবেদের চোর অপবাদ পথের দুপাশে ছড়াতে ছড়াতে তারা চলে যাবে। উপায় কর মা-বিষহরি!

লোকটি গম্ভীর স্বরে বললে—বেরিয়ে আয় আগে।

—আজ্ঞা?

—আগে তোদের তল্লাস করব। দেখব তোদের কাছে সাপ আছে কি না!

দু হাত উপরে তুলে দাঁড়াল গঙ্গারাম। চোখ তার জলে উঠল। কোমরে তার কাপড় জড়ানো অবস্থায় বাঁধা রয়েছে সেই কালকের ধরা পদ্মনাগ। মরিয়া বেদের ইচ্ছা—কাপড় খুলে পদ্মনাগ বের করতে গিয়ে যদি নাগ শুকে কামড়ায় তো কামড়াক। ভাতুর কোমরেও আছে একটা গোখুরা। সে কোমরে হাত দিচ্ছে, খুলে দেবে ছুঁড়ে কোণের অঙ্ককার দিয়ে। কিন্তু সতর্ক লোকটার চোখ নেউলের মত তীক্ষ্ণ। সে

বললে—খবরদার ! দাঁড়া, উঠে দাঁড়া। দাঁড়া ! সে গলার আওয়াজ কি ?
বুকটা যেন গুরু-গুরু করে কঁপে উঠছে।

—চল, বাইরে চল ! এত বড়—

—ঠাকুর ! সামনে এসে দাঁড়াল নাগিনী কণ্ঠা পিঙলা। সঙ্গে সঙ্গে
একটানে খুলে ফেললে তার পরনের একমাত্র লাল রঙের খাটো কাপড়-
খানা, পূর্ণ উলঙ্গিনী হয়ে দাঁড়াল সবার সামনে। চোখ তার জলছে—সে
চোখ তার নিম্পলক। হ্রস্ব ক্ষোভে উত্তেজনায় নিশ্বাস ঘন হয়ে উঠেছে,
নিশ্বাসের বেগে দেহ তুলছে। বললে—দেখ ঠাকুর, দেখ ! নাগ নাই,
নাগিনী নাই, কিছু নাই ; এই দেখ।

সমস্ত জনতা বিস্ময়ে স্তম্ভিত নির্বাক হয়ে চেয়ে রইল উলঙ্গিনী
মেয়েটার দিকে।

পরমুহূর্তেই মেয়েটা তুলে নিলে কাপড়খানা।

কাপড় পরে গাছকোমর বেঁধে সে গঙ্গারামের হাত থেকে টেনে নিলে
শাবলখানা। বললে—মুই ধরব সাপ ! আনেন আলো, আনেন হাঁড়ি।
থাক গ, তোরা হোথাই দাঁড়ায়ে থাক। মুই ধরব সাপ—উদের নিয়া
টানেন ক্যানে ?

শাবল দিয়ে ঠুকলে সে পাকা মেঝের উপর। নিরেট জমাট ইট-
চূনের মেঝে—ঠং ঠং শব্দ উঠতে লাগল। কোণে কোণে তীক্ষ্ণ দৃষ্টিতে
ভাকিয়ে এগিয়ে চলল বেদের মেয়ে। তার পিছনে সেই লোকটি।

হাতের আলো তুলে ধরে পিঙলা দেখলে। লাল ধুলোর মত—
ওই ওখানে কি ? একেবারে ওই প্রান্তে একটা বন্ধ দরজার নীচে

জল নিকাশের নালার মুখে ? জোরে নিখাস নিলে সে। ক্ষীণ একটা গন্ধ যেন আসছে। দ্রুত পদে এগিয়ে গেল। হাতের আলোটা রেখে সে সেই বুঝে ধুলো তুলে নিয়ে ঝুঁকলে। মুখ ফিরিয়ে—ডাকলে সেই ঠাকুরকে।

—আসেন ঠাকুর, দেখেন !

—পেয়েছিস ?

—হাঁ। শাবল দিয়ে সে ঝুঁকলে— ! ঠং শব্দ উঠল।

—কই ? ও তো নিরেট মেঝে।

—আছে। এই দেখ ফাঁপা। সে আবার ঝুঁকলে এক কোণে। এবার শব্দটা খানিকটা অন্ত রকম। আরও জোরে সে ঝুঁকলে।

—দেখ !

—গর্ত কই ?

—চৌকাঠের নিচে—জল যাবার নালির ভিতর।

—খোঁড় তবে।

পাকা মেঝের উপর শাবল পড়তে লাগল।

পিছন থেকে ভাছ বললে—সবুর রে বেটী, হুঁসিয়ার মা জহুনী।

—ক্যান্নে ?

—দাঁড়া, মুই যাই। দেখি একরার।

—না রে বাবা, মুই তোদের নাগিনী কণ্ঠে, ভরসা রাখ হামরার পরে। সঙ্কনকে দেখায়ে দিই গাতালীর বিষবেদের কণ্ঠের বাহাহুরী। কি বলছিস তু বল, হোথা থেকেই বল।

• ভাছ বললে—গর্তের মুখ কোথাকে ?

—জ্বায়ের চৌকাঠের নালাতে, ঠিক মাঝ চৌকাঠে।

—খুঁড়ছিল কোথা ?

—ডাহিনের কোণ ।

—বায়ের কোণ দেখেছিস ঠুঁক্যা ? পরখ করেছিস ?

চমকে উঠল পিঙলা । তাই ত ! উত্তেজনায়ে সে করেছে কি ?

ভাহু বললে—মনে লাগছে চাতর হবে । গত বর্ষায় দেড় কুড়ি ডেঁকা
বেরাল্ছে । দেখ, ঠুঁক্যা দেখ, আগে ।

এবার পিঙলা বায়ের কোণে শাবল ঠুকলে । ই্যা । আবার ঠুকলে ।
হাঁ—হাঁ ।

ভাহু বললে—এক কাম কর কন্তে ।

—হাঁ, হাঁ । আর বলতে হবে নাই গ বাবা ! আগে গর্তের মুখ
খুল্যা এক মুখ বন্ধ করি দিব ।

—হাঁ । ভাহু সানন্দে বলে উঠল—বলিহারি মোর বিষহরির নন্দিনী,
মোর বেদেগুলের কন্তে । ঠিক বলিছ মা । ই্যা । তা পরেতে এক এক
কর্যা খোঁড় এক এক কোণ । সম্বধান, হুঁ সিম্মারি করে ।

শাবল পড়তে লাগল ।

লাল-কাপড়ে গাছকোমর বাঁধা কালো তরী মেয়েটার অনাবৃত বাহ-
দুটো উঠছে—নামছে আলোর ছটা ঝিকমিক করে উঠছে নামছে । ঘেমে
উঠেছে কালো মেয়ে । হাঁটু গেড়ে বসেছে সে । বুকের ভিতর উত্তে-
জনায়ে খরখর করেছে । মান রক্ষে করেছেন আজ বিষহরি ! তার জীবন
আজ ষষ্ঠ হয়েছে সে সঁাতালীর বিষবেদেগুলের মান রক্ষে করতে
পেরেছে । উলজিনী হয়ে সে দাঁড়িয়েছিল—তার জন্ত কোন লজ্জা নাই,
কোন ক্লান্ত নাই তার মনে ।

সাক্ষাৎ গর্তের মুখ খানিকটা খুললে সে । লম্বা একটা নালা
চলে গেছে এদিক থেকে ওদিক । ডাইনে বসবাসের প্রশস্ত গর্ত—
বায়ের তাই, মধ্যে নালাটা নাগ-নাগিনীর রাজপথ । সদর-অন্দরের

রাস্তাঘর। খোয়া দিয়ে ঝুঁকে বন্ধ ক'রে দিলে সে বাঁ দিকের মুখ। তার-
পর শাবল চালালে ডাইনের গর্তের উপর। জমাট খোয়া উঠে গেল
খোয়ার নীচে মাটি, তার উপর ঘা মেয়ে বিস্মিত হয়ে গেল পিঙলা।
কোন সাড়া নাই!

আবার মারলে ঘা। কই? কোন সাড়া নাই! তা হলে ওপাশে
চলে গেছে? তবু সে খুঁড়লে। প্রশস্ত মন্মথ একটি কাটা হাড়ির মত
গর্ত। তাতে এক রাশি সাদা ডিম। এবার সে বাঁ দিকে মারলে শাবল।

নাঃ—আবার তার ভুল হচ্ছে। এবার সে বন্ধ করা নালার মুখ
খুলে দিলে। তারপর আঘাত করলে গর্তে।

ঠং—ঠং। ঠং—ঠং। ঠং—ঠং।

গৌ—গৌ! গৌ—গৌ। গর্জন উঠতে লাগল সঙ্গে সঙ্গে। উত্তে-
জনায় নেচে উঠল বেদেনীর মন।

আঃ—মাথার চুল এসে পড়ছে মুখে।

শাবল ছেড়ে দিয়ে—চুল এলিয়ে—আবার চুল বেঁধে নিলে শক্ত করে।
তারপর মারলে শাবল। শাবলটা ঢুকে গেল ভিতরে। সঙ্গে সঙ্গে সে
সতর্ক হয়ে বসল। হাঁ এবার আয় রে আয়—নাগ-নাগিনী আয়!
পিঙলা তৈরি। স্থির দৃষ্টি, উত্তত হাত, বসল বেদেনী এক হাঁটুর উপর
ভর দিয়ে; বাঁ হাতে শাবলখানা আরও একটু বসিয়ে দিলে চাপ।
এবার গর্জন করে বেরিয়ে এল এক প্রকাণ্ড গোখুরা। মুহূর্তে বেদের
মেয়ে ধরলে তার মাথায়।

—আ!

সঙ্গে সঙ্গে আর একটা। হাঁ। দুটো, দুটোই ছিল। নাগ আর
নাগিনী।

—হঁসিয়ার বেদের মেয়ে। চোঁচিয়ে উঠল পিছনের সেই ব্রাহ্মণ

—খাম ঠাকুর। গর্জন করে উঠল বেদের কণ্ঠে। সঙ্গে সঙ্গে সে উঠে ছুটে ঘর থেকে বেরিয়ে এসে উঠানে দাঁড়াল। বিচিত্র সে নারী মূর্তি। দুই হাতে দুটো সাপের মাথা ধরে আছে। সাদা সাপ দুটো তার কালো নখর কোমল হাত দুখানায় পাকে পাকে জড়িয়ে ধরেছে। তাকে পিষছে। কালো মেয়ে উঠানে দাঁড়িয়ে হাঁকলে—জয় বিষহরি !

তারপর ডাকলে—ধর গ, খুল্যা দে—কালের পাক খুল্যা দে।
শুনছিস গ !

ছুটে এল ভাড়া। সে ডেকে এল—গঙ্গারাম !

তারা বিচিত্র কৌশলে ধরে পাক খুলে টেনে নিলে নাগ দুটোকে। পিঙলা এবার উঠানে পা ছড়িয়ে বসে হাঁপাতে লাগল। তারপর বললে, হাত জোড় ক’রে বললে, হামরাকে জল দিবেন এক ঘটি ?

সেই ব্রাহ্মণটি এল জলের ঘটি নিয়ে। বললে—সাবাস রে কণ্ঠে ! সাবাস ! কিন্তু এক ঢোকের বেশি জল খাবি না। তোকে আমি প্রসাদী কারণ দোব। কারণ খাবি। মহাদেবের প্রসাদ ! ওরে কণ্ঠে আমি নাগু ঠাকুর।

নাগু ঠাকুর ! রাঢ় দেশের নাগের ওঝা নাগেশ্বর ঠাকুর ! সাক্ষাৎ ধনন্তরি ! ভূমিষ্ঠ হয়ে লুটিয়ে পড়ল পিঙলা তাঁর পায়ে।

নাগু ঠাকুর তার মাথায় হাত বুলিয়ে বললে—সাবাস, সাবাস ! হা—তু সাক্ষাৎ নাগিনী কণ্ঠে !

(চার)

অন্ন বিষহরি ! মা গ পদ্মাবতী, জয়, তোমার জয় !

অরণ্যে, পর্বতে, দরিদ্রের ভাঙাঘরে, রাজির অন্ধকারে তুমি গৃহস্থকে রক্ষা কর মা । বেদেগুলকে দাঁও পেটের অন্ন, পরনের কাপড় । সঁাতালীর বিষবেদেদের নাগিনী কন্তে বেদেগুলের ধর্মকে মাথায় ক'রে রাখ ; বেদের মেয়ে অবিখাসিনী—বেদের মেয়ে ছলনাময়ী—বেদের মেয়ে কালামুখী ; তাদের অধর্ম তাদের পাপ বেদেগুলকে স্পর্শ করে না ওই নাগিনী কন্তার মহিমায়, ওই কন্তার পুণ্যে ।

কন্তার পুণ্য অনেক । মহিমা অনেক ।

ভাট্ শত মুখ হয়ে উঠেছে । কন্তের অঙ্গ ছুঁয়ে বলেছে—জহ্ননী, হামরার চোখ খুলিছে । তুমার অঙ্গ ছুঁয়া—মা-বিষহরির নাম লিয়া বুলছি—হামরার চোখ খুলিছে । হাঁ, অনেক কাল পর এমন মহিমে দেখলম কন্তের । হামরার চোখ খুলিছে ।

ভাট্ দেশের মজলিসে বর্ণনা করেছে সেই ঘটনার কথা ।

বলেছে, সে স্বচক্ষে দেখেছে কন্তের মধ্যে নাগিনী রূপ । বলেছে—
আবছা অন্ধকার ঘর—বাইরে কাতার বেঁধে লোক দাঁড়িয়ে, দেখতে এসেছে—সঁাতালীর বিষবেদেরা—নাগ বন্দী করবে । ঘরের মধ্যে তিনজন বেদে আর দরজার মুখে সেই মাহুযটি, মাথায় রুখু কাল লম্বা চুল, মুখে গৌর দাড়ি, চোখে চিলের মত দৃষ্টি ! লাক্ষাং টাদ সদাগরের প্রাণের বন্ধু শব্দ গাঝড়ী । রাঢ় দেশের নাগ ঠাকুর—
নাগেশ্বর ঠাকুর । সঁাতালীর বেদের বিচার পরখ করতে নিজের পরিচয়

লুকিয়ে দাঁড়িয়েছিল ঠাকুর। তার চোখ কি এড়ানো যায়? গন্ধারামের কোমরে জড়ানো পদ্মদাগ, ঠিক ধরেছিলেন তিনি।

ভাহু বলে, মূই ছিলম বসে, খড়ি পেতে হাত চালায়ে দেখছিলম, হামরার কোমরে সাপ—তাও ঠাকুরের দিষ্টি এড়ায়ে যাবে কোথা? মারলে হাঁক—সবুর! সে যেন গর্জে উঠল অরুণ্যের বাঘ। মনে হ'ল, মনে হ'ল আজ আর রক্ষা নাই! গেল, মান গেল, ইজ্জত গেল, হুম্মনের মুখ হাসল, কালী পড়ল সঁাতালীর বেদের কালোবরণ মুখে, উপারে বুঝি কেঁতা উঠল পিতিপুরুষেরা!

ভাহুর মনে পড়েছিল, সেই সর্বনাশের রাত্রির কথা। যে রাত্রে লোহার বাসরঘরে কালনাগিনী দংশন করেছিল লখিন্দরকে। সেদিন দেবছলনায় কালনাগিনী নিরপরাধ বেদেদের ছলনা করে তাদের মাথায় চাপিয়ে দিয়েছিল অপবাদের বোঝা। চাঁদো বেনের অভিশাপে গিয়েছিল সঁাতালী পাহাড়ের আদিকালের বাস, গিয়েছিল জাত। সেদিন দয়া করেছিলেন বিষহরি। কিন্তু আজ? আজ যে অপরাধ, মহা অপরাধ হয়ে গিয়েছে। আজ কে রক্ষা করবে? সে দিন সব গিয়েছিল কিন্তু বিষবৈজ্ঞের বিজ্ঞার মান যায় নাই। আজ যে তাও যায়?

ভাহু বলেছে, বাঘের ডাকের উত্তরে গর্জন করে উঠল বেন নাগিনী। সেদিন জাগরণের দিনে হিজল বিলের মা-বিষহরির ঘাটের উপরে যেমন দেখেছিল বাঘের সামনে উদ্ভত কণা পদ্মনাগিনীকে—যেমন শুনেছিল তাদের গর্জন, ঠিক তেমনই মনে হল। গিঙলা খুলে ফেলে দিলে তার কাল তরু অনাবৃত করে রক্তবন্থখানা—দাঁড়াল পলকহীন চোখে চেয়ে; উত্তেজনায় যুহু যুহু ছলছিল নাগিনী কত্তা—ভাহুর মনে হল—সঁাতালীর বেদেকুলের কুলগৌরব বিপন্ন দেখে—কত্তা বসনের সঙ্গে নববেহের

খোলসটাও ফেলে দিয়ে স্বরূপে ফণা তুলে দাঁড়িয়েছে ঠিক নাগলোকের নাগিনী। চোখে তার আগুন দেখেছে সে, নিশ্বাসে তার ঝড়ের শব্দ শুনেছে সে; তার অনাবৃত দেহে নারী রূপ সে দেখে নি—দেখেছে নাগিনী রূপ!

জয় বিষহরি!

আগে বিষহরির জয়ধ্বনি দিয়ে তারপর কন্ঠার জয়ধ্বনিতে ভরিয়ে দিলে হিজলের কূল, সঁাতালীর আকাশ। কলিকালে দেবতার মাহাত্ম্য র্বখন ক্ষয় হয়ে আসছে, হিজলের ঘাসবনের আড়াল দিয়েও যখন কুটিল কলির প্রবেশ-পথ রোধ করা যাচ্ছে না, তখনই একদা এমনই ভাবে কন্ঠার মাহাত্ম্য মহিমা প্রকাশিত হওয়ার কাহিনী শুনে সঁাতালীর মাছুষেরা আশ্বাসে উল্লাসে উজ্জ্বলিত হয়ে উঠল।

ভাঙ্গ শপথ করে বলে—সে প্রত্যক্ষ দেখেছে কন্ঠার নাগিনী রূপ।

পিঙলার নিজেও মনে হয় তাই। সেই ক্ষণটির স্মৃতি তার অম্পট। অনেক ভেবে তার মনে পড়ে, চোখের দৃষ্টিতে আগুন ছুটেছিল, বুকের নিশ্বাসে বোধ হয় বিষ ঝরেছিল, সে ছলেছিল নাগিনীর মতই; ইচ্ছে হয়েছিল ছোবল দেওয়ার মতই ঝাঁপিয়ে পড়ে আক্রমণ করে নাগু ঠাকুরকে। তাও সে করত, নাগু ঠাকুর যদি আর এক পা এগিয়ে অমিত—তবে সে বিষকাঁটা নিয়ে ঝাঁপিয়ে পড়ত তার উপর! মা বিষহরিকে স্মরণ করে যখন কাপড়খানা খুলে ফেলে দিয়েছিল—তখন এতগুলো পুরুষকে পুরুষ বলে মনে হয় নাই তার। মনে হয়েছিল শত্রু!

সত্যিই সেদিন নাগিনীর রূপ প্রকাশ পেয়েছিল তার মধ্যে। ভাঙ্গ কূল দেখে নাই। ঠিক দেখেছে সে। ঠিক দেখেছে!

একদিন কালনাগিনী সঁাতালী পাহাড়ের বিষ-বৈষ্ণবদের মায়ায় আচ্ছন্ন করে বিষহরির মান রাখতে গিয়ে বৈষ্ণবদের অনিষ্ট করেছিল,

তারা তাকে কণ্ঠে বলে বুকে ধরেছিল, নাগিনী বিশ্বাসঘাতকতা করেছিল, বৈষ্ণবদের জাতি কুল বাস সব গিয়েছিল। তারপর এতদিন যুগের পর যুগ গিয়েছে—নাগিনী বেদেদের ঘরে কণ্ঠে হয়ে জন্ম নিয়েছে, বিষহরির পূজা করেছে, নিজের বিষে নিজে জলেছে ; কিন্তু অমন ক’রে কখনও বেদেকুলের মান বিপন্ন হয় নি বলেই বৃষি স্বরূপে আত্মপ্রকাশ করে ঋণ শোধেরও স্বযোগ পায় নি। এবার পেয়েছে! জয় বিষহরি কণ্ঠের উপর তুমি দয়া কর।

হিজলের ঘাটে সকাল সন্ধ্যা পিঙলা হাত জোড় করে নতজান্ন হয়ে ব’সে মাকে প্রণাম করে। মধ্যে মধ্যে তার ভর হয়। মা-বিষহরি তার মাথায় ভর করেন। চোখ রাঙা হয়ে ওঠে, চুল এলিয়ে পড়ে, ঘন ঘন মাথা নাড়ে সে। বিড় বিড় ক’রে বকে।

ধূপধূনা নিয়ে ছুটে আসে সাতালীর বেদে-বেদেনীরা। হাত জোড় ক’রে চীৎকার ক’রে—কি হ’ল মা, আদেশ কর।

—আদেশ কর মা, আদেশ কর!

ভাত মুখের সামনে ব’সে আদেশ শুনতে চেষ্টা করে।

গঙ্গারাম স্থির দৃষ্টিতে চেয়ে বসে থাকে। চোখে তার প্রসন্ন বিমুগ্ধ দৃষ্টি। পিঙলার মহিমায় জটিল চরিত্র গঙ্গারাম যেন বশীভূত হয়েছে। মধ্যে মধ্যে অচেতন হয়ে পড়ে পিঙলা, সে দিন বেদেকুলের শিকড়েরে হিসাবে সে-ই তার শিথিল দেহ কোলে তুলে নিয়ে কন্টার ঘরে শুইয়ে দেয়। দেবতান্ত্রিত অবস্থায় কন্টাকে স্পর্শ করার অধিকার সে ছাড়া আর কারও নাই। গঙ্গারামই সেবা করে, বেদেরা দরজায় বসে থাকে উদ্‌গ্রীব উৎকণ্ঠায় উৎকণ্ঠিত হয়ে।

চেতনা ফিরলেই তারা জয়ধ্বনি দিয়ে ওঠে। গর্তে খোঁচা খাওয়া সাপের মতই পিঙলা তাড়াতাড়ি উঠে বসে ; অন্ধের কাপড় সযত্ন করে

নিয়ে তীব্র কণ্ঠে বলে—যা—যা তু বাহিরে যা। গঙ্গারামকে পিঙলা সহ্য করতে পারে না। গঙ্গারামের চোখের দৃষ্টিতে অতি তীক্ষ্ণ কিছু আছে যেন; সহ্য করতে পারে না পিঙলা।

শিবরাম কবিরাজ বলেন—এই সময়েই একদিন আমি গিয়েছিলাম সীতালী। ওদিকে তখন আচার্য ধূর্জটি কবিরাজ মহাপ্রয়াণ করেছেন, আমি তখন রাঢ়ের এক বধিষ্ণু গ্রামে আয়ুর্বেদ ভবন খুলে বসেছি, সঙ্গে একটি টোলও আছে।

বলতে বলতেই বলেন—কাহিনীর প্রারম্ভেই বলি নি, এক বধিষ্ণু গ্রামের জমিদার বাড়ীতে ডাকাতির কথা? সীতালীতে যখন প্রথম গিয়েছিলাম গুরুর সঙ্গে—নাগিনী কন্ঠা শবলাকে দেখেছিলাম—কালনাগিনী নিয়ে খেলা খেলতে। সেই, খেলায় নাগিনীর আর ওই নাগিনী কন্ঠার শক্তির কৌশলের পরিচয় দিতে ডাকাতির উপমা দিয়েছিলাম। সেই গ্রামে তখন চিকিৎসা করি। গুরুই আমাকে ওখানে পরিচিত করে দিয়েছিলেন। গুরু যতদিন জীবিত ছিলেন ততদিন সূচিকাভরণ গুরুর আয়ুর্বেদ ভবন থেকেই আনতাম। গুরু চলে গেলেন, আমি প্রথম সূচিকাভরণ প্রস্তুত করব সেবার। মুর্শিদাবাদ জেলা হলেও, গঙ্গার পশ্চিম তীর, রাঢ়ভূমি—গঙ্গা অনেকটা দূর; এ অঞ্চলে বিষবেদেরা আসে না, আমার ঠিকানাও জানে না। মেটেল বেদের অঞ্চল এটা। মেটেল বেদেরা খাটি কাল নাগিনী চেনে না। সর্পজাতির মধ্যেও ওরা দুর্লভ। তাই নিজেই গেলাম সীতালী। স্বচক্ষে দেখলাম পিঙলাকে। দেখলাম সীতালীর অবস্থা।

পিঙ্গলাকে দেখলাম শীর্ণ, চোখে তার অস্বাভাবিক দীপ্তি।

সেদিনও ছিল ওদের একটা উৎসব।

ধূপে ধনায় বলিতে নৈবেদ্যে সমারোহ। বাজনা বাজছিল—
বিষমটাকি—তুমড়ি বাঁশী—চিমটে। মুহমুহ জয়ধ্বনি উঠছিল।
সবই যেন এবার বেশি। সীতালীর বেদেরা যেন উচ্ছ্বসিত হয়ে রয়েছে।
ভাহু প্রণাম করে বললে—কত্রে জাগিছেন বাবা। হামরাদের লগাট
বুঝি ইবারে ফিরল। মা-বিষহরি মূর্তি ধর্যা কন্ঠারে দেখা দিবেন মোর
মনে লিছে।

চুপি চুপি আবার বললে—এতদিন দেখা দিতেন গ। শুধু ওই
পাপীটার লেগ্যা—ওই শিরবেদের পাপের তরে দেখা দিচ্ছেন নাই।
দেখিছেন?—দেখেন হিজল পানে তাকান!

—কি?

—দেখেন ইবারে পদ্মফুলের বহর? মা পদ্মাবতীর ইসারা ইটা গ!

হিজলের বিল পদ্মলতায় সত্যসত্যই ভরে উঠেছে। সচরাচর এমন
পদ্মলতার প্রাচুর্য দেখা যায় না। বৈশাখের মধ্যকাল, এরই মধ্যে ছোটো-
চারটে ফুল ফুটেছে, কুঁড়িও উঠেছে কয়েকটা।

—তা বাদে ইদিকে দেখেন। দেখেন ওই বাঘছালাটা। পদ্মনাগিনী
ইবারে বাঘ বধ করেছে জাগরণের দিনে।

শিবরাম বলেন—সীতালী গ্রামের নিম্নেজ আরণ্যজীবন ওইটুকুকে
আশ্রয় করে আবার সতেজ হয়ে উঠেছে। বিলের পদ্মফুলের প্রাচুর্যে,
নাগদংশনে বাঘটার জীবনান্ত হওয়ায়, এমন কি হিজলের ঘাসবনের সবুজ
রঙের গাঢ়তায় তাদের অলৌকিকত্বে বিশ্বাসী আদিম আরণ্য মন ক্ষুধিত
পেয়েছে, সমস্ত কিছুই মধ্যে সেই অসম্ভব সংঘটনের প্রকাশ দেখতে তারা
উদ্গ্রীব হয়ে আছে।

ভাড়াই এখনকার এখন বড় সর্পবিজ্ঞাবিশারদ। তারই উৎসাহ সব চেয়ে বেশি। গভীর বিশ্বাসে, অসম্ভব প্রত্যাশায় লোকটার সত্যই পরিবর্তন হয়েছে। সে এখন অতি প্রাচীনকালের অতি সরল অতি ভয়ঙ্কর বর্বর গীতালীর বেদের জীবন ফিরে পেয়েছে।

নাকে নস্ত নিয়ে শিবরাম বলেন—আচার্য ধূর্জটি কবিরাজ—শুধু আয়ুর্বেদ শাস্ত্রেই পাত্রঙ্গম ছিলেন না। সৃষ্টিতত্ত্ব, জীবন রহস্য, সব ছিল তাঁর নখদর্পণে। লোকে যে বলত—ধূর্জটি ধূর্জটি সাক্ষাৎ; সে তারা শুধু শুধু বলত না। কষ্টিপাথরে যাচাই না করে হরিত্রাবর্ণের ধাতুমাঝেকেই স্বর্ণ বলে মাহুষ কখনও গ্রহণ করে না। মাহুষের মন বড় সন্ধিদ্ধ বাবা। তা ছাড়া, মাহুষ হয়ে আর একজন মাহুষকে দেবতাখ্যা দিয়ে তার পায়ে নতি জানাতে অন্তর তার দগ্ধ হয়ে যায়। তিনি—আমার আচার্যদেব ধূর্জটি সাক্ষাৎ, ধূর্জটি কবিরাজ আমাকে বলেছিলেন—শিবরাম, বেদেদের সম্পর্কে তোমাদের সাবধান করি কেন জান? আর আমার মমতাই বা অত গাঢ় কেন জান? ওরা হ'ল ভূতকালের মাহুষ। পৃথিবীতে সৃষ্টিকাল থেকে কত মন্বন্তর হ'ল, এক একটা আপৎকাল এল, পৃথিবীতে ধর্ম বিপন্ন হ'ল, মাৎস্যজ্ঞায়ে ভ'রে গেল, আপদ্বর্ষে বিপন্ন হয়ে গেল, এক মহুর কাল গেল, নতুন মহুর এলেন, নতুন বিধান নতুন ধর্মবর্তিকা হাতে নিয়ে। জ্ঞানে-বিজ্ঞানে, আচারে ব্যবহারে, রীতিতে-নীতিতে, পানে-ভোজনে, বাক্যে ভঙ্গিতে, পরিচ্ছদে প্রসাধনে কত পরিবর্তন হয়ে গেল। কিন্তু যায় না কি আরণ্যক তারা প্রতিবারই প্রতিটি বিপ্লবের সময়েই গভীরতর অরণ্যের মধ্যে গিয়ে তাদের আরণ্য প্রকৃতিকে বাঁচিয়ে

রাখলে। সেই কারণেই এরা সেই ভূতকালের মানুষই থেকে গিয়েছে।
মহু বলেন, শাস্ত্র পুরাণ বলে, এদের জন্মগত অর্থাৎ ধাতু এবং রক্তের
প্রকৃতিই স্বতন্ত্র এবং সেইটেই এর কারণ। এই ধাতু এবং রক্তের
গঠিত দেহের মধ্যে যে আত্মা বাস করেন—তিনি মানবাত্মা হলেও ওই
পতিত দূষিত আবাসে বাস করার জন্তেই সেই আত্মাও পতিত এবং
বিকৃত হয়ে এই ধর্মে আত্মপ্রকাশ করে। এই বিকৃতিই ওদের স্বধর্ম।
আবার এর মধ্যে পরমাশ্চর্য কি জান? শাস্ত্রে পুরাণে এই ধর্ম পালন
করেই ওরা চরমমুক্তি লাভ করেছে এর নজীরও আছে। মহাভারতে
পাবে ধর্মব্যাধি নিজের আচরণ বলে পরমতত্ত্বকে জ্ঞাত হয়েছিলেন। এক
জিজ্ঞাসু ব্রাহ্মণকুমার তার কাছে সেই তত্ত্ব জানতে গিয়ে তাকে দেখে
বিস্মিত হল। সেই আরণ্য মানুষের বর্বর জীবন, অন্ধকার ঘর
চারিদিকে মৃত পশু, মাংস-মেদ-মজ্জার গন্ধ, শুষ্ক চর্মের আসন-শয্যা,
কৃষ্ণবর্ণ রুঢ় মুখমণ্ডল, রক্তবর্ণ গোলাকৃতি চোখ, মুখে মন্তগন্ধ। ব্যাধ
বুঝেছিল ব্রাহ্মণকুমারের মনোভাব। সে তাকে সম্ভাষণ আবাহন
করে বসিয়ে বলেছিল—এই আমার স্বধর্ম। এই স্বধর্ম পালন করেই
আমি সত্যকে মন্তকে ধারণ করে পরম তত্ত্ব অবগত হয়েছি। আমি যদি
স্বধর্মকে পরিত্যাগ করতাম—তবে তোমাদের পরিচ্ছন্নতা সদাচরণ
অনুকরণ করে তাকে আয়ত্ত করতে গিয়ে সদাচরণের পরিচ্ছন্নতার
শাস্তিতে সুখেই আমি তৃপ্ত হয়ে তত্ত্ব আয়ত্তের সাধনায় ক্ষান্ত হতাম।
এই আচরণের মধ্যেই আমাদের জীবনের স্মৃতি। এর মধ্যেই
আমাদের মুক্তি।

আচার্য চিন্তাকুল নেত্রে আকাশের দিকে চেয়ে থাকতেন কিছুক্ষণ।
যেন ওই অনন্ত আকাশ-পটের নীলাভ অম্বরঙ্গনের মধ্যে তার চিন্তার
অভিধান অদৃশ্য অক্ষরে লিখিত আছে। তিনি তাই পাঠ করছেন।

পাঠ করতে করতেই বলতেন—ওদের মধ্যে ভাল মানুষ অনেক আছে কিন্তু শুচিতা ওদের ধর্ম নয়। ওতে ওদের দেহ-আত্মা পীড়িত হয় না। আমাদের হয়। তাই সাবধান করি।

আবার কিছুক্ষণ চুপ করে ওই অভিধান পাঠ করে নিজের অস্পষ্ট চিন্তার অবয়ব করে অর্থ জ্ঞাত হয়ে বলতেন—তবে আমার উপলব্ধির কথা আমি বলি শোন। ধর্মব্যাত্থের কথা মিথ্যা নয়। এই বিশ্বরহস্যের মধ্যে জীবনের ওই আচার-আচরণই বল আর আমাদের এই আচরণই বল—দুয়ের মধ্যে আসল জীবন-মূল্যের পার্থক্য সত্যই নাই। জীবনের পক্ষে আচার-আচরণের প্রাথমিক মূল্য আয়ু এবং স্বাস্থ্য এই দুয়ের পরিমাণ নির্ণয়ে। তার পরের মূল্য বুদ্ধি এবং জ্ঞান-বিকাশের আনুভূত্য। প্রথম মূল্য ওরা পর্যাপ্ত পরিমাণে পেয়েছে ওই ধর্মে। দ্বিতীয়টা পাননি। কিন্তু শাস্ত্র যে বলে ওদের ওই পতিত এবং দূষিত ধাতু ও শোণিতে গঠিত দেহবাসী আত্মার পক্ষে এই দ্বিতীয়টা অনধিগম্য, এটাতে ওদের অধিকারও নেই, এবং অনধিকারচর্চায় ওদের অনিষ্ট হবে, এইটি, আমার জীবনবোধিতে, আমি বতদূর বুঝেছি শিবরাম, তাতে এ ধারণা ভ্রান্ত অসত্য। আমি আজীবন চিকিৎসা শাস্ত্র নিয়ে আলোচনা করলাম, বহু আচারের বহু ধর্মের মানুষের চিকিৎসা করলাম, বহু পরীক্ষায় বহু বিচার করে এই সিদ্ধান্তেই পৌঁচেছি যে, ধাতু বা শোণিত রোগদূষিত যদি না হয় তবে—ওদের জীবনধর্ম থেকে আমাদের জীবনধর্মে আসতে বাধা বিশেষ নাই। যেটুকু বাধা সে নগণ্য। অতি নগণ্য।

হেসে বলতেন—আমাদের বরং ওদের ধর্মে যেতে গেলে বাধা বেশি। খানিকটা মারাত্মকও বটে। ময়লা চোরখণ্ড কোমরে পরতে লজ্জার বাধা যদি বা জয় করা যায়—তবে চর্মরোগের আক্রমণ হবে অসহনীয়।

তার উপর খাওয়ার দিক—স্বাদের কথা বাদ দিয়ে উদরাময়ের ভয় আছে। সেটা অসহনীয় থেকেও গুরুতর মারাত্মক হয়ে উঠতে পারে। শীতাতপের প্রভাব আছে। সেও সহনীয় করে তোলা আমাদের পক্ষে সহজ নয়। কিন্তু ওরা জামা-কাপড় পরে—গ্রীষ্মকালে কথঞ্চিৎ কাতরতা অনুভব করলেও শীতে বেশ আরামই অনুভব করবে। আসল কথা—ওরা আসেনি, আসতে চায়নি। সে যে কারণেই হোক, হয়তো আমাদের জটিল জীবনাচরণের প্রতি ওদের ভীতি আছে; সংস্কারের ভীতি; জটিলতার ভীতি; আমরা যে আচরণ করি তার ভীতি। আমরা কেউ আহ্বান করি নি, আমরা দূরে থেকেছি, রেখেছি ঘৃণা করে। ওদের নাড়ী ওদের দেহ-লক্ষণবিচার করে কোন পার্থক্য তো পাই নি! ধাতু এবং শোণিত যদি বিশ্লেষণ পরীক্ষার উপায় জানতাম—তবে এটা আমি সপ্রমাণ করতাম। বলে আবার চেয়ে থাকতেন আকাশের দিকে।

* 'ভাটুকে দেখে গুরুর কথাই সেদিন মনে পড়েছিল।

ভূতকালের মানুষ, ভূতকালের মানসিক পরিবেশের পুনরুজ্জীবনে নতুন বল পেয়েছে, অভিনব স্ফূর্তি পেয়েছে; কৃষ্ণপক্ষের রাত্রি যেন অমাবস্তার নাগাল পেয়েছে। গোটা গ্রামখানির মানুষের জীবনে এ স্ফূর্তি এসেছে। বেশভূষায় আচারে অলুষ্ঠানে তার পরিচয় সাতালীতে প্রবেশ করা মাত্রই শিবরামের চোখে পড়ল।

ভাটুর চকচকে কালো বিশাল দেহখানি ধূসর হয়ে উঠেছে। এ কালে ওক্স তেল ব্যবহার করত, ভাটু তেলমাখা ছেড়েছে। কৃষ্ণ কালো বাকড়া চুলের জটা বেঁধেছে তার উপর বেঁধেছে একটুকরো হেঁড়া

গামছা। আগে নাকি এই গামছা বাঁধার প্রচলন ছিল। গলায় হাতে মালা-তাবিজ-তাগার পরিমাণ প্রায় দ্বিগুণ করে তুলেছে। গায়ের গন্ধ উগ্রতর হয়ে উঠেছে। মজপান বেড়েছে। গোটা সাতালীর বেদেরা গিরিমাটিতে কাপড় ছুপিয়ে গেরুয়া পরতে শুরু করেছে।

পিঙ্গলা যেন তপঃশীর্ণা শবরী। শীর্ণ দেহ, এলায়িত কালো তৈলহীন বিশৃঙ্খল একরাশি চুল ফুলে ফেঁপে তার বিশীর্ণ মুখখানা ঘিরে ফেলেছে, চোখে অস্বাভাবিক দ্যুতি, সর্বঅবয়ব ঘিরে একটা যেন উদাসীনতা।

ভাঙ্ তাকে দেখিয়ে বললে—দেখেন কেনে কন্ঠের রূপ। সেই পিঙলা কি হইছে দেখেন।

চুপিচুপি বললে।

শিবরাম বলেন—গুরুর কথাই মনের মধ্যে ঘুরছিল। পিঙলাকে দেখে একটা কথা মনে পড়ে গেল। গুরু বলেছিলেন—শিবরাম, একই দেশের জল বায়ুতে আমাদের বাস, একই রোগে একই উপসর্গ-লক্ষণ ভেদের দেহেও প্রকাশ পায়, আমাদের দেহেও পায়। রোগভোগে কিছু পার্থক্য আছে—সেটা সহনশীলতার পার্থক্যে। এমন কি, মানসিক গতিও এক। আমি দেখেছি।

শিবরাম স্থির দৃষ্টিতে পিঙ্গলার দিকে চেয়ে রইলেন। ধূর্জটি কবিরাজের শিষ্য তিনি—তাঁর বুঝতে বিলম্ব হ'ল না যে, পিঙ্গলার এ লক্ষণগুলি কোন দৈব প্রভাব বা দেবভাবের লক্ষণ নয়। এগুলি নিশ্চিতরূপে ব্যাধির লক্ষণ। মুছা রোগের লক্ষণ। ব্যাধি আক্রমণ করেছে মেয়েটিকে।

পিঙ্গলা তাঁকে দেখে দ্বিগুণ প্রশন্ন হয়ে উঠল। সে যেন জীবন-চাকলো সচেতন হয়ে উঠল। হেসে বললে—আমেন পু. ধন্যস্তরি ঠাকুর। বসেন।
দে প, বসতে দে।

একটা কাঠের চৌকি পেতে দিলে একজন বেদে। শিবরাম বললেন।

পিঙলা বললে—শবলা দিদির কচি-ধনুন্তরি তুমি—তুমি হামরার ধনুন্তরি ঠাকুর। কালনাগিনীর তরে আসিছেন?

—হ্যাঁ। না এসে উপায় কি? গুরু দেহ রেখেছেন—

—আঃ—হায় হায় হায় গ! হামরাদের বাপের বাড়ি ছিল গ!

আঃ—আঃ—আঃ!

কিছুক্ষণ স্তব্ধ হয়ে থাকে ছাড়া আর কিছু করা যায় না এর উত্তরে। শিবরামের চোখে জল এল, মন উদাস হয়ে গেল।

কিছুক্ষণ পর আত্মসম্বরণ করে শিবরাম বললেন—এতদিন স্মৃতি-ভরণ গুরুর কাছে থেকেই নিয়ে যেতাম। এবার নিজেই তৈরি করব। সেইজন্ত এসেছি। কালনাগিনীর খাটি জাত তোমরা ছাড়া কারুর কাছে পাব না বলেই আমি এসেছি।

পিঙলা একটা দীর্ঘনিশ্বাস ফেলে বললে—আর হয়তো পাবে না ধনুন্তরি ঠাকুর। আসল হয় তো আর মিলবে না।

—মিলবে না? কেন? বিস্মিত হয়ে প্রশ্ন করলেন শিবরাম।

—বিষহরির ইসারা এসেছে—আদেশ এখনও আসে নাই, তবে আসবেক, দেরি নাই তার—কালনাগিনীকে নাগলোকে ফিরতে হবেক। বুঝিছ?

কথাটা ঠিক বুঝলেন না শিবরাম। মুখের দিকে চেয়ে রইলেন, সবিস্ময় সপ্রশ্ন দৃষ্টিতেই পিঙলার মুখের দিকে তাকালেন।

প্রশ্ন বুঝতে পারলে পিঙলা; তার প্রশ্নের দৃষ্টি চোখ দুটি প্রশ্নবস্তুর হয়ে উঠল, যেন জলন্ত অঙ্গার গর্ভ চুম্বীতে বাতাস লাগল; সে বললে—তুমি শুন নাই? মুই ঋণ শোধ করেছি। ইবারে বিষহরির হুকুম

আসিবে। বিষহরি—মনে লাগছে—বিধেতা পুরুষের দরবারে হিসাব খতায় দেখিছেন, তাঁরে বলিছেন—দেনা তো শোধ করিছে কল্ল, ইবারে মুই কল্লেরে কির্যা আসতি হুকুম দিতে পারি কিনা কও? বিধেতার মত না নিয়া তো তিনি হুকুম দিবেন না!

শিবরাম বললেন—দেখি তোর হাতটা দেখি দে।

—হাত? কি দেখিবে?

—আমি হাত দেখে গুণে বলতে পারি যে!

—পার? দেখ—তবে দেখ।

প্রসারিত ক'রে ধরলে তার করতল। হাতের রেখা পরীক্ষা ক'রে দেখবার ছল করে তিনি তার মনিবন্ধ নিজের হাতের মধ্যে নিয়ে তার নাড়ী পরীক্ষা করতে শুরু করলেন। গভীর অভিনিবেশের সঙ্গে সঙ্গে তিনি স্পন্দনের গতি এবং প্রকৃতি নির্ণয় করতে চেষ্টা করলেন।

—কি দেখিছ গ ধনন্তরি ঠাণ্ডুর? ইবারে মুক্তি মিলিবে?

উত্তর দিলেন না। সে অবকাশই ছিল না তাঁর। নাড়ীর গতি প্রকৃতি এবং অবস্থা বিচিত্র। উপবাসে দুর্বল—কিন্তু বায়ুর প্রকোপে চলছে যেন বগ্না-ছেড়া উদ্দামগতি উদ্ভ্রান্ত ঘোড়ার মত। মুখের দিকে চাইলেন। চোখের প্রথর শুভ্রচ্ছদ আচ্ছন্ন ক'রে অতি সূক্ষ্ম শিরাজালগুলি রক্তাভ হয়ে ফুটে উঠেছে। দুর্চ্ছা রোগের অধিষ্ঠান তিনি অনুভব করতে পারলেন।

হতভাগিনী পিঙ্গলা! একটা দীর্ঘনিশ্বাস ফেললেন তিনি।

—ধনন্তরি! কি দেখিলে কও? ব্যগ্র হয়ে সে তাকিরে রইল শিবরামের মুখের দিকে। —এমন কর্যা তুমি নিশ্বাস ফেললা কেনে গ?

শিবরাম ভাবছিলেন—হতভাগিনী! ঈশ্বাদ পাগল হয়ে উঠবে, ওদিকে নতুন নাগিনী কল্লার আবির্ভাব হবে, দেবতা-অপবাদে স্বজন পরিত্যক্ত

উন্মাদিনীর দুর্দশার কি আর অন্ত থাকবে? অথচ সহজে তো মৃত্যু হবে না। এই তো ওর বয়স! কত হবে? বড় জোর পঁচিশ! জীবন যে অনেক দীর্ঘ!

আবার পিঙ্গলা প্রশ্ন করলে—মুক্তি হবে না? লিখনে নাই?

এবার শিবরাম বললেন—দেরি আছে পিঙ্গলা।

—দেরি আছে?

—হ্যাঁ। একটু ভেবে নিয়ে বললেন—মা তো তোকে নিয়ে যেতে চান কিন্তু নিয়ে যাবেন কি ক'রে? তোর দেহে যে বায়ুর প্রকোপ হয়েছে। দেবলোকে কি রোগ নিয়ে কেউ যেতে পারে?

স্থির দৃষ্টিতে কবিরাজের মুখের দিকে সে চেয়ে বসে রইল। মনে মনে খতিয়ে দেখছে সে কথাগুলি। কয়েক মুহূর্ত পরে তার দুই চোখ বেয়ে নেমে এল অনর্গল অশ্রুর ধারা। তারপর—মা ব'লে একটা করুণ ডাক ছেড়ে চলে প'ড়ে গেল মাটির উপর। একটা নিদারুণ যন্ত্রণায় সর্বাঙ্গে আক্ষেপ বেয়ে যেতে লাগল। পৃথিবীর মাটি যেন তার হারিয়ে যাচ্ছে, দু হাতে খামচে মাটির বুক সে আঁকড়ে ধরতে চায়;—মুখ ঘষতে লাগল—, নিদারুণ আতঙ্কে যেন মা ধরিজীর বুক মুখ লুকাতৈ চাচ্ছে।

ওদিকে বেদেরা কোলাহল ক'রে উঠল।

—ধূপ আনু ধূনা আনু, বিষম ঢাকি বাজা।

শিবরাম বললেন—থামু তোরা থামু। কন্ঠার রোগ হয়েছে।

ভাতু উগ্র হয়ে উঠল মুহূর্তে। —কি কইলা? যা জান না কবিরাজ! তা নিয়া কথা বলিয়ে! না। খবর দার! মায়ের ভর হইছে! যাও, তুমি যাও। কন্ঠারে ছুঁয়ো না এখন। যাও।

গঙ্গারাম নীরবে বসে সব দেখলে। কবিরাজের দৃষ্টির সঙ্গে তার দৃষ্টি মিলতেই সে একটু হাসলে। আশ্চর্য হয়ে গেলেন শিবরাম, গঙ্গারাম

সমস্ত বেদেদের মধ্যে স্বতন্ত্র পৃথক হ'য়ে রয়েছে। এ সবেব কোন প্রভাব তাকে স্পর্শ করে নাই।

শিবরাম উঠে এলেন।

*

*

*

শিবরাম দাঁড়িয়েছিলেন হিজলবিলের ঘাটে।

তাহু তাঁকে ভরসা দিয়েছে। বলেছে কণ্ঠে বলিছে বটে কালনাগিনীরা চলি গেল নাগলোকে—নায়েব ঘরে স্বস্থানে; মিটা বেশি বলিছে। আর দেনা শোধ হ'ল—জহুনার আদেশ আসিবে বলিছে, হামরাও ধোয়াইছির কি—তবে হামরাদের সেই জাত কির্যা দাও, মানিয়া কির্যা দাও, সাতালী পাহাড়ের বাস কির্যা দাও! বিধেতার হিসেব মুসল হিসেব কবিরাজ, বিধেতা কি কর্যা বিষহরিকে বলিবে কি হাঁ—ঋণটা শোধ বোধ হইছে! তবে হাঁ—বিষহরি দরবার জানাইছেন বিধেতার কাছে—ইহা হতি পারে।

শিবরাম চূপ করে শোনেন—কি উত্তর দেবেন এ সব কথার।

অরণ্যের মাহুষ অরণ্যের ভাষা বুঝতে পারে, তাদের বিশ্বাস—তাদের সংস্কার সম্পর্কে ধূর্জটি কবিরাজের শিষ্টের অবিশ্বাস নাই। কিন্তু ভ্রম সংসারে আছে। পিঙ্গলার অবস্থা সম্পর্কে ওদের যে ভ্রম হয়েছে—এতে তাঁর একবিন্দু সন্দেহ নাই। অরণ্যের মাহুষ পত্রপল্লবের মর্মরন্ধনি শুনে—তাদের শিহরণ দেখে মেঘ-ঝড়ের সম্ভাবনা বুঝতে পারে, আবার পত্রপল্লবের অন্তরাল থেকে মাহুষ কথা বললে দেববাণী বলে ভ্রম করে সহজেই।

অন্তরে অন্তরে বেদনা অনুভব করছেন শিবরাম। শবলার সঙ্গে অন্তরঙ্গতার সূত্রে তার পরবর্তিনী পিঙ্গলাও তাঁর স্নেহভাগিনী হয়ে উঠেছে। শবলার একটা কথা তাঁর মনে অক্ষয় হয়ে আছে। তাঁর সঙ্গে

ভাই-বোন সম্পর্ক পাতাবার সময় সে মনসার উপাখ্যানের বেনেবেটীর কথা বলে বলেছিল, নর নাগে বাস হয় না, নর নাগের বন্ধু নয়, নাগ নরের বন্ধু নয়। কিন্তু বেনেবেটি ভাই বলে ভালবেসেছিল দুটি নাগ-শিশুকে। তারাও তাকে দিদি বলে চিরদিন তার সকল স্নেহের সকল দুখের ভাগ নিয়েছিল। ঐ কালে, হেসে শবলা বলেছিল—এ কালে তুমি ভাই, মুই বহিন—তুমি কচি ধনুস্তরি, মুই বেদে কুলের সখনাশী নাগিনী কন্ঠে ; কালনাগিনী কন্ঠের রূপ ধরে রইছি গ—লইলে—দেখতে হামরার কণার দোলন, শুনতে হামরার গর্জন ! হুঁ ! বলে—তাঁর দিকে কটাক্ষ হেনে হেসেছিল। একটু হাসলেন শিবরাম। বিচিত্র জাত ! অরণ্যের রীতি আর নগরের রীতি তো এক নয়।

ভাই-বোন, বাপ-বেটা—যে-কোন সম্পর্ক হোক, নর আর নারী সম্পর্কের সেই আদিম ব্যাখ্যাটাই অসংকোচ প্রকাশে সহজ ছন্দে এখানে নিজেদের সমাজ-শৃঙ্খলাকে মেনেও আত্মপ্রকাশ করে। হান্স পরিহাসে—সরস কৌতুকে পাতানো ভাইয়ের প্রতি কটাক্ষ হেনেছিল শবলা—তাতে আর আশ্চর্য কি !

শবলা মহাদেবকে হত্যা করে গঙ্গার জলে ঝাঁপিয়ে পড়েছে—সে আজ আট-দশ বছর হয়ে গেল। শবলার পর পিঙলা নাগিনী কন্ঠা হয়েছে। শবলা পিঙলাকে তার জীবনের সকল কথাই বলে গিয়েছে, সঙ্গে সঙ্গে তার ধনুস্তরি ভাইয়ের কথাও বলে গিয়েছে। বলে গিয়েছে—হামরার ভাই তো নয়, সে হইল নাগিনী কন্ঠের ভাই। তু তার চরণের ধূলা লিস, তারে ভাই বলিস।

পিঙলাও তাই বলে। শিবরামও তাকে স্নেহ করেন। ঠিক সেই কারণেই—এই তেজস্বিনী আবেগময়ী মেয়েটিকে এমন বেদনাদায়ক পীড়ায় পীড়িত দেখে অন্তরে অন্তরে বিষন্নতা অমুভব না করে পারলেন

না! ভাছ তাঁকে আশ্বাস দিয়েছে, আসল কৃষ্ণ সর্পিনী ধরে দেবেই।
অন্ততঃ তিনি চলে যেতেন। হাওরমুখীর খালে নৌকা বেঁধে তিনি
ভাছর প্রতীক্ষা করে রয়েছেন।

জ্যৈষ্ঠের প্রথম। অপরাহ্ন বেলা। হিজলবিলের কালো জল
ধীরে ধীরে যেন একটা বহুস্ত্র ঘনায়িত হয়ে উঠছে। কালো জল—ক্রমশ
ঘন কৃষ্ণ হয়ে আসছে। পশ্চিম দিগন্তে সূর্য একখানা কালো মেঘে ঢাকা
পড়েছে। পশ্চিম দিক থেকে ছায়া ছুটে চলেছে পূর্বদিকে, হিজলবিল
ঢেকে, ঘাসবনের কোমল সবুজে গাঢ়তা মাখিয়ে দিয়ে, গঙ্গার বালুচরের
বালুশিরা জালা জুড়িয়ে, গঙ্গার শান্ত জলধারায় অবগাহন করে—ও
পানের শস্তক্ষেত্র গ্রামবনশোভার মাথা পার হয়ে চলে গেল। শিবরামের
কল্পনানৈবের দৃষ্টিতে সে ছায়া বিস্তীর্ণ প্রসারিত হয়ে চলেছে—বহু দূর—
দূরান্তরে। দেশ থেকে দেখা গুরু।

ছায়া নেমেছে কিন্তু শীতলতা আসে নাই এখনও। রৌদ্রের জালাটা
মুছে গিয়েছে কিন্তু উত্তাপ গাঢ় হয়ে উঠেছে। মাটির নীচে গরম এইবার
অসহ্য হয়ে উঠবে। এইবার হিজলের সজল তটভূমি হয়ে উঠবে
স্পর্শহীন। সাপেরা বেরিয়ে পড়বে। দীর্ঘক্ষণ তাকিয়েছিলেন
হিজলের জলজ পুষ্পশোভার দিকে। চারিপাশে সবুজের খেয়, মাঝখানে
কালো জল; কলমি-সুমনে-পানাড়ি, শাক পদ্মামের সবুজ সমারোহ
নবীনতার কোমল লাবণ্য মরকতের মত নয়নাভিরাম। তারই
মাঝখানে হিজলের জল যেন স্তম্ভ চিহ্ন একখানি নীলা। এই
শোভাতেই তিনি তন্ময় হয়েছিলেন। হঠাৎ তিনি কীট দংশনে বিচলিত
হয়ে দৃষ্টি ফেরালেন। দেখলেন তার পায়ের কাছেই লাল পিপড়ার
সারি চলেছে, একটু দূরে একটা গর্ত থেকে তারা পিলপিল করে বেরিয়ে
পড়ছে।

হেসে একটু সরে দাঁড়ালেন তিনি। এদেরও বিষ আছে। মানুষের বিষ বোধ হয় দেহকোষ থেকে নির্বাগিত হয়ে মনকোষে গিয়ে আশ্রয় নিয়েছে। সাপের চেয়েও মানুষ কুটিল।

—ধনুস্তরি ভাই!

চমকে ফিরে তাকালেন শিবরাম। কাঁধে গামছা নিয়ে ঘাটের মাথায় দাঁড়িয়েছিল পিঙলা। একটি অতিক্রান্ত স্নিগ্ধ হাস্তরেখায় তার বিশীর্ণ মুখখানি ঈষৎ প্রদীপ্ত হয়ে উঠল। কোমল স্নিগ্ধ কণ্ঠে বললে:

—জহ্ননীর দরবারের শোভা দেখিছ? এমনভাবে সে কথাগুলি বললে যে, শিবরাম যেন তার কোন স্নেহাস্পদ বয়োজনিস্থ; তিনি লুক্ক হয়েছেন এই মনোহারী সজ্জায়; আর এই সমস্ত কিছুই সে অধিকারিণী, বয়োজ্যেষ্ঠা, তাঁর মুগ্ধতা এবং লুক্কতা দেখে প্রশ্ন করছে—দেখছ এই অপরূপ শোভা? ভালো লেগেছে তোমার? কি নেবে বল তো?

শিবরাম বললেন—হ্যাঁ। এবার হিজল সেজেছে বড় ভাল। তুমি স্নান করবে?

—হ্যাঁ। স্নান করব। আপন বিষে মুই জল্যা মরলাম ধনুস্তরি ভাই! অঙ্গে যত জালা মাথায় মনে তত জালা। জান, শবলা কইছিল—নাগিনী কঙ্কা মিছা কথা, কণ্ঠে আবার নাগিনী হয়! কই, বোঝলম না তো কিছু! কিছুক—

একটু চুপ করে থেকে সে মূহু ঘাড় নাড়িলে। কিছু অস্বীকার করলে। অস্বীকার করলে শবলার কথা; মূহুস্বরে বললে—মুই বোঝলম যে। পরানে-পরানে বোঝলম। চোখ মূদলি দেখি মুই, মোর আত্মারাম—এই কণা বিছায়ে দুলছে; দুলছে; দুলছে। লকলক করিছে জিভ, ধক ধক করিছে চোখ দুটা, আর গর্জাইছে।

শিবরাম চিকিৎসকের গান্ধীর্ষে গম্ভীর হয়ে ধীর কণ্ঠে বললেন—

তোমার অস্থির করেছে পিঙলা। তুমি নিজের দেহের একটু গুজ্জ্বল কর।
ওষুধ খাও। স্নান কর দু'বেলা—ভালোই কর, কিন্তু এমন রুখু স্নান না
ক'রে মাথায় একটা তেল দিয়ে। বললে না, মাথায় জ্বালা, দেহে জ্বালা
—তেল ব্যবহার করলে গুণ্ডলো যাবে। তুমি স্বস্থ হবে।

স্থির দৃষ্টিতে পিঙলা শিবরামের মুখের দিকে চেয়ে রইল। প্রথমে হয়ে
উঠছে তার দৃষ্টি। একটু শঙ্কিত হলেন শিবরাম। এইবার উন্মাদিনী
হয় তো চীৎকার ক'রে উঠবে। কিন্তু সে-সব কিছু করলে না পিঙলা,
হঠাৎ আকাশের দিকে মুখ তুলে ঘন মেঘের দিকে চেয়ে রইল। কিছু যেন
ভাবতে লাগল।

কালো মেঘ পুঞ্জিত হয়ে ফুলছে। তারই ছায়া পড়ল পিঙলার কালো
মুখে। অতি মৃদু সঞ্চরণে বাতাস উঠছে। বিলের ধারের জলজ ঘাসবনের
বাঁকা নমনীয় ডগাগুলি কাপছে; সীতালীর চরের একহাটু উঁচু কচি
ঘাসবনে মৃদু সাড়া জেগেছে; ঝাউ গাছের শাখায় কাণ্ডে গান জাগছে;
হিজলের কালো জলে কম্পন ধরেছে; পিঙলার তৈলহীন রুক্ষ ফাঁপা চুল
তুলছে—উড়ছে। পিঙলা একদৃষ্টে মেঘের দিকে চেয়ে ভাবছে, খতিয়ে
দেখছে ধ্বস্তরি ভাইয়ের কথা। অল্প কেউ একথা বললে সে অপমান
বোধ করত, তীব্র প্রতিবাদ ক'রে নাগিনীর মতই ফুঁসে উঠত। কিন্তু
ধ্বস্তরি ভাই তো সাধারণ মানুষ নয়, সে যে হাতের নাড়ী ধ'রে রোগের
সন্ধান করতে পারে, দেহের মধ্যে কোথায় কোন্ রোগের নাগ, কি,
নাগিনী এসে বাসা বাঁধলে, নাড়ী ধরে তিনি তাদের হাত চালিয়ে ঘরের
সাপ সন্ধানের মতই সন্ধান করতে পারেন। কিন্তু—; সে ঘাড় নাড়লে;
—তা তো নয়।

শিবরামের ইচ্ছা হ'ল তিনি বলেন—তুই শেষ পর্যন্ত উন্মাদ পাগল হয়ে
যাবি পিঙলা। ওরে তার চেয়ে শোচনীয় পরিণাম মানুষের আর হয় না।

তোদের বিশ্বাস মিথ্যে আমি বলছি নে। তবে দেবতাই হোক, আর যক্ষ-
রক্ষ-নাগ-কিন্নরীই হোক, মানুষ হয়ে জন্মালে, মানুষ ছাড়া আর কিছু
নয়। নাগিনী যদি হোস তুই, তবু তুই মানুষ। মানুষের দেহ তোর,
তোর দাঁতে বিষ নাই, থাকে তো বৃকে আছে। শুদব তুই ভুলে যা।
এই ভাবনাতেই তুই পাগল হয়ে যাবি।

কিন্তু বলতে ভরসা পেলেন না।

পিঙলা তখনও ঘাড় নাড়ছিল; ঘাড় নেড়েই বললে—না ধনুস্তরি ভাই,
তা নয়। তুমার ভুল হইছে গ। হামরার ভিতরের নাগিনীটা জাগিছে।
বিষ ঢালছে—আর সেই বিষ আবার গিলছে। তুমাকে তবে বলি শুন।
ই কথা কারুকে বলি নাই। শুহু কথা। নারী মানুষের লাজের কথা।
রাতে হামরার ঘুম হয় না। বেদে পাড়ায় ঘুম নেম্যা আসে—আর
হামরার অঙ্গ থেক্যা চাঁপা ফুলের বাস বাহির হয়। সি বাসে মূই নিজে
পাগল হয়্যা যাই গ। মনে হয় দরজা খুল্যা ছুট্যা বাহির হয়্যা যাই চরের
ঘাস বনে, নয় তো, ঝাঁপিয়ে পড়ি হিজলের জলে। আর পরান দিয়া
ডাকি—কালো কানাইয়ে। কালো কানাই না আসে তো—জান্নক
হামরার নাগ-নাগর; হেলে ছলে—ফণা নাচায়।

কণ্ঠস্বর মৃদু হয়ে এল পিঙলার, চোখ দুটি নিম্পলক হয়ে উঠল, তাতে
ফুটে উঠল শঙ্কাপূর্ণ স্বপ্ন-দেখার আতঙ্কিত দৃষ্টি। বললে—আসে, সে
আসে ধনুস্তরি ভাই। নাগ আসে। তুমার কাছে হামরার পরানের
গোপন কথা কইতে যখন মুখ খুলেছি, তখন কিছু লুকাব না।
বলি শুন।

(পাঁচ)

শিবরাম বলেন ; পিঙ্গলার কাছে শোনা কাহিনী ।

ফাস্তনে ওই জমিদার-বাড়ীতে সাপ ধ'রে আনার পর—চৈত্র মাস তখন । ভাহুমা আর এক মাহুষ হয়ে ফিরে এল । কিন্তু গঙ্গারাম—সেই গঙ্গারাম । বাবুবা কত্নেকে বিদায় করেছিলেন দুহাত ভ'রে । দশ টাকা বকশিশ, নতুন লাল পেড়ে শাড়ী, গিন্নীমা নিজের কান থেকে মাকড়ি খুলে দিয়েছিলেন ।

নাগু ঠাকুর তাঁর প্রসাদী কারণ দিয়েছিলেন, আর দিয়েছিলেন অষ্টধাতুর একটা আংটি । নিজের কড়ে আঙুল থেকে খুলে পিঙ্গলার হাতে দিয়ে বলেছিলেন—নে । নাগু ঠাকুরের হাতের আংটি । আমার থাকলে, তোকে আমি হীরের আংটি দিতাম । কামরূপে মা কামাখ্যার মন্দিরে শোধন করে এ আংটি পুরেছিলাম আমি । এ আংটি হাতে রাখলে মনে মনে যা চাইবি তা-ই পাবি ।

‘রাঢ়ের সে আমলের টাকু মোড়ল আর এ আমলে নাগু ঠাকুর এই দুই বড় ওস্তাদ । টাকু মোড়ল ছিল কামরূপের ডাকিনী মন্ত্রসিদ্ধ । টাকু মোড়ল—নিজের ছেলেকে টুকরো টুকরো ক'রে কেটে বড় একটি ঝুড়ি ঢাকা দিত । মন্ত্র পড়ে ডাক দিত ছেলের নাম ধ'রে, ঝুড়ি ঠেলে বেরিয়ে আসত ছেলে জীবন্ত হয়ে । আজও রাঢ়ের বাজীকরেরা জাহ্নবিন্দার খেলা দেখাবার সময় টাকু মোড়লের দোহাই নিয়ে তবে খেলা দেখায় । —দোহাই গুরুর, দোহাই টাকু মোড়লের ।

নাগু ঠাকুর হালের ওস্তাদ । ডাকিনী-মন্ত্র জানে কিন্তু ও মন্ত্রে সে সাধনা করে নাই । নাগু ঠাকুর সাধনা করেছে ভৈরবী তন্ত্রে । লোকে

তাই বলে। তবে—ডাকিনী বিজ্ঞা, সাপের বিজ্ঞা, ভূত বিজ্ঞা—সবই না কি জানে নাগ ঠাকুর। ঠাকুরের জ্ঞাত নাই, ধর্ম নাই, কোন কিছুতে অরুচি নাই, সব জ্ঞাতির ঘরে যায়, সব কিছু খায়, পৃথিবীতে মানে না কিছুকে, ভয়ও করে না কাউকে। এই লম্বা মাছুষ, গোরা রঙ, রুখু লম্বা চুল, মোটা নাক, বড় বড় চোখ, হা হা শব্দ তুলে হাসে, সে হাসির শব্দে মাছুষ তো মাছুষ, গাছপালা শিউরে ওঠে। গঙ্গারাম ডাকিনী-মন্ত্র জানে শুনে তার সঙ্গে এক হাত বাণ কাটাকাটি খেলতে চেয়েছিলেন। গঙ্গারাম খেলে নাই। বলেছিল—গুরুর বারণ আছে, বেদাঙ্গের সঙ্গে, সন্তোষীর সঙ্গে খেলবি না।

নাগ ঠাকুর হা হা করে হেসে বলেছিলেন—আমার জ্ঞাত নাইরে বেটা! নিয়ে চল তোদের গাঁয়ে, থাকব সেখানে, তোদের ভাত খাব, আর সাধন করব। এমনি একটা কন্ঠে দিগ্ ভৈরবী করব।

চৈত্র মাসের তখন মাঝামাঝি।

হিজলের চরে পাড়ানো ঘাসের কালচে রঙের উপর সবুজ ছোপ পড়েছে। কচি কচি সবুজ ঘাসের ডগাগুলি দেখা দিয়েছে। গাছে গাছে লালচে সবুজ কচি পাতা ধরেছে। বিলের জলের উপর পদ্মের পাতা দেখা দিয়েছে। কোকিল, চোখ গেল, পাখিয়া পাখীগুলার গলার ধরা-ধরা ভাব কেটেছে, পাখীগুলো মাতোয়ারা হয়ে ডাকতে শুরু করেছে। ওদিকে হিজলের দক্ষিণ-পশ্চিম মাঠ তিল ফসলের বেগুনী রঙের ফুল হয়ে উঠেছে রূপসরোবর। এদিকে বেদে পাড়ায় হলুদ আর রঙের ডেউ খেলছে। বেদে পাড়ায় বিয়ে সাদী সাঙার কাল এসেছে; সকল ঘরেই ছেলে-মেয়ে আছে, ধুম লেগেছে সকল ঘরেই।

বাতাসে আউচ ফুলের গন্ধ; আউচ ফুল ফুটেছে বিলের চারিপাশে।

অষ্টাবক্র মূনির মত আঁকাবঁকা খাটো গাছগুলি থোলো থোলো সাদা ফুলের গুচ্ছে ভরে গিয়েছে। মাঠময় পাতাঝরা বাঁকাচোরা বাবলা গাছগুলির ডগায় ডগায় সবুজ টোপার মত নতুন পল্লব সবে দেখা দিয়েছে।

সে দিন নোটনের কণ্ঠে আর গোকুলের পুত্র, হীরে আর নবীনের বিয়ে। তিন বছরের হীরে, নবীনের বয়স দশ। গায়ে হলুদ মাখছে বেদে এয়োরা, রঙ খেলছে, উলু পড়ছে; ঢোল কঁাসী বাজাচ্ছে পাশের গাঁয়ের বায়েনরা, মরদেরা মদ তুলছে, মদের গন্ধে যত কাক আর শালিকের দল এসে পাড়া ছেয়ে গাছের ডালে বসেছে; বেলা তখন দুপুরের কাছাকাছি, পাড়ায় সোরগোল উঠল।

নাগু ঠাকুর আসছে। নাগু ঠাকুর!

পিঙলা বসেছিল একা নিজের দাওয়ায়।

সে চমকে উঠল। বৃকের ভিতরটা কেমন যেন গুর-গুর করে উঠল। মনে পড়ল—নাগু ঠাকুরের সে মোটা ভরাট দরাজ কর্ণধর, তার সেই মূর্তি, লম্বা মাহুশ গোরা রঙ, মোটা নাক, বড় বড় চোখ, প্রশস্ত বুক, গলায় রুদ্রাক্ষ আর পৈতে। সেই হা হা করে হাসি। গগনভেরী পার্শ্বীয় ডাকে আকাশে নাকাড়া বাজে, নাগু ঠাকুরের হাসিতে বৃকের মধ্যে নাকাড়া বাজে।

নাগু ঠাকুর আসছে! নাগু ঠাকুর!

উত্তেজনায় পিঙলার অবসাদ কেটে গেল। সে উঠে দাঁড়াল।

ধেমন অদ্ভুত নাগু ঠাকুর—তেমনি আসাও তার অদ্ভুত। কালো একটা মহিষের পিঠে চড়ে এসে সীতালীতে ঢুকল। সঙ্গে—হিজলের ঘাস-চরের বাথানের এক গোপ। ঠাকুরের কাঁধে প্রকাণ্ড এক ঝোলা। মহিষের পিঠ থেকে নেমে হা হা করে হেসে বললে—পথে ঘোষেদের মহিষটা পেলাম, চ'ড়ে চলে এলাম। নে রে ঘোষ, তোরা মোষ নে।

তারপর বললে—বসব কোথা ? দে, বসতে দে।

তাড়াতাড়ি ভাহু নিয়ে এল একটা কাঠের চৌকি। —বসেন, বাবা বসেন।

বসল নাগু ঠাকুর। বললে—ভাত খাব। কন্তে, তোরা হাতেই খাব।

হাতের চিমটেটা মাটিতে বসিয়ে দিলে। পিঙলা বিচিত্র বিস্ফারিত দৃষ্টিতে তার দিকে তাকিয়ে রইলো। সে দৃষ্টিতে যত আতঙ্ক তত বিস্ময়। লাল কাপড় পরনে গোরবর্ণ দীর্ঘাকৃতি উগ্র আয়ত চক্ষু, মোটা নাক—নাগু ঠাকুর যেন দাঁতাল হাতী। না—নাগু ঠাকুর যেন রাজ-গোথুরা। কথা বলছে আর ঢুলছে, সঙ্গে সঙ্গে ঢুলছে তার বৃকের উপর রুদ্রাঙ্কের মালা। কপালে ডগডগ করছে সিন্দূরের ফঁোটা, ঝকঝক করছে রাঙা চোখ। পিঙলার বৃকের ভিতরটা গুরুগুরু করে কাঁপছে নাগু ঠাকুরের ভারী ভরাট কণ্ঠস্বরে।

ভাহু বললে—কন্তে, পেনাম কর গ! পিঙলা!

—এ্যা ? প্রশ্ন করলে পিঙলা; ভাহুর কথা তার কানেই যায় নাই, সে মগ্ন হয়ে রয়েছে নিজের অন্তরের গভীরে।

ভাহু আবার বললে—পেনাম কর গ ঠাকুরকে!

ঠাকুর নিজের পা ছুটো বাড়িয়ে দিয়ে বললে—পেনাম কর। তোরা জন্তেই আস। মা বিষহরির হুকুম এনেছি। তোরা ছুটির হুকুম হয়েছে।

—ছুটির হুকুম হয়েছে ?

চমকে উঠল পিঙলা, চমকে উঠল সাতালীর বেদে পাড়া।

নাগু ঠাকুর দাড়িতে হাত বুলিয়ে মাথা ঝাঁকি দিয়ে বললে—নাগু ঠাকুর শাক দিয়ে মাছ ঢাকে না। মিছে কথা বলে না। এই কন্তেটাকে দেখে আমার মন বললে—ওকে না-হলে জীবনই মিছে। বৃকটা পুড়তে

লাগল। কিন্তু কন্তে যেখানে বিষহরির আদেশে বাকবদ্ধ হয়ে সাতালীতে রয়েছে তখন সে কন্তেকে পাই কি ক'রে? শেষ গেলাম মায়ের কাছে ধরনা দিতে চম্পাই নগর রাঙামাটি। পথে দেখা হ'ল এক ইসলামী বেদে-বেদেনীর সঙ্গে। হোক ইসলামী বেদিনী, সাক্ষাৎ বিষহরির দেবাংশিনী। সে-ই বলে দিলে আমাকে। কন্তের দেনা এবারে শোধ হয়েছে, কন্তের এবারে ছুটি। নিয়ে যাও এই নাগ, এই নাগ দেখিয়ে। বলো, এই নাগ বার্তা এনেছে বিষহরির কাছ থেকে। কন্তের মুক্তি, কন্তের ছুটি;—

প্রকাণ্ড ঝুলির ভিতর থেকে নাগু ঠাকুর বার করলে একটা বড় ঝাঁপি। পাহাড়ে চিতি রাখা ঝাঁপির মত বড়। খুলে দিলে সে ঝাঁপিটা। শিশু দিয়ে দাঁড়িয়ে উঠল সে নাগ; নাগ নয়, মহানাগ; রাত্রির মত কালো, বিশাল ফণা মেলে সে বৃকের উপর দাঁড়িয়ে উঠল,—ছোবল মারলে মানুষের বৃকে ছোবল পড়বে, বসে থাকলে ছোবল পড়বে মাথায়। ছয়'হাত লম্বা কালো কেউটে। কালো মটর কলাইয়ের মত নিম্পলক চোপ, ভীষণ দুটি চেরা জ্বিল!

রাখা তুলে দাঁড়াতেই নাগু ঠাকুর হেঁকে উঠলো, সাপটাকেই হাঁক দিয়ে সাবধান ক'রে দিলে, না-হয় উত্তেজনার আতিশয্যে হাঁক মেরে নাগটাকে যুদ্ধে আহ্বান জানালে। সে হেঁকে উঠল—এ—ই!

সাপটা ছোবল দিয়ে পড়ল। সাধারণ গোথুরা কেউটের ছোবল দেওয়ার সঙ্গে তফাৎ আছে, অনেক তফাৎ। তারা মুখ দিয়ে আক্রমণ করে, এ আক্রমণ বৃক দিয়ে। আড়াই হাত তিন হাত উগত দেহের উর্ধ্বাংশটা একেবারে আছাড় খেয়ে পড়ছে। মানুষের উপর পড়বার স্বযোগ পেলে দেহের ভারে এবং আঘাতে তাকে পেড়ে ফেলবে; বৃকের উপর পড়লে চিং হয়ে পড়ে যাবে মানুষ। তখন ও তার বৃকের উপর

চেপে ছলবে আর কামড়াবে। সাঁতালীর বেদেরাও এ নাগ দেখে
বারেকের জন্ত চঞ্চল হয়ে উঠল।

পিঙলা চীৎকার ক'রে ছুটে এল—ঠাকুর! তার হাতও উত্তত হয়ে
উঠেছে। সে ধরবে ওর কণ্ঠনালী চেপে। সমস্ত দেহখানা নিয়ে
ঠাকুরের বৃকের উপর আছাড় খেয়ে পড়বার আগেই ধরবে।

নাগ ঠাকুর কিন্তু রাড়ের নাগেশ্বর ঠাকুর। দুর্দান্ত সাহস, প্রচণ্ড
শক্তি, সে তার লোহার চিমটেখানা শক্তহাতে তুলে ধরেছে। কণ্ঠনালীতে
ঠেকা দিয়ে তাকে আটকেই শুধু দেয় নাই তাকে উলটে ফেলে দিয়েছে।

সঙ্গে সঙ্গে অট্টহাস্তে হেসে উঠল।

ওদিকে ভিড় ঠেলে এগিয়ে এল গঙ্গারাম। সে সামনে এসেই থমকে
দাঁড়িয়ে গেল। শঙ্কিত কণ্ঠে বলে উঠল—শঙ্খচূড়! ই তুমি কোথা
পেল্যা ঠাকুর? মুই দেখেছি, কামাখ্যা মায়ের খান ঘি ঘাশে—সেই
ঘাশে আছে এই নাগ। আরেঃ—বাবা!

*

*

নাগ ঠাকুর বললে—সে আমি জানি না। আমি জানি, এ হ'ল
নাগলোকের নাগ। বিষহরির বার্তা নিয়ে এসেছে। নাগিনীর মুক্তি
হয়েছে, তার ঋণ সে শোধ করেছে। বলেছে আমাকে—বিষহরির
দেবাংশিনী, সে এক সিদ্ধ যোগিনী। মায়ের সঙ্গে তার কথা হয়। তার
সঙ্গে যে বেদে সে আমাকে বললে—তুমি মিছে কথা ভেবো না ঠাকুর।
এ মেয়ে সামান্য লয়। মা গঙ্গার জলে কন্তে ভেসে এসেছে। আমার
ভাগ্যি, আমার লায়ের গায়ে আটকে ছিল, আমি তুললম—বড় ক'রে
সেবা ক'রে চেতনা ফেরালম, কন্তে জ্ঞান পেয়ে প্রথম কইল কি জ্ঞান?
কইল—মা বিষহরি, কি করলে জহুনী, এই তোমার মনে ছিল? সাক্ষাৎ
নাগলোকের কন্তে এ মেয়ে। মা-বিষহরির সঙ্গে ওর কথা হয়!

নাগু ঠাকুর বললে—আমার বাঢ় দেশে বাড়ী শুনে আমাকে বললে, বাঢ় তোমার বাড়ী তো তুমি হিজল বিল জান? মা মনসার আটন যে হিজলে—সেই হিজল! বিষবিছা জান বলছ তো গিগেছ কখনও সেখানে? গাতালী জান? গাতালীর বিষবেদেদের জান? আমি অবাক হয়ে গেলাম। শুধালাম—তুমি জানলে কি করে? সে কত্তের চোখ থেকে জল গড়িয়ে পড়ল। বললে—ঠাকুর, নাগলোকের কালনাগিনীর এক মায়ের পেটের অনেক কত্তের এক একজনাকে যে এক এক জন্মে সেখানে ঋণশোধ করতে জন্ম নিতে হয়। আমিও এক জন্মে সেখানে জন্ম নিয়েছিলম। বড় দুঃখ—বড় যাতনা, বড় বঞ্চনা, বড় তাপ পেয়ে জন্ম শেষে মায়ের থানে গেলম, বললম—তুমি মুক্তি দাও। আর দুঃখ তাপ দিয়ো না। মা আমাকে পাঠায়ে দিলেন নরলোকে, বললেন—যা তবে সেই তপস্তা কর্গে যা। সেই তপ করছি ঠাকুর। মায়ের বিধান মানতে পারি নাই, তার জন্তে শাস্তি পেলম, ইসলামী বেদের লায়ে এসে উঠলাম। তার অন্ন খেলম। তবে মাহুখটা ভাল। ভারী ভাল। তাতেই তো ওর সঙ্গে ঘর বেঁধেছি। ঘর না ছাই—মা মনসার আটনে আটনে ঘুরে বেড়াই; মায়ের থানে পূজা করি—আর আদেশ মাগি। বলি—মাগো, মুক্তি দাও! দেনা শোধ কর। আমাকে শুধালে—তা তুমি কেন এমন ক'রে বাঙলা বাউলের মত ঘুরছ ঠাকুর? ব্রাহ্মণের ছেলে, কি তোমার চাই? আমি তাকে বললাম—কত্তে, তোর মত, তোরই মত এক কত্তে, সেও নাগলোকের কত্তে, জন্মেছে নরলোকে, তার জন্তে আমার সব কিছুতে অকচি, তাকে না পেলো আমি মরব;—তারই জন্তে ঘুরছি এমন করে। আমি কিছুতেই ভুলতে পারছি না, কালো মেয়ে, তার দুই হাতে দুই গোখুরা, আঃ—সে রূপ আমি ভুলতে পারছি না। সে হ'ল ওই গাতালী গায়ের

নাগিনী কণ্ঠে—তার নাম পিঙলা। আজ এক মাস ঘর থেকে বেরিয়েছি যাব চম্পাই নগর রাঙামাটি—মা-বিষহরির দরবারে; ধরনা দোব। হয় মা আমাদের কণ্ঠকে দিক—নয় তো নিক, আমার জীবন নিক বিষহরি। সে কণ্ঠে পলকহীন চোখে চেয়ে রইল। আকাশ-বাতাস, গাছ-পালা, নদী-পাহাড় পার হয়ে তার দৃষ্টি চলে যাচ্ছিল আমি দেখলাম। গুরুর নাম নিয়ে বলছি—সে আমি দেখলাম। চলে গেল—আঁধার রাত্রে আলো যেমন চলে—তেমনি ক’রে চলল। না, পাহাড় গাছপালায়—আলো ঠেকা খায়, দৃষ্টি তাও খায় না। সে চলে, তার দৃষ্টি চলল। আমি অবাক হয়ে তাকিয়ে রইলাম। সে হঠাৎ বললে—পিঙলা, পিঙলা পিঙলা কন্যা! মাতালী গাঁয়ের বিষহরির দেবাংশিনী, নাগিনী কণ্ঠে! কালনাগিনীর মত কালো লম্বা দিঘল দেহ, টানা চোখ, টিকালো নাক, মেঘের মত কালো—এক পিঠ চুল, বড় মনের যাতনা তার, দারুণ পরানটার দাহ! কণ্ঠে কাঁদে গ। কণ্ঠে কাঁদে! বৃকের মধ্যে এক গাছ-চাঁপার কলি কিন্তু সে ফুটতে পায় না। বৃকের আগুনে ঝরে যায়।

গোটা মাতালীর বেদেরা বিশ্বয়ে অভিভূত হয়ে শুনছিল নাগুঠাকুরের অলৌকিক কাহিনী। শঙ্কায় তারা শুক হয়ে গিয়েছে। বড় ঝাঁপটায় ভিতর মধ্যে মধ্যে গর্জাচ্ছে সেই মহানাগটা। আর শোনা যাচ্ছে—জনতার শ্বাসপ্রশ্বাসের শব্দ। বিয়েবাড়ীর বাজনা খেমে গিয়েছে। ভাঙুর চোখ দুটো বড় হয়ে উঠেছে, জ্বলছে। গঙ্গারামের চোখের দৃষ্টি ছুরির মত ঝলছে। বেদের মেয়ে অবিশ্বাসিনী, বেদের মেয়ে পোড়ারমুখী, মুখ পুড়িয়ে তার আনন্দ; বেদেরের পাড়ায় পাড়ায় অনেক গোপন খেলা;—তাব জগ্ন অনেক বিধান; সন্ধ্যার পর বেদের মেয়ে বাড়ী ফিরলে, সে বাড়ী ঢুকতে পায় না;—‘শিয়াল ডাকিলে পরে বেদেরা লবে না ঘরে, বেদেরীর যাবে জাতি কুল।’ সে সব পাপ খণ্ডন করে—

এক ওই বিষহরির কন্যার তপস্যা; তার পুণ্য। নাগু ঠাকুরের কথার মধ্যে যদি দেবতার কথার আদেশের প্রতিধ্বনি না থাকত তবে নাগু ঠাকুরকে তারা সড়কিতে বিঁধে ঝাঁঝরা করে দিত। আরও আশ্চর্য নাগু ঠাকুর;—সে সব জানে, তবু তার ভয় নাই। কেন সে ভয় করবে! এ তো তার কথা নয়, দেবতার কথা। বিষহরির এক কন্ঠার কথা। সে সশরীরে এসেছে নাগলোক থেকে, তপস্যা করছে জীবনভোর। তপস্বিনী যোগিনী কন্ঠার সঙ্গে মা-বিষহরির কথা হয়। তার কথা। সে বলেছে।

বিশ্বয়ে বিচিত্র ভাবোপলব্ধিতে পিঙলা যেন পাথরের মূর্তি। পলকহীন দৃষ্টিতে তাকিয়ে আছে সে ঠাকুরের দিকে। বড় বড় চোপ, মোটা নাক, গৌরবর্ণ দেহ, কপালে সিন্দূরের ফোঁটা, মাথায় বড় বড় কৃষ্ণ কালো চুলের রাশি। মুখে দাড়ি গৌঁফ। গম গম করছে তার ভরাট গলার আওয়াজ। বলেছে সেই কাহিনী। বলেছে পিঙলার বুকের ভিতরের চাঁপা গাছে, গাছ ভরে আসে চাঁপার কলি। কিন্তু ঝরে যায়, বুকের আগুনে ঝলসে সব ঝরে পড়ে যায়। একটাও কোন দিন ফোটে না।

পিঙলা অকস্মাৎ মাটির উপর পড়ে গেল, মাটির পুতুলের মত।

নাগু ঠাকুর তার গৌরবর্ণ গোলালো দুখানা হাত দিয়ে কালো মেয়েটিকে তুলে নিতে গেল। এমন যে নাগু ঠাকুর—যার গলার আওয়াজ শুনে মনে হয় শিঙা বাজছে বুঝি, সেই মাছবের গলায় এবার যেন শানাই বেজে উঠল, সে ডাকলে—পিঙলা! পিঙলা!

তার আওয়াজকে ঢেকে দিলে এবার গঙ্গারামের চীৎকার, সে চীৎকার করে উঠল—খবরদার! সঙ্গে সঙ্গে লাফ দিয়ে পড়ল নাগু ঠাকুর আর পিঙলার মাঝখানে; নাগু ঠাকুরের বাঁধানো দুখানা হাত দুহাতে চেপে ধরলে। চোখে তার আগুন জ্বলছে। গঙ্গারাম ভোমন করত,

সে ফণা তোলে না, তার চোখ স্থির কুটিল, আজ কিন্তু গঙ্গারাম গোখুরা হয়ে উঠেছে। সে বললে—খবরদার ঠাকুর! কত্নেরে ছুঁইবা না। হও তুমি বেরাক্ষণ—হও তুমি দেবতা, সঁাতালীর বিষবেদের বিষহরির কত্নের অঙ্গ পরশের হুকুম নাই।

এবার ভাদু গর্জন ক'রে সায় দিয়ে উঠল—ই! অর্থাৎ ঠিক কথা, এই কথাটাই তারও কথা, গোটা সঁাতালীর বেদেজাতের কুলের কথা।

ভাদুর সঙ্গে সঙ্গে গোটা বেদেপাড়াই সায় দিয়ে উঠল—ই!

নাগু ঠাকুর সোজা মাল্লষ, বৃকের কপাট তার পাথরে গড়া কপাটের মত শক্ত, সে কখনও নোয়ায় না, সে আরও সোজা হয়ে দাঁড়াল। বড় বড় চোখে দৃষ্টি ধ্বংসক ক'রে উঠল। সে চীৎকার ক'রে উঠল, শিঙা হৈকে উঠল—বিষহরির হুকুম! মা কামাখ্যার আদেশ!

গঙ্গারাম বললে—মিছা কথা!

ভাদু বললে—পেমান কি?

নাগু ঠাকুর এবার নিজের হাত ছাড়িয়ে নেবার জ্ঞান আকর্ষণ করে বললে—হাত ছাড়।

—না।

নাগু ঠাকুর যেন দাঁতাল হাতী। এক টানে লোহার শিকল বনবন শব্দ ক'রে ছিঁড়ে টুকরা টুকরা হয়ে যায়। নাগু ঠাকুরের এক ঝাঁকিতে গঙ্গারামের হাত ছুথানা মুচড়ে গেল, সে-মোচড়ের যন্ত্রণায় তার হাতের মুঠি খুলে গেল এক মুহূর্তে। হা হা শব্দে হেসে উঠল নাগু ঠাকুর। নাগু ঠাকুরের ভয় নাই। চারিপাশে তার হিজলের ঝাউবন ঘাসবনের চিতাবাঘের মত বেদের দল;—তারই মধ্যে দাঁড়িয়ে সে হা হা করে হেসে উঠল।

সঙ্গে সঙ্গে তার বৃকে পড়ল মুণ্ডরের মত একটা হাতের একটা কিল।

মারলে গঙ্গারাম। একটা শব্দ করে নাগু ঠাকুর টলতে লাগল, চোখের তারা দুটো ট্যারা হয়ে গেল, টলতে টলতে সে পড়ে গেল কাটা গাছের মত।

গঙ্গারাম বললে—বাঁধ্ শালাকে। রাখ্ বেঁধ্যা। তারপরেতে—

ভাতু সভয়ে বললে—না। বেরাক্ষণ, গঙ্গারাম—!

—কচু। উ শালার কুনো জাত নাই। শালা বেদের কন্তো নিয়া ঘর বাঁধিবে, উর আর জাত কিসের?

—ওরে সিদ্ধ পুরুষের জাত থাকে না।

হা হা ক'রে হেসে উঠল গঙ্গারাম। বললে—অ্যানেক সিদ্ধ পুরুষ সুই দেখিছি রে। সব ভেলকি, সব ভেলকি! হা-হা-হা-হা করে হাসতে লাগল গঙ্গারাম।

(ছয়)

পিঙলা বলে খাচ্ছিল তার কাহিনী, শুনে যাচ্ছিলেন শিবরাম। হিজল বিলের বিষহরির ঘাটের উপর বসে ছিলেন দুজনে। মাথার উপর ঝড় চলছে—হু হু করে, মেঘ উড়ে চলেছে। মধ্যে মধ্যে নীল বিদ্যুতের আঁকাবাঁকা সর্পিল রেখায় চিড় খাচ্ছে কালো মেঘের আবর্তিত পুঞ্জ। কড় কড় ক'রে বাজ ডাকছে।

পিঙ্গলার ভ্রক্ষেপ নাই। তার বিশ্বাস, হিজলের আশেপাশে বজ্রাঘাত হয় না। তার বিশ্বাস সে যখন মায়ের চরণে প্রার্থনা জানিয়ে মন্ত্রপড়ে, হিজল বিলের সীমানার শান্তিভঙ্গ না ক'রে দূরান্তরে চলে যেতে মেঘকে ঝড়কে আদেশ করেছে তখন তাই যেতে সে বাধ্য এবং তাই যাবে।

শিবরাম বললে—ভাল ক'রে কি ঝড় লক্ষ্য করেছে তোমরা বাবা? হয় তো কেতাবে পড়েছ, কিন্তু আমরা সেকালের মানুষ—এ সব পাঠ গ্রহণ করেছি প্রকৃতির লীলা থেকে। ঝড়টা সেদিনের ছিল শুকনো ঝড় এবং উপর-আকাশের ঝড়। অনেক উপরে উনপঞ্চাশপনের তা'র চলছিল, নিচে তার কেবল আঁচটা লাগছিল। এমন ঝড় হয়। সে দিনের ঝড়টা ছিল সেই ঝড়। সেদিনের ঝড়টা যদি পৃথিবীর বুকে নেমে বয়ে যেত—তবে হিজলের চরের ঝাউ বন বাবলা বন গুয়ে পড়ত মাটিতে। হিজল বিলের জল চলকে পড়ত চরের উপর। গঙ্গার বুকের নৌকা যেত উড়ে। সাতালী বেদেদের কাশে-ছাওয়া খড়ের চাল ঝড়ের নদীতে নৌঙর ছেড়া পানসির মত ঘুরতে ঘুরতে চলে যেত উধাও হয়ে। পিঙ্গলা আর আমি নাগিনী কত্না আর ধনুস্তরি ভাই চলে যেতাম শূন্যলোকে ভেসে।

হেসে শিবরাম বলেন—তাই যদি যেতাম বাবা তা হলে উড়ে যেতে যেতে পিঙ্গলা খিল খিল করে উঠত, বলত—ধনস্তরি ভাই, মনে কর মা মনসার বেরতোর কথা; না হেসে ভাইয়েরা বেনে কত্নেকে বলেছিল—বহিন, দেহকে বাঁটুলের মত গুটিয়ে নাও, তুলোর চেয়ে হালকা হও, আমাদের স্বক্ষে ভর কর, চক্ষু দুটি বন্ধ কর। দেখবে শোঁ শোঁ করে নিয়ে গিয়ে তুলব নাগলোকে। তেমনি করে ধনস্তরি ভাই, হামরার কাঁধের পর ভর করো।

পিঙলার তখন বাস্তববোধ বোধ হয় একেবারে বিলুপ্ত হয়ে গিয়েছে। মস্তিষ্কের বায়ু সেটাকে আচ্ছন্ন করে ফেলেছে, আর বায়ুকে আশ্রয় করে মেঘের মত পুঞ্জিত হচ্ছে আবর্তিত হচ্ছে ওই অলৌকিক বিশ্বাস। উন্মাদ রোগের ওই হল লক্ষণ। একটা মনোবেদনা বা অন্ধ বিশ্বাস নিরন্তর মাতুষের মন এবং দেহের মধ্যে সৃষ্টি করে গুমোটের, যে ভাবনা প্রকাশ করতে পারে না মাতুষ সেই নিরুদ্ধ অপ্রকাশিত ভাবনা বায়ুকে কুপিত করে তোলে। তারপর প্রকৃতির নিয়মে কুপিত বায়ু ঝড়ের মত প্রবাহিত হয়। তখন, এই বেগনা বা বিশ্বাস মেঘের মত মস্তিষ্কে আচ্ছন্ন করে দুর্বোলের সৃষ্টি করে।

পিঙলা সে দিনও আকাশের উর্ধ্ব লোকে প্রবাহিত ঝড়ের দিকে আঙুল দেখিয়ে হেসে বললে—দেখিছ ধনস্তরি ভাই, জলুনীর মহিমা!

একটা গভীর মমতা; শিবরাম বলেন—ওই বগ্ন বোনটির প্রতি রমণীয় আকর্ষণ আমার ছিল, গোড়া থেকেই ছিল। এমনই যারা বগ্ন—ষাদের প্রকৃতির মধ্যে মানব প্রকৃতির শৈশব মাধুর্যের অবিমিশ্র আশ্বাদ মেলে—রূপ ও গন্ধের পরিচয় মেলে তাদের উপর এই রমণীয় আকর্ষণ স্বাভাবিক। তোমরা এদের সংসর্গে এস নাই—তাই এই আকর্ষণের গাঢ়তা জাম না। আমার ভাগ্য, আমি পেয়েছি। সেই আকর্ষণের

উপরে সে দিন আর এক আকর্ষণ সংযুক্ত হয়ে সবলতর প্রবলতর করে তুলেছিল আমার আকর্ষণকে। সে হল—রোগীর প্রতি চিকিৎসকের আকর্ষণ। আমি পিঙলার আচরণের মধ্যে রোগের উপসর্গের প্রকাশ-বৈচিত্র্য দেখছিলাম। ভাবছিলাম—রোগেরও অন্তরালে লুক্কায়িত রয়েছেন যে বিচিত্র রহস্যময়ী, তিনি কি ভাবে পিঙলাকে গ্রাস করবেন? রোগের অন্তরালে কোন্ রহস্যময়ী থাকেন, বোঝা ত?—মৃত্যু। তা-ছাড়া, পিঙলার কাহিনী ভালও লাগছিল।

পিঙলা ওই পর্বস্ত ব'লে খানিকটা চূপ করেছিল। নাগু ঠাকুর বুকের উপর অতর্কিত প্রচণ্ড আঘাত খেয়ে পড়ে গেল—সে ছবি যেন শিবরাম চোখে দেখতে পেলেন। এতগুলি ক্লষ্ণকায় মানুষের মধ্যে গৌরবর্ণ রক্তাধর পরা ওই বিশাল দেহ অসমসাহসী মানুষটা টলতে টলতে পড়ে গেল। পিঙলা বলে চূপ করলে। উদাস দৃষ্টিতে আকাশের ঘন আবর্তিত মেঘের দিকে চেয়ে রইল। তারপর দূরে একটা বজ্রপাতে মচেতন হয়ে—আকাশের দিকে, আঙুল তুলে দেখিয়ে বললে—দেখিছ খবস্তরি ভাই, জহ্নুনার মহিমা!

—“ঠাকুর আসিবে। সে-ই আনিবে হামরার ছাড়পত্তর। বিধেতার দরবারে হিসাব-নিকাশে কল্লের ফারখতের হুকুম। বেদেবুলের বন্ধন থেকে মুক্তির আদেশ আনিতে গেলছে ঠাকুর!”

“মুই তাতে সেদিনে হাতপায়ের বাঁধন খুল্যা ছেড়্যা দিলম; না-হলি, ওই পানী শিরবেদেটা তা'রে জ্যাস্ত রাখিত না। খুন কর্যা ভাসায়ে দিত হাঙরমুখীর খালে। হাঙরে কুস্তীরে খেয়ে ফেলাত ঠাকুরের গোরো দাঁতাল হাতীর-পারা দেহখানা।”

শিউরে ওঠে পিঙলা।

“ভাগ্য ভাল, ভাতু মামারে সেইদিন থেকা স্মৃতি দিলে মা-বিষহরি ! সে-ই এয়া হামরাকে কইলে—কন্তে তুমি কও, মায়ের চরণে মতি রেখা ধ্যান কর্যা বল, বেরাক্ষণের লহ সঁাতালীর মাটিতে পড়িবে কি না-পড়িবে। গঙ্গারাম বলিছে—উকে খুন কর্যা ফেলে দিবে হাঙরমুখীর খালে। বলিছে—ছেড়া যদি দিস তবে উ ঠাকুর সন্ধানশ কর্যা দিবে।”

সেই যে চেতনা হারিয়ে মূর্ছিত হয়ে পড়েছিল পিঙলা—অনেকক্ষণই তার জ্ঞান হয় নাই। তারপর জ্ঞান ফিরল যখন—তখন সে তার দাওয়ায় শুয়ে—আর তার মাথার কাছে বসে ভাতুর মেয়ে—তার মামাতো বোন চিতি। বাড়ীর সামনে যেখানে সে দেখেছিল নাগ ঠাকুরকে আর সঁাতালীর বেদেদের—সেখানটা শূণ্য। দূরে বিয়েবাড়ীতে লোকজন বসে রয়েছে। জটলা করছে। বাজনদারেরা ছুটে পালিয়েছে। নাগ ঠাকুরকে বৃকে কিল মেরেছে—নাগ ঠাকুর যখন উঠবে তখন সঁাতালীতে বিপর্যয় ঘটবে। মৌমাছি বোলতা ভিমরুলে ভরে যাবে সঁাতালীর আকাশ। কিংবা জলে উঠবে সঁাতালীর কাশে-ছাওয়ানো ঘরবাড়ী। কিংবা প্রচণ্ড ঝড়ই আসবে—যাহোক একটা ভীষণ বিপর্যয় ঘটবে।

পিঙলাকে সমস্ত বিবরণ বললে চিতি।

বললে—আহা দিদি গ, মাহুষ তো নয়, সাক্ষাৎ মহাদেব গ। পাথরের কপাটের মতন বৃকের পাটা, গোরো রঙ, বীর মাহুষ, পড়ল ধড়াশ করে।

ভাতু ছুটে এল এই সময়ে।

পিঙলা বললে—কি হল আমার সে কথা তুমাকে বলতে লারব ধমন্তরি ভাই। হাঁ; ঠিক যেমন হলছিল—সেই বারুদের বাড়ীতে, ওই

নাগু ঠাকুরের হাঁক শুনা, বেদেফুলের মাগ্ন যার-যায় দেখা ঠিক তেমুনি । মনে মনে পরানটা ফাটায়ে ডাকিলম মা-বিষহরিকে । বলিব কি ভাই, চোখে দেখিলম যেন মায়ে রূপ । ওই আকাশের মাঘে যেমন ললপা উগ্ৰাই মিলায়ে যেতিছে বিহাতের চমক—তেমুনি চকিতে দেখিলম—চকিতে মিলায়ে গেল । পিখিমৌটা যেন ছুলা উঠল, ছামুতে হেই হিজল বিল উথলায়ে উঠল । গাছ ছলিল—পাতা ছলিল ।

পিঙলা আবার মুর্ছিত হয়ে পড়েছিল । এবার কিন্তু গতবারের মত নয় । এবার, তার উপর হল বিষহরির ভর । মূহুর মধ্যেই মাথা তার ছলতে লাগল, মাথার সে আন্দোলনে রুখু চুলের রাশ চারিপাশে ছড়িয়ে পড়ল । বিড় বিড় করে সে বললে—ছেড়া দে, সিন্ধু পুরুষকে তোরা ছেড়া দে । বীরপুরুষকে তোরা ছেড়া দে । কত্তে থাকিবে না, কত্তে থাকিবে না । মা কহিছে, কত্তে থাকিবে না !

পিঙলা বলে—মাকে সে সেই বিচিত্র বিস্ময়কর ক্ষণে চোখে দেখেছিল । বলে—ওই চকিতে দেখা দিয়ে মা আঙুল দিয়ে দেখিয়ে দিলেন যেন কি । পিঙলা দেখলে—মদমত্ত শ্বেতহস্তীর মত—নাগু ঠাকুরকে ! বুকে তার রুদ্রাক্ষের মালা ছলছে—চোখে তার নির্ভয় দৃষ্টি, নাগু ঠাকুরের শিঙার মত কণ্ঠস্বর কানের কাছে বেজে উঠল । “কত্তা থাকবে না ।” বিষহরির হুকুম নাগু ঠাকুর শুনেছে । সে ওই কত্তেকে নিতে এসেছে ।

ভাদ্র চীৎকার করে উঠেছিল—মা জাগিছেন, কত্তের ভর হইছে । ভর হইছে । ধূপ—ধূনা—বিষমঢাকি !

ধূপধূনার গন্ধে ধোঁয়ায় বিষমঢাকির বাজে সে যেন নূতন পর্বদিন এল মাতালী গাঁয়ে ।

—কি, আদেশ—কও মা !

পিঙলার সেই এককথা।—সিন্ধু পুরুষ, বীর পুরুষ—ছেড়ে দে, ছেড়ে দে ! কন্তা থাকিবে না। কন্তা থাকিবে না।

বলতে বলতে নিজীব হয়ে পড়ল পিঙলা। যেন নিথর হয়ে গেল। দীর্ঘক্ষণ পর সে জাগল। তার সামনে দাঁড়িয়ে তখন গন্ধারাম, চোখে তার ক্রুর দৃষ্টি। ডোমন করেতের দৃষ্টি মেলে—তার দিকে চেয়ে রয়েছে।

কিছুক্ষণ পর পিঙলা টলতে টলতে উঠল, ডাকলে—ভাছু মামা গ !

—জহ্ননী !

—ধর হামরাকে !

—কোথা যাবে গ, ই দেহ নিয়া।

—বাব। ঠাকুর কোথাকে আছে নিয়া চল হামরাকে। বিষহরির আদেশে কই মুই। নিয়া চল। আশ্চর্য আদেশের সুর ফুটে উঠেছিল পিঙলার কণ্ঠস্বরে। সে সুর লজ্বনের সাহস বেদেদের নাই।

হাতে পায়ে বেঁধে ফেলে রেখেছিল নাগু ঠাকুরকে।

আশ্চর্য, নাগু ঠাকুর চুপ করে শুয়েছিল—যেন আরাম শয্যায় শুয়ে আছে। পিঙলা গিয়ে তাকে প্রণাম করলে, তারপর নিজের হাতে তার হাত-পায়ের বাঁধন খুলে দিয়ে হাত জোড় করে বললে—বেদে কুলের অপরাধ মাজ্জনা করি যাও ঠাকুর। তুমি ঘর যাও।

নাগু ঠাকুর উঠে দাঁড়িয়ে একবার গভীরকণ্ঠে ডাকলে—পরমেশ্বরী মা ! তারপর বললে—প্রমাণ চেয়েছিস তোরা ! ভাল, প্রমাণ আমি আনব। এনে, শোন কন্তে, প্রমাণ দিয়ে তোকে আমি নিয়ে যাব। তোকে নইলে আমার জীবনটাই মিছে।

—ছি ঠাকুর, তুমি বেরাঙ্গণ—

—জাত আমি মানি নাই কন্তে, এ সাধনপথে জাত নাই ! থাকলেও

তোর জন্তে সে জাত আমি দিতে পারতাম। তোর জন্তে রাজসিংহাসন থাকলে তাও দিতে পারতাম। নাগু ঠাকুরের লজ্জা নাই, মিছে কথা সে বলে না।

কথা বলতে বলতে নাগু ঠাকুর যেন আর একজন হয়ে গেল। শিঙা শানাই হল ধ্বস্তরি, তাতে যেন স্বরে গান বেজে উঠল। মুখে চোখে গোরার রঙে যেন আবীরের ছটা ফুটল।

—সর, সরে যা! ছুটারে, ছুটারেই খুন করব মুই!

বেদেদের ঠেলে আগিয়ে এল গঙ্গারাম।

হা হা করে হেসে উঠল নাগু ঠাকুর। এবার সে অপ্রস্তুত নয়। হাতের লোহার ত্রিশূলটা তুলে বললে—আয়। শুধু হাতে যদি চাস তো তাই আয়! হয়ে যাক, আজই হয়ে যাক।

তাক্ষস্বরে চিৎকার করে উঠল পিঙলা—খবরদার! ঠাকুর যা বলিছে সে আপন কথা বলিছে। মুই যাই নাই। যতক্ষণ মায়ের আদেশ না মিলবে মুই যাব না। বেরাক্ষণকে পথ দে!

গঙ্গারাম নাগু ঠাকুরের হাতে ত্রিশূল দেখে, অথবা পিঙলার আক্ষেপে, কে জানে, থমকে দাঁড়াল।

নাগু ঠাকুর বেরিয়ে গেল বেদেপাড়া থেকে। যাবার সময় গঙ্গারামের সামনে দাঁড়িয়ে বললে—প্রমাণ যেদিন আনব, সে দিন, এই কিলের পাওনা আমি নোব। বুকটাকে লোহাতে বাঁধিয়ে রাখিস, এক কিল সেদিন আমি মারব। হা হা করে হেসে উঠল নাগু ঠাকুর।

ওই হাসি হাসতে হাসতেই চলে গেল নাগু ঠাকুর।

গোটা বেদেপাড়াটা স্তম্ভিত হয়ে রইল!

পিঙলা বললে—ধ্বস্তরি ভাই, তুমার কাছে মুই কিছু গোপন করব

না, পরানের কথাগুলান পরানের ভিতরে গুমুরা গুমুরা কেঁচা সারা হল। দুঃখের ভাগী আপনজনার কাছে না-বল্যা শাস্তি নাই। তুমারে সকল কথাই কই, শুন। হও তুমি মরদ মাহুষ, তবু তুমি হামরার ধরম ভাই, মনে লাগে যেন কত জনমের আপন থেক্যাও আপনজনা। বলি শুন ভাই। মাহুষটা চল্যা গেল, হামরার নয়ন ছটা আপনা থেক্যা ফিরল তার পানে। কি করব কও? ধন্যস্তরি ভাই, সূর্য্যমুখী পুষ্প—সূর্য্যঠাকুরের পানে তাকায় থাকে, দেবতার রথ চলে, পূব থেক্যা পচি মুখে—নয়নে তার পলক পড়ে না, নয়ন তার ফেরে না। নাগু ঠাকুর হামরার সূর্য্যঠাকুর! তেমনি বরণ তেমনি ছটা—ঠাকুর হামরার বন্ধন-মোচনের আদেশ নিয়া আসিল, কইল—ওই কত্তরে লইলে পরানটা মিছা, পিথিমীটা মিছা, বিছা মিছা, সিদ্ধি মিছা; তার লাগি সে জাত মানে না, কুল মানে না, স্বগ্য মানে না। এই কালো কত্তে—কাল-নাগিনী—এরে নিয়া ঘর বাধিবে, বৃকে ধরিবে, হেন পুরুষ ই পিথিমীতে কে? কোথায় আছে? আছে ওই নাগবিছায় সিদ্ধ নাগু ঠাকুর। নাগলোকে নর গেলে পরে পরান নিয়া ফেরে না। নাগলোকের বাতাসে বিষ—মাহুষ ঢল্যা পড়ে যায়, নাগলোকের দংশনে পরান যায়। কিন্তু বীরপুরুষের যায় না। পাণ্ডব অজ্ঞান নাগরাজার কত্তেকে দেখেছিল—মা গঙ্গার জলে, কত্তেকে পাবার তরে হাত বাড়ালে, কত্তে হেসে ডুব দিলে জলে! বীরপুরুষও ডুবল। এস্তা উঠল নাগলোকে। বিষ-বাতাসে সে ঢল্যা পড়ল না, সে বাতাসে তার পরানে মধুর মদের নেশা ধরায় দিলে। নাগলোক এল হাঁ-হাঁ করে, বীরপুরুষ যুদ্ধ করে কত্তেকে জয় করে লিলে। নাগু ঠাকুর হামরার তাই। সে চলে গেল, হামরার নয়ন দুটি তার পথের পানে না-ফির্যা থাকে কি ক’রে কও? তাকায়ে ছিলম তার পথের পানে। রাতের পথ, মা-গঙ্গার কুল থেকে চল্যা

গিয়াছে পচি মুখে। দুইধারে তালগাছের সারিও চলে গিয়েছে—
 আঁকাবাঁকা পথের দুই ধারে—এঁকে বেকে। স্থণ্ডি ঠাকুর তখন পাটে
 বসেছে, তার লাল ছটা সেই তালগাছের সারির মাথায় মাথায় রঙের
 ছোপ বুলায়ে দিয়েছে; চিকণ পাতায় পাতায় সে পিছলে পিছলে
 পড়ছে। মাটির ধুলোতে তার আভা পুড়েছে। তালগাছের পাতায়
 লেগেছে লাল ছটা। ওদিকে মাঠে তিল ফুলের বেগুনে রঙে পড়েছে লাল
 আলোর রঙ। নাগু ঠাকুর সেই পথ ধর্যা চলা গেল। মুই অভাগিনী
 রইলম খালি পথের পানে তাকায়। হুঁস আমার ছিল না। হুঁস হ'ল,
 কে যেন ঘাড়ে ধ'রে দিলেক ঝাঁকি!

ঝাঁকি দিলে গঙ্গারাম।

কুৎসিত হাসি হেসে সে বললে—চাঁপার ফুল ফুটল লাগছে! এঁা?
 চাঁপার ফুলের অর্থ ধ্বস্তরি ভাই জানে কি-না ঐশ্বর্য করলে পিঙলা।
 শিবরাম হাসলেন। মুহূর্ত্তে বললেন—জানি।

শিবরাম জানবেন বৈকি। তিনি যে আচার্য ধূর্জটি কবিরাজের
 শিষ্য। তিনি গ্রামের মানুষ, শুধু গ্রামের মানুষ নন, গ্রামের যে
 মানুষ ভূমিকে জানে, নদীকে জানে, বৃক্ষকে জানে, লতাকে জানে—
 ফল ফুল ফসলকে জানে, কীট-পতঙ্গ জীব-জীবনকে জানে—সেই মানুষ।
 তিনি জানেন, নাগমিলন-তুষাতুরা নাগিনীর অঙ্গসৌরভ ওই চাঁপার
 গন্ধ। প্রকৃতির নিয়মে অভিসারিকা নাগিনীর অঙ্গখানি সৌরভে ভরে
 উঠবে, চম্পকগন্ধা তার প্রেমের আমন্ত্রণ পাঠিয়ে দেবে—অঙ্ককার
 লোকের দিকে দিকে!

পিঙলা বলে—না-না। হ'ল না। তুমি জান না ধ্বস্তরি ভাই।
 সে বলে—অভিসারিকা নাগিনী চম্পকগন্ধা বটে, এ কথাটা ঠিক, কিন্তু
 প্রকৃতির নিয়ম নাকি বললে না? ও কথাটার অর্থ কি সে তা জানে

না, তবে মূল তথ্যটা তা নয়। কালো কানাই গো, কালো কানাই, কালিন্দীর কূলে ব্রজধাম, সেখানের মাটিতে উদয় হয়েছিল—কালো চাঁদের। সেই কানাই এর কারণ। শোন, গান শোন।

বিচিত্র বেদের মেয়ে, মাথার উপরে ঝড়ো আকাশ, বাতাসের এক-
টানা গোঁ গোঁ শব্দ, তারই সঙ্গে যেন সুর মিলিয়ে গান ধরে দিলে—

কালীদেহের কূলে ব'সে, সাজে, ও কার ঝিয়ারী
ও তো লয় কো গোর বরণী রাধা বধু শ্রামপিয়ারী।

ও-কার ঝিয়ারী ?

সাজিছে যে তার দেহের বর্ণ কালো। কালো কানাইয়ের বর্ণের
আলো আছে, কানাই কালো—ভূবন আলো করে, এ মেয়ের কালো রঙে
আলো নাই কিন্তু চিকন বটে ! ও হ'ল কালীয় নাগনন্দিনী কালীদেহের
কূলে মনোহর সজ্জায় সেজে বসে আছে।

ও খোঁপায় পরেছে চাঁপা ফুল—গলায় পরেছে চম্পক মালা ! বসে
আছে সে কদম্ব তলার দিকে চেয়ে।

ওরে নিষ্ঠুর কালীয়া, কি অগ্নি জ্বালালি বুকে—কি বিষম জ্বালা !

আমার বুকের বিষ—জ্বালা জ্বালা জ্বালা হইল মধু !

বিষের পাত্রে মধু আমার খাইয়া যাওরে বঁধু !

ধূজটি কবিরাজের শ্রীমদ্ভাগবতে মহাভারতে হরিবংশে আছে
শ্রীকৃষ্ণের কালীয়নাগ দমনের কথা। পিণ্ডলার সাঁতালী গাঁয়ের বেদেদের
আছে আরও খানিকটা। ওরা বলে আরও আছে। বলে—নাগ শুধু
হার মানেন নাই। বিষম যুদ্ধের পর নাগ বললেন—আমি মরব তবু হার
মানব না। মানতে পারি এক সর্তে। সে সর্ত হ'ল তোমাকে আমার
জামাই হতে হবে। আমার কণ্ঠাকে বিয়ে করতে হবে। কুটিল কানাই

রাজী হলেন, কালীয়নাগের বিষ মাখানো অস্ত্রগুলি নিয়ে, মাথার মগি নিয়ে এই আসি বলে চলে গেলেন—আর এলেন না। চলে গেলেন মথুরা। সেখান থেকে দ্বারকা। ওরা বলে—সেই অবধি সন্ধ্যাকালে কালীদেহের কূলে দেখা যেত এক কালো মেয়েকে। পরনে তার রাঙাশাড়ী, চোখে তার নিম্পলক দৃষ্টি, দেহে তার লতার মত কমনীয় গঠন-লাবণ্য, সর্বাঙ্গে চম্পকাভরণ। সে কাঁদত। নিত্য কাঁদত।

এই কাহিনী ওদের গানে আছে, মুখে মুখে গল্পে আছে।

সন্ধ্যাবেলা এই কাহিনী শুনে, স্মরণ করে সাতালোর নাগিনী কণ্ঠেরা চিরকাল দীর্ঘনিশ্বাস ফেলে। বিরলে বসে গুন গুন করে অথবা নির্জন প্রাস্তুর-পথে উপকণ্ঠে সস্রুণ সুরে ওই গান চিরকাল গেয়ে আসছে।

আমার বুকের বিষ জল্যা জল্যা জল্যা হইল মধু!

কালীদেহের কূলে কৃষ্ণাভিলাষিনী ব্যর্থ অভিসারিকা কালীয় নাগ-নন্দিনীর চম্পক সজ্জার সৌরভ তার দেহসৌরভে পরিণত হয়েছিল। সেই বেদনাতুরা কুমারীকে দেখে নাকি অন্ত সব পতিগর্ভবিনী সেক্ষাগিনী নাগকণ্ঠারা হেসে ব্যঙ্গ করেছিল। সেই ব্যঙ্গ বেদনার উপর বেদনা পেয়ে কৃষ্ণাভিলাষিনী চম্পকগন্ধা কুমারী অভিগাণ দিয়েছিল, বলেছিল—এ কামনা কার না আছে সৃষ্টিতে? আমার সে কামনা দেহগন্ধে প্রকাশ পেয়েছে বলে যেমন ব্যঙ্গ করলি তোরা, তেমনি আমার অভিগাণে নাগিনী কূলে যার যখন এই কামনা জাগবে অন্তরে, তখনই তার অঙ্গ থেকে বার হবে এই গন্ধ। আমি কৃষ্ণাভিলাষিনী, আমার তো লজ্জা নেই, কিন্তু তোরা লজ্জা পাবি, শাণ্ডী-নন্দ-শস্তুর-ভাস্করের সংসারে, সংসারের বাইরে নাগপ্রধানদের সমাজে।

শিবরাম বলেন—ওদের পুরাণকথা ওরাই সৃষ্টি করেছে। আমাদের

পুরাণ সত্য হলে ভদের পুরাণকথাও সত্য। কিন্তু থাক সে কথা ;
পিঙলার কথাই বলি শোন।

পিঙলা কিছুক্ষণ চুপ ক'রে রইল। বোধ হয় কালীয় নাগকুমারীর
বেদনার কথা স্মরণ করে বেদনা অনুভব করছিল। বোধ হয় নিজের
বেদনার সঙ্গে মিলিয়ে নিচ্ছিল।

শিবরাম বলেন—পিঙলার চোখে সেইদিন প্রথম জল দেখলাম।
পিঙলার শীর্ণ কালো গাল দুটি বেয়ে নেমে এল দুটি জলের ধারা। তিনি
বললেন—আজ থাক রে বহিন। আজ তুই স্নান ক'রে বাড়ী যা।
এইবার বুষ্টি আসবে।

পিঙলা আকাশের দিকে তাকালে।

মোটা মোটা টোপায় বুষ্টি পড়তে শুরু হল। মোটা টোপা কিন্তু
ধারাতে ঘন নয়, একটু দূরে দূরে পড়ছে, যেমন বুষ্টি নামার শুরুতে
অনেক সময় হয়। হিজলের জলে—মোটা টোপাগুলি সশব্দে আছড়ে
পড়ে ঠিক যেন খঁই ফোটাচ্ছে, যেন পালিশ করা কালো পাথরের
মেঝের উপর অনেকগুলো ছেনি হাতুড়ি দিয়ে কাটতে চেষ্টা করছে।
পিঙলা কথার উত্তর না দিয়ে মুখ উচু ক'রে সেই বুষ্টি মুখে নিতে
লাগল।

শিবরাম উঠেছিলেন। পিঙলা মুখ নামালে, বললে—না গ ভাই,
বস। ই জল হবে না। উড়ে চলেছে মেঘ, দু ফোটা দিয়া ধরম রেখা
গেল নিজের, আর হামরার চোখের জল ধুয়া দিয়া গেল। বস, শুন।
হামরার কথা শুণা যাও।

“—জান ভাই ধনুস্তরি, একজন্য অমৃতি অগ্নজনের বিষ। গরল
পান কর্যা শিব মৃত্যুঞ্জয়, দেবতার অমর হন সুধা পান কর্যা। রাম-

সীতের কথায় আছে; রামের বাবা দশরথকে অন্ধক মূনি শাপ দিলে, কি, পুত্যাশোকে মরণ হবে। শাপ শুণ্য রাজা নাচতে লাগল। কেনে ? নাচ কেনে রাজা ? না—ই যে হামরার আশীর্বাদ, হামরার বেটা নাই, বেটা হোক—তবে তো বেটার শোকে পরানটা যাবে ! কালী-লাগের কত্তে কানাই-গরবিনী শাপ দিলেক—সে শাপ নাগিনীদের লাজের কারণ হইল কিন্তুক তাতেই নাগিনী হইল যোহিনী। তাদের অঙ্গগন্ধে নাগেরা হইল পাগল। আর সাতালীর নাগিনী কত্তের ওই হইল সর্বনাশের হেতু, পরানের ঘরের আশুন,—সে আশুন ঘরে লাগলে ঘরের সাথে নিজে সমেত পুড়্যা ছারখার হয়্যা যায় ! নাগিনী কত্তের অঙ্গে চাঁপার বাস ফুটলে—কত্তে হয় মরে, লয়তো কুলে কালী দিয়া বেদেবুলে পাপ চাপায়ে অকুলে ভাসে। জ্ঞান তো শবলার কথা ! নাগিনী কত্তের অঙ্গে চাঁপার বাস। —অভিশম্পাত, এর চেয়ে বড় গাল আর হয় না। বেদে ঘরের বউ কি কত্তের সকল পাপ জরিমানায় মাপ হয়, রাত কাটায়ে সকালে বেদের বউ কত্তে ঘরকে ফেরে, বেদের মরদ তার অঙ্গটা ছেঁচ্যা দেয় ঠেঙার বাড়ি দিয়া, কিন্তু ছাড়-বিড়্‌নাই, জরিমানা দিয়া দিল্যাই সব মাজ্জনা; যদি গেরস্ত কেউ সাক্ষী দেয় কি রাতে তার বাড়ীতে তার আশ্রয়ে ছিল, তবে জরিমানাও লাগে না। কিন্তু নাগিনী কত্তের বেলা তা লয়। তার সাজা—পরানটা দিতে হয় ! তাই ওই পাপীটা, ওই শিরবেদেটা যখন কইলো—কি চাঁপার ফুল ফুটলো লাগছে !—এঁা ? তখন হামরার পায়ের নখ থেক্যা মাথার চুল পয্যন্ত বিছ্যত লল্‌প্যা গেল ।”

মুহূর্তে তার রূপ পালটে গেল।

সে এক বিস্ময়কর পরিবর্তন। স্থির বিস্ফারিত দৃষ্টি—নিষ্কম্প দেহ, এক মুহূর্তে কত্তা যেন সমাধিস্থ হয়ে গিয়েছে। বাহিরের পৃথিবীতে সব

যেন হারিয়ে যাচ্ছে, মিলিয়ে যাচ্ছে, মুছে যাচ্ছে। হিজল বিল, সঁাতালীর ঘাসবন, সামনের বেদেরা—কেউ নাই, কিছু নাই।

বুকের ভিতর কোথায় ফুটন্ত চাঁপার ফুল ফুটেছে চাঁপার ফুল ?
কই ? কোথায় ? কোথায় ?

না। মিছে কথা। পিঙলা চীৎকার ক'রে উঠল। আপনার মন তন্ন তন্ন ক'রে অন্বেষণ ক'রে দেখে সে নিজেকে অপরাধিনী মনে করতে পারলে না। কই ? নাগু ঠাকুরের ওই গৌরবরণ বীরের মত দেহখানা দেখে তার তো বুকে ঝাঁপিয়ে পড়বার কামনা হয় নাই ! ওই তো নাগু ঠাকুর চলে গেল—কই, তার তো ইচ্ছে হ'ল না সঁাতালীর আটন ছেড়ে, সঁাতালীর বেদেদেয় জাতিকুল ছেড়ে ঠাকুরের সঙ্গে ওই তালগাছ-ঘেরা পথ দিয়ে চলে যায় নিরুদ্দেশে। তার চলে যাওয়া পথের পানে তাকিয়ে সে ছিল, এ কথা সত্য, কিন্তু এমন যে বীরপুরুষ—তার পথের পানে কে না তাকায় ? সীতা সতীর স্বয়ম্বরে ধনুকভাঙার পণ ছিল। মহাদেবের ধনুক। রামচন্দ্র যখন ধনুক ভাঙবার জ্ঞান সভায় ঢুকলেন—তখন সীতা সতী রাজবাড়ীর ছাদের উপর থেকে তাকে দেখে তার পানে তাকায় থাকে নাই ? মনে মনে শিবঠাকুরকে ডেকে বলে নাই—হে শিব, তুমি দয়া করো, তোমার ধনুককে তুমি পাখীর পালকের মত হালকা ক'রে দিয়ো, কাশের কাঠির মত পল্কা ক'রে দিয়ো যেন রামচন্দ্রের হাতে ধনুকখানা ভেঙে যায় ! মনে মনে বলে নাই—মা মঞ্জলচণ্ডী, রামচন্দ্রের হাতে দিয়ো বাহুকী নাগের হাজার ফণার বল, যে বলে সে পৃথিবীকে ধরে থাকে মাখায়—সেই বল, আর বুকে দিয়ো অনন্ত নাগের সাহস, যে সাহসে প্রলয়ের অন্ধকারে দিকবিদিক মুছে গেলে ডুবে গেলে একা ফণা তুলে দাঁড়িয়ে থাকে—কাল সমুদ্রের মাঝখানে,—সেই সাহস ! তাতে কি অপরাধিনী হয়েছিলেন সীতা সতী ? রামচন্দ্রকে চোখে—পরানে

ভাল লেগেছিল তাই কথাগুলি কয়েছিলেন,—ভগবানও কান পেতে সে কথা শুনেছিলেন। ধনুকভাঙার আগে তো সীতা ফুলের মালা গাছাটা রামের গলায় পরায়ে দেন নাই! পিঙলাও দেয় নাই। সে শুধু তার পথের পানে চেয়ে বলেছে—ভগবান, ঠাকুরের প্রতিজ্ঞা পূরণ কর, সে যেন এই অভাগিনী বন্দিনী কন্ঠার মুক্তির আদেশ নিয়ে ফিরে আসে^১ বিধাতার শিলমোহর করা—মা বিষহরির হাতের লেখা ছাড়পত্র সে যেন আনতে পারে।

চোখের ভাললাগা, মনের ভাললাগা—এর উপরে হাত নাই; কিন্তু সে ভাললাগাকে—সে তো কুলধরমের চেয়ে বড় করে নাই, তাকে সে লজ্বন করে নাই! সে এক জিনিস—আর বৃকের মধ্যে চাঁপা ফুল ফোটা আর এক জিনিস। সে ফুল যখন ফোটে, তখন বৃকের গঙ্গায় বান ডাকে; সাদা ফটিকের মত জ্বল—ঘোলা ঘোরালো হয়, ছলছল ডাক—কলকল রব তোলে, কুল মানে না, বাঁধ মানে না,—সব ভেঙে চূরে ভাসিয়ে চলে যায়। স্বর্গের কণ্ঠে মর্তে নেমে এসে বাঁপিয়ে পড়ে সাত সমুদ্রের নোনা জলে।

তবে ?

না—মিছে কথা। সে চীৎকার করে উঠল—না না-না। শিবরাম বলেন—আমি মনশ্চক্ষে দেখলাম, সঙ্গে সঙ্গে পিঙলার সমস্ত দেহ—পা থেকে মাথা পর্যন্ত বিস্কৃক হয়ে উঠল; কালবৈশাখীর ঝড়ে আন্দোলিত ঝাউগাছের মত প্রবল অস্বীকৃতির দোলায় ঢুলে উঠল। তারই ঝাপটান্ন তার মাথার চুলের রাশি খুলে এলিয়ে পড়ল। চোখ দুটো হয়ে উঠল প্রথর—তার মধ্যে ফুটে উঠল উন্মাদ ক্রোধের ছটা।

উন্মাদ রোগ তখন পিঙলাকে আক্রমণ করেছে।

পিঙলা বললে—ধরন্তরি ভাই, মুখে কইলাম, মনে ডাকলম বিষ-
হরিকে। তারে ডেক্যা কইলম—জহ্ননী, তুমার বিধান যদি মুই লজ্জন
কর্যা থাকি, বুকের চাপার গাছে জল ঢেল্যা ঢেল্যা যদি চাপার ফুল
ফুটায় থাকি—তবে তুমি কও। তুমার বিচার তুমি কর। হোক সেই
বিচার। সে পাগলের মত ছুটল। নাগু ঠাকুরকে যে ঘরে বেঁধে রেখে-
ছিল—সেই ঘরের দিকে। নাগু ঠাকুরের বাঁধন সে-ই নিজে হাতে খুলে
দিয়েছে। তার চোখের সামনে নাগু ঠাকুর চলে গিয়েছে। তার সেই
মহানাগের ঝাঁপি সে নিয়ে যায় নাই, যেটা পড়ে আছে সেই ঘরে।

বেদের দল বুঝতে পারে নাই ; বিস্মিত হয়েছিল—ওদিকে কোথায়
চলেছে কন্ঠা।

পিঙলা তুলে নিয়ে এল সেই ঝাঁপি। বিষহরির আটনের সামনে
ঝাঁপিটা নামিয়ে চীৎকার করে উল—বিচার কর মা বিষহরি জহ্ননী—
তুমি বিচার কর।

সমস্ত সাতালো আতঙ্কে শিউরে উঠল। কন্ঠা, এ কি করলে ? কিন্তু
উপায় নাই। আটনের সামনে এনে যখন নাগের ঝাঁপি পেতে—বিচার
চেয়েছে—তখন উপায় নাই ! মেয়েরা অশ্রুট শব্দ করে উঠল—
ও মা গ !

সুরধুনী চৈচিয়ে উঠল—কন্ঠে !

পুরুষেরা নির্বাক হয়ে দাঁড়িয়ে এ ওর মুখের দিকে চাইলে ! গঙ্গারাম
স্থির হয়ে দাঁড়িয়ে রইল। তার চোখে কি যেন একটা খেলো যাচ্ছে।
যেন হিজল বিলের গভীর জলের তলায় কোন জলচর নড়ে নড়ে উঠছে।
ভাঙ্গ দাঁড়িয়ে আছে—তার চোখে যেন আগুন লেগেছে। সমস্ত শরীর
শক্ত হয়ে উঠেছে—হাতে কপালে শিরাগুলো মোটা হয়ে দাঁড়িয়ে উঠেছে।

পিঙলা হাঁপাচ্ছে, চোখে তার পাগলের চাউনি। বারবার মাথার

এলানো চুল মুখে এসে পড়ছে। সে হাত দিয়ে সরালে না সে চুল, মাথা ঝাঁকি দিয়ে সরিয়ে পিঠে ফেললে সে চুল। খুলে দিলে উর্ধ্বাঙ্গের কাপড়, আঁচলখানা লুটিয়ে পড়ল মাটিতে, সে ক্ষিপ্ত হাতে খুলে দিলে সেই মহানাগের ঝাঁপি। কামাখ্যা পাহাড়ের শঙ্খচূড়। বসল হাটুগেড়ে নগ্ন বক্ষ পেতে।

নাগিনী কত্তা যদি চম্পকগন্ধা হয়ে থাকে, যদি তার অঙ্গে অঙ্গে নাগ-সাহচর্য-কামনা জেগে থাকে, তবে ওই নাগ তাকে সাঁদরে বেঁধেন করে ধরবে; পাকে পাকে কত্তার অঙ্গ বেঁধেন ক'রে মাথার পাশে তুলবে ফণা। না হলে নাগ তার স্বভাব ধর্মে মারবে তাকে ছোবল; ওই অনাবৃত বক্ষে পড়বে সে ছোবল।

নাগু ঠাকুরের নাগ—তার বিষ আছে কি গালা হয়েছে সে জানে নাগু ঠাকুর।

মুহূর্তে মাথা তুলে দাঁড়াল হিংস্র শঙ্খচূড়।

সামনে পিঙলা বসেছে বুক পেতে। সাপটার ফণা তার মাথা ছাড়িয়ে উঠেছে। সেটা পিছন দিকে হেলছে, জিভ দুটো লব্ধক করছে, স্থির কালো দুটো চোখ পিঙ্গলার মুখের দিকে নিবদ্ধ। হেলছে পিছনের দিকে...বুকটা চিতিয়ে উঠছে, মারবে ছোবল। বেদেদের চোখ মুহূর্তে ধরে নিয়েছে সাপের অভিপ্রায়। কত্তাকে জড়িয়ে ধরতে চায় না, দংশন করতে চায়। পিঙ্গলার চোখে বিজয়িনীর দৃষ্টি—তাতে উন্মাদ আনন্দ ফুটে উঠেছে। সে চীৎকার ক'রে উঠল—আয়! পড়ল নাগ ছোবল দিয়ে। অসমসাহসিনীর দুই হাত মুহূর্তে উর্ধ্বে উৎক্ষিপ্ত হ'ল নাগটার ফণা লক্ষ্য করে। অব্যর্থ লক্ষ্য লুফে নেওয়ার মত গ্রহণ করবে। কিন্তু তার আগেই সীতালীর বিষবেদেদের অগ্রগণ্য ওস্তাদ ভাছু তার হাতের লাঠিটা দিয়ে আঘাত করেছে সাপটার ঠিক গলার নীচে; সে আঘাত

এমনি ক্ষিপ্ত, এমনি নিপুণ এবং এমনি অব্যর্থ যে সাপটা লক্ষ্যভ্রষ্ট হয়ে পড়ল পিঙ্গলার পাশে মাটির উপর—শুধু তাই নয়—ধরাশায়ী সাপটার গলার উপর কঠিন চাপে চেপে বসল ভাঙ্কর সেই লাঠি।

বেদেরা জয়ধ্বনি দিয়ে উঠল।

স্বরধুনি পিঙ্গলার স্থলিত আঁচলখানা তুলে তার অঙ্গ আবৃত ক'রে দিয়ে বাক্য দৃষ্টিতে গঙ্গারামের দিকে তাকিয়ে বললে—পাপী! পাপী কুখ্যাকার!

গঙ্গারাম শিরবেদে, মাতালীর একচ্ছত্র মালিক, দণ্ডমুণ্ডের কর্তা; তার ভয় নাই। সে ঘাড় নাড়তে নাড়তে চলে গেল।

(সাত)

পিঙ্গলা শ্রান্ত হয়ে পড়েছিল তার কাহিনী বলতে বলতে । একটা ছেদ পেয়ে সে থামলে । দীর্ঘনিশ্বাস ফেলে বললে—আঃ—মা—

শিবরাম বলেন—কুপিত বায়ু ঝড়ের রূপে উড়িয়ে নিয়ে চলে মেঘের পুঞ্জ, ভেঙে দিয়ে যায় বনস্পতির মাথা ;—তারপর এক সময় আসে তার প্রতিক্রিয়া । সে শ্রান্ত হয়ে যেন মত্ত হয় পড়ে । শীতল হয়ে আসে । পিঙ্গলারও সে সময়ের অবস্থা ঠিক তাই হয়েছিল । অবসাদে সে ভেঙে পড়ল যেন । উত্তেজনার উপাদান তার ফুড়িয়ে গিয়েছিল ।

একটু থেমে সেদিনের স্মৃতিপটের দিকে তাকিয়ে ভাল ক’রে স্মরণ ক’রে বলেন—বিশ্বপ্রকৃতিও যেন সেদিন পিঙ্গলার কাহিনীর সঙ্গে বিচিত্র-ভাবে সাম্য রেখে পটভূমি রচনা করেছিল ।

উদয়াকাশে যে ঝড় চলছিল—সে ঝড় পার হয়ে চলে গেল । গঙ্গার পশ্চিম কূলকে পিছনে রেখে গঙ্গা পার হয়ে পূর্ব দিকে চলে গেল । কালো মেঘের পুঞ্জ আবর্তিত হ’তে হ’তে প্রকৃতির কোন বিচিত্র প্রক্রিয়ায়—টুকরো টুকরো হয়ে বিচ্ছিন্ন হয়ে দূরে দূরান্তে ছড়িয়ে পড়ল ছিন্নপক্ষ জটায়ুর মত ; কালো মেঘস্তরেরও পিছনে ছিল একটা সাদা মেঘের স্তর, তান্নি বৃকে ভাসতে লাগল ; এদিকে পশ্চিম দিগন্ত থেকে আবার একটা মেঘস্তর উঠে এগিয়ে আসছে । এ স্তরটা শূন্যমণ্ডলের নিচে নেমে এসেছে । ধূসর মত্তর একটি মেঘস্তর পশ্চিম থেকে আসছে, বিস্তীর্ণ হচ্ছে উত্তর-দক্ষিণে । যেন জটায়ু সম্প্রতির কোন অজ্ঞাতনামা সহোদর । সে তার বিশাল পক্ষ দুখানিকে উত্তরে এবং দক্ষিণে দিগন্ত পর্যন্ত আবৃত করে বেদনার্ত বৃকে, চোখের জল ফেলতে ফেলতে চলেছে—ছিন্নপক্ষ জটায়ুর সন্ধানে ।

পাথর বাতাসে বাজছে তার শোকার্ত স্নায়ুমণ্ডলীর ধ্বনি, মিশে রয়েছে তার স্পর্শে। সজল শীতল মন্থর বাতাসে ভেসে আসছে ধূসর মেঘস্তর-খানি। অতি মৃদু রিমিঝিমি বর্ষণ ক'রে আসছে। কুয়াসার মত সে বৃষ্টি।

হিজলের সর্বত্র এই পরিবর্তিত রূপের প্রতিফলন জেগে উঠল। কিছুকাল পূর্বের ঝড়ের রুদ্ধতাওবে জলে স্থলে ঝাউবনে ঘাসবনে মেশানো এই বিচিত্র ভূমিখণ্ডের সর্বাঙ্গে—অকাল রাত্রির আসন্নতার মত যে কুটিল কৃষ্ণ ছায়া নেমেছিল, যে প্রচণ্ড আক্ষেপ জেগেছিল—ক্ষণিকে তার রূপান্তর হয়ে গেল।

শিবরামের মনে পড়ল মনসার ব্রতকথা।

কাহিনীর বণিক-কন্ঠা দক্ষিণ দ্বার খুলে আতঙ্কে বিষনিখাসে মূর্ছিত হয়ে পড়ল; সে দেখলে বিষহরির বিষস্তরী রূপ, নাগাসনা, নাগভূষণা, বিষপানে কুটিল নেত্রী নাগকেশী—রুদ্ধরূপ—বিষসমুদ্র উথলিত হচ্ছে। পড়ল সে ঢলে। মুহূর্তে রূপের পরিবর্তন হল। দেবী এলেন শাস্ত রূপে, সম্মেহ স্পর্শ বুলিয়ে জুড়িয়ে দিলেন বিষবাতাসের জ্বালা!

হিজলবিলের, জলে ঢেউ উঠেছিল। তার রঙ হয়েছিল বিষের মত নীল।

এখন সেখানে ঢেউ থেমে গিয়েছে, থর থর ক'রে কাঁপছে, রঙ হয়েছে ধূসর, যেন কোন তপস্বিনীর তৈলহীন রুক্ষ কোঁকড়ানা একরাশি চুল—তার শোভায় উদাস বিষগ্নতা। ঝাউবনের ঘাসবনের মাথাগুলি আর প্রবল আন্দোলনে আছড়ে পড়ছে না, স্থির হয়েছে, কাঁপছে, মন্থর সোঁ-সোঁ শব্দ উঠছে বিষগ্ন দীর্ঘনিশ্বাসের মত।

পিগলা ক্লান্ত দেহে শুয়ে পড়ল ঘাসবনের উপর। মুখে তার কিনকিনে বৃষ্টির ধারা ঝরে পড়ছিল ধ্রু—সে চোখ বুজে বলল—আঃ—দেহখানা জুড়াল গ!

সত্যই দেহ যেন জুড়িয়ে যাচ্ছিল। জ্যৈষ্ঠের সারাদিনের প্রচণ্ড উত্তাপের পর এই ঠাণ্ডাবাতাসে এই কিন্ফিনে ঝুটিতে শিবরামও আরামে চোখ বুজলেন। এ বর্ষণ সিকনে যেন মাধুরীর স্পর্শ আছে।

—এইবারে দুখিনী বহিনের, মন্দভাগিনী বেদের কন্তের গোপন দুখটা শুন হামরার ধরম ভাই; শবলা দিদি, গঙ্গার কুলে দাঁড়িয়ে বিষহরিরে সাক্ষী রেখ্যা তুমার সাথে ভাই-বহিন সম্বন্ধ পাতালছে। হামরাকে বল্যা গেলছে, যে-দুখের কথা কারুখে বলতে লারবি, সে কথা বুলিস ওই ভাইকে। বৃকের আঙার বৃকে রাখিলি বৃক পোড়ায়, অন্তরে দিলি পরে ওই আঙার তুর ঘরে দিয়া তুকেই পুড়ায়ে মারে। ই আঙার দিবার এক ঠাঁই হ'ল বিষহরির চরণ; তা—বিষহরি নিদয়া হলছেন, দেখা দেয় না। আর ঠাঁই—, মুই অ্যানেক টুঁড়ে টুঁড়ে এই ঠাঁই পেয়েছিরে পিঙলা, ওই ধরমভাইয়ের ঠাঁই;—এই আঙার তারে দিস, তুর পরানটা ছুড়াবে, কিন্তুক অনিষ্ট হবে নাই। হামরার বৃকের আঙার তুমি লাও, বর ভাই!

পিঙলার চোঁট দুটি থর থর করে কেঁপে উঠল। চোখের কোণে কাণে জল টলমল করে উঠল। সে শুক্ন হয়ে গেল। আবেগে সে আর বলতে পারছিল না।

অপেক্ষা করে রইলেন শিবরাম। অন্তরে অন্তরে শিউরেও উঠলেন। কি বলবে পিঙলা? সে কি তবে দেহ-প্রবৃত্তির তাড়নায় নাগিনী কঙ্কার ধর্ম বিসর্জন দিয়ে—? শবলা তাকে বলেছিল—এই প্রবৃত্তি যখন উগ্র হয়ে ওঠে, তখন উন্মাদিনীর মত তারা নিশীথ রাত্রে ঘুরে বেড়ায় হিজলের ঘাস বনে। বাঘের হাতে জীবন যায়, হাড়রমুখীর খালে শিকার প্রতীক্ষমান কুমীর অতর্কিতে পায়ে ধরে টেনে নেয়; নিশীথ রাত্রে

হিজলের কূলে শুধু একটা আতঁচীংকার জেগে ওঠে। আবার কেউ শোনে বাঁশী। দূরে হিজলের মাঠে চাবীরা কুঁড়ে বেঁপে থাকে, মহিষগরুর বাখান দিয়ে থাকে শেখেরা ঘোষেরা, তারা বাঁশী বাজায়। সে বাঁশী শুনে নাগিনী কত্তা এগিয়ে যায়, স্বরের পথ ধরে।

শবলা বলেছিল—তার থেক্যা বড় সন্মনাশ আর হয় না ধরমভাই! সেই হইল মা বিষহরির অভিশাপ! তাতে হয় পরানটা যায়—লয় ধরম যায়—জাতি যায়, কুল যায়।

পিঙ্গলা আতঁসম্বরণ করে চোখের জল মুহলে—তারপর অতি মৃদুস্বরে বললে, এখানে এই জনহীন হিজল বিলের বিষহরির ঘাটে স্বর মৃদু করবার প্রয়োজন ছিল না, কিন্তু পিঙ্গলার বোধ হয় কটপতঙ্গ, পশুপাখী, পাছপাতাকেও ভয়—তাই বোধ হয় মৃদু স্বরে বললে—কিন্তুক ভাই, এইবার যে হামরার বুক চাঁপা ফুল ফুটল!

চমকে উঠলেন শিবরাম।

পিঙ্গলা বললে—হামরার ঘরে, রাত্রি দুপহরে—চাঁপার ফুলের বাস ওঠে। ঘরটা যেন ভর্যা যায় ভাই। মুই থরথর কর্যা কাঁপতে থাকি। পেশম যেদিন বাসটা নাকে উঠল ভাই—সেদিনে মুই যেন পাগল হয়্যা গেলম। ঠিক তখুন রাত দুপহর। হিজলের মাঠে শিয়ালগুলান ডেক্যা উঠিল, সাঁতালীর পশ্চিম দিকে—রাঢ়ের পথটার দুধারের তালগাছের মাথায় মাথায় পেঁচা ডেকে ই গাছ থেক্যা উ গাছে গিয়া বসিল। সাঁতালীর উত্তরে হইখানে আছে বাহুড়বুলির বটগাছ, শ দরুনে বাহুড় সেথা দিনরাত্রি বুলে, চ্যা-চ্যা রবে চিল্লায়, সে গুলান—জোরে চেঁচায় রব তুল্যা—একবার পাখা বাটপট কর্যা আকাশে পাক খেলে। ঘরের মধ্য কাঁপিতে সাপগুলান বারকয়েক ফুঁসায় উঠল। মুই পোড়াকপালী, হামরার চোখে ঘুম বড় আসে না ধরমভাই, সেই ক্

বাবুদের বাড়ী থেকা ফিরলম—গোর মধ্য কালনাগিনীর জাগরণ হইল, সেই থেকাই ঘুম হামরার নাই। তা পরেতে ঠাকুর এল—বল্যা গেল—হামরার খালাস নিয়া আপবেক ;—তখন থেকা বিদায় দিছি ঘুমেয়ে ; ঘরে পড়া থাকি পহর শুনি, কান পেত্যা শুনি—কত দূরে উঠছে পায়ের ধ্বনি। সেদিনে আপনমনে জেগ্যা জেগ্যাই ওই ভাবনা ভাবছিলাম। দু পহর এল, মনে মনে পেনাম করলম বিষহরিরে! এমন সময়—ধরমভাই—।

আবার কাঁপতে লাগল পিঙলার ঠোঁট। সৰু সৰু দৃষ্টিতে সে শিবরামের দিকে তাকিয়ে রইল। তেজস্বিনী মেয়েটি যেন তেজস্ক্রিয় সব হারিয়ে ফেলে একান্ত অসহায়ভাবে শিবরামের কাছে আশ্রয় ভিক্ষা করছে—সাহস প্রার্থনা করছে।

ঠিক সেই মধ্যরাত্রির লগ্নটিতে নাগিনী কণ্ঠা যদি জেগে থাকে তবে তাকে উপড় হয়ে মাটিতে পড়ে মনে মনে বিষহরিকে ডাকতে হয়। ওই লগ্ন নাগিনী কণ্ঠার বৃক্ক নিশির নেশা জাগিয়ে তোলে। কুহকমায়ার আচ্ছন্ন হয়ে পড়ে সে।

খাচার বন্দী বাঘকে দেখেছ মধ্যরাত্রে ? এই লগ্নে ? রাত্রির স্তব্ধতা ভঙ্গ করে নিশিঘোষণা বেজে ওঠে দিকে-দিকে, খাচার ঘুমন্ত বাঘ চকিত হয়ে জেগে ওঠে, ঘাড় তুলে রাত্রির অন্ধকারের দিকে তাকায়, আকাশের দিকে তাকায়, সে দৃষ্টি হির অথচ উত্তেজনার অধীর। মুহূর্তে মুহূর্তে চোখের তারা বিস্তারিত হয়, আবার সঙ্কুচিত হয়।

ঠিক তেমনি নিশির মায়ার উত্তেজনার নাগিনী কণ্ঠা আত্মহারা হয়। সঁাতালীর বিষবেদেদের কুলশাসনে বিধিবিধানি বার বার করে বলেছে

কত্তাকে—এই লগ্নে, কত্তা, তুমি সাবধান। যদি জেগে থাক, তবে মাটি
আঁকড়ে পড়ে থাকবে, মনে মনে মাকে স্মরণ করবে।

ষিগ্রহর এল সেদিন। রোজই আসে। ঘুম তো নাই পিঙলার
চোখে। অনন্ত ভাবনা তার মনে। সে ভাবে—নাগিনী কত্তার ঋণের
কথা, সে হিসাব করে জন্ম জন্ম ধরে কত নাগিনী কত্তা সাঁতালীর বেদে-
কুলে জন্ম নিয়ে কত পূজা বিষহরিকে দিয়েছে, আজন্ম পতি-পুত্র
ঘর-সংসারে বঞ্চিত থেকে, ব্রত তপস্তা করে বেদেকুলের মায়াবিনী
কুহকিনী কত্তা বধুদের সকল স্থলনের পাপ ধুয়ে মুছে দিয়েছে।
বেদেকুলের মান-মর্যাদা রেখেছে! তবু কি শোধ হয় নাই দেনা?

শোধের সংবাদ নিয়ে আসবে নাগু ঠাকুর। শোধ না হলে তো তার
ফিরবার পথ নাই।

কাহিনীতে আছে—নদীর জলে ভেসে যায় সোনার চাঁপা ফুল। রাজা
পণ করেছেন—ওই চাঁপার গাছ তাকে যে এনে দেবে তাকেই দেবেন
তার নন্দিনীকে। রাজনন্দিনীকে রেখেছেন সাতমহলার শেষ মহলায়,
মহলায় মহলায় পাহারা দেয় হাজার প্রহরী। রাজপুত্র আসে—তারা
কত্তাকে দেখে—তারপর চলে তারা নদীর কূলে কূলে; কোথায় কোন্
কূলে আছে সোনার চাঁপার গাছ। চলে—চলে—তারপর তারা হারিয়ে
যায়, পিছনের পথ মুছে যায়। সোনার চাঁপার গাছ যে পাবে খুঁজে—
সেই পাবে ফিরবার পথ। পিঙ্গলার কাহিনীও যে ঠিক সেই রকম!

ঠাকুর কি ফিরবার পথ পাবে?

এমন সময় এল ওই মাঝরাত্রির ঋণ। পিঙ্গলা চকিত হয়ে উপুড়
হয়ে গুল। মনে মনে স্মরণ করলে বিষহরিকে। সঙ্গে সঙ্গে বললে—
মুক্তি দাও মা, দেনা শোধ কর জহ্ননী!

দীর্ঘনিশ্বাস ফেললে সে।

সঙ্গে সঙ্গে চমকে উঠল। এ কি? এ কিসের গন্ধ?

দীর্ঘনিশ্বাসের সঙ্গে একটি মিষ্ট মধুর গন্ধে তার বুক ভরে গেল। সে-শ্বাস আর বিষণ্ণ আক্ষেপে সে ফেলতে পারলে না; রুদ্ধশ্বাসে সে চমকে উঠল। ফুলের গন্ধ! চাপার গন্ধ! কোথা থেকে এল? নিশ্বাস ফেলে সে আবার শ্বাস গ্রহণ করলে!—মধুর গন্ধে বুক ভরে গেল।

ধড়মড় করে সে উঠে বসল।

কোথা থেকে আসছে এ গন্ধ? তবে কি—? সে বারবার শুঁকে দেখলে নিজের দেহ। গন্ধ আসছে—কিন্তু সে কি তার দেহ থেকে? না!

সে তাড়াতাড়ি আলো জ্বাললে। চকমকি ঠুঁকে খড়ের হুটিতে ফুঁ দিয়ে আগুন জ্বলে নিমফল পেঁপা তেলের পিদিম জ্বলে চারিদিক চেয়ে দেখলে। ধোঁয়ার গন্ধে ভরে উঠেছে খুপরি ঘরখানা, কিন্তু তার মধ্যেও উঠছে সেই মিষ্ট সুবাস।

কোথায় ফুটল চাপার ফুল?

সাঁতালীর কোথাও তো নাই চাপার গাছ! তবে?

তাড়াতাড়ি সে একটা ঝাঁপির উপর ঝুঁকে শুঁকে দেখলে। ঝাঁপি-টায় আছে একটা সাপিনী। ঝাঁপিতে বন্দী সাপিনীর অঙ্গে বাস বড় একটা ওঠে না; নাগিনীর মিলনের কালও এটা নয়; সে কাল আরম্ভ হবে বর্ষার শুরুতে; অশ্রুবাচিতে মা-পৃথিবী হবেন পুষ্পবতী, কামরূপে পাহাড়ের মাথায় মা কামাখ্যা এলো চলে বসবেন, আকাশ ঘিরে আসবে সাত সমুদ্রের জল নিয়ে সম্বর পুষ্প মেঘের দল; মাকে স্নান করাবে। নদীতে নদীতে তার ডেউ আসবে। কেয়া গাছের কচি পাতার ঘেষের মধ্যে ফুলের কুঁড়ির মুখ উঁকি মারবে। সাপিনীর অঙ্গে অঙ্গে জাগবে আনন্দ। সে আনন্দ সুবাস হয়ে ছড়িয়ে পড়বে। চাপার গন্ধ! নাগ-কুল উল্লসিত হয়ে উঠবে।

সে কাল তো এ নয়। এ তো সব চৈত্রের শেষ।

গাজনের ঢাক বাজছে রাঢ়ের গাঁয়ে গাঁয়ে। শেষরাতে আজও বাতাস হিমেল হয়ে ওঠে; নাগ-নাগিনীর অঙ্গের জ্বরার জড়তা আজও কাটে নাই। রাত্রির শেষ প্রহরে আজও তারা নিশ্বেজ হয়ে পড়ে। শিব উঠবেন গাজনে, তাঁর অঙ্গের বিভূতির পরশ পেয়ে নাগ-নাগিনীর নবকলেবর হবে। নূতন বছর গড়বে; বৈশাখ আসবে, সাপ-সাপিনীর হবে নবযৌবন।

তবু সে ঝুঁকে পড়ে শুকলে সাপিনীর ঝাঁপিটা।

কোথায়? কই?—সাপিনীর সেই চিরকেলে কটু গন্ধ উঠছে।

তবে এ গন্ধ কোথা থেকে উঠছে? প্রদীপের সলতে উসকে দিয়ে আলোর শিখাকে উজ্জলতর করে তুলে শঙ্কাতুর মনে দৃষ্টি বিস্তারিত ক'রে বসে রইল।

হঠাৎ একটা কথা তার মনে পড়ে গেল। আজই সন্ধ্যায় গঙ্গারাম বলেছিল। তখন মুখ বেকিয়ে ঘেমার দৃষ্টিতে তার মুখের দিকে তাকিয়েছিল সে।*

দুদিন আগে গঙ্গারাম গিয়েছিল শহরে। কামাখ্যা মায়ের ডাকিনীর কাছে গঙ্গারাম শুধু যাচুবিছা মোহিনীবিছা বাণবিছাই শিখে আসে নি, চিকিৎসা বিছাও জানে সে। বেদেদের চিকিৎসা বিছা আছে, সে বিছা জানে ভাদু, নটবর, নবীন। সাঁতালীর আশপাশের গাছ-গাছড়া নিয়ে সে চিকিৎসা। জন্তু-জানোয়ারের তেল হাড় নিয়ে সে চিকিৎসা। নাগিনী কন্ঠার কাছে আছে জড়ি আর বিষহরির প্রসাদী নির্মালা, তাই দিয়ে কবচ মাছুলি নিয়ে সে চিকিৎসা। গঙ্গারামের চিকিৎসা অল্প রকম। শুষ্কদের মশলা সংগ্রহ ক'রে আনে সে শহর-বাজারের দোকান থেকে। ধনুস্তরি ভাইদের কবিরাজী শুষ্কদের মত বড়ি পাঁচন দেয়। বিশেষ ক'রে

জ্বর-জ্বালায় গঙ্গারামের ওষুদ খুব খাটে। সেই মশলা আনতে সে মধ্য মাঝে শহরে যায়। নিয়ে যায় গুণ্ডকের তেল, বাঘের চর্বি, বাঘের পাজর নখ, কুমিরের দাঁত, শজারুর কাঁটা, আর নিয়ে যায় মা-মনসার অব্যর্থ ঘায়ের প্রলেপ মলম। নিয়ে আসে ওষুদের মশলা আর সঙ্গে চুড়ি, ফিতে, মাহুলির খোল, পুঁতির মালা সূচ-সুতো, বঁড়শি, ছুরি, কাটারি, কাঁকুই হরেক রকম জিনিস। গঙ্গারাম শিরবেদে সাতালী গায়ে নতুন নিয়ম প্রবর্তন করেছে—শিরবেদে হয়ে বেনেতী বৃত্তি নিয়েছে।

ওই ব্যবশায়ে সে দুদিন আগে গিয়েছিল শহরে। ফিরেছে আশ্চর্য সন্ধ্যায়। তখন মায়ের আটনের সামনে বেদেরা এসে জমেছে। হাত জোড় ক'রে দাঁড়িয়ে আছে। ভাহু বাজাচ্ছে চিমটে, নটবর বাজাচ্ছে বিষম চাকি,—পিঙলা করছিল আরতি। গঙ্গারাম ফিরেই ধুলোপায়ে মায়ের থানে এসে দাঁড়িয়ে ছিল। মায়ের আরতি শেষ ক'রে—সেই প্রদীপ নিয়ে বেদেরের দিকে ফিরিয়ে পিঙলা বার কয়েক ঘুরিয়ে নামিয়ে দিলে। বেদেরা একে একে সেই প্রদীপের শিখার তাপে হাতের তালু তাতিয়ে নিয়ে কপালে স্পর্শ নেবে। গঙ্গারামের প্রথম অধিকার। সে এসে ঘেন থমকে দাঁড়িয়ে গেল, ভুরু কুঁচকে বার দুয়েক ভ্রাণ নেওয়ার মত ঘন ঘন শ্বাস টেনে—উঃ—শব্দ করেছিল, তারপর এদিক ওদিক তাকিয়ে বলেছিল কি? কিসের বাস উঠছে লাগছে ঘেন?

পিঙলার ঠোঁট দুটি বেকে গিয়েছিল ওই কুটিল লোকটার প্রতি অবজ্ঞায়। চাপা রাগে নাকের ডগাটা ফুলে উঠেছিল, চোখের দৃষ্টিতে ফুটে উঠেছিল ঘেন্না; সে মুখ ফিরিয়ে নিয়েছিল। তাকে কিছু বলতে হয় নাই; গঙ্গারামের পর অধিকার ভাদ্র, সে এসে তাকে ঠেলা দিয়ে বলেছিল—বাস উঠছে তুর নাসায়। বাস উঠছে! আলছিস শহর থেক্যা—পাকীমদ খেয়েছিস, তারই বাস—তুর নাসাতে বাসা বেঁধে

রইছে। লে সর্। ঢং করিস না। পিদিম নিভিয়ে যাবে। দাঁড়িয়ে আছে গোটা পাড়ার মানুষ।

গঙ্গারাম ভাতুর দিকে কঠিন দৃষ্টিতে ফিরে চেয়ে—প্রদীপের তাপ কপালে ঠেকিয়ে সরে গিয়েছিল। তার পর পিঙলা লক্ষ্য করেছিল—সে একজায়গায় দাঁড়িয়ে ক্রমাগত শ্বাস টেনে কিসের গন্ধ নিয়েছে।

ষাবার সময় পিঙলার দিকে তাকিয়ে একটু যেন—ঘাড় তুলিয়ে কিছু বলে গিয়েছে। শাসন, সন্দেহ, তার সঙ্গে যেন আরও কিছু ছিল।

পিঙলার ঠোঁট দুটি আবার বেকে গিয়েছিল।

এই নিশীথ রাত্রে এই ক্ষণটিতে হঠাৎ সেই কথা পিঙলার মনে পড়ে গেল। তবে কি তখন গঙ্গারাম এই গন্ধের আভাস পেয়েছিল? গঙ্গারাম পাপী, সে ভ্রষ্ট, সে ব্যভিচারী। জটিল তার চরিত্র, কুটিল তার প্রকৃতি। সে ডোমন করত। বেদেপাড়ায় সে অবোধে চালিয়ে চলেছে তার পাপ। কিন্তু এক ভাতু ছাড়া বেদেদের আর কেউ তাকে কিছু বলতে সাহস করে না। আর পারে পিঙলা। আজ দীর্ঘ দশ বছর সে তার সঙ্গে লড়াই করে আসছে। কিন্তু এতদিন কিছু করতে পারে নাই। এইবার তার জাগরণের পরে আশা হয়েছে। সঙ্গে সঙ্গে বেদেপাড়ায়ও খানিকটা সাহস দেখা দিয়েছে। তার জাগরণের ছোঁয়াতে তারাও যেন জেগেছে। ভাতুর সঙ্গে তারা দু-তিনবার গঙ্গারামের কথার উপর কথা বলেছে। কিন্তু গঙ্গারামের বাঁধন বড় জটিল। বেদেপাড়াকে সে শাসনের দড়িতে বাঁধে নাই, বৈধেছে পয়সার দড়িতে, ধারের কড়িতে। গঙ্গারাম টাকা পয়সা ধার দেয়। হুদ আদায় করে। মহাদেব শিরবেদেকে পিঙলার মনে আছে। সে কথায় কথায় টুঁটি টিপে ধরত। গঙ্গারাম তা ধরে না। গঙ্গারাম মানুষের ঘাড় হুইয়ে ধারের পাথর চাপিয়ে দেয়।

মাহুষ মাটির দিক ছাড়া মুখের দিকে চোখ তুলতে পারে না। এই স্বযোগে গঙ্গারাম বেদেদের ঘরে ঘরে অবাধে চালিয়ে যায় তার ব্যভিচার। এ আচার বেদেদের মধ্যে চিরকাল আছে। বেদের কন্তে অবিশ্বাসিনী, বেদের কন্তে মিথ্যেবাদিনী, বেদের কন্তে পোড়াকপালী পোড়ারমুখী, তার রঙ কালো কিন্তু তারও উপরে সে কালামুখী, বেদের কন্তে কুহকিনী ; বেদের কন্তের আচার মন্দ, সে বিচারভ্রষ্টা। বেদের পুরুষও তাই। তবু এমন ছিল না কোন কালে! সাতালীর পাপের বোঝা চিরকাল নাগিনী কন্তের হৃৎকের দহনে পুড়ে ছাই হয়েছে ; তার চোখের জলে ধুয়ে গিয়েছে ; এবার গঙ্গারামের পাপের বোঝা হয়ে উঠেছে পাহাড়, তাই তার জীবনে এত জালা। এত জালাতেও কিন্তু সে পাপের পাহাড় পুড়ে শেষ হচ্ছে না। তাই সময় সময় পাগলের মত হয়ে যায়। অজ্ঞান হয়ে পড়ে—বুকের নাগিনী—তার মুখ দিয়ে বলে—বিচার কর মা, বিচার কর। মুক্তি দাও ! বলে—আমার মুক্তি হোক বা না হোক, ওই পাপীকে শেষ কর। কত দিন মনে মনে সংকল্প করেছে—শেষ পর্যন্ত নিজে সে মরবে কিন্তু ওই পাপীকে সে শেষ করবে।

সেই পাপী গঙ্গারাম—সে কি সন্ধান পেয়েছিল এই গন্ধের ?

পাপী হলেও সে শিরবেদে। শিরবেদের আসনের গুণে পেয়েছিল হয় তো ! ভোজরাজার আসন ছিল, সে আসনে যে বসত—সে-ই তখন হয়ে উঠত রাজার মত গুণী। তার উপর গঙ্গারাম ডাকিনী-বিদ্যা জানে।

সে জেনেছে, সে বুঝেছে, সে এ গন্ধের আভাস পেয়েছে সব চেয়ে আগে। তার সঙ্গে গন্ধের সন্ধান সে নিজে পায় নাই—শিরবেদে পেয়েছে আসনের গুণে।

সমস্ত রাত্রি সে আলো জেলে বসে রইল। সকাল বেলা আবাক একবার তন্ন তন্ন করে খুঁজলে ঘর—। কিসের গন্ধ ! কোথা থেকে

আসছে গন্ধ ! গন্ধ রয়েছে ঘরে কিন্তু কোথা থেকে উঠছে বা আসছে বুঝতে পারলে না। ঘর বন্ধ করে ছুটে এসে পড়ল বিলের জলে। সর্বাঙ্গ ধুয়ে সে ঘরে ফিরল। ঘরে তখনও গন্ধ উঠছে। তবে ক্ষীণ হয়ে এসেছে।

স্বস্তির নিশ্বাস ফেলে ঘরের দাওয়ার উপর শুয়ে অঙ্গ এলিয়ে দিলে। ঘুমিয়ে পড়ল।

আবার।

মধ্য রাত্রিতে আবার উঠল গন্ধ।

পিঙলা ধড়মড় করে উঠে বসল। আলো জ্বাললে। মন্দির গন্ধে ঘর ভরে উঠেছে। তার নিশ্বাস ঘেন রুদ্ধ হয়ে আনছে। চাপা ফুল কোথায় ফুটেছে? তার বুকে? নইলে এই লগ্নে—কেন উঠছে সে গন্ধ?

উন্মাদিনীর মত সে নিজেই নিজের দেহগন্ধের শ্বাস টানতে লাগল। কিছু বুঝতে পারলে না, কিন্তু আছাড় খেয়ে মাটিতে উপুড় হয়ে পড়ে ডাকলে দেবতাকে।

—হামরার পাঁপ তুমি হরণ কর জহ্নুনী, কন্ঠের শরম তুমি ঢাক মা। ঢেক্যা দাও। মুখ রাখ।

*

*

*

—“মনে মনে শুধু জহ্নুনীরেই ডাকি নাই ধনস্তরি ভাই। তারেও ডাকি।” শীর্ণ মুখ তার চোখের জলে ভিজে গিয়েছিল। শিবরামের চোখেও জল এসেছিল। বায়ুরোগপীড়িতা মেয়েটির কষ্টের যে অন্ত নাই, মস্তিষ্ক থেকে হৃদপিণ্ড পর্যন্ত অহরহ এই যন্ত্রণায় নিপীড়িত হচ্ছে, সে তথ্য শ্রুতি কবিরাজের শিষ্যটির অহুমান করতে ভুল হয় নাই এবং যে যন্ত্রণার পরিমাণও তিনি অল্পভব করতে পারছিলেন। সেই অল্পভূতির জগ্নই চোখের পাতা সিক্ত হয়ে উঠেছিল তাঁর।

চোখের জলে অভিষিক্ত বেদনার্ত শীর্ণ-মুখে একটু হাসি ফুটে উঠল, পিঙলা বললে—তারে ডাকি। নাগ ঠাকুরকে। সে যদি মুক্তির আদেশ আনে—তবে তো মুই বাঁচলম। লইলে মরণ। হামরার বৃকে চাপা ফুল ফুটিছে, ই লাজের কথা দশে জানার আগে মুই মরব। কিন্তুক আগুন জালায়ে যাব। আগুন জালাব নিজের অঙ্গে—সেই আগুনে—। পিঙলার ছপাটি দাঁত সেই মেঘচ্ছায়াছন্ন অপরাহ্নে কালো মুখের মধ্যে বিদ্যাতের মত বলকে উঠল। শিবরাম আশঙ্কা করলেন—এইবার হয় তো চীৎকার করে উঠবে পিঙলা। কিন্তু তা করলে না সে। উদাস নেত্রে চেয়ে রইল সম্মুখের মেঘমেহুর আকাশের দিকে। কিছুক্ষণ পর সে একটা দীর্ঘনিশ্বাস ফেলে উঠল। বললে—ছগিনী বহিনের কথা শুনলা ভাই; যদি শুন বহিন মরেছে তবে অভাগিনীর তরে কাঁদিও। আর যদি মুক্তি আসে—।

একটি প্রসন্ন হাসিতে তার শীর্ণ মুখখানি উদ্ভাসিত হয়ে উঠল।

বললে—দেখা করিব। তুমার সাথে দেখা করিব। মুক্তি আগিলে তোমার সঙ্গে দেখা করিব। এখন—যাও ভাই, আপন লায়ে। মুই জলে নামিব।

এতক্ষণ অভিভূতের মতই বসেছিলেন শিবরাম। চিকিৎসকের কৌতূহল আর ওই ব্রত আদিম মাহুঘের একটি কন্ঠার অন্ধ সংস্কারাচ্ছন্ন জীবন-কাহিনীর বৈচিত্র্য তাঁকে প্রায় মুগ্ধ করে রেখেছিল। শেষ হতেই দীর্ঘনিশ্বাস ফেলে তিনি উঠলেন।

একদিন—সে দিনের খুব দেরি নাই; পিঙলার মস্তিষ্কের কুপিত বায়ু হতভাগিনীকে বন্ধ উন্মাদ করে তুলবে। সর্বত্র এবং অহরহ সে অহুভব করবে চাপার গন্ধ। শক্তিত্রস্ত হয়ে সে গভীর নির্জনে লুকিয়ে থাকবে। হয়তো ওই ক্লান্ত গন্ধ ঢাকবার জন্য দুর্গন্ধময় পঙ্ককে মাখবে চন্দনের মত আগ্রহে।

—ভাই! অ ধনন্তরি ভাই! পিছন থেকে ডাকলে পিঙলা।
কণ্ঠস্বরে তার উত্তেজনা; —উল্লাস!

ফিরলেন শিবরাম। দেখলেন দ্রুতপদে প্রায় ছুটে চলেছে পিঙলা।
পিঙলা আবার একবার মুহূর্তের জন্ত মুখ ফিরিয়ে বললে—যাইয়ো না।
দাঁড়াও!

সে একটা ঘন জঙ্গলের আড়ালে অদৃশ্য হয়ে গেল। শিবরাম ক্র কুণ্ঠিত
করে দাঁড়িয়ে রইলেন। কি হ'ল? মেয়েটা শেষ পর্যন্ত তাঁকে পাগল ক'রে
তুলবে?

কিছুক্ষণ পর পিঙলা আবার বেরিয়ে এল জঙ্গলের আড়াল থেকে।
তার হাতে ঝুলছে একটি কালো সাপ। সত্যকারের লক্ষণযুক্ত কৃষ্ণসর্প।

—মিলেছে ভাই। মা বিষহরি হামরার কথা শুনিছেন। মিলিবে—
আরও মিলিবে।

বেদেপাড়ায় তখন কোলাহল উঠছে। গঙ্গায় শুশুক পেয়েছে ছুটো।
গঙ্গারাম তার হলদে দাঁতগুলি বার ক'রে বললে—যাত্যা তুমার ভাল
কবিরাজী। শুশুকের ত্যাল কালোসাপ অ্যানেক মিলিল এক যাত্যায়।

বিদায়ের সময় পিঙলা ঘাটের উপর দাঁড়িয়ে রইল। তার চোখে
জল টলমল করছিল, ঠোঁট দুটি কাঁপছিল। তারই মধ্যে ফুটেছিল—
একটুকরা হাসি।

শিবরাম বললেন—এবার কিন্তু আমার ওখানে যাবে তোমরা।
যেমন যেতে গুরু ওখানে। আমাকে বিষ দিয়ে আসবে।

গঙ্গারাম বললে—উ কণ্ঠে তো আর যাবে নাই ধনন্তরি, উয়ার তো
মুক্তি আসিছে। হুই রাঢ়ের পথ দিয়া ঠাকুর গেলছে মুক্তি আনিতে।
না—কি গ কণ্ঠে?

পিঙলা লেজ মাড়ানো সাপিনীর মত ঘুরে দাঁড়াল।

গঙ্গারাম কিন্তু চঞ্চল হল না, সে হেসে বললে—আসিছে, সে আসিছে।
চাঁপা ফুলের মালা গলায় পর্যা সে আসিছে। মুই তার বাস পাই
যেন !

স্থির দৃষ্টিতে চেয়ে রইল পিঙলা।

শিবরামের নৌকা মোড় ফিরল, হান্সরমুখীর খাল থেকে কুমীরখালার
নালায় গিয়ে পড়ল। স্রোত এখানে অগভীর—সম্পূর্ণে চলল নৌকা।
শিবরাম ছইয়ের উপরে বসেছিলেন। ভাবছিলেন, পিঙলার সঙ্গে আর
দেখা হবে না। হয় তো মাস কয়েকের মধ্যেই রুদ্ধ কুপিত বায়ু
কাল বৈশাখীর ঝড়ের মত বেগে আলোড়ন তুলবে, জীবনটাকে তার
বিপর্যস্ত করে দেবে। উন্মাদ পাগল হয়ে যাবে হতভাগিনী।

(আট)

“বেদের কণ্ঠে সহজে পাগল হয় না ধ্বস্তরি ভাই ; বেদের কণ্ঠের পরান যখন ছাড়-ছাড় কর্যা উঠে তখন পরানটারেই ছেড়্যা দেয় হাসি মুখে বাসিফুলের মালার মতুন ; লয় তো—বাঁধন ছিড়্যা আগুন জ্বালায়ে নাচতে নাচতে চলা যায়, ষা-পেলে, যারে পেলে পরান বাঁচে—তারির পথে । আপন মনেরে সে শুধায়—মন কি চাস তা বল্, খতায় দেখ্যা বল্ । যদি ধরমে স্মৃথ তো ধরম মাথায় লিয়া মর্যা যা ; দে কুনও কালনাগের মুখে হাত বাড়ায় দে । নিয়া ভরপেট মদ খেয়ে ঘুমায়ে যা । আর তা যদি না-চাস, যদি বাঁচিতে চাস, ধরমে-করমে-জুটিতে কুলে-ঘরে গেরামে-পরানের আগুনের জ্বালা ধরায় দিয়া—জ্বালায়ে দিয়া চলে যা তু আপন পথে ।”

মুই গেলছিলম । মহাদেব শিরবেদের সর্বনাশ কর্যা—কাঁপ দিয়া পড়ছিলম গাঙ্গের জলে । মরি মরব, বাঁচি বাঁচব, বাঁচিলে পিখিমীর মাটিতে পরানের ভালবাসা ঢেল্যা মাথায় তাতেই ঘর বেঁধ্যা, পরানের সাধ মিটাব । ঘরের দুধারে দুই চাঁপার গাছ পুঁত্যা, ফুলের মালা গলায় পর্যা—পরানের ধনে মালা পরায়—বাঁচব, পরান ভরায় বাঁচব । তা মরি নাই, বেঁচেছি, দেখ চোখে দেখ, তোমার ধরম বহিন—বেদের কণ্ঠে—পোড়াকপালী, মন্দভাগিনী, কালামুখী কুহকিনী নিলেক্সা শবলা তুমার ছামনে দাঁড়ায়—দুশমনের হাড়ে গড়া দাঁতে কিকিমিকি কর্যা হেসে সারা হতেছে । পেতিনী নই, জ্যান্ত শবলা, দেখ, ছুঁলি পর যদি চান করতে হয় তো কাজ নাই ; লইলে এই হামরার হাতখানা পরশ কর্যা দেখ, মুই সেই শবলা ! ধ্বস্তরি ভাই, বেদের কণ্ঠের মনে বায়ু যখন ঝড় তুলে—তখন পরানের ঘরের ছয়ার ভেঙে ফেলায় ;—

হেসে ওঠে শবলা—খিল খিল ক’রে হেসে ওঠে, সে হাসিতে মাহুশের আর বিশ্বয়ের অবধি থাকে না, ভাবে—নির্লজ্জ ভাবে এমন হাসি হাসে কি করে মাহুশ। সেই হাসি হেসে শবলা বললে—কি কইলম? পরানের দুয়ার ভেঙে ফেলায়! আ—হামরার কপাল, বেদের জাতের পরানের ঘরে আবার দুয়ার! দুয়ার লয় গো আগড়। কোনমতে ঠেকা দিয়া পরানের সুখ দুখ ঢেক্যা রাখে। ঝড় উঠলে সে কি থাকে? উড়ে যায়। ভিতরের গুমোট বাহিরে এসে আকাশে বাতাসে ছড়ায়ে যায়। বায়ুতে বেদের কণ্ঠে পাগল হয় না ধ্বস্তরি ভাই। মুই পাগল হই নাই। পিঙলা—সেও পাগল হয় নাই।

মাস চারেক পর। তখন কার্তিকের প্রথম। শিবরামের সঙ্গে শবলার দেখা হল। তাঁর নতুন ঠিকানায়, আয়ুর্বেদ ভবনের সামনে এসে চিমটে বাজিয়ে হাঁক তুলে দাঁড়াল।

—জয় মা বিষহরি! জয়—ধ্বস্তরি! তুমার হাতে পাথরের খলে বিষ অমৃতি হোক; ধনে পুত্রে লক্ষ্মীলাভ হোক। যজ্ঞমানের কল্যাণ কর ভোলা মহেশ্বর!

শিবরাম জানতেন বেদেরা আবার তাঁর এখানে আসবে। ঠিকানা তিনি দিয়ে এসেছেন। নারীকণ্ঠের ডাক শুনে ভেবেছিলেন—পিঙলা। একটু বিস্মিত হয়েছিলেন, পিঙলা পাগল হয় নাই? কিসে আরোগ্য হল? দেবকুপা? বিষহরির পূজারিণীর, বিষহরির কুপায় ব্যাধি প্রশমিত হয়েছে! রসায়নের ক্রিয়া যেমন দুইয়ের দুই যোগ করলে চারের মত স্থির নিশ্চয়, দেহের অভ্যন্তরে ব্যাধির প্রক্রিয়াও তেমনি সূনিশ্চিত; ব্যাধিতে তাই ঔষধের রসায়ন প্রয়োগে দুই শক্তিতে বাধে দ্বন্দ্ব, কোথাও জেতে ঔষধ, কোথাও জেতে ব্যাধি। ঔষধ প্রয়োগ না

করলে ব্যাধির গতিরোধ হয় না, হবার নয়। এ সত্যকে তিনি মানেন, আয়ুর্বেদ—পঞ্চমবেদ, বেদ মিথ্যা নয়। কিন্তু তার পরেও কিছু আছে, অদৃশ্য শক্তি, দৈব-অভিপ্রায়, দেবতার রূপা! দৈববলের তুল্য বল নাই। আচার্য ধূর্জটি কবিরাজের শিষ্য হয়ে তিনি কি তা অবিশ্বাস করতে পারেন? রহস্য উপলব্ধির একটু প্রশ্ন হাসিতে তাঁর মুখ উজ্জ্বল হয়ে উঠল। বিস্ময় কেটে গেল। বেরিয়ে এলেন তিনি। বেরিয়ে এসে কিন্তু তিনি স্তম্ভিত হয়ে গেলেন।

সামনে দাঁড়িয়ে পিঙলা নয়—শবলা।

পিঙলা দীর্ঘাঙ্গী, শবলা বালিকার মত মাথায় খাটো। আজও তাকে পনেরো ঘোল বছরের মেয়েটির মত মনে হচ্ছে।

পিঙলা দীর্ঘকেশী; শবলার চুল কুঞ্চিত কোকড়ানো একপিঠ খাটো চুল।

শবলার চোখ আয়ত ডাগর; পিঙলার চোখ ছোট নয় কিন্তু টানা-লম্বা।

শবলাকে পিঙলা বলে ভুল হবার নয়।

শবলার পিছনে সীতালীর ক'জন অল্পবয়সী বেদে, বয়স্ক লোকের মধ্যে নটবর আর নবীন।

শিবরাম বুঝতে পারছিলেন না কিছু। শবলা?

শবলা ভূমিষ্ঠ হয়ে প্রণাম করে বললে—পেনাম ধনুস্তম্ভি ভাই।
তুমার আঙ্গিনায় হামরাদের জনম জনম পেট ভরুক, হামরাদের নাগের গরল তুমার খলে তুমার বিজায় অমৃতি হোক, তুমার জয়জয়কার হোক।

প্রণাম সেরে উঠে নতজান্ন হয়ে বসেই বললে—হামরাকে চিনতে লারছ ভাই?

এতক্ষণে বিষয় এবং স্নেহভরা কণ্ঠে প্রশ্ন করলেন শিবরাম—
শবলা!

—হাঁ গ! শবলা!

—আর সব? পিঙলা? গন্ধারাম? ভাহু?—এয়া? পিঙলা
পাগল হয়ে গেছে, না?

শবলা তার মুখের দিকে তাকিয়ে রইল। শিবরাম বুঝলেন—
শবলা প্রশ্ন করছে—জ্ঞানলে কি করে? শিবরাম বিষন্ন হেসে বললেন—
তার দেহে বায়ু রোগের লক্ষণ আমি দেখে এসেছিলাম। মানসিক-
দৈহিক পীড়ন সে নিজেই অত্যন্ত কঠোর করে তুলেছিল। বায়ু কুপিত
হয়ে উঠল স্বাভাবিক ভাবে। আমি বলেছিলাম তাকে ওষুদ ব্যবহার
করতে। কিন্তু—

—বায়ুরোগ! বায়ুর কোপ!

হাসলে শবলা। বললে—বেদের কণ্ঠে সহজে পাগল হয় না ধনুস্তরি
ভাই! পিঙলার মনে যে ঝড় উঠিল ভাই, সে ঝড়ে পেলয় হয়ে গেল
সাঁতালীতে। মনুস্তর হয়ে গেলছে সাঁতালীতে। নাগিনী কন্ঠের মুক্তি
হলছে।

*

*

*

সে এক বিচিত্র বিষয়কর ঘটনা।

শবলা বলে গেল, শিবরাম শুনে গেলেন।

শুনতে শুনতে মনে পড়ল আচার্য ধূর্জটি কবিরাজের কথা। একদিন
তুলসীর পাতা তুলতে তুলতে বলেছিলেন, তুলসীর গন্ধ তৃপ্তিদায়ক কিন্তু
পুষ্পগন্ধের মত মধুর নয়। স্বাদেও সে কটু। আমি যেন ওর মধ্যে
অরণ্যের বন্য জীবনের গন্ধ পাই। মনে হয় অকপট ধর্মবিশ্বাসে অন্তর
ঢালা নিষ্ঠায় মানুষ অসম্ভব কামনা করলে তা হয়তো পূর্ণ হয় না, কিন্তু

নিজের জীবনটা চতুর্ভুজ লাভে সার্থক হয়ে ওঠে কিন্তু তার ক্ষতি পূরণ তাঁকে করতে হয়। তুলসীর জন্মবৃত্তান্ত জান তো? সমুদ্রগর্ভে বা সমুদ্রতটে থাকত যে দৈত্যজাতি, তাদের রাজা জলন্ধর বা শঙ্খচূড়ের পত্নী তুলসীর তপস্শায় স্বামী ছিল অজেয়। সে তো সব জান তোমরা। বিষ্ণু প্রতারণা করে তার তপস্শা ভঙ্গ করলেন; স্বামীর অমরত্ব লাভ ঘটল না, জলন্ধর বা শঙ্খচূড় নিহত হলেন। কিন্তু তুলসী মানবজীবনের মহাকল্যাণ নিয়ে, বিষ্ণুর মন্তকে স্থান লাভের অধিকার নিয়ে পুনর্জন্ম লাভে সার্থক হলেন। ওর গন্ধের মধ্যে আমি যেন সেই সমুদ্রতটের দৈত্যনারীর গাত্রগন্ধ পাই।

পিঙ্গলাও কি কোন নূতন বিষনাশিনী লতা হবে না নূতন জন্মে?

মহাদেব বেদের বুকে বিষের কাঁটা বসিয়ে দিয়ে প্রত্যাঘে কুহকা-লোকের মত আবছা-আলো আবছা-অন্ধকারের মধ্যে নগ্নিকা শবলা ভরা গদ্যায় কাঁপ খেয়ে পড়েছিল। সে প্রতিশোধ নিয়েছিল। সে তখন প্রাক্ষ উন্মাদিনী।

বল্ল আদিম নারীজীবন; চারিদিকে নিজেদের সমাজে অবাধ উদ্দাম জীবন-লীলা; তার জীবনে কামনা জেগেছিল, উদ্দাম হয়ে উঠেছিল, সে কথা শবলা গোপন করে নাই; অস্বীকার করে নাই। অনেক কাল পূর্বে প্রথম পরিচয়ে ভাই-বোন সম্বন্ধ পাতিয়েও সে পাতানো-ভাইয়ের কাছে চেয়েছিল অসামাজিক অবৈধ ভেষজ। সন্তানঘাতিনী হতেও সে প্রস্তুত ছিল, সে বলতেও সে লজ্জা বোধ করে নাই। সে স্বীকার করেছিল, একটি বীর্ধ্যবান বেদে তরুণকে সে ভালবেসেছিল কিন্তু তাকে স্পর্শ করতে ভয় তার তখনও ছিল, পারে নাই স্পর্শ করতে। তাকে স্বকৌশলে মহাদেব শিরবেদে সর্পাঘাত করিয়ে খুন করেছিল। তারপরই সে উন্মত্ত হয়ে উঠল।

শবলা বললে—হামরার চসকু ছুটা ঠুলি দিয়া ঢাকা ছিল ধরম ভাই, খুল্যা ফেললাম মনের জালায়—টেঙা ছিড়্যা দিলম। চসকুতে হামরার সব পড়িল, রাতিরে দেখলম রাতি, দিনেরে দেখলম দিন। শিরবেদের স্বরূপ দেখ্যা পরানটায় হামরার আগুন জল্যা উঠল। হয় তো উয়ারও দোষ নাই; কি করিবে; বেদেগুলের দেবতা দুটি, একটি শিব আরটি বিষ্ণুরি। শিব নিজের ধরম ভেরষ্ট হয়্যা কুচনী পাড়ায় ঘুরে, আপন কঙ্কের রূপে মোহিত হয়—। বেদেগুলের কপাল।

শিবরাম ম্লান হেসে বলেন—ওদের দেবতা হওয়া সাধারণ কথা নয়। ওই শিবই পারেন ওদের দেবতা হতে। ওদের পূজা নিতে দেবতাটি অগ্নানমুখে গ্রহণ করেছেন উচ্ছ্বলতার অপবাদ, ধরেছেন বর্বর নেশা-পরায়ণের রূপ, আরও অনেক কিছু। নিজেদের সমাজপতির শ্রেষ্ঠ শক্তিমানের জীবনের প্রতিফলনে প্রতিফলিত হয়েছেন রুদ্রদেবতা। বজ্রাহীন জৈবিক জীবন স্বেচ্ছাচারে যা চায়, যা করে, তার দেবতাও তাই করেন। তারা বলে দেবতা করে, তারই প্রভাব পড়ে মানুষের উপর। উপায় নাই, পরিত্রাণ নাই। প্রাণপণ চেষ্টা হয় তো করে, তবু অন্তরের অন্তস্তলের স্বেচ্ছাচারের কামনা কুটিলপথে আত্মপ্রকাশ করে।

শবলা আবিষ্কার করেছিল—মহাদেব শিরবেদের মধ্যেও সেই উদ্ভাস ভ্রষ্ট জীবনের নিরুদ্ধ কামনা। সে বলে—শিরবেদের উপরে শিব চাপিয়ে গিয়েছেন তাঁর সেই ভ্রষ্ট জীবনের কামনার অতৃপ্তি। সব—সব, সকল শিরবেদের মধ্যেই তা প্রকাশ পায়। বেদেরা ধরতে পারে না; দেখতে পায় না; দু-একজন পেলেও তারা চোখ কিরিয়ে থাকে। মহাদেবের দৃষ্টি পড়েছিল শবলার উপর।

কিন্তু শবলা নাগিনী কঙ্কা হলেও তার তো বিষ্ণুরি মত নাগভূষা ভূষিতা, গরলনীল, বিষময়ী মূর্তি ধরবার শক্তি ছিল না। তাই সে

সেদিন শেষরাত্রে অসহ্য জীবনজালায় উন্মাদিনীর মত তার নৌকায় গিয়ে উঠেছিল জলচারিণী সরীসৃপের মত। জলে ভিজে কাপড়খানা ভারী হয়ে উঠেছিল, শব্দ তুলছিল প্রতি পদক্ষেপে, গতিকেও ব্যাহত করছিল; তাই সে খুলে ফেলে দিলে কাপড়খানা। উন্মাদিনী গিয়ে দাঁড়াল তার পাশে।

শিবরাম সে সব জানেন। শুনেছিলেন। বিস্মিত হন নাই। যে আশুন দেখেছিলেন তিনি শবলার চোখে, তার যে উত্তাপ অহুভব করেছিলেন—তাতে শবলার পক্ষে অসম্ভব কিছু ছিল না। সব শুনেও প্রস্তুত ছিলেন। শিবরাম বললেন—সে সব আমি জানি শবলা।

—জান? শবলা কঠিন দৃষ্টিতে শিবরামের দিকে তাকিয়ে বললে—কি জান তুমি? মূই তার বৃকের উপর কাঁপায়ে পড়েছিলম, সে আমাকে দধিমুখী ভেবেছিল—।

ঠোট বঁকিয়ে বিচিত্র হাসি হেসে সে বললে—এক কুড়ি চার বছর তখন হামরার বয়স—দধিমুখী দু কুড়ি পারাচ্ছে; হামরাকে মনে ভেবেছিল দধিমুখী!।

মূই তখন সাতালী পাহাড়ের কালনাগিনীর-পারা ভয়ঙ্করী। চোখে আশুন—নিশ্বাসে বিষ—ছামনে পড়ছে যে ঘাস গাছ সে ঝলসে কালো হয়ে যেতেছে। ঐদিকে আকাশে ম্যাঘের ঘটাপটার মাঝখানে জেগ্যা রইছেন বিষহরি—চোখে তার পলক নাই, হাতে তার দণ্ড; ইদিকে ঘুরছে হিন্তালের লাঠি হাতে চাঁদো বেনে—তার নয়নে নিষ্ঠে নাই, নাগিনীর অঙ্গে বিষের জালা—বিষহরি তারে খাওয়ালছেন বিষের পাথার। ঠিক তেমনি হামরার দশা তখন। জান নাই, গম্য নাই—মরণে ভয় নাই—বৃকে হামরার সাতটা চিতার আশুন—সর্ব অঙ্গে হামরার মরণ জ্বরের তাপ। ভোর হতেছে তখন—চারিদিকে কুহকমায়াব আলো, সেই

আলোতে সব দেখাইছিল সব ছায়াবাজীর-পারা। গাছ-পালা গাঁ-লা—
হামরার চোখে মুই তাও দেখি নাই, মুই দেখেছিলম অন্ধকার, সাত
সমুদ্রের পাথারের মত অন্ধকার থৈথৈ করছিল হামরার চোখের ছামনে।
কাঁপ দিব—হারায় যাব। হামরার তখন কারে ডর? কিসের ডর?
মুই যাব লরকে—উকে লিয়া যাব না? বুকের উপর নিজেই দিলম ঢেলা,
পাপী ভাবলে—স্বপ্ননিছা এল বুঝি স্বপ্নের স্বপ্ন নিয়া; দিলম তখন হাত
ব্লায়ে ঠিক কলিজার উপর কাঁটাটা বিঁধা; লোহার সরু কাঁটা, হুচের মতন
মুখ, ভিতরটা ফাঁপা—তাতে ভরা থাকে বিষ। সে বিষের ওষুদ নাই।

তারপর সে ছুটে বেরিয়ে এসে ঝাঁপিয়ে পড়েছিল ভাস্করের দুকূল
পাথার গঙ্গার বুকে। কলকল—কলকল শব্দ, প্রচণ্ড একটা টান,—
মধ্যে মধ্যে শ্বাস কষ্টে বুক ফেটে যাচ্ছিল—নইলে ভেসে চলেছে, যেন
দোলায় চলে চলেছে; আকাশ নাই, মৃত্তিকা নাই—চন্দ্র নাই সূর্য্য নাই—
বাতাস নাই—শবলা বললে—বাস্ মনে হ'ল হারায় গেলম। মুছে গেল
সব। মনে হল—খুব উঁচু ডাল থেকা পড়েছি, পড়ছি—পড়ছি—পড়ছি।
তা পরেতে তাও নাই। কিন্তু হারায় গেলম না। চেতন যখন হল—
তখন দেখি মুই একখানা লায়ের উপর শুয়ে রইছি।

সে লা এক মুসলমান মাঝির লা। ইসলামী বেদে। বেদের কণ্ঠে
দেখেই সে চিনেছিল। চিহ্ন হামরার ছিল। শবলা হাসলে

শবলা শব্দ ক'রে এলো খোঁপা বেঁধেছিল সেদিন। খোঁপায় গুজেই
নিতে হয়েছিল ওই বিষকাঁটা; আর এলো খোঁপার পাকানো চুলের সঙ্গে
জড়িয়ে নিয়েছিল পদ্ম গোখুরার একটা বাচ্চা। প্রয়োজন হলে ওকেও
ব্যবহার করবার অভিপ্রায় ছিল।

—শুনলুম যখন ভাই, কি, সে ইসলামী বেদে, তখন হাসলম।

বুঝলম—মা হামরাকে সাজা দিছেন। এই ভাদর মাসের দুকুল পাথার গাঙের লাল বরণ জলের পরতে পরতে ভবঘন্না থেকে মুক্তির পরশ; মহাপাপীর হাড়ের টুকরা কাকে চিলে ঠোটে কর্যা নিয়া যায়, যদি কোন রকম পড়ে মা গঙ্গার জলে, তবে লরকের পথ থেকা স্বরগের রথ এস্যা তারে চাপায়ে ডকা বাজায়ে নিয়া যায়। হামরার করমদোষ ছাড়া আর কি কইব? পাথার গাঙে ঝাপায়ে পড়লম, বুক ফেট্যা গেল বাতাসের তরে, চেতনা হর্যা গেল, আলো মুছ্যা গেল, জুড়ায়ে গেল জালা, ভুলে গেলম মনিষ্টি জীবনের সকল কথা, বুঝ কি ভাই, চুলে জড়ানো নাগের ছানা, যে নাগ ছটা মাস মাটির তলে থাকে, সে নাগটাও মরে গেছিল, হামার মরণ হয় নাই। বুঝতে হামরার বাকি রইল না, বিষহরি হামরাকে ফিরায়ে দিছেন;—জাতি নিয়া—কুল নিয়া পাঠায়ে দিছেন নরলোকে—; দুঃখভোগের তরে। কণ্ঠস্বর হঠাৎ দৃঢ় হয়ে উঠল শব্দার। সে বললে, উপরের দিকে মুখ তুলে কথাগুলি তাদের দেবী বিষহরিকে উদ্দেশ্য করে;—তা পাঠাও তুমি। একদিন তুমি নিজে বাদ করলা ঠান্ডো বেনের সাথে, সে বাদে জীবন দিলেক নাগেরা; তুমি রইল্যা নিজের আটনে বস্যা—কালনাগিনীয়ে পাঠাইলা সোনার লখিন্দরকে দংশন করতে। কি পাপ—কি দোষ করেছিল লখিন্দর-বেহুলা? চলতে হল বিষবেদের প্রধানকে। তুমি পেলে পূজা, কালনাগিনী বেদেকূলে জনম নিয়া জনমে জনমে—তিলস্থলা খাটিছে; হামরাকে ফিরা পাঠাইলা নরলোকে দুঃখ ভোগের তরে। ভাল! দুখের বদলে সুখ করিব মুই। স্বামী নিব, ঘর গড়িব, দুয়ার গড়িব, হাসিব নাচিব, গাহিব, পুত্ৰ-কন্ঠায় সাজাইব হামরার সংসার, তারপরেতে মরিব, তখন নরকে যাই যাইব। যমদণ্ডে যদি আঙুল পেমান পরান পুতুল আছাড়ি পিছাড়ি করে তবু তুমারে ডাকিব না।

কিন্তু তা লারলাম। দিলে না বিষহরি, দিলে না ওই ইসলামী বেদে। ওই বেদেই মূই হামরার পতি বল্যা বরণ করিছিলম। ইসলামী হলি কি হয়—দেবতা তো বেদের বিষহরি! তারে তো সি ভুলে নাই। সাঁতালীর বেদেবুলের যারা সাঁতালো থেক্যা গাওড়ের জলে লা ভাসায়ে আদিবার পথে সঙ্গ ছাড়িল, থেক্যা গেল পদ্মাবতীর চরে—তারাই তো হইছে ইসলামী বেদে। ভুলিবে কি কর্যা? সে কইল—বেদের কত্তে ঘর বাঁধিবার আগে মায়েরে পেসন্ন কর। লইলে মায়ের কোপে—চাঁদো বেনের দশা হইবে। ঝড়ে লা ডুবিবে, পুত্যা কত্তা—নাগ দংশনে পরান দিবে; স্ত্রের আশায় ঘর বাঁধিব, দুখের আগুনে জ্বল্যা ছারখার হয়্যা যাবে। মায়েরে পেসন্ন কর। মনে কর কত্তে—নাগিনী কত্তের অদেষ্ট, পেথম সন্তানটিরে তারে—।

শিউরে উঠল শবল।

প্রবাদ আছে,—নাগিনী কত্তা যদি ভ্রষ্ট হয়ে পালিয়ে গিয়ে বাঁচে, সে যদি ঘর-সংসার বাঁধে, সে যদি তার জাতি-ধর্ম সব ত্যাগ করে, তবে মা বিষহরির অভিষাপ গিয়ে পড়ে তার মাতৃত্বের উপর। সন্তান কোলে এলেই তার নাগিনী স্বভাব জেগে ওঠে। নাগিনী নাকি নিজের সন্তান ভক্ষণ করে। সেও সন্তান হত্যা করে।

আত্ম সম্বরণ ক'রে শবল। উদাস দৃষ্টিতে তাকিয়ে রইল আকাশের দিকে।

কিছুক্ষণ পর একটা দীর্ঘনিশ্বাস ফেলে বললে—আর হ'ল না ঘর বাঁধা। জমি পেলম, বাঁশ খড় দড়ি সবের ব্যবস্থাই করলম মনে মনে, পুঁজিরও অভাব ছিল নাই; কিন্তু তবু হল নাই। পশ্চিম আকাশের দিকে তাকায়ে—কালো মেঘের কথা মনে পড়িল, বিছাভের আলো মনে হইল, কড় কড় ডাক যেন মাথার মধ্যে ডেক্যা উঠল। ঘর বাঁধা হ'ল

নাই। পথে পথে ঘুরতে লাগলম। যোগিনী সাজলম, সঁতালীর বিল বাদ দিয়া মা বিষহরির আটনে আটনে ঘুরা বেড়ায়ে ধরনা দিলম। শুধু হামরার তরে লয় ভাই, যোগিনী সেজ্যা তপ যখন করছি তখন নাগিনী কণ্ঠের তরেও খালাস চাইলম। বললম—জহ্ননী গ, শুধু হামরাকে লয়, তুমি কণ্ঠের এই বন্ধন থেক্যা খালাস দাও—খালাস দাও—খালাস দাও। কামরূপ গেলম। মা চণ্ডী মা কামিন্কেকে বললম, মা, আমারে খালাস দাও, কণ্ঠেরে খালাস দাও।

পথে দেখা ঠাকুরের সাথে!

—কার সঙ্গে?

—নাগু ঠাকুর গ! মাথায় ঝুঁচুল, বড় বড় চোখে, খ্যাপা-খ্যাপা চাউনি; সোনার পাতে মোড়া লোহার কপাটের মতুন এই বুক, তাতে ঢুলছে রুদ্ধারিকির মালা, অরুণ্যের দাঁতাল হাতীর মতুন চলন,— ঠাকুরকে দেখ্যা মনে হইল মহাদেব। দেখে ডেকে তারে কইলম—তুমি ঠাকুর কে বট তা কও? ঠাকুর কইল—হামরার নাম নাগু ঠাকুর—মুই চলেছি মা কামাখ্যার আদেশের তরে, মা বিষহরির আদেশের তরে।

শিবরাম সবিস্ময়ে বললেন—তুমিই সেই যোগিনী?

—ই, শবলা পোড়াকপালীই সেই যোগিনী!

শবলা বললে—ধ্বস্তরি ভাই, ঠাকুরের কথা শুন্না পিড়লার ভাগ্যের পরে হামরার হিংসা হছিল! হায়রে হায়, রাজনন্দিনীর এমন ভাগ্যি হয় না; বেদের কণ্ঠে মন্দভাগিনীর সেই ভাগ্যি।

শিবরাম বলেন—সত্যিই ঈশ্বর কথা। এমন বীরের মত গৌরবর্ণ পুরুষ, গেরুয়া পত্রা সন্ধ্যাসী—সে ওই বেদের মেয়ের জন্ম জাতি ধর্ম সন্তান ইহকাল পরকাল সব জলাঞ্জলি দিয়ে বনে পাহাড়ে দুর্গম পথে চলেছে, তাকে না পেলে তার জীবনই বুঝা, ওই বন্দিনী কণ্ঠাটির মুক্তিই হ'ল

তার তপস্যা; এ ভাগ্যের চেয়ে কোন উত্তম ভাগ্য হয় নারীজীবনে ? এ দেখে কোন্ নারীর না সাধ হয়, হায় আমার জন্ম যদি এমনি করে কেউ ফিরত !

বিপুল বিস্তার কোন নদী, বোধ হয় ব্রহ্মপুত্রের তীরে—ঘন বনের মধ্যে শবলার সঙ্গে নাগু ঠাকুরের দেখা হয়েছিল। বীর বপু নির্ভীক নাগু ঠাকুর মনের বাসনায় একা পথ চলছিল। মধ্যে মধ্যে ডাকছিল—
শঙ্করী ! শঙ্করী ! বিষহরি, শিবনন্দিনী !

হাতে ত্রিশূল দাও ; কখনও কখনও অরণ্যের গাঢ় নির্জনতার মধ্যে ছেলে মানুষের মত হাঁক মেরে প্রতিধ্বনি তুলে কোতুক অমুভব করছিল ।
—এ—প্ !

তিন-চার দিক থেকে প্রতিধ্বনি উঠছিল—এ—প্ ! এ—প্ ! এ—প্ !
সে প্রতিধ্বনি মিলিয়ে যেতে না-যেতে আবার হাঁকে উঠছিল
নাগু ঠাকুর—এ—প্ !

শবলা বিস্মিত মুগ্ধ হয়ে নবীন সন্ন্যাসীর সঙ্গে পরিচয় করেছিল।

নাগুর কথা শুনে বুকের ভিতরটা কেমন ক'রে উঠেছিল শবলার ।
সাঁতালী মনে পড়েছিল। পিঙলাকে মনে পড়েছিল। হিজলের বিল মনে পড়েছিল।

শবলার উত্তেজনার সীমা ছিল না। প্রথমেই সে সেই উত্তেজনায় ঠাকুরকে ধিক্কার দিয়ে বলেছিল—ঠাকুর, কেমন পুরুষ তুমি ? একটা কন্তোরে তোমার ভাল লেগেছে, তার তরে তুমার পিথিমী শৃঙ্গ মনে হচ্ছে, তুমি তারে কেড়ে লিতে পার না ? এমুন বীর চেহারা তুমার, এমুন সাহস, বাঘেরে ডরাও না, পাপেরে ডরাও না ; পাহাড় মান না, নদী মান না, আর কটা বেদের সাথে লড়াই কর্যা কন্তোটারে কেড়া লিতে পার না ?

নাগু ঠাকুর বলেছিল—পারি। নাগু ঠাকুর পারে না—তাই হয়? নাগু ঠাকুরের নামে রাঢ়ের মাটিতে মাটি ফুড়ে ওঠে তার সাক্ষরদ শিল্পের দল। মেটেল বেদে, বাজীকর, ওস্তাদ, গুণীন এরাই শুধু নয়, নাগু ঠাকুর কুস্তীগির, নাগু ঠাকুর লাঠিয়াল। নাগু সব পারে। সব পারে বলেই তা করব না। কণ্ঠকে কেড়ে আনলে তো কণ্ঠ হবে ডাকাতির মাল। তাকে মুক্তি দিয়ে জয় করতে হবে। পিঙ্গলা কণ্ঠে—লম্বা কালো মেঘে, টানা ছুটি চোখে আঘাতে কালো মেঘ, কখনও বিদ্রোহের ছটা, কখনও সঙ্কের আধারের মত ছায়া, পিঠে একপিঠ ঋতু কালো চুল,—সে হাসি মুখে লজ্জায় মাটির দিকে চেয়ে আস্তে আস্তে এসে আমার হাত ধরবে, তবে তো তাকে পাব আমি।

আঃ—ধনুস্তরি ভাই, পরানটা আমার জুড়িয়ে গেল; পরানের পরতে পরতে মনে হল রামধনু উঠেছে দশ-বিশটা।

মাংয়েরে সেদিন পরান ভর্যা ডাকলম। মনেও লিলে—কি—পিঙ্গলা যখন এমন কর্যা বেদেকুলের মান রেখেছে, লজ্জা শরম ভাণায়ে দিয়া আর নাগু ঠাকুরের মতুন এমন যোগী মানুষ যখন মুক্তি খুঁজিতে আসিছে—তখন মুক্তি ইবার হবে। “রাতে সি দিনে স্বপন পেলাম মুই। স্বপনে দেখলম পিঙ্গলারে, হাতে তার পদ্মফুল, বিষহরির পুষ্প; সে হামরাকে হেস্তা কইল—মুক্তি দিলে জহুনী, নাগিনী কন্তার থালাস মিলিল গ শবলা দিদি!” ধড়মড় কর্যা উঠ্যা বসলম। শেষরাত সন সন করছে, কিংকি পোকার ডাকে মনে হচ্ছে অরুণিতে গীত উঠিছে; হামরার বেদে ঘুমে নিথর; নাগু ঠাকুর ছিল একটা পাথরের উপর চিং হয়্যা শুয়া, বকে ছটা হাত, নাক ডাকিছে যেন শিঙা বাজিছে, শুধু জেগ্যা রইছে মাথার কাছে নাগ একটা, মহানাগ শম্বুচুড়, ঠাকুরের নাক ডাকার সাথে পান্না দিয়া গর্জাইছে। সে-ই শুধু সাক্ষী হামরার স্বপনের। ঠাকুরকে ডেক্যা তুল্যা

কইলম বিবরণ। কইলম সাঁতালীতে গিয়া বলিয়ো তুমি মুক্তি হইছে কত্তের, দেনা সোধ হইছে। এই নাগ তার সাক্ষী। কিন্তু সাঁতালীর বেদেরা মানিল না সে কথা। গন্ধারাম শয়তানের দোসর, সে নাগু ঠাকুরের বুকে মারিল আচমকা কিল। নাগ দিল না সাক্ষী। নাগু ঠাকুর নাগু ঠাকুর—সে নিজে স্বপন দেখে নাই; তাই নিজে সেই আদেশের তরে চলা এল। পিঙ্গলারে কইল, মুই আনিব, পেমান আনিব। মুক্তি হইছে।

কত্তা কইল—।

শিবরাম জানেন পিঙ্গলা দুইপাশে তালগাছের সারি দেওয়া রাগের সেই আঁকা-বাঁকা মাটির পথের দিকে চেয়ে থাকে। আসবে নাগু ঠাকুর; মহিষ কি বলদ কিছুর উপর চড়ে। কবে কখন আসবে?

রাঢ়ে আছে চম্পাই নগর জান? বর্ধমান জেলা। বেহলা নদীক ধারে চম্পাই নগরে বিষহরির আটন। নাগপঞ্চমীতে বিষহরির পূজার দিন—আজও গ্রামের বধূরা শশুরবাড়ীতে থাকে না, সে দিন তাদের বাপের বাড়ী যাওয়ার ব্যবস্থা। চম্পাইয়ের বধূরা বেহলার বাসরের কথা স্মরণ করে সেদিন চম্পাই নগর ছেড়ে চলে যায়। বাপের বাড়ীতে গিয়ে মনসার উপবাস করে, চম্পাই নগরে বিষহরির দরবারে পূজা পাঠায়। সেই চম্পাই নগরে গিয়েছিল নাগু ঠাকুর। সামনে আসছে নাগপঞ্চমী। চারদিক থেকে আসবে দেশান্তরের সাপের সন্তান।

নাগু ঠাকুর ধরনা দিয়েছিল, ‘যোগিনীকে দিলে যে আদেশ—সেই আদেশ আমাকে দাও।’ আদেশ না পেলে উঠবে না। অন্ন জল গ্রহণ করবে না।

দেখা হ’ল শবলার সঙ্গে। শবলা ওখানে এসেই তার ব্রত শেষ

করবে। মুক্তি মিলেছে, তীর্থ পরিক্রমায় বাকি দুটি তীর্থ। বেহুলা নদীর উপর চম্পাই নগর আর হিজলে সাতালী গায়ে মা বিষহরির জলময় পদ্মালয়; যেখানে লুকানো ছিল চাঁদ সন্ধ্যারের সপ্তভিঙা মধুকর।

চম্পাই নগরে সাতালীর বিষ বেদেরা যায় না। সে এ চম্পাই নগরই হোক, আর রাঙামাটি চম্পাই নগরই হোক। মূল সাতালীর চিহ্ন নাই, কি দেখতে যাবে? আর কোন্ মুখেই বা যাবে? কিন্তু শবলা গেল। তার মুক্তি হয়েছে আর সে তো সাতালীর বেদেনী নয়।

নাগু ঠাকুরের সেই বীরের মত দেহের লাভণ্য শুকিয়ে এসেছে উপবাসে। কিন্তু চোখ দুটো হয়েছে বাকমকে দুটো স্ফটিকের মত। বৃকের উপর হাত রেখে পাথরে মাথা দিয়ে স্থির দৃষ্টিতে উপরের দিকে চেয়ে ঠাকুর শুয়ে ছিল। একটা বড় বাকড়া বটগাছের তলায় শুয়ে ধরনা দিয়েছে।

শবলা তাকে দেখে সবিস্ময়ে বললে—ঠাকুর !

ঠাকুর চমকে উঠল—যোগিনী !

—কই ? পিজলা কই ? পিজলা বহিন ? ভাগ্যবতী !

—পিজলাকে এখনও পাই নাই। প্রমাণ চাই।

—প্রমাণ ?

—হাঁ, প্রমাণ। প্রমাণ নিয়ে যাব, গঙ্গারামের বৃকে কিল মারব, তারপর—। হাসলে নাগু ঠাকুর, বললে—তারপর পিজলাকে নিয়ে নাগু ঠাকুর—ভৈরব আর ভৈরবী—বাধবে ডেরা, নতুন আশ্রম !

—নাগ ? নাগ দিলে না সাক্ষী ?

—না !

—কি সাক্ষা দিছ তারে ? চোখ জলে উঠল শবলার !

—সেটাকে ফেলে এসেছি সীতালীতে ! তাকে সাজা দেওয়া উচিত ছিল। টুঁটিটা টিপে টেনে ছিঁড়ে দিতে হ'ত। কিন্তু মনের ভুল—মনেই পড়ে নাই।

—পিঙলা কি কইল ?

—পিঙলা আমার পথ চেয়ে থাকবে। বলেছে মুক্তির আদেশের প্রমাণ নিয়ে তুমি এস। আমি থাকলাম পথ চেয়ে।

—কি করিছ ঠাকুর ? আঃ--কি করিছ তুমি ? সীতালীর নাগিনী কন্তে বলিল—তুমার পথ চাহি থাকিবে আর তুমি তারে সেখা ফেল্যা রেখ্যা আসিলে ? আঃ—হায় অভাগিনী কন্তে—

—কেন ? কি বলছ তুমি ?

—তার পরানটা তারা রাখিবে না।

—না—না। তুমি জান না ! আর সেদিন নাই। পিঙলাকে তারা দেবতার মত দেখে।

—মুই জানি না, তুমি জান ঠাকুর ? মুই কে জান, মুই শবলা—পাপিনী নাগিনী কন্যা ;—শবলা ছুটে গিয়ে বিষহরির স্থানে উপুড় হয়ে পড়ল। তুমি আদেশ কর ঠাকুরকে। কন্তেকে তুমি রক্ষে কর ! রক্ষে কর পিঙলাকে !

কি জানে নাশু ঠাকুর ? শবলা যে জানে। দেবতার আদেশ হলেও কি সীতালীর বেদেরা মুক্তি দিতে চাইবে কন্যাকে ? তাদের জীবনের সকল অনাচারের পাপের উচ্ছৃঙ্খলতার মধ্যে ওই তপস্বিনী কন্যার পুণ্য তাদের সম্বল ; অনায়াস নির্ভাবনায় তারা মিথ্যাচারণ করে চলে, ওই অক্ষয় সত্যের ভরসায়। তারা কি পারে তাকে মুক্তি দিতে। দেবতার মত ভক্তি করে ? হাঁ, করে হয়তো। পিঙলা হয়তো সে ভক্তি পেয়েছে। কিন্তু যে দেবতা পরিত্যাগ করে যাবে, কি, যেতে চায়—তাকে তারা যে

বাঁধবে, মন্দিরের দুয়ার গেঁথে দিয়ে চলে যাবার পথ বন্ধ করবে। কি জানে নাগু ঠাকুর !

মা বিষহরি ! আদেশ দাও !

দীর্ঘকাল পর শবলার মনে হ'ল সে যেন সেই নাগিনী কঙ্কা—সম্মুখে বিষহরি, পৃথিবী ছলছে—বিষহরির বারিতে সাপের ফণাগুলি মিলিয়ে গিয়ে ভেগে উঠছে মায়ের মুখ ; বাতাস ভারী হয়ে আসছে, চারিদিক ঝাপসা হচ্ছে, সে নিজেকে হারিয়ে ফেলছে—তার ভর আসছে। সে চীৎকার করতে লাগল—বাঁচা হামরার কণ্ঠেরে বাঁচা, মুক্তি দে—খালাস কর। থর থর করে কাঁপতে লাগল শবলা। অজ্ঞান হয়ে পড়ে গেল।

সমারোহ করে এবার নাগু ঠাকুর এল সাঁতালী।

সঙ্গে তার বিশজন জোয়ান, হাতে লাঠি শড়কী। নিজে চেপেছিল একটা ঘোড়ায়। সঙ্গে একটা বলদের গাড়ী। জন চারেক বায়েন—তাদের কাঁধে নাকাড়া শিঙা। নাগু ঠাকুরের মাথায় লাল রেশমী চাদরের পাগড়ী। গলায় ফুলের মালা। সঙ্গে সাকরেরদরা পথের ধারের গাছ থেকে ফুল তুলে নিত্য নূতন মালা গেঁথে পরায়। শবলাও সঙ্গে চলেছে। সে তাকে রহস্য করে। সে যে পিঙলার বোন, শালিকা।

এবার নাগু বিয়ে করতে চলেছে। সমারোহ হবে না ?

সম্মুখে নাগপঞ্চমী।

নাগপঞ্চমীর পূজা শেষ করেই সাঁতালীর বেদেরা নৌকা সাজিয়ে বেরিয়ে পড়বে। দেশ দেশান্তরে নৌকায় নৌকায় ফিরবে। নাগের বিষ, শুণ্ডকের তেল, বাঘের চর্বি শজারুর কাঁটা—তাদের পণ্য।

তার আগে—তার আগে যেতে হবে।

অন্নাষ্টমী চলে গিয়েছে কবে, অমাবস্তা গিয়েছে, আকাশে সন্ধ্যায়

দ্বিতীয়ার চাঁদ উঠেছে। চারিপাশে ধান থৈ-থৈ মাঠ। আকাশে মেঘের ঘোরা ফেরা চলছে। থামে বরষাত্রী! নাগু ঠাকুর হাঁক দেয়। থামে বরষাত্রীর দল। ভাজ্র মাসে বিয়ে, নাগু ঠাকুরের বিয়ে, ভৈরব চলেছে—বন্দিনী নাগকন্তাকে উদ্ধার করে আনতে। এ কি সাধারণ বিয়ে রে! আয় সব।

গাড়ী থেকে নামে চাল ডাল—শুকনো কাঠ। নামে বোতল-বোতল মদ। খা সব ভৈরবের সঙ্গীরা দত্তি-দানার দল। বাজা নাকড়া শিঙে। নাচ, সব, নাচ!

কাল নাগপঞ্চমী!

চতুর্থীর সকালে—ধানভরা মাঠের বাঁকে—তালাঙ্গাছের সারির ফাঁক দিয়ে দেখা গেল সঁতালীর গ্রাম—। ওই আকাশে উড়ছে হাজারে হাজারে সরালির দল! গগনভেরীরা বড় বড় হাঁসেরা আজও আসে নাই। ওই দেখা যাচ্ছে ঝাউ বন। তার কোলে বাতাসে ছলছে সঁতালীর ঘাস-বন। সবুজ সমুদ্রে ঢেউ খেলছে। মাঠের বুকে আঁকাবাঁকা বাবলা গাছে হলুদ-রঙের ফুল ফুটেছে। মধ্যে মধ্যে শনের চাষ করেছে চাবীরা। হলুদ ফুলে আলো করে তুলেছে সবুজ মাঠ। সবুজ আকাশে—হলুদ তারা ফুল ফুটেছে।

—বাজাও নাকড়া শিঙা।

কড় কড় শব্দে বেজে উঠল নাকড়া! বিচিত্র উচ্চ স্বরে শিঙা।

—দে রে বেটারা, হাঁক দে।

বিশ চব্বিশ জন জোয়ান—হেঁকে উঠল—আ—বা—বা—বা—বা!

—জয়—বাবাঠাকুরের জয়!

ঢুকল—বরষাত্রীর দল—সঁতালীর মুখে। পথ এখানে সংকীর্ণ!

শব্দার বিন্ময়ের গীমা ছিল না!

আজ চতুর্থী, কাল পঞ্চমী, বিষহরির পূজা! কই বিষম ঢাকি বাজে! কই! চিমটা কড়া বাজে কই! তুমড়ী বাঁশী বাজে কই!

নাকাড়ার শব্দ শুনে বেদেরা বিস্মিত হয়ে বেরিয়ে এল! কিন্তু—
উল্লাস কই—?

নাগু ঠাকুর হাঁকলে—পিঙ্গলা! কন্তে, আমি এসেছি। এনেছি হুকুম। এনেছি প্রমাণ। দে রে, বেটারা, প্রমাণ দে!

বিশ জোয়ান কুক দিয়ে পড়ল! —আ—বা—বা—বা—বা! আ—! হুকুর ছড়িয়ে গেল দিকে দিগন্তরে গঙ্গার কূল পর্যন্ত দিগন্ত বিস্তৃত মাঠ জুড়ে; হিজল বিলে ঢেউ উঠল—পাখীর ঝাঁক কলরব করে হাজার হাজার পাখায় ঝর-ঝর শব্দ তুলে আকাশে উড়ল।

বেদের দল সামনে এসে দাঁড়াল। সর্বাগ্রে ভাছু। হাতে তাদের চিমটে।

নাগু লাফিয়ে ঘোড়া থেকে নেমে বললে—প্রমাণ এনেছি। কই পিঙলা কই?

ভাছুর ঠোট দুটো কাঁপতে লাগল—নাই। পিঙলা নাই!

পিঙলা নাই?

—না। চলে গেল। তুমি এনেছিলে কাল নাগ, তারই বিষে—

নাগ পক্ষের প্রথম দিন। প্রতিপদের প্রভাতে কত্তা এসে দাঁড়াল বিশীর্ণ তপস্বিনীর মত। বললে—ডাক সব বেদেরের।

বেদেরা এল। কি আদেশ করবে কত্তা কে জানে? তপস্বিনীর মত কত্তাটির মধ্যে তারা সাক্ষাৎ নাগিনী কত্তাকে প্রত্যক্ষ করে।

কত্তা বললে—শিরবেদে কই?

গঙ্গারাম তখনও রাত্রির নেশার ঘোরে ঢুলছে। —সে বললে, বাব নাই যা!

কত্তা বললে—বেশ চল, মুই যাই তার হোথাকে!

গঙ্গারাম জনতা দেখে টলতে টলতে উঠে দাঁড়াল। পিকলা কিছু বলবার আগেই সে বললে—ভাল হইছে তুমরা আসিছ। মুই ডাকতম তুমাদিগে। এই কত্তোটর সঙ্গে চাঁপা ফুলের গন্ধ উঠে গভীর রাতে। মুই অ্যানেক দিন থেক্যাই গন্ধ পাই। কাল রাতে মুই গন্ধ কুখা উঠে দেখতে গিয়া দেখেছি—কত্তোর ঘর থেকে উঠে গন্ধ! শুধাও কত্তোরে! কি রে কত্তো—বল!

স্তব্ধ হয়ে রইল বেদেরা। তারা তাকালে পিঙলার দিকে। প্রবাদ, সবাই শুনে এসেছে—যে সর্বনাশিনী নাগিনী কত্তা চম্পক গন্ধা হয়ে ওঠে। কিন্তু তারা এমন ঘটনার কথা জানে না। তারা প্রতীক্ষা ক’রে রইল পিঙলার মুখ থেকে প্রতিবাদ শুনবার জন্ত।

পিঙলা বললে—হাঁ, উঠে। দুপহর রাতে বাস উঠে হামরার অঙ্ক থেক্যা।

চোখ থেকে তার গড়িয়ে এল দুটি জলের ধারা!

—মুই বুঝতে পারি! মুই জানি না। ক্যানে এমন হয়! তবে হয়! সিবারে যখন বলেছিল শিরবেদে—তখন উঠত না! এখন উঠে। মুই আর পারছি না। ঠাকুর বলেছিল—সে মুক্তির আদেশ আনিবে। আসিল না আদেশ। কাল রাতে হামরার ঘরের পাশে—কে পা পিছলে পড়্যা গেল। মুই তখন কাঁদছি। মায়েরে বলেছি—হামবার ই লাজ তুমি ঢাক জহুনী! শব্দ শুন্না দুয়ার খুল্যা দেখলম শিরবেদে। হামরার লাজের কথা আর গোপন নাই। তুমরা বিহিত কর! মুই চল্যা বাব।

নীরবে সে এল নিজের ঘরে। দরজা দুটি বন্ধ করে দিলে।

গঙ্গারাম এতক্ষণে এল ছুটে। তার যেন চেতনা হল—কদে
পিঙলা! কত্রে!

ভাঙ্ক এল ছুটে, সেও বুঝেছে।

ঘরের মধ্যে তখন নাগের গর্জনে যেন ঝড় উঠেছে।

পিঙলা বেদনা কাতর স্বরে প্রার্থনা করছে—খালাস দে জহ্নুনী,
—খালাস! মা গ!

ভাঙ্ক লাথি মেরে ভেঙে ফেলে দিলে দরজা!

ঘরের মেঝের উপর পড়ে আছে পিঙলা। আর তার বুকের উপর
পড়ে ছোবলের পর ছোবল মারছে ওই শঙ্খচূড়। পিঙলা বললে—হঁস
করে ভাঙ্ক মামা। উরে আমি কামাই নাই ইবার।

পিছিয়ে এল গঙ্গারাম।

ভাঙ্ক তুলে নিলে চিমটে। দুর্ধর্ষ ভাঙ্ক—চিমটের আঘাতে তাকে
শেষ করেছে!

নতুন নাগিনী কন্যার আবির্ভাব হয় নাই। সাক্ষাৎ দেবতার মত
পিঙলা কন্যা নাই। তাই চিমটে বাজছে না, বিষম ঢাকি বাজছে না,
তুমড়ি বাঁশী বাজছে না।

দানবের মত চীৎকার করে উঠল নাগু ঠাকুর।—আ—!

দু হাতে বুক চাপড়াতে লাগল!

ছোট একটা ছেলে ছুটে এল—উ গ, শিরবেদে ছুটিছে গ!
পালাইছে—হুই খালের পানে!

—জ্ঞা! পালাল! আমার কিল!

ছুটল নাগু ঠাকুর। সঙ্গে সঙ্গে কজন সাগবেদ।

উন্নতের মত ছুটিছে গঙ্গারাম।

পিছনে নাগু ঠাকুর।

হাঙ্গরমুখী খালের ধারে ছ'জনে দুজনকে জড়িয়ে পড়ল নরম মাটির উপর।

গঙ্গারাম ধূর্ত চতুর—কিন্তু নাগু ঠাকুর উন্নত ভীম।

বুকের উপর চড়ে বসে—মারলে কিল। গঙ্গারাম একটা শব্দ করলে। বাক রোধ হয়ে গেল।

কিন্তু তাতেও নিষ্ফল দিলে না নাগু ঠাকুর—বুকে আর এক কিল। তারপর তাকে টেনে নিয়ে এল—সাঁতালীর বিষহরির আটনের সামনে। রক্ত উঠছিল গঙ্গারামের মুখে।

সমস্ত দিন কাঁদলে নাগু ঠাকুর।

সন্ধ্যার পর মদ খেয়ে চীৎকার করতে লাগল। ঘুরে বেড়াতে লাগল গঙ্গার ধারে ধারে।

শবলা এতক্ষণে কাঁদলে। বললে—সন্ধ্যার খানিক আগে—গঙ্গারাম মরিল। কি কিল মারিছিল ঠাকুর—উয়ার কলিজাটা বুঝি কেঁট্যা গেলছিল। যেমুন পাপ—তেমুনি সাজা! ভ্রূহুরে শ্রাঘকালে বলেছিল—হ্যাঁ, হামরার সাজাটা উচিত সাজাই হলে ভাহু! কণ্ঠেটার মরণের পর থেক্যা—এই ভয়ই হামরার ছিল। মরণ কালে হামরাক পাপের কথাটা তুরে বলে যাই।

চতুর গঙ্গারাম ভোমন করত। যাহুবিজ্ঞা ডাকিনী সিদ্ধ গঙ্গারামের কল্পনাভীত কুটিল বুদ্ধি। শিবরাম বলেন—গুনে আমি স্তম্ভিত হয়ে গিয়েছিলাম। আমি কবিরাজ—আমি পিণ্ডলার ওই চম্পকগন্ধের কথা গুনে ভেবেছিলাম—ওটা তার বায়ু কুপিত মস্তিস্কের ভ্রান্তি মানসিক বিশ্বাসের বিকার। কিন্তু তা নয়। যাহুবিজ্ঞা শিখেছিল গঙ্গারাম। আর অতি কুটিল ছিল তার বুদ্ধি। ওই ধনীর বাড়ীতে বেদেবুলের মর্দাদা

বিপন্ন দেখে পিঙলা তার নারীত্বের লজ্জা বিসর্জন দিয়ে যে দিন নগ্ন হইয়া^{১৩৮} ঝাড়িয়ে দেখিয়েছিল—তার কাছে সাপ নাই—সেদিন তখন সকল লোকে^{১৩৯} হয়েছিল স্তম্ভিত, বিস্মিত; কিন্তু গঙ্গারামের পাপ দৃষ্টি পড়েছিল—পিঙলার উপর। লালসা তার লোলুপ হয়ে উঠেছিল। কোন ক্রমে^{১৪০} তাকে আয়ত্ত করতে না পেরে সে এই জটিল পন্থার আবিষ্কার করেছিল। কন্যাটির মনে সে বিশ্বাস জন্মাতে চেয়েছিল তার অঙ্গে^{১৪১} চাঁপার গন্ধ ওঠে। শেষ পর্যন্ত উদ্ভ্রান্ত হয়ে পিঙলা রাত্রে বের হবে, নয় তো পালাতে চাইবে। পালালে সে তাকে নিয়ে পালাত। মুরশিদাবাদে সে যেত গুপ্তের উপকরণ আনতে। সেখান থেকে সে এনেছিল আতর। নিত্য মধ্যরাত্রে সে এসে পিঙলার ঘরের পাশে—^{১৪২} ঝাড়িয়ে ওই আতরের গন্ধ মাখানো তুলো গুঁজে দিয়ে আসত।

পিঙলার মন বুঝবার শক্তি গঙ্গারামের ছিল না।

দৈত্যকন্যা জলন্ধর পত্নীকে ছলনা করবার সময় দেবতারও ভ্রম হয়েছিল। গঙ্গারামের কি দোষ?

গঙ্গারাম সব দলে শেষ বলেছিল—ঠাকুর ঠিক সংবাদ আনিছিল, কন্তে ঠিক করেছিল। হামরাদের পাপে—রোষ কর্যা বিষহরি কন্যারে মুক্তি দিচ্ছেন। পিঙলা যেমুন ক'রে চলে গেল—তারপরে আর কি কন্তে আসে? কন্তে আর আসবেন নাই। কন্তে আর আসবেন নাই।

শবলা বললে—সব চেয়ে দুখ ভাই—।

সবচেয়ে দুঃখ—মধ্যরাত্রে নাগ ঠাকুরের শিগুরা মদ খেয়ে উন্মত্ত হয়ে সাঁতালীতে আগুন জালিয়ে চরম অত্যাচার করে এসেছে। মনসার বারি কেড়ে নিয়ে এসেছে।

ভাহু নোটনেরা সাঁতালী ছেড়ে চলে গিয়েছে। মনসার বারি নাই

কি ক'রে সঁাতালীতে থাকবে? গভীর অরণ্যে গিয়ে তাঁরা বাস
১।

এদের নিয়ে শবলা বেরিয়েছে রাড়ের পথে।

আর সঁাতালী নয়,—অন্যত্র এদের নিয়ে বসতি স্থাপন করবে।
ঘষের বসতির কাছে—গ্রামে তারা স্থান খুঁজছে।

নাগিনী কন্ঠা আর আসবে না, মুক্তি পেয়েছে, আর তো সঁাতালীতে
কবার অধিকার নেই!

শেষ

